

KOSTITUSIONI MAPU ONÁ UCHÚWI  
OSIRUA SÉBALI NULALÍWAMI MAPU NIRÚ  
JEMI KAWÍ MÉSIKO

CONSTITUCIÓN POLÍTICA  
DE LOS  
ESTADOS UNIDOS MEXICANOS

EN TARAHUMARA DEL NORTE

DATOS GENERALES SOBRE LA TRADUCCIÓN DE  
LA CONSTITUCIÓN POLÍTICA DE LOS ESTADOS UNIDOS MEXICANOS  
EN TARAHUMARA DEL NORTE

KOSTITUSIONI MAPU ONÁ UCHÚWI OSIRUA SÉBALI NULALÍWAMI  
MAPU NIRÚ JEMI KAWÍ MÉSIKO

Traducción realizada con la colaboración de la Coordinación Estatal de la Tarahumara (C.E.T.) -Instituto Nacional de Lenguas Indígenas, el documento cuenta con las reformas a la CPEUM realizadas hasta el 14 de julio de 2011. El equipo de traductores está conformado por colaboradores de la C.E.T.

***Coordinadores:***

*Ing. Jesús Velázquez Rodríguez*  
Vocal Ejecutivo de la Coordinación Estatal  
de la Tarahumara

*Ing. José Luis García Naranjo*  
Jefe de la Oficina de Capacitación

*Lic. Enrique Servín Herrera*  
Asesor Académico y Jurídico

*Lic. Rosa Candelaria Moreno González*  
Asesor Jurídico

*Lic. Liliana Elizabeth Herrera Medina*  
Apoyo Logístico

***Equipo de traducción:***

*Tirza González Castillo*  
*María Irene Corpus Ortega Espino*  
*María Refugio Abigail Pérez Holguín*  
*Rosa Elva Palma Chaparro*  
*Genaro César Gardea Espino*  
*Guadalupe Pérez Holguín*

KOSTITUSIONI MAPU ONÁ UCHÚWI  
OSIRUA SÉBALI NULALÍWAMI MAPU NIRÚ  
JEMI KAWÍ MÉSIKO

CONSTITUCIÓN POLÍTICA  
DE LOS  
ESTADOS UNIDOS MEXICANOS

EN TARAHUMARA DEL NORTE



342.Y08

M611c México. Constitución

2012

Constitución Política de los Estados Unidos Mexicanos : En lengua tarahumara del norte = Kostitusioni Mapu Oná Uchúwi Osirua Sébali Nulalíwami Mapu Nirú Jemi Kawí Mésiko / coordinadores Jesús Velázquez Rodríguez... [et. al] ; traductores Tirza González Castillo... [et. al]. -- México : Coordinación Estatal de la Tarahumara : INALI, 2012.

194 p.: tablas

ISBN 978-607-7538-71-4

Incluye glosario de términos jurídicos

1. Familia Yuto-nahua –México – Leyes y legislación

2. Tarahumara (Agrupación lingüística) –México – Leyes

y legislación 3. México. Constitución – Traducciones al tarahumara

del norte (Idioma) 4. México – Derecho constitucional

De acuerdo con el *Catálogo de las lenguas indígenas nacionales: variantes lingüísticas de México con sus autodenominaciones y referencias geoestadísticas*, publicado en el *Diario Oficial de la Federación* el 14 de enero de 2008, los textos incluidos en la presente publicación corresponden a la variante tarahumara del norte.

Esta edición y sus características son propiedad del

D.R. © 2012 Instituto Nacional de Lenguas Indígenas

Privada de Relox 16-A, 5º Piso, Col. Chimalistac,

Del. Álvaro Obregón, México, D.F., C.P. 01070

Tel. (55) 5004 2100

[www.inali.gob.mx](http://www.inali.gob.mx)

Diseño editorial, formación y diagramación:

Comercializadora NUPS S.A. de C.V.

Río Tíber núm. 100, Colonia Cuauhtémoc, Delegación Cuauhtémoc,

C.P. 06500, México, D.F.

e-mail: [contacto@nups.com.mx](mailto:contacto@nups.com.mx)

ISBN 978-607-7538-71-4

Todos los derechos reservados. Queda prohibida la reproducción total o parcial de esta obra por cualquier medio o procedimiento, comprendidos la reprografía y el tratamiento informático, la fotocopia o la grabación, sin la autorización por escrito de los titulares de los derechos de esta edición.

Ejemplar de cortesía, prohibida su venta

Impreso en México

## Presentación

La Constitución Política de los Estados Unidos Mexicanos es uno de nuestros máximos símbolos de unidad nacional, es la ley fundamental que en esencia recoge los principios y mecanismos de organización del Estado mexicano, así como los derechos y deberes de los ciudadanos mexicanos. Como ley suprema de la nación, y fundamento del resto de la legislación, es una declaración de principios que recoge los ideales y las aspiraciones de la sociedad nacional.

El 11 de junio de 2011, entró en vigor la reforma constitucional en materia de derechos humanos, que eleva los derechos humanos a rango constitucional, misma que modifica los artículos 1, 3, 11, 15, 18, 29, 33, 89, 97, 102 y 105. Esta reforma reconoce la progresividad de los derechos humanos, mediante la expresión clara del principio pro persona como rector de la interpretación y aplicación de las normas jurídicas, así como la obligatoriedad de vincular los tratados internacionales firmados por el Estado mexicano.

En virtud de dicha reforma, la Constitución incide de manera sustantiva en las instituciones del Estado, para quienes estipula de manera clara la obligación de reconocer, proteger, respetar y garantizar los derechos fundamentales de la ciudadanía a favor de la justicia y el mejoramiento de las condiciones de vida de la sociedad mexicana.

En este sentido, el Capítulo Primero de la Constitución —que incluye los artículos 1º al 30—, contiene los derechos humanos que protegen a todos los mexicanos, los cuales no pueden ser restringidos ni suspendidos, sino en los casos y condiciones especiales dispuestos también en la Carta Magna. De tal manera que , el artículo 1º establece que están prohibidas la esclavitud y la discriminación por motivos étnicos, de género, de edad, por capacidades diferentes o por condición social, entre otros y el artículo 2º señala los derechos reconocidos a los pueblos indígenas en dos apartados: en el apartado “A” que reconocen los derechos colectivos de los pueblos y comunidades indígenas a la libre determinación y autonomía, y el apartado “B” que contiene las obligaciones de la Federación, los estados y los municipios para garantizar la vigencia de derechos de las personas indígenas y el desarrollo integral de sus pueblos y comunidades con su participación.

El reconocimiento de los derechos lingüísticos plasmados en la Constitución y en la Ley General de Derechos Lingüísticos de los Pueblos Indígenas, hace necesario difundir entre la población hablante de idiomas nacionales el documento más importante de legislación nacional en su lengua materna para impulsar el conocimiento y la valoración de las lenguas indígenas nacionales, fomentando la lectura y escritura de las mismas.

Por tal motivo, el Instituto Nacional de Lenguas Indígenas, como institución del gobierno federal y rectora de las políticas lingüísticas, pone a su

disposición la segunda edición de la Constitución Política de los Estados Unidos Mexicanos en lenguas indígenas, proyecto que se logró gracias al apoyo invaluable de la Universidad de Sonora, la Universidad Intercultural de Tabasco, la Unión Nacional de Traductores Indígenas y la Coordinadora Estatal de la Tarahumara, las cuales cuentan con especialistas en el campo de la traducción, lo que permite obtener un documento apegado a las características gramaticales, semánticas y culturales propias de cada una de las lenguas indígenas.

Este proyecto intenta ser una muestra representativa de las lenguas indígenas habladas en nuestro país y un parámetro general sobre la diversidad lingüística y cultural de México. El fruto de este arduo trabajo de planeación, análisis y consenso con los hablantes de idiomas nacionales son las once traducciones de la Carta Magna —así como los respectivos glosarios jurídicos realizados para el mejor término de los trabajos—, en las variantes lingüísticas ch'ol de Tabasco, chontal de Tabasco, mayo, mixteco del oeste de la costa, pima del norte, seri, tarahumara del norte, tepehuano del norte, yaqui, zapoteco de la planicie costera y zoque del centro, las cuales representan cinco de las once familias lingüísticas que se hablan en nuestro país.

*Mtro. Javier López Sánchez*  
Director General  
Instituto Nacional de Lenguas Indígenas

# Traducción de la Constitución Política de los Estados Unidos Mexicanos (CPEUM) a lenguas indígenas

## Objetivos

El Instituto Nacional de Lenguas Indígenas, en su facultad de articular políticas lingüísticas en materia de lenguas indígenas, ha implementado estrategias que tienen como objetivo difundir entre la población hablante de idiomas nacionales, los derechos y obligaciones que confiere la Constitución Política de los Estados Unidos Mexicanos (CPEUM), la Ley General de Derechos Lingüísticos de los Pueblos Indígenas (LGDLPI) y los tratados internacionales en la materia, con la finalidad de impulsar el ejercicio de los derechos lingüísticos, estimulando a la población indígena a utilizar su lengua materna en los espacios institucionales, socioculturales y en los medios de comunicación masivos. Todo ello dentro de un marco donde se valora el multilingüismo de México como patrimonio cultural de la humanidad.

Este proyecto responde a diversos objetivos planteados en el Programa de Revitalización, Fortalecimiento y Desarrollo de las Lenguas Indígenas Nacionales 2008-2012 (PINALI), un ejemplo de ello es el eje rector III *La igualdad de oportunidades en un marco multicultural y multilingüe*, el cual incide en la atención gubernamental con pertinencia lingüística y cultural que se inserta en el reconocimiento del Estado de los idiomas indígenas y de la Lengua de Señas Mexicana con la misma validez que el español.

Por lo tanto, la traducción de nuestra Carta Magna a lenguas nacionales es un reflejo inicial de la obligatoriedad de difundir los ordenamientos jurídicos a las comunidades indígenas en sus lenguas maternas.

El eje rector II *El enfoque del multilingüismo, complementado con el enfoque intercultural*, está orientado a incentivar el uso de las lenguas nacionales en todas sus formas y ámbitos, con el propósito de reconocer, valorar y fortalecer la realidad multicultural y multilingüe del país.

El uso de las lenguas indígenas en contextos que van más allá del ámbito cotidiano y/o de su cultura tradicional, como las traducciones que ahora se presentan, les otorga un reconocimiento y un valor equivalente al del español, lo que abre la posibilidad de aumentar su funcionalidad.

La utilización de las lenguas nacionales como instrumento de expresión, en este caso legal o judicial, permite, por un lado, su desarrollo y ampliación de su repertorio de términos especializados; y por otro, actualizar y equilibrar las lenguas indígenas frente al español, orientándolas a recuperar su funcionalidad en contextos públicos.

## El proyecto

Para la materialización de la traducción de la Constitución Política de los Estados Unidos Mexicanos (CPEUM), el Instituto Nacional de Lenguas (INALI) convocó a instituciones que cuentan con estudiantes y trabajadores bilingües calificados. La participación activa de la Universidad de Sonora (UNISON), Universidad Intercultural del Estado de Tabasco (UIET), Unión Nacional de Traductores Indígenas, A.C. (UNTI) y la Coordinación Estatal de la Tarahumara (C.E.T.), que cuentan con una amplia experiencia en el campo de la traducción, permitió obtener 11 traducciones en diferentes variantes lingüísticas, las cuales representan a cinco de las once familias lingüísticas que se hablan en nuestro país.

En el caso de la universidad intercultural se formaron grupos de estudiantes bilingües que, dirigidos por sus maestros, iniciaron un proceso que permitió, por un lado, la obtención de la experiencia en el campo de la traducción y, por otro, el incentivo para realizar trabajos en su lengua materna.

Aunque la metodología de trabajo fue diversa, siempre se procuró la reflexión colectiva de los traductores y la participación activa de los mismos, lo cual fue fundamental para el trabajo de producción de glosarios jurídicos que facilitan la interpretación del texto en español.

Debido a que la traducción de textos jurídicos en idiomas indígenas es relativamente reciente, y muchas lenguas no cuentan todavía con diccionarios, vocabularios y glosarios especializados, fue necesario generar un espacio de construcción colectiva de instrumentos que facilitaran la labor de la traducción, así como las herramientas teórico-metodológicas pertinentes para la comprensión de estos textos por parte de los connacionales hablantes de alguna lengua indígena.

Tomando en cuenta que toda traducción debe contar con el consenso de los hablantes de la lengua objetivo, especialmente por la gran cantidad de conceptos que requieren de un proceso de apropiación, la traducción todavía no ha finalizado. Como último escalón sometemos los textos estimados perfectibles a la consideración de los hablantes de idiomas indígenas nacionales para que en pleno ejercicio de sus derechos lingüísticos, participen en la mejora, perfección y enriquecimiento de la versión de la Carta Magna que hoy se publica.

Es preciso señalar que algunas variantes lingüísticas que aquí se presentan pueden mostrar diferencias en sus grafías al comparar estas traducciones con otros escritos. Lo anterior se debe a que las lenguas indígenas nacionales se encuentran en proceso de normalización y será en un futuro no muy lejano que las comunidades cuenten con un sistema de escritura consensuado.

El siguiente cuadro presenta las diversas traducciones de la CPEUM en las variantes lingüísticas disponibles así como las instituciones que realizaron el trabajo de traducción.

<b>Cuadro de variantes</b>		
<i>Familia lingüística</i>	<i>Variante lingüística</i>	<i>Institución</i>
maya	ch'ol de Tabasco	Universidad Intercultural del Estado de Tabasco (UIET)
	chontal de Tabasco	
oto-mangue	mixteco del oeste de la costa	Unión Nacional de Traductores Indígenas, A.C. (UNTI)
	zapoteco de la planicie costera	
yuto-nahua	pima del norte	Coordinación Estatal de la Tarahumara (C.E.T.)
	tarahumara del norte	
	tepehuano del norte	
	yaqui	Universidad de Sonora (UNISON)
	mayo	
seri	seri	
mixe-zoque	zoque del norte alto	Universidad Intercultural del Estado de Tabasco (UIET)



**KOSTITUSIONI MAPU ONÁ UCHÚWI OSIRUA SÉBALI  
NULALÍWAMI MAPU NIRÚ JEMI KAWÍ MÉSIKO.**

A buyanáaro kíti suwába ikíwima; malí rawé sébachi mechá febrero bilé míli kimakói siento makói kicháwi.

**Kú alá wachinárami jú; usáni rawé inárachi mechá febrero  
bamíali bilé míli kimakói siento makói kicháwi.**

Nakulíwika alá kú osíiro osirúami; makói kimakói,osá makói alí kicháwisa makoi bikía,alí buyanáaro kiti sinéami ikíwima, makói nayó rawé inárachi julio mechá bamíali okuá míli makói bilé.

Walúala nuléami sontárosi VENUSTIANO CARRANZA bisirente ká wilíami jemi kawí mésiko a nawési:

Napawíli sinéami jáwami konkreso muchúwami napawíka ra'íchali alá natuwili bilé rawé sébachi mechá risiembre bamíali bilé mili kimakói siento makói usáni,bachá alá owísá sinéami alá osaká bajurékisa makói ikimakói rawé mechá setiembre echiyéna á bamíbali,osaká nijáli jáwami bilé jefatura,ne mapu riká aní nulalíwami osirúami nayóana chureká nakulíwali makói nayó rawé a nokáli alá ku osayá,alí makói okuá rawé cho sébachi mechá risiembre bamíali bilé míli kimakói siento makói bikía inárachi mapu alí ne alá kú newáli,ra'íchali mapu buyánali konkreso mi Veracruz ayénacho jena osíiro oselíchi plan de Guadalupe makói usáni rawé sébachi marzo mechá bamíali bilé míli kimakói siento makói bikía,alá newalaká buyánali:

**KOSTITUSION POLITICA NULAAMI JEMI OMAANA KAWÍ MÉSIKO  
ESTADOS UNIDOS MEXICANOS, ALÁ KU OSIIRO MALÍ RAWÉ SEBACHI  
MECHA FEBRERO, BILE MILI OSÁ NAYÓ SIENTO MALISA MAKÓI  
KICHÁWI INÁRACHI BAMÍBALI KO.**



BACHÁ ANIRÚAMI



## Kapitulo bilé

Rerécho suwába pakótami níala alí abóni ‘nimíala

**OSIRÚA’MI 1.** Jémi kawí Mésiko si’néa’mi pakóta’mi ‘níwi rerécho machirúa’mi kostitucióni mapu bachá rikó ra’ichára’mi jú mapú Mésiko sí nikúroli, ayéna chó nikúro tibúa, ké wési oméro mí ké nakiwía mapú chiriká nokiboa, a’lá neráka kostitucióni.

Nulalíwa’mi mapu ‘níwi rerécho ibílipi pakóta’mi níwala, a’lá riwita’mi níima a’lí kó bachá rikó ra’ichára’mi jú kíti sinibí a’lá ku’íroma si’néa’mi pakóta’mi.

Si’néa’mi wéala jáwa’mi jápu o’ná nulá, ‘á iwérili jú kíti nikúrima tibúa a’lí riwiwía séba’lí rerécho ibili pakóta’mi níwala mapu riká nulá suwimá nirúa’mi. Suwé ikisáa estaro jú mapu nocháma a’lí nikúroma chéwia, aasía, rikiría a’lí kú karéwia, kíti riwita’mi níima suwába pakóta’mi, né mapu riká aní nulalíwa’mi.

Jémi kawí Mésiko ké tasi risénsia jú mapu pakóta’mi simíra’mi nocháripa, a’lí ké natétika chú kó re jareána chó jónsa síka’mi ké.

Ke nirú risénsia maputa risóa olára’mi níima jápi riká kawélia, riwia a’lí chijúnia chú kó ré wikanáta’mi ralámuli ké, piri kó ré mukí ké, rejói má, riskapasira<sup>1</sup> nayúa’mi, chú kó ré ‘wé winomíwa’mi ké a’lí risoati, píri iyéri onorúa’mi bichíwia’mi ké, a’lí mapu riká ‘náta binói, chú kó ré mukí chópi riká napawísa a’lí rejói, pé chuwe’ riká nokisáa ké wési namúa anésaré chijunía séba’lí rerécho a’lí ké belá nikuméwiseré ‘échi pakóta’mi.

**OSIRÚA’MI 2.** ‘Échi kawí Mésiko pé bilépi jú, ké wési oméro rojaná.

Suwimá kawí Mésiko ‘á eperé wikanáta’mi pakóta’mi mapu riká eperéeli anayáwa’lí suwimá póbolochi mapuriká chabéi ki’yá kékho síachi o’lí jena’í tamó kawíwalachi mapu riká abói ‘á natuíka eperéeli chureká nocháma, kípu méma wenomí, mapuriká o’mawámi níili, a’lí churíká natuíka jáwa’lí isélika’mi.

Abói pakóta’mi i’kiíka animéa ácha ralámuli ká kíti ‘á natéa’mi nerára’mi níima.

---

1. Mapu ké ronéame jú, ké sikéame ké le má; mapu ké a’lá machili; mapu ké a’lá námu ké lé má; mapu tamúro jú, a’lí ájaré chó nawilí.

Biléana póbolochi mapu wikáka napawíka e'peré, séba'lí mapu abói 'á nócha, a'lí kó 'á chüreká o'mawá, a'lí mapu o'ná e'peréa muchúwi pakóta'mi, mapu abói 'á riwiíka nokísimi 'échi jáwa'mi, mapu riká 'á binérili anayáwa'lí.

Séba'lí rerécho pakóta'mi níwala abóni ikiíka nokisáre mapu riká nulá kostitúsióni kiti a'lá napawíka rejólima. Kíti a'lá machirúa'mi níima jápi o'ná e'peré pakóta'mi écho'ná póbolochi mapu a'lí estáro newámaré nulalíwa'mi a'lá inéka oláma kostitúsióni a'lá riwiíka oláma bachá anirúa'mi, mapu wikanáta'mi ra'icháliwa mapu o'ná e'peré pakóta'mi.

A. Ná kostitúsióni kó a'lá machí a'lí ku'iro séba'lí rerécho mapu 'níwi su'wába póbolochi a'lí ralámuli o'máana e'peréame kiti abóni 'nátaka a'lá ikiíka tibúma séba'lí abói níwala:

I. Abóni ikiíka nokiméa a'lí natuwíka nocháma a'lí méma wenomí, abóni chó jawáma jáwa'mi.

II. Abóni a'lá natuwíka katewáma ra'icha'lí isíni karúa nokisáa pakóta'mi, a'lá machiká mapu riká nulá kostitúsióni, a'lá neráka chó séba'lí rerécho mapu niwí ibílipi pakóta'mi a'lá riwiká chó u'mukí. Nulalíwama karíwemá mapu a'lí u'mukí oyéripáre échiriká ilása jáwa'mi oyería'mi.

III. Abóni natuwíka jáwama isélika'mi kíti 'échi níima mapu a'lá tibúma pakóta'mi u'mukí ayéna chó 'wé natiki kíti sí nakúroma karéwa ra'icha'lí karúa'mi, a'lá riwiká nulalíwa'mi mapu nirú o'máana kawíchí a'lí o'máana estárochi.

IV. 'Wé natéa'mi niráka abóni ra'icháala a'lí séba'lí mapu machí a'lí 'níwi abóni pakóta'mi.

V. A'lá tibúka séba'lí mapu ochéro a'lí nirú 'echimí mulípi né mapu regá nulá kostitúsióni.

VI. A'lá riwiká a'lí a'lá e'neká mapu regá nulá kostitúsióni a'lí nulalíwa'mi we'é kítera, neráka séba'lí rerécho mapu i'yára'mi jú mapu i'kiíka tumu e'peréa muchúwi, a'lá tubúka a'lí natemáka nebá namúti mapu ikí nirú mapu o'ná tumu e'peré, a'lí jaré 'wé chá rikáachi perélisa, abóni elásá kó 'á napawíka natuwíka nocháma.

VII. O'máana munisípí mapu o'ná wekanáta'mi ralámuli eperé 'á wilára'mi níima bilé kíti nikúrima ralámuli sebária mapu regá nócha jáwa'mi.

Kostitusíoni a'lí séba'lí nulalíwa'mi mapu nirú o'máana kawichí ayé machirámi níima kíti 'á riwitámi níima séba'lí rerécho o'máana munisípio, kíti pakóta'mi 'á sí nakúrima abóni natuwíka a'lá tibúa séba'lí mapu reká noká abóni.

**VIII.** A'lá riwiita'mi níima mapu o'ná bí jónsa nulásá ré wéala jáwa'mi, kíti a'lá nejéiwita'mi níima rerécho pakóta'mi níwala, o'máana mapu a'lí najóriwa ibíli neráa a'lí wekáka napawíka omá, a'lá riwiika olába abóni pakóta'mi níwala a'lí 'natáala, né mapu regá nulá 'échi kostitusíoni.

Si'néa'mi pagóta'mi ku'írota'mi níima bilé machía'mi ralámuli a'lí o'lí ra'icha a'lí nikúria'mi mapu machí churegá e'peré 'échi pakóta'mi. Kostitusíoni a'lí nulalíwa'mi mapu nirú o'máana kawichí, 'á aní mapu abóni ikiíka animéa pagóta'mi ácha ralámuli ká, abóni ikiíka a'lá rejólíma mapu o'ná e'peré, a'lá machirúa'mi níima su'wába kítera.

**B.** O'mána kawichí ayé, su'wába estárochi a'lí s'inéa'mi munisípio, anári natéa'mi níima pagóta'mi, ké risóa olába mapu regá chijuníá, riwiwíá a'lí kawélia omá, jáwa'mi a'lá animéa chüreká nokísipa kíti a'lá riwiita'mi níima rerécho pakóta'mi níwala, kíti nóochaka kanfíla rejólíma mapu o'ná e'peré, si'néa'mi 'á newáma a'lí nemá échireká nokiwá'a'mi.

Kíti ké risóati kayenáma pakóta'mi o'máana e'peréa'mi, jáwa'mi a'lá iwérili nakúrima:

**I.** 'Á iwérili anemá kíti a'lá perélima ralámuli o'mána, 'á nirúlima mapu o'ná nocháma kíti ké lówa rejólíma sumá póbolochi, a'lá nakúrima wéala jáwa'mi bikianáta'mi kayámi a'lí su'wába pakóta'mi 'yúa.

Jáwa'mi munisípiochi nócha'mi anári neráa sebárima wenomí mapu abóni póbolochi peréa'mi newále.

**II.** A'lá sebáripo mapu o'ná benéma kúuchi, ku'íra benéa ralámuti a'lí o'líti ra'íchaka kíti a'lá mo'áma séba'lí binekí'a'mi, kíti a'lá séba'lí ku'írima benéa, binói ilása ká a'minábi re'pabé sebárima benéa. Su'wába benéa'mi béka<sup>2</sup> iyába ralámuli nísa kó. 'Échi binekí a'lá animéa a'lí benéríma namúti wekanáta'mi kayámi ralámuli níwala, mapuriká aní nulalíwa'mi chüriká náríta'mi jú rarámuli e'perélachi. Iwérili riwiká séba'lí níwala a'lí náta'lí a'lí mapu ríká nokámi jú o'máana kawichí.

---

2. "Béka", kíti 'á ára'mi níima wenomí kíti repabé sebárima benéa.

**III.** A'lá ówita'mi níma su'wába pakóta'mi, óna'mi o'máana mochíma, a'lí a'lá riwiíka séba'lí owámi mapu 'náti 'ówa pagóta'mi, a'lá ku'íripa buyánaka jaré poráma<sup>3</sup> ku'íroli kíti 'á chiliwéba kowá'a'mi, kúuchi nalí 'wé a'lá ku'íripa.

**OSIRÚA'MI.** **3.** Su'wába pakóta'mi 'á 'níwi rerécho kíti 'á binérita'mi níima. O'mána estárochi, a'lí kawichí ayé mapuriká Ristirito<sup>4</sup> Jereráli<sup>5</sup>, ayéna chó su'wába munisípochi né iwérili jú kíti benéma recholí benéa'mi<sup>6</sup>, pirimáriachi a'lí sikuntáriachi benéame.

Benekíwa'mi mapu nijí estarochi a'lá anárika kanílika benérima 'échi pakóta'mi a'lá kaleká busuréka ruyésima, mapuriká ináma a'lí a'lá oyéripa.

**I.** Mapuriká aní osirúa'mi osámakói nayó 'á binói i'kiíka bichíwima, mapu benériwa kó 'á waná jú.

**II.** Mapu ruyésima 'échi benéa'mi ácha a'lá benésia, 'á busurérima ké machí'a'mi, mapu kalírili nócha'mi jú a'lí chíbi i'sía'mi.

### Ayéna chó:

**a)** Su'wába nakúrima jawá wéala jáwa'mi, ké mapu rikábi aní jáwa'mi a'lí ké bilé nulá'a'mi, 'á i'kiíka a'lá rejolísa ré mapuriká ta abóni niráa, ké ne sinibí mapuriká aní nulalíwa'mi;

**b)** O'mána kawichí Mésiko, a'lá akébá ra'icha'lí kíti a'lá karéwipa, a'lá nebá séba'lí kawichí nirúa'mi, a'lá machibóa nimía a'lí méa wenomí minábi ké rewiíka mapuriká ta benérita'mi jú, a'lí

**c)** Nakúrika a'lá perélíma pákota'mi, a'lá niráka kíti iwéríma mapuriká ta binériwa, niráka chó pakóta'mi a'lí binói reteémala, a'lí mapuriká noká jarécho, tibúka mapuriká ilá abóni wénowala kíti chopí riká natéa'mi jú su'wába pakóta'mi, anárika ku'írita'mi níima, chúkoré wikanáta'mi kayámi ké, a'lí si'nú bichíwia'mi ké, wikáka 'éena'mi, chúkoré mukí ké a'lí rejói ké a'lí pé chuwe' ké ré;

---

3. "Poráma", mapu "programa" aniríwa o'lí ra'ichaka neráa.

4. "Ristirito", mapu "Ristrito" aniríwa o'lí ra'ichaka neráa. Pe bilé we'é jú mapu abóni natuwíka 'níwi nulalíwa'mi.

5. "Jereráli", "pereráli", mapu "jerera'li" aniríwa o'lí neráa.

6. "Recholí benéa'mi", mapu "preescolar" aniríwa o'lí neráa.

**III.** Kíti né a'lá séba'lí nokibóa mapu riká nuláiru okaná kayámi kúuchi rojanára'mi<sup>7</sup> a'lí okuaná rojanára'mi, wéala jáwa'mi a'lá animéa chúriká nochába 'echio'ná benelíachi, recholí, pirimaria, sikuntaria a'lí norma'lí suwimá kawichí Mésiko. Wéala jáwa'mi anárika oláma jáwá mapu muchúwi estarochi a'lí 'échi Ristirító Jereráli a'lí 'echiriká chó mapu 'á nócha benería né mapuriká aní nulalíwa'mi.

**IV.** Suwába bineríwa mapu nijíliwa estárochi ke natétika níima;

**V.** Ayéna chó binéria re'cholí, pirimaria a'lí sikuntária anirúa'mi bacháwala kúuchi rojanára'mi, 'échi estaro 'á nikúrima mapuriká a'lí niwíma séba'lí benéripo mapu kulí chotásimi benéa a'lí mapu 'wé re'pabé sebárisi kíti minábi nokísima benéa jémi kawichí, ku'írima aá 'wé machía'mi namúti i'sía, nakúrima chó iwéritia a'lí o'mána chijaná mapuriká ta nokámi jú.

**VI.** Mapu ké kobiérno níwala 'á omérroma bineríwa mapuriká abói binerína'lí. Mapu 'á aní nulalíwa'mi 'échi estáro, 'á nijíma a'lí kú emá chó oselí machiwáa'mi 'échi mapu bineríwa ke kobiérno 'níwalachi sikuélá. Mapu a'lí benériwa re'cholí, pirimaria, sikuntária, a'lí normálí a'lí 'échi ke kobiérno níwala sikuélá 'á nokiméa:

**a)** 'echiriká chó 'á bineríma 'á mapu riká aní okuaná rojanára'mi, a'lí osirúa'mi okuaná, a'lí 'échi riká chó 'á noká mapu riká nulá poráma mapu riká weé nulá rojanára'mi bikíá, a'lí

**b)** Bachá rikó 'níwia, ibíli niráa karéwita'mi ra'íchalí, mapu 'á nakiwíta'mi jú mapu riká wéala jáwa'mi, mapuriká aní nulalíwa'mi;

**VII.** Re'pabé niráa benéala a'lí jaré chó sí benelíwa'mi nulelíwa'mi nakiíma mapu riká abóni ilaká a'lí natuíka bineríma, newáma mapu benéríma, a'lí abóni aaká machiwáa'mi a'lí 'á jaré chó chiriká chó ikiírima mapu riká abóni noká'a'mi jú a'lá nejewíka 'ná osirúa'mi a'lí riwiíka mapu riká nóocha 'échi benería'mi, 'á binói aaká bineerípa a'lí kó a'lá machiká a'lí ra'íchaka mapu riká 'náta; abói animéa chú riká oláma a'lí nocháma; abói animéa chú rikó mo'iméa, abóni 'á ruméa chú riká a'lí kilípi benéma, abói 'á tibúma séba'lí 'echo'ná 'á nirúa'mi. Echo'ná nóocha'mi a'lí suwába bineríma'mi a'lí séba'lí tibúa'mi, i'neeká oláma osirúa'mi bilé siénto osá makói bikiá jéna kostitusíoni, mapu riká ro'ára'mi jú nulalíwa'mi o'mána 'échi nóocha'lí kítera mapu riká abói 'níwala jú nóocha'lí natéa'mi, mapu riká abóni ilá,

7. "kúuchi rojanára'mi" mapu "párrafo" aneríwa o'lí neráa.

‘échi binería’mi a’lí amíwa’mi a’lí mapu riká nokináli nóocha’mi mapu riká rú rojanára’mi; a’lí.

**VIII.** Jáwa’mi konkrésos<sup>8</sup> uniónchi muchúwa’mi, kíti a’lá napabúa a’lí natuíka benéripo o’mána kawichí Mésiko, nijíma nulalíwa’mi mapu némalelíwa, ‘á chijanáma chú riká nochásaré, natuwíka beneriwa’mi wéala jáwa’mi ‘yúa, estárochi, a’lí munisípochi, a’lá nijíma wenomí mapu ikí nijísaré, kíti a’lá si’néa’mi ku’írita’mi níima a’lí ‘á animéa chú riká bujéba ‘échi jáwa’mi ké a’lá noochása a’lí ké a’lá nokisáa ‘échi riká, ayéna chó mapu ‘á sí nikúroli ké a’lá nóocha.

**OSIRÚA’MI 4.** ‘Échi rejói a’lí mukí anári ká natéa’mi jú mapu riká aní nulalíwa’mi. ‘Échi kó ‘á tibúma, natuíka nocháa’mi kiti kó a’lá kánílika retemáka perélíma.

Si’néa’mi pakóta’mi ‘á ‘níwi rerécho kíti a’lá abóni ikiíka, a’lí machiká chú ikiípu kúchuwina’lí.

Si’néame pakóta’mi ‘á ‘níwi rerécho mapu owítá’mi níima jápu a’lí nayúsa. ‘Échi nulalíwame á’la aní chúreká nokisáre kíti a’lá owítá’mi níima, ‘ábelá napawíka natuwíka chúreká a’lá nocháma mapu riká nochásaré é’choná mapu o’ná wilí ónalachi, mapu riká aní ná rojanára’mi makói usáni a’lí kó osirúa’mi kicháosa makói bikiá jéna kostitucióni.

Si’néamí pagóta’mi ‘á ‘níwi ‘échí rerécho kíti a’lá kánílika eperélíma a’lí ochéríma.

S’inéamí retémala ‘á ‘níwi rerécho mapu kánílika eperélíma ka’labé kalírilichi. ‘Échí nulalíwame a’lá animéa chú reká ku’írita’mi níima japo iyérí néwalé. Jápu reká ‘á sebárima jápi reká newána’lí.

Si’néa’mi kúruwi a’lí kúchi ayéna ‘á níwi ‘échí rerécho kíti a’lá kánílika ochéríma ké e’lówa, ké nayúka, kíti a’lá binéma, a’lí kó ‘wé kánílika ochéríma si’néa’mi ká napawíka.

Mapu tibúla ‘a ‘níwi japo reká katewáma jéna rerécho. ‘Échi Estáro ‘á nikúruma mapu a’lá tibúa kíti a’lá riwiita’mi níima ‘échi kuúchi a’lí kó a’lá echiriká nocháma ‘échi rerécho kítera.

---

8. “Konkrésos”, mapu o’ná napawíka nóocha wéala jáwa’mi. “Congreso” aniliwa o’lí neráa.

‘Échí Estáro ‘á nikúroma kíti a’lá riwiítamí níima ‘échí rerécho kuúchi ‘níwala.

Si’néamí pagóta’mi ‘a ‘níwi ‘échí rerécho mapu riká binérita’mi jú a’lí kó ‘échi riká oláma. ‘Échí Estáro kó nikúroma, kíte ‘échiriká ‘á nokibóa mapu riká ta benérita’mi jú. ‘Échí Estáro kó ‘á nikúroma chijána a’lí tibúa mapu riká benérita’mi jú, a’lí mapu riká ta nokáa’mi jú, a’lá riwiíka suwába mapu ta nokáa’mi jú.

**OSIRUA’MI 5.** Bilé pakóta’mi ké bilé wési namúa anéma mapu iyíri machí noochá, komérsio mapu iyíri machí newayá, a’li jarécho noocháli kéremá, mapu riká ra’lí néwa. A’lí mapu riká binói i’kiíka nóocha ka’labé noocháli. ‘Échi riká bí kánilíia inásaka ‘échi jurisiáli<sup>9</sup> bí níima mapu mí ké nakiwíma, mapu a’lí jarécho karúa olása, ‘échi riká nulásá ká jáwa’mi, mapu riká aní ‘échi nulalíwa’mi, mapu riká chuwé pagóta’mi kawilisa.

Ké wési mí nikuméma mujé nocháala, pé ‘échi jurisiáli oyería’mi bí.

‘Échi nulalíwa’mi animéa abóni Estárochi, chú iyíri benelíwa’mi a’lí oselí ‘níwima, mapu riká nocháma, yépi ká níima mapu ‘á naréma ‘échi oselí jáwa’mi nijíala.

Ké wési mí iwérili nochárima ké natétika jápi rémi binói ké ‘échi riká elásá ká, karúa mí isisá a’lí jáwa’mi mí noochárisa kó ka’lá e’neká níima mapu riká aní ‘échi rojanára’mi bilé a’lí okuá, osirúa’mi bilé siénto osá makói bikiá.

Mapu riká si’néa’mi chí riká ‘níwima, séba’lí namúti mapu ‘newané, iwéra’lí anerámi mapu riká ‘échi nulalíwa’mi, mapu tibúla ‘échi ra’néela kítera a’lí jáwa’mi sí, mapu sí nikúri, a’lí mapu riká noochámi nawesía’mi<sup>10</sup>, mapu a’lí nakulíwa jáwa’mi<sup>11</sup>, si’néa’mi ká natuwíka a’lí pé chuwé ké ré. ‘Échi a’lí rawé bí sí nikúrima noochá ‘wé iwérili jú, a’lí ké mí natétira mí níima, nalí bé ‘á ‘newalesúwa wé machía’mi kó, ‘échi kó ‘á natétera mí níima, né mapu riká nulá kostitusióni a’lí nulalíwa’mi. ‘Échi ‘wé machía’mi nikúrala ‘á belá iwéra’lí níima a’lí natétira mí níima mapu riká aní nulalíwa’mi. Ké ‘échi riká níima ké nulásá ká nulalíwa’mi.

‘Échi Estáro kó ké nakiméa mapu kayénima ra’ichaka a’lí osaká, mapu riká wikawára’mi jú ‘échi iwéra’lí olirúa’mi mapu riká kánilíia ináma ‘échi pakóta chuwé namúti kítera.

9. “jurisiáli”, mapu oyería’mi jurásia; oyería’mi jóonsa inárame.

10. “noochámi nawesía’mi”, mapu “cargos concejiles” aniríwa o’lí neráa.

11. “nakulíwa jáwa’mi”, mapu “cargos de elección popular” aniríwa o’lí neráa.

Ké bilé chó kátuwísa ré mapu kú a'miná julába, ké nochána'lí sa chuwé neráa, pé téeli a'lí sinibí má.

Kéchó nakiwá mapu riká ra'íchaka a'lí kécho osaká a'lí kó abóni ilaká kíti kú rewemá binói nocháala mapu o'ná nóocha.

'Échi katuwítame oselí<sup>12</sup> animéa píri noocháli newalíwa a'lí chú kilípi rawé ké nocháma mapu riká nulá nulalíwa'mi, ké bilé bamíba'lí simirísare 'échi nócha'lí, ni bilé wilíminá simisáre 'échi ká nísá kó, 'á riwisáre mujé 'níwala rerécho.

Ké chiriká nokisúwa ká mapu riká aní 'échi katuwítame oselí, kíti riwiítame níima 'échi noochámi, nalí bé 'á iwérili anerámi níima mapu o'ná jú kíti a'lá 'échi riká i'simá 'échi'ná sibílichí noochámi, ké bilé wési suwé riká oláma 'échi pakótame mi:

**OSIRÚA'MI 6.** Mapu riká anibúa séba'lí ké a'lá riwélisa aniwá'a'mi ké bilé wési aamá ni bilé jurisia'lí a'lí kéchó tibúa'mi, ké tási kawélita'mi nísaré mapu riká 'náta, mapu reká karúa i'sisúwa kó, chóta karúa isiá, a'lí ké a'lá iyénisa mapu reká ti nokisáre; 'á bé 'níwi rerécho mapu riká nimíma mapu reká aní nulalíwa'mi. Ayéna 'á ruyerámi níima, a'lí kó mapu riká nokisáre 'échi jáwa'mi na'i suwamá Estárochi, a'lí ristrítio Jereráli, mapu o'na jóonsa oméro nulá, 'á e'neká bachá anirúa'mi:

**I.** Su'wába machisáre a'lí kó katewáma mapu abóni nakí mapu ké wési machiméa, mapu riká nulá 'échi nulalíwa'mi kó jú, 'échi bikianáta'mi jáwa'mi mapu riká estatáli a'lí jereráli ayéna chó munisípochi, si'néa'mi 'á ikiísaré a'lí pé katewára'mi bí níima pé téeli bí, mapu a'lí newalerámi bí jú mapú a'lí jóonsa nulá 'échi oselí nulalíwa'mi. Mapu a'lá rú jéna rerécho 'wé alá machiká níisá ré. Si'néwi kó wikaná chijanásá ré.

**II.** Séba'lí ra'ícha'lí mapu 'níwiaré ibíli niraá ruámi jú mujé kítera 'á belá tibúta'mi níima mapu riká nulá nulalíwa'mi.

**III.** Su'wába pakótamí, ké newaleká nijía oselí, ké natéa'mi neráka siné rikáachi kó, ruká píri kítera neemá 'á 'níwima mapú reká ké natétika ruyéra'mi níima, su'waba binói níwala rewalá a'lí ajaré chó namútí mapú binói bí machiká inásá ré, a'lí mapú kú a'lá newará'mi jú 'échi oselí ké a'lá newará'mi níisa jéná.

---

12. "katuwítame oselí", mapu "contrato" anilíwa o'lí neráa.

**IV.** A'lá belá anéra'mi níima kiti a'lá machibóa ra'icha'lí ácha a'lá ma'chiná neráa. Jéna mapú chú reká olása ré 'á ké'mé wi'llibéminá niráa nísa ré 'échi mapú ikiána mí chéa ré 'échi 'wé machía'mi mapu reká nísa ré, a'lí mapú reká binói eelá.

**V.** 'Échi mapú iwéralí nulerámi jú 'á katewása ré binói oselíwala 'échi o'ná mapú o'ná katewalía mapú reká kú kulíwa'mi niwáramí níima a'lí 'á ruyerámi níima su'wamá oselíchi litróniko<sup>13</sup> séba'lí ra'icha'lí, mapu chú reká suwába'lí jáwa'mi wenomí.

**VI.** 'Échi nulalíwa'mi a'lá animéa mapu iwéra'lí anéra'mi jú mapú su'wába ruméa 'échi néwalelwame su'wába ikiírika. 'Échi nulalíwa'mi animéa chú reká suwáwita'mi jú wenomí mapu i'yára'mi níili.

**VII.** 'Échi ké i'nelíwa'mi mapu reká karéwipa 'échi kítera noocháa'mi mapú reká machibóa si'néa'mi ká 'á bujetámi níima mapu reká aní nulalíwa'mi.

**OSIRÚA'MI 7.** Ké wésí mí namú anemá newáachi oselí a'lí kó si'néa'mi machíriachi 'échi mapu mu osáli chuwé ra'íchalí kítera.

Ké bilé 'échí nulalíwa'mi a'lí ké bilé jáwa'mi, jiyawiti chéwia olásaré ké bilé iwéra'lí tania natétiwa'mi 'échi mapu newáli oselí a'lí mapu si nikúroli bujaná oselí mapu o'ná bujaní oséli osirua'mi, ké bilé simírosa ré mapu ikibí bujanásaré 'échi oselí oserúamí kiti kó, ké 'níwi kúmi jónsa kuwaní ké mapú reká jú tamó e'peré abóni bí i'kiika, mapu reká nísaré a'lí a'lá kilií si'néa'mi ká. Ké sinetií ompába chinásia 'échi oselí bujanáala.<sup>14</sup>

Mapu reká néa 'échí bilé karúa i'simíwa'mi. 'Échi nulalíwa'mi mapu reká nísaré 'á animéa chú kilípi néwalé bá mapu reká ké jé animéa 'échi winijíwa'mi mapu reká ké a'lá bujáli, 'á mo'ára'mi níma mapu nikúroli ra'lí néwa 'échi oselí a'lí 'á jaré chó sí mapú 'écho'ná sí nócha'mi, mapu'ná jóonsá buyáli 'échi oselí osirúa'mi mapu o'ná 'échi winijíwa'mi. Mapu ré machisuwá iyá jiyawiti mapu reká 'échí nokálí.

**OSIRÚA'MI 8.** Wéala jáwa'mi a'lí noochámi si'néa'mi ku'ira'mi 'á riwiita'mi níima abóni 'níwala rerécho mapú reká táma, kiti sinibísi a'lá ruyéra'mi níima osaká, a'lá kilií a'lá riwiika; náli bé 'échi mapu reká ra'ícha jáwamí pe náli bí 'á oméro 'échi riká aniyá mapu na'í bí kawichí e'peréa'mi jú.

13. "litrónico", mapu "electrónico" anilíwa o'lí neráa.

14. "oselí bujaná'a'mi", mapu "impresor" anilíwa o'lí neráa.

Su'wába tára'mi 'á belá osaká karéwima 'échi jáwa'mi mapu 'ára'mi jú 'échí oselí, mapu reká 'á niwí a'lí machiméa 'échí mapú reká tára'mi jú.

**OSIRÚA'MI 9.** Ké wési mí namú anésaré mapuré mí 'échi riká ilása ká, a'lí jaré chó 'yúa napawíka noochánilisa ká 'á risénsia jú mapu 'échi ká bí oláma, jápu jémi 'á kawichí 'á ochérika mi jú pé 'échi bí oméro. Sí nakúrama mapu reká noká jáwa'mi jémi kawichí. Ké bilé napawíka 'échi sontárusi a'lí 'á 'níwi rerécho mapu reká najóroma karewía ké ré 'échí ra'ícha'lí.

'Á natéa'mi niráa bá, ké oméroma karewía wikáka napawíka, ni bilé oselí osaká táníwa'mi mapu reká i'síli 'échi wilí'a'mi, ké belá napawíka a'lí ké bilé nakóka a'lí ké majárisa, suwé aneká a'lí ké iwérili aneká mapu reká karewima mapu reká abóni karewána'lí.

**OSIRUA'MI 10.** 'Échi pakota'mi jémi Mésiko e'peréa'mi 'á 'níwi rerécho mapu reká uméruma 'niwia ra'neelá abói e'perélachi, ké namú olára'mi níima a'lí siné rikáchí 'échi 'nátí kú nimíma, náli bé ké nakí 'échi oselí tamó nuléa'mi na'í tamó kawíwalachi. Mapu nakiita'mi jú mapu nemá 'échi kó jú sontárusi, sontárusi ba'wé'echi 'éename<sup>15</sup> a'lí kó sontárusi ropilánchi 'éena'mi<sup>16</sup>, a'lí mapu o'máana tamó kawíwala tibúa'mi<sup>17</sup> jú. 'Échi tamó kawíwala nuláa'mi jereráli animéa píri kítera, chú reká, píri néwalelíwa a'lí kúmi nakiwá mapu o'ná aká jároma 'échi ra'neelá.

**OSIRUA'MI 11.** Si'néa'mi pakota'mi 'á 'níwi mapu reká mo'iméa tamujé kawíwala a'lí bujaá na'í jónsa, kú basalówa binói kawíwala a'lí biléana chó beteráa, ké newaká bilé oselí, ké néwaleká oselí simírala<sup>18</sup>. Náli bé mí oselí aká ináma mapu mí 'á 'échi iséliká'mi mapu o'ná mí risénsia 'á mapumu ináma basalówa biléana mí a'lí jaré chó oselí nokími chíriti chó. 'Échi mapu reká nócha jéna rerécho 'á belá kó chéa'mi jáwa'mi jurisiáli, mapu reká noocháma karúa'mi nokámi kítera a'lí ayéna chó chuwé pakota'mi sibíli 'yúa, 'échi jáwa'mi pé mapu reká aní 'échi oselí tamó nuléa'mi chú ta reká nokibóa pé chí riká bi olába 'échi nulalíwa'mi a'lá animéa chú reká a'lá 'éenima jápi nakú 'éena'mi jú, a'lí jápi ké kaséana 'éena'mi jú, a'lí mapu o'máana o'ná 'á járo jarécho meká ká sía'mi karúa nokisáa na'í tamó kawíwala.

Mapu a'lí najátorá'mi níisa, 'échi riká nulásá jáwa'mi, si'néa'mi pakota'mi 'á 'níwi rerécho mapu riká táma a'lí nakiita'mi níima kíti beteráma biléana

15. "Sontárusi ba'wé'echi 'éename", mapu "armada" anilíwa o'lí neráa.

16. "Sontárusi ropilánchi 'éename", mapu "Fuerza aérea" anilíwa o'lí neráa.

17. "O'máana kawichí tibúame", mapu "Guardia Nacional" anilíwa o'lí neráa.

18. "Oselí simírala", mapu "pasaporte" aniríwa o'lí neráa.

chó bajoníka; kíti ‘échi’ mí tibúta’ mi níima. ‘Échi nulalíwa’ mi a’lá karéwima mapu’lé a’lá níisa kó, a’lí ké a’lá níisa.

**OSIRUA’MI 12.** Na’í kawírili chéamí Mésiko ké a’lá mí níima oselí mapu reká ‘níwima weká namúti, ké bilé wa’lúala niráa bá a’lí ké ompába chó, mapu reká ‘échi jaréana chó kawírili e’peréa’ mi nulásá mapu riká wa’lúala niráa natéa’ mi níima. Na’í tamó kawíwala kó ké natikí mapu reká nirúlima wéala.

**OSIRUA’MI 13.** Ke wési oyérita’ mi níma nulalíwa’ mi kítera ké jáwa’ mi newásá ká, pé chuwé rejói niwásá kó ké natéa’ mi jú. Ké bilé mapu o’ná najórowachi newásá ká. Mapú o’ná natikí kó jú komeráchí<sup>19</sup> najóralachi.

Ké wési pakóta’ mi a’lí jáwa’ mi ‘níwima mapu reká natemáta’ mi níima, ké namú olára’ mi níima a’lí ké chó wiká ‘áramí níima wenomí pé mapu ikípi alíwa ‘échi noochámi jú ‘échi wa’lúala nuláa’ mi ‘yúa, mapu reká nulá ‘échi oselí tamó nuléamí ju. ‘Ábelá nirú mapu reká sayérítamí níima ‘échi karúa’ mi ké alá i’sisá mapu reká isísa ré ‘échi sontárusi; ‘échi mapu o’ná ‘níwi komeráchi najórowachi mapu oná karéwi ‘échi karúa’ mi kítera ‘échi sontárusi, ké wési écho’ná oyérita’ mi níima mapu ké sontárusí jú kó. Jépi lí bilé karúa i’sisá sontárusi nuléala ‘échi kó ‘á sontárusi jú mapú sayéríma, nalí bé ké oméro oyería mapu o’ná abói ‘níwi najórala, ayéna ‘á semerósa ré mapú o’ná oyeríwa si’néa’ mi pakóta’ mi. Kíti echo’ná karéwita’ mi níima.

**OSIRUA’MI 14.** Ke iyeri nulálíwa’ mi ku uwana níisare pakóta’ mi karúa isisa.

Ke wesí chapiruamí nimá alí ke étámi níima namutí mapu niwí, jépiré ké komerachi jóonsa nulárámi nisá mapú reká nisá ré. Bachárikó echí nokirúamí. Jepí remí á nejeyasaka mapu reka anírua’ mi ‘échi jáwa’ mikétera, a’lí ko mapure nulá walu nulálíwa’ mi.

A mi riweta’ mi níima mapu reka nokisipare mapu reka aní ‘échi oselí tamó nulea’ mi mapu rekatí e’perélipa ‘échi najorowa’ mi a ké risencia a’lí wa mapu pe mayéka mapu ‘échi riká isili ke ‘échi alá ikika mapu si’néa’ mi ‘échi riká anísaá, rikírita’ mi nisako echó machíka alá mapu riká nisa ré.

Mapú reka nulá echí najorowa’ mi. Mapu lí suní ‘échi najorowa’ mi abelako nisá ré mapu reka aní ‘échi rosirúa’ mi ne chiná e’neká mapu reka aní ‘échi oselí tamó nulea’ mi.

---

19. “Sontárusi ropilánchi ‘éename”, mapu “Fuerza aérea” anilíwa o’lí neráa.

**OSIRUA' MI 15.** Ke nakiwá mapu kú bujanaba 'échí karúa'mi a'lí karúa nokámi alí suwé nokámí, jaréána chó kawírili ke tamó kawíwa'lá. Ke nirulima risoa oliwa'mi mapu nakuliwipa 'échí niwa'lá bilépskota'mi mapu o'ná uchúwi oserúa mapu o'ná raícharámi jú sumá kawírilí mapu o'ná mésiko sí jú. Bachá napawíka raicharámi chúriká jaroma pakóta'mi a'lí chuwé jémi perea'mi.

**OSIRUA' MI 16.** Ke wési mi nikuméma kebilé mujé retéma'lá, mujé betelachi, alí mujé niwa'lá namúti mapu riká oselí iyiri, Jepí ré 'échí nulámi mi bilé oselí mí júlisa échi walúa'lá wilia'mi mapu o'ná aní piri kétera mú winijiwa.

Si'néa'mi a pakóta'mi aníwi derecho kiti a'lá tibukita'mi níima mujé niwa'lá mapu riká rewa'lá a'lí oselí iyiri, checho ku inesarekiti ma ke o'ima 'échí kétera kiti mapu riká raíchasare piri kétera, chúriká aní 'échí nulálíwa'mi, nalí bé á nirú 'échí oselí mapu oná aní piri kítera mú nakuliwama echí oselí. Jéna suwába kó jú kiti ké majáka inaba.

Ke nijira'mi níima 'échí oselí mapu mí chapimea jépi ré ke niruliska bilé winijiwa'mi a'lí ko namúti nokisua mnpure 'échí nuláámi 'échíriká anísaka mapu karúa'miti jú, rikírita'mi níima mapu ke machínama a'lí ko mapure achiriká nisaka mapu noká'lí a'lí ko mayesuwa mapu 'échíriká jú 'échí pakóta'mi mapu karúa isili a'lí ko nikurisa.

'échí nulámiko nabela nijisare osaka mapu o'ná aní kiti chapiboa 'échí karúa isia'mi, ayéna bela simesare 'échí karúa isia'mi oyera'mi túa, wilimi na nokisáa karewia abóni iyiri níima rikita'mi níima mapu riká aní nulá'lí wa'mi.

Chuwé pakóta'mi a oméro chapia 'échí mapú karúa isiachí riwísáka mapu reka karúa isími. Chapíka á nijíma mapú oná mulibé muchuwi jawamí kiti we sapuka karewima 'échí ministerio publiko Abela nirulima bilé oselí mapu oná anímea piri kítira chapíirú.

Jépi ré wé sapuka. Mapú lí wé chá riwelisá echí karúamí machírua'mi nisa 'échí oselí kétera mapú tamó nulea'mi jú chúta reká e'perélipa mapuriká 'échí nulálíwa'mi Mapu reká mayesuwa mapu ché minábí karúa isíka ínáma.

Sinibí a'lí ko mapuli ke chiriká ikisa echo'ná mapuli bayesa 'échí jáwa'mi sine rikáchi be na'lí ke ichinako sisa mapu riká katuisa bilé hora, mapu o'ná jú suweriká ikisama, 'échí ministerio publico abela, alíko mapuriká katúili, nulásá chapínila, a'lá máchika alíko a'lá raíchaka mapuriká karúa isíli.

Jépi ré wé sapuka a lí kop risua 'échí karúa isia'mi, 'échí oyería'mi kiti rikita'mi níima wesapu aníbopiri kétera chapira welaku machíparáminíimamapu riká nulálíwa'mi.

'échí wea'lá nulámiko, mapuriká aní 'échí misterio publico mapure karúa nokia wikáka, a belatibuta'mimakiti ke machínama 'échí pakota'mi, mapu o'ná níisare a lí ko mapu kilipi aní 'échí nulálíwa'mi, ke bela tasi simirare nayosa makói rawe, mapure 'échíriká iwérili nisaka kiti kalá napabúra'mi níima échi raicha'lí, a lá tituba'mi níima 'échí pagóta'mi, a lí mapu iki 'niwi namúti mapu a lí 'échí karúa isili wisá'a namúti, ke nejeisa mapu riká 'échí nulálíwa'mi aní. Abelachecho winilima nimire, mapure 'échí riká anísaka 'échí misterio público mapure échíriká ilása a lí ko mápire a nirúlisaka mapure échika nísare. Arikábe ke tasi simirasare osa naosa makói rawe mapu riká tibuluwa mapu kemachíníima mapu o'ná katewara ati.

Mapure bikiaka karúa nokisá'a mapu mayewa mapu 'échíriká jú wikábeka keréwima, mápi ayábi karúa noká, mápiriká aní nulálíwa'mi.

Ke bilé wési chapirúa'mi níma échi ministerio público kítera kebelá bilé simiró nayosa makói osanaó hora, wela ku machí páta'mi níma wela simero 'échí walua'lá júdicial; jepuna kítira ko wiliminá ku karewita'mi nimire mapu rikáaní 'échí nulálíwa'mi mapure 'échíriká wikáka karúa nokisáaka. Sienea'mi mapu karúanoká abela chiriká rikírita'mi níima mapu rikáaní nulálíwa'mi.

Si'néa'mi mapu riká nuleliwa ánilia namúti biléanabitichi, 'échí wea'lá nuláma 'échíriká, a lí ko osaka anímea 'échí misterio publico, kítiko anímea kúmi o'ná jú japu o'ná inepa, 'échí pakota'mi ko a lí komapu chapiboa a lí ko chu iyiri namúti a lí wa alíko chu iyiribi áliwa, kiti osiboa biléana oselrí ma sunisuka, a lí ko riwíriká testigo mapu riká aníli mapu 'échí bite, mapure ke chiriká ilásake nakisama mapu inema 'échí jáwa'mi.

'échí raícha'lí ke bela wési machísáre.

Na nulálíwa'miko ábela rikiríma mapu karúa nokisáa a lí ko mapu bacháka acha mapu ke 'échíriká ila ilásaka binoy, nalibe binoy 'échírikáilásaka simía échi yúa. 'échí oyéra'miko abelainéma chûreka ikila 'échí kítera, mápire a chiriká anísáka échi raícha'lí mapure karúa nokáli. Ke bilé nakiwita'mi níma mapu raíchama alíko ke jarénacho raíha énama mapuriká raícha'lí échiriká bela aní 'échí nulálíwa'mi.

Pe mapureka aní échi wéa'lábi jáwa'mi júdisia'lí jerera'li, a'lí ministerio publicope mapu o'ná jóonsa bi nulásare 'échíriká níisare karéwa'mi 'échí raícha'lí, ábela nakiwita'mi níima mapureka nuléta'mi mi jú kiti échiriká nocháma. Nalíbe, 'échí jáwa'mimapuriká newasare osakachúrikánili a'lí ko raíchaka chúreka noká'lí échi pagóta'mi a'lí chúriká ikilipirká noká'lí. 'échí jáwa'mi júdicial jerera'li ke bela tasi oméro nijia risencia nijia mapu a'lí wawelaria'mi nirulimare, fiska'lí, ra'lámijú a'lí ko ra'lí neawa'mi, sibili mapureka nócha a'lí ko mapu iyiri be'nekámi jú, a'lí ko kecho oméro túa raicha 'échí mapu karúa isili a'lí ko mapu kuira isimi.

Mapu o'ná jóonsa nulá échi júdisia'lí ábelaníwima mapu oyéra'mi jú kiti a'lá karewa, we sapuka, a'lí kowe jiyawiká rikírima, taníwa'mi mapu telí bacháramí níima, kití echí reká amáa echí jawamí, mapú reká néwalé echí júdisia'lí, a riwíka echí niwála derechowalá echí mayéra'mi alí echí risoa olirúa'mi alí mápi sí chiwíaka'mi. A nirulisaré mapú reka machírúa'mi níima ne machía'mi échi suwába mapú reka raichásimi echí jawamí oyéra'mi alí ministerio público alí jaréchó sí jawaámi kompitenti.

Mapu riká sí nakíra'mi mapu nocháma mapú reká tánita'mi jú alí mápi rikó jóonsa aní echí nulálíwa'mi. Echí má machírúa'mi mapu riká atamí jú alí ké 'échí reká nokisáa mapú reka nulelíwa á newaléma mapú reka natéa'mi nirába.

Echí wilia'mi nulá'a'mi á isíma basalowia betelachi pé machímeyaví ácha nokíira mapú reká nulera'mi jú echí bewá'a'mi alí echí policía; alí iwéralí anéa mapu reká sinéa'mi riwirima echí libro alí oselí wé newaléliwa'mi mapú reká machíbóa mapú reká á nokíirú mapu reká nulá echí jáwa'mi fiskales, enésika jé iriká nisa kó, mapú reká aní nulá'lí waa'mi alí mapú reka alá nisaré echí amíwa'mi.

Echí ma ku nejéwiwamí ké machía'mi oliwá'a'mi echí estafetas, á ké wési ompáma enéa, ké riwita'mi nísa kó kastigarita'mi níma echí nulálíwa'mi kítera.

Ké nekówachi ké wesi echí sontarisi oméroma ripía chuwé kalírili ké chiriká elásako niwa'lá, ke bilé taaa mapu tanewipa namutí. Jépi lí nekówachi níisa echí sontarisi á oméro iwéralí taaa mapu oná ripima, echí suwába sontarisi, kowáamí alí jarécho tawámi, mapu reká aní echí nulálíwa'mi mapu reká alá jú.

Taníwa'mi mapu telí bacháramí níima, kití echí reká amáa echí jawamí, mapú reká néwalé echí júdicial, a riwíka echí niwála derechowalá echí mayéra'mi

alí echí risóa oliruamí alí mapu sí chiwiaka'mi. A nirulisaré mapú reka machírua'mi níima ne machíamí echí suwába mapú reka raichásimi echí jawamí (júeces) alí ministerio publico alí jaréchó si jawaámi compitentes.

Mapu riká sí nakira'mi mapu nocháma mapú reká tánitamí jú alí mapu rikó jóonsa aní echí nulálíwa'mi. Echí má machírua'mi mapu riká atamí jú alí ké 'echí reká nokisáa mapú reka nulelíwa á newaléma mapú reka natéa'mi niraba.

Echí wilia'mi nulúa'mi á isíma basalowia betelachi pé machímeyaví ácha nokíira mapú reká nulera'mi jú echí bewá'a'mi alí echí policía; alí iwéralí anéa mapu reká sinéa'mi riwirima echí libro alí oselí wé newaléliwa'mi mapú reká machíboa mapú reká á nokíirú mapu reká nulá echí jáwa'mi fiscales, enésika jé iriká nisa kó, mapú reká aní nulá'lí waa'mi alí mapú reka alá nisaré echí amíwa'mi.

Echí ma ku nejéwiwamí ké machí'a'mi oliwá'a'mi echí estafetas, á ké wési ompáma enéa, ké riwita'mi nísa kó kastigarita'mi níma echí nulálíwa'mi kítera.

Ké nekówachi ké wesi echí sontarisi omérroma ripía chuwé kalírili ké chiriká elásako niwa'lá, ke bilé taaa mapu tanewipa namutí. Jépi lí nekówachi nísa echí sontarisi á omérroma iwéralí taaa mapu oná ripima, echí suwába sontarisi, kowáamí alí jarécho tawámi, mapu reká aní echí nulálíwa'mi mapu reká alá jú.

**OSIRUA'MI 17.** Ké bilé pakota'mi omérroma karewia binoí kítera, alí ké nekóka táama binói derechowa'lá.

Sínea'mi pakotamí 'niwi derecho mapu reká karewilipa tribunalchi mapu reka alá kilíi nijíba mapu rekó anírua'mi jú alí mapu reká aní 'echí nulálíwa'mi, anísika bujana wé sapú, séba'lí alá wachia'mi. Echí kuirolia'mi ké natetika níima, ripika, ké natetika echí júdiciales.

Echí konkreso napawíka nijíma echí nulálíwa'mi kíti ku anarí newa'lí wa'mi napawíka. 'echí nulálíwa'mi aníméa, jéruka newama, echí newásiwa'mi júdiciales alí chu reká kú natetima mapú reká suwé isilí. Echí júeces jerera'lies á machíméa mapú reká né newásiwa echí.

Echí nulálíwa'mi á 'niwima mapu reká kárewipá echí naáwawa'mi. Echí rikíria'mi ánarí nokiméa, né whichiwali kú rikírima mapú reká suweé isili alí á niwáma 'echí namutí mapú reká tába néliwa'mi júdicial.

‘échí rikíriwa’mi má suniwa’mi mapú reká nokisíwa raíchasia á iwéra’lí ruyéta’mi níma echí najórowachi námitika bachá anéa chí okúanata’mi.

Echí nuláliwa’mi omána alí naí á newáma mapú reká natéa’mi níma ecchí nakiramíechí oná najórimachí né alí newa’lí wachí karewa’lí wa’mi.

‘échí omána, Estadochí alí Ristrito Jerera’li natéa’mi nirama mapú reká níru sinéa’mi kuíra’mi ké bujéka sinéa’mi mapú reká nuléliwa jemí peréa’mi kétera wichiwwka kuiroma we alá machíká mapú echí reká benelí kití echí reká nikúroma. Machíka echí nukuramí ké ompama okúa mapú reká niwí échi jawamí ministerio publico.

Ké wesí éritamí níma wekásaa chuwé pakota’mi. Mapú reká machía’mi chuwé pakotamí

**OSIRUA’MI 18.** ‘echi jereracion omaana estaro a’li ristrito jerera’li mapu ona nocha weala jawa’mi, bilé sitema najorowa’mi mapu ona nocha jare pakota’mi rikirata’mi nima o iyara’mi bilé pakota’mi ke ala isisa papu karua isimiwa’mi ‘echi nulalíwa’mi kitera, mapu ba’miba’mi nisa makói okua seba’li, a’li ke cho sebachí makói osanao bamíba’li napu ona ne ala aniwa ‘echi rerecho mapu wabe natea’mi ju mapu machiruani ju jena constitucioni sinea’mi pakita’mi kitera ‘echirika mapu rika rerecho mapu ne machina ani mapu rika ju ‘echi pakota’mi mapu machirua’mi kiti a’minábi ala niraa ju, ‘echi pakota’mi mapu ke cho makói okua ba’miba’mi ju mapu ma noka’li karua isimiwa’mi ‘echi ko a oméroma narea nikuurowa’mi kiti ku owita’mi.

‘echi sitema kitera mapu nula silia’mi ‘echi ko nokiméa institutionches, tribunales a’li jáwa’mi wéala

Machía’mi ‘echirika nochaa e impartición de justicia ‘echi kuuchi temuli kitera. A omeropa niwaa bilé nulalíwa’mi mapu rika aruyeba, chirika tuka eenama a’li chi iyiri owaa’mi bajima mapu iyiri newalé o mapu nisare oa suwába mapu inili a’li mapu newalé suwába kuuchi temuli.

Échirika a’sare kiti né chiríka nokísima mapu riká aní sistema, échirika katuítá’mi jú mapu o’na jóonsa newalíwa. Suwába né chiriká bélá nokísare kúuchi téma’li kiti chiriká inéta’mi níma, échi jáwa’mi bí bélá oyéríma a’lí mo’á échi belá animéa chûreka olába. Jéna belá animé apiri kitera karúa nokála a’lí kiti kú kilí iyénima a’lí binói retémala, chûrika ochérismi binói kitera a’lí mapuriká nata. Mapu alí bachálíwa ko a’lá tibúta’mi níma chukore

téeli nokái karewá, alí kuúchi téma'li bi béla échirika oliwa mapu kécho makói nayó bamíba, mapú a'lí mayéwa mapu wabe rasirika karua isíli.

Jaré mapu ma pachá eta muchuwí, alí jemí kawí mexico ocheramí, nalí mekabé mochísá eta, a be jémi ku mochia natetima mapu karúa nokálí. Abóni ku, newa'láká ne mapu reká aní nulálíwa'mi ne chiriká wee oyéripa, we bitea'mi nisa karúa'mi, o pe ke me chati nisa karúamí, isini a ku toká mulipi mapu oná bete 'échími ku oyéripo, nalí alá e'neká nawesalí mapu nili bachá raicharámi alí osirúa'mi tratados internacio'náles a'lá nariká karúa nokáamí a cha elaya abóni, kíti oyeripa mulipi abóni ku e'perélachí. Machísuwa mapu karúa noká'lí, kilípi abóni ku alá natama alí aboní retema'lá ku wikáwa'lí taníma, kíti buyásá chimi si ku e'perélima, ma ku buyásá ko eta mochia.

We natuwiká wikáka karúa nokisáaa, kíti risénsia jú, kíti sapú ku buyama, 'échí ko kí kuirowa, 'echí nakí we alá tibukiwa'mi, isini kú júmísisa, alí echí jawamí a newaáma, mapú oná ne alá eta muchuwába karúa nokáamí alí kí umeroma túa ku raicha retema'lá, kíti 'échí karúa'mi we chati jú, we risóa olalí a jarécho, a risénsia aba kíti yúa raichama 'échí wilia'mi alí jáwa'mi nikura'mi alí abóni ra'íchaka anemea chu reka alá tibupa kíti ke júmísima, ne a'lá aneka echí nawesa'lí nulá'lí wamí, ayéna cho 'échí riká we olába che jarécho karúa cho nokáamí.

Ma alá eta muchuwára'mi, ne mapu riká nuláli nulalíwa'mi, a ku rikírima mo'oliwachi mochía mulipi mapu nirú abói perélachi, kíti ma ku buyásá ku 'echí mi komiráchi ku alá si perélima. Jena kí kuirí mapu aló jaré wiwaka natuwika karua nokisáaa, alí jarécho mapu nakí kíti alá tibúta'mi ju pachá a mochia.

Maou alí jaré pe teeli mo'álíwa, mapu alí k echo aneliwa chu kilípi mochíama eta mapu karúa nokálí wiwaka natuwika a muchuwára'mi nima waná. Jáwa'mi wéala kompitentes 'echí kí nakíwima kíti túa ra'ícháma mapu ichéwiliwa kíti túa raícháma mapu ichéwiliwa alí mapu ma anéra'mi jú chu kilí mochíma kíti 'echiriká ku rikírima o rikiméa 'echí mapu napawiwa natuwika karua nokálí, nikura'mi bi a onpama bakiká túa raícha, 'echí we alá tibúka olába, mapu a eta muchuwí 'echirikaachi. Jarécho 'echiriká nokisáaa ayénacho waná eka muchuaka alá tibupa, ne mapu riká an í nulalíwa'mi nima.

**OSIRUA'MI 19.** Mapu a'li bilé pakótá'mi chapísáa ke belá tási simísare kicháosa makói okúa hora, iyá bela simérita'mi nima mapu o'ná oyériwa écvhi pakótá'mi mapu mayéwa mapu karúa isíli mapu o'na karewiwa raícha'li, piri kítera oyéripa, chu isíli, piri kítera wínjíri, chu kabú karúa isíli, churikó.

Chureká karúa isíli alí kúmi chapirúa'mi jú, kumí karúa nokiri, acha echí pagótamí karúa isíli, acha sí nikurili karúa isía.

Echí wilia'mi ministerio pùblico; a táníima echí wilamí Júez, kití éka achába karúa isiamí, ma che táma mapu a seba'lí ra'íchalí, a be, bayéba restiko mapu a riwa'lí, karúa isíachi 'échí mapu érita ati, ayénacho chimi mulipí e'peréamí, alí ayénacho a oyéripa echí mapu karúa isíli, jawamí ma alá enésa sebalí ra 'icha'lí, ma alá aníméa ácha echí jú mapu ne 'échíwaká wee karúa isíli a lá a nataga binoí. Alí choná Jóonsa echí wilá'mi Júez, ma nulámá kiti eka a achabá kárua isiamí, we Jarécho túa natúiká karúa nokisáa, me'asa bilé pakótamí, a tábisa oma, a chikóka éka achaka wenomí tasa má, Jaré, wé obática nására'nélí mapu ke risensi Jú, alí karúa nokisáaa mapu ke nakí nawésili Ley, nalí ké alá tibusá seba'lí mapu nirú Jémi kawí, a lá tibúpa suwába kiti ke o'wíníima karúa nokiwaamí.

Wachi a mi ra'íchalí ley a nausáma churegá aniyá kiti ke ku machí papua karúa isiamí, mapu bijí a oyérawa.

Wilia'mi a rumea chu kipu rawe nokiméa, napabua wíká ra'icha'lí tamuti karúa'mi omá, kiía chatásipa oyérisia 'échí karúa isiamí, alá noráka Ley ne mapu regá nulá. Wili e ka achásuwa nekulíi, a be risensi Jú. 'échí ley a alá nawési churega oyéripa. Walua'lá wilia'mi Jú mapu alá aní mea piri alá eta atí pagótamí, alí ké sapú narésa o selí aníamí mapu a 'échí karúa isíli, alí a eta ripima, ma alá rusa kabú ku machínama, alí isini teelí risénsia tasa 'échí wilia'mi, na'lí ne mapu reká oselí walú constitución, a be lña walua'lá wiliamí júez oyera'mi achi anímea kabu kuwaníba karewa 'échí karúa'mi, alí ke narésa oselí bikia hora kaya'mi, abela ku machí papá echí pakótamí.

Sebalí oyeripo abe né bachá machísaa, acha pakótá'mi karúa isíli, bilé risóa olaramí a newarewelisa a rimisoa olasiwa, alí áwinijisuwa suweriká ketera, welí jawamí chotasima napabúa raichalí karúamí pe wana niráa, ma sumisa napabúa karúamí raichalí nokiruamí, abela napabúka karúamí nokiwaamí á oyéripa 'échí pakotamí.

Mapu ne kulíi, 'échí karúa isia'mi, ke riwisa nulálíwa'mi, á chotásipo oyería, wíkáka natúika karúa nokisáaa, a bilécho júez oyerima, karúa isisa mekabé alí ché biléana kawichí, a ku riweba oyeriwa'mi mapu aníli jawamí.

Karúa isia'mi ké alá beriká chapisúwa, ké alá tibúsiwa pachá eta achaká, rimisosuwa p eke namútira, abe bujéka 'échíriká nokáamí echí nokiwaamí abe

‘échí nulálíwa’mi kú wachinama, mapu alí jáwa’mi rimisosa karúa nokáamí mapu ma eta muchúwi.

**OSIRUA’MI 20.** A winijika oyéripa, alá raíchaka, a riwiriká sineamí, a ompama nimia alá nátaka, isábika má ké najóriká.

A. A nulá si’neá’mi:

I. A bela oyeripa, kíti ‘échí riká alá machíbóa chú reká ikíla, a kuíripa ké chibí isiamí, alí karúa isiamí kó á kú natetima mapu reká isilí karúa, ké kú wikáwalí iyába ‘échíriká isisa kó.

II. Sinibí mapú kisapí oyériwa; a sinibí sí asímea walua’lá júez, ke wesi kuíroma oyeríamí júez, ne binói alá akéma alí enéma namutí mapú napabúka namúti nijílí mapu oná karúa nokíru.

III. Mapu lí má alá karewípa raichalí karúa’mi a eneká níma seba’lí mapu a nijíli oyériwachi wiká rejóachí. Nulálíwa’mi eneká níima, kétí bachá rikó enéra’mi níima raichalí alí namúti mapú riwirúa’mi jú, alí nijíra’mi jú oyériachí.

IV. oyéripa á atíachi walúa’lá júez, echí kó ké ikiwisa ré kaúa’mi nijíra’mi, á ikíma má nijíwachí seba’lí raícha’lí alí namutí riwirúamí a wiká rejólíma choná oyériwachí raíchaka.

V. Mapu a winijíli echí níima mapú nijíma raícha’lí alí namúti, né mapú reká nulá karúa ikísa. Winijíwa’mi alí karúa isia’mi chópi reká oyéripa;

VIII. ‘échí júez oméro bí riquíria jepí lí nirúlisa machíámi mapu reká echí iyéri jú mapú chiwíba.

IX. Chuwé namúti riwirúa’mi karúa olára’mi, ké nejéipa.

X. Sebalí mapu nilá artikulo, alá enéka más unía kó á karéwa oyériwa’mi.

B. A níwi risénsia mapu kuiropa karúamí:

I. Má alá machísúwa mapú ké karúa isíli, abelá ruyéma oyéra’mi júez píri oláa má suniba á karéwa;

II. A nawesáma alí kilíi ké raíchaka asiméa. Má chapisúwa a ruyéba píri kítera

chapirúa' mi jú kití ké raíchama, ké risénsia jú kití chonibóa Ériká achaká, tasí nakí echí nulálíwa' mi, Ériká achaka chonisúwa, ké nakíwisa kití yúa raíchama retéma'láa, chonisuwa a belá nimima, a bé sinibí sí choná asiméa kuíria'mi ké chiriká kó ké natemá namúti:

**III.** Alá ruyéba kulipi chapisúwa piri oláa Ériká acha'lí wa, alí ruyéba mapú alí má oyé 'échí ministerio alí júez wea'lá jáwa'mi oyería'mi, mapu chá reká rarúa isíi, alí ruyebe chó jépi á kuíroma nimia. We jiliwa'mi nisa karúa'mi wikáka natúwiká karúa nokísaa, 'échí policía á nuláma kití ké ruyéba jépiká 'niwijilí nibilérewalá machíméa. Raíchalí nuláa'mi ayéna machírimá, kítí sapú jiyáwiká napabúma karúa nokírúa'mi, mapú karúa'mi wikáka natúika chá nokáli.

**IV.** A akeba japí á rewalí alí a narépa raícha'lí karúa'mi, apé wilí buyeba alá neráka nulálíwa'mi, ayénacho nakúromna jarécho mapú reká nulá echí nulálíwa'mi:

**V.** A oyerima júez wiká rejóachi, ké osaká buyánaba piri oláa oyériwa, a risénsia nijisa kó nulálíwa'mi alá níima, ísini ké nakípa kití jarécho ikíma, ísini á majawiwa kíti ké chibi olába pakótamí, alá tibúpa mapú risóa olára'mi jú, mapu rewalí alí kúuchi má, jépu lí nirú karúa ikíwá'a'mi jépi lí ikísuwa chí raícha'lí wé alá tibúta'mi, jépulí 'échí tribunal mayémapú nirú piri kiteráa newarámi jú pirí kétera.

Echí napawíka karúa nokáa'mi, 'échí newaramí sunira'mi echí oná ásiwa'mi á oméro mapú reká natéa'mi nerába, jépu lí ké omérrowa moáya najrórowachi alí nirúlisa mapú karúa ikisá ré echí mapú rewali karúa nokíwá'a'mialí risóa olirúa'mi. Bacháwáa'lá mapú reká karúa isíli echí deréchowa'lá echí chewa'lí wa'mi ké natéamí nirába nikúrachi machía echí kétera.

**VI.** á ára'mi níima kití ké nócha'lí oláma oséli táa kíti náti chewita'miníima kíti nati kú nimima echí najrórowa'mi.

'échí karúa isí'a'mi alí mapu kuíro oméro nésia chú reká nokísiwá asía jépi lí bacháwála má etá atí alí narekiliwa raíchalí alí nariwa'mi. Ayéna chó, bachá rikó ké chó nariwachi júez kétera á omérroma naria má osírua'mi, mapu reká ikíli mapu reká binói alá néerá karewima mapú reká alá tibupa. Jé naí jóonsa ké ompaba kú nimía ke wesi ikirká 'échí mapu reká nokíru échi a'miwa'mi, najó nalí bé echí bacháwa'lá nisa alá machía'mi mapu reka aní nulálíwa'mi jépi lí echí nisa mapu newalélia kití chewita'miníima echí ma suniwa'mi 'échí

ata' mi alí sinibísi jepu lí nisa alí rawé riwiriwa' mi kíti ké chá elaka ripima echí niwa'lá mapú chewima;

**VII.** Owerita' mi níima kék chó nayó mecheachi jépi ré nisaka echí karúa' mi kék mé rikiriwa' mi kék simiroma okúa ba'mialí erita, bachá kék chó bilé ba'mibaachí jépi ré simírosa echí alí, najó nalí tasa wilí papi reká kú nimima;

**VIII.** 'niwima binoy niwa'lá mapu reka kuirota'miníima alá bilé abogado kékterá, mapu reka aboy ikíka chapiméa mapu a'lí jóonsa chapirúa' mi jú. Kék nakisáa a'lí kék rewásá bilé abogado, má newaléra' mi nisa kití newama, 'echí Júez áma bilé mapuu kuiroma kék bujeka. Ayénacho 'niwima mapu kuiroa' mi á muliwima sinibísi mapu reka nokisiwa alí jéna kó iwera'lí niwí kítí 'echí reka isíma jépi ikisá newaléliwa, alí

**IX.** Kék sineti oméropa wiliminá eria alí chapia, jepu ré kék natetisa mapu reká echí nikura' mi alí jarécho namúti kékterá kuirowa' mi nisa wenomí, mapu kékterá kuiroliwa' mi nisa alí jarécho namúti kékterá nisa chyéri chó.

'echí erita' mi te' peli kék simirosa ré jépilí jóonsa aní 'echí nulálíwa' mi 'echí karúa' mi mapu iriká nokisiwa alí kék sineti simirosare okua ba'miba'lí, na'lí bi jépi lí wiliminá nisa ech riká isimia' mi 'echí niwa'lá mapu reka ku nimima echí winijira' mi. Jépi ré ka'lábé nisa jéna suniwa' mi kék chó anírua' mi najórowachi, 'echí winijira' mi á kú machíbura' mi nimá jiyawití jépi ré biji nokisiwa asia, jépi ré kék 'echí suwecho anísaá kití oweripa jarécho kékterá nulálíwa' mi kití tibuta'miníima.

Sí'néa' mi rikiriwa' mi echí moára' mi jepí ikí anera' mi jú chú kilipi jóonsa mochima erita, á machíméa chú jabú jóonsa chapirua' mi ká.

C. 'echí derecho niwa'lá risoa olirua' mi alí mapu sí chiwiaka' mi jú:

**I.** Narea ruyeliwa' mi mapu réka aní najora' mi; ruyeta' mi níima derechowa'lá mapu reká kuiroma newaa echí konstitusioni alí, jepu lí taaa, kití ruyeta' mi níima mapu reká nokisiwa newasia karúa' mi;

**II.** Nikuura 'echí Ministerio Publico; kítí narekita' mi níima suwába raicha'lí natéa' mi mapu machíri ruwea, mapu reká á taní jú kepi kera nokisiwa, kítí á suwába anímea wé sapuka mapu reka jú, alí nikumea najórowachi sí anía papu reká olásare mapu reká aní nulálíwa' mi.

Mapu a'lí ministerio público ke mayé mapu newaléliwa checho piri riká ikili binói anímea piri ola ke rumea;

**III.** Narema we jiyawiti oninowa'mi chú kó ré karúa isia'mi ke chúrika ku a'lá wachia natásima;

**IV.** Ku natetima karúa isisako. Mapu o'ná jóonsa chota'lí , 'échí ministerio publico iwera'lí níima mapu riká tama kíti ku natetim níima mapu karúa isili, échiriká ku tasa mapu karúa olarámi, 'échí oweria'mi ko ke oméroma ma bachá karewisa ko.

'échí nulálíwa'mi a'lá anímea chúriká olaba karewéa mápi ku natétima karúa isili;

**V.** Seba'lí raicha'lí katewiká oláma mapu a'lí karúa nokisáa ku'uchi mapu a'lí tabita'mi nisa a'lí eriká achasuwa a'lí wikáka natuika karúa nokisáa 'échíriká nakisa cho oyería'mi a'lá tituba'mi níima seba'lí rerécho 'échí ministerio a'lá tibuma risóa olarámi mapu si chiwili a'lí mapu riwa'lí a'lí sí'néa'mi mapu si nikuro karewia karúa ikirua'mi 'échí oyera'mi tibuma kíti a'lá karewipa seba'lí karúa nokirúa'mi.

**VI.** Taba kíti eriká achaka eneba acha karúa isila a'lí a'lá tibúta'mi níima ke karúa isisaka abela ku machíbuba, checho ku aba binói reréchowa'lá.

**VII.** Mapu a'lí ke elása mapu riká karewiri seba'lí karúa nokirua'mi 'échíriká seba'lí ruyebe na raicha'lí a'lá ikima ministerio público, mapu a'lí ma napabusuwa raicha'lí karúa'mi nokirua'mi, a'lí ma sunisuwa karewia raicha'lí karúa nokirúa'mi, ke tasi riwesare 'échí raicha'lí kariwa, kemi 'échíriká elása ku bela natetita'mi nísare 'échí karúa nokirua'mi.

**OSIRUA'MI 21.** Ministerio publico 'échí jú napabuma seba'lí raicha'lí a'lí roama oselíchi a'lí policía bela si nakuroma 'échí bela a'lá anímea chúrika olaba.

Mapu a'lí karepa raicha'lí karúa nokisáa chapiboa nokámi 'échíriká nuláma ministerio publico a'lá nijewiká mapuriká aní nulálíwa'mi mapu chúrika olaba.

Chi kilipi rikisare karúa isia'mi, abóni jáwa'mi anímea a'lí abóni ikiwiká karewima raícha'lí.

Kopitenti jáwa'mi wenomí tibúa'mi 'échíko bujeama ke natetisaka winomí ne mapuriká nulá a'lí policía, pe bujera'mi níima, a'lí chapirua'mi níima bilé rawé nasipa isini nócharipa abóni perelachi, ke natetisaka mapuriká bujeliwa, abela chapirua'mi níima kíti riká aní nulálíwa'mi, pe bujera'mi níima bilé rawe miná nasipa.

'échí karúa isisa a'lí ke wekabe meka nóchasa ke ne simira bujepa mapu iki me bilé rawé, chue nócha'mi nisa ke wenomí meka nóchasa, mapu iki aneliwa mapu natetima mapu riká aní nuláa'mi a'lí policía,

'échí ministerio publico a omerima mapu riká najorima 'échí ra ícha'lí karúa'mi kítera, a'lí mapu riká aní 'échí nulálíwa'mi.

Wea'lá jáwa'mi jereralchi oméríma, mapu riká aní nócha'mi senarochi nócha'mi ibilli raicha'lí niraá, machíya mapu o'ná jóonsa chea'mi najórowachi o'mána kawíchi.

'échí seguridad publico nócha'mi jú o'mána mi kétera, a'lí ristri jereralchi, a'lí estadochi ayénacho munisipiochi, mapuri a si katuiwi chewi karúa nokiwa'mi; 'échí a'miwea'mi a'lí najañowa'mi kíti a'lá kariwera'mi níima, 'échírikácho bujea mapu wenomí tibul, mapu riká aní nulálíwa'mi,

'échí nasayetawa'mi mapu riká aní kostitucióni mapu riká noká'a'mi jú nócha'mi seguridad publica a nokiméa mapu riká ne wachína níisare, ne wichika, we jiyawiti, a'lá machíka, a'lá riwiká 'échí pakóta'mi niwa'lá rerécho machírua'mi jéna kostitucióni.

'échí seguridad publicachi nóchasare mapu riká nuleliwa, ne mapu riká níisare a'lí mapu riká benérita'mi jú. 'échí ministerio publico wikinata'mi jáwa'mi anarariká natuika nocháma kíti 'échíriká a'lá nokiméa mapuriká níisare kíti a'lá anariká nocháma:

a) suwába mapu moimeare mapu nochama a'lá ineka jépika mopimea a'lá ineka cho'ná a binerita'mi néra'mi níma acha al abinesia, a'lí echoná jóonsa ma a'lá binésaka ma narema oselí a'lá machíwaama kíti chiriká a'lá omerima pakóta'mi tibúa. Na seba'lí nócha'mi 'échí abóni jáwa'mi mapu riká nócha 'échíko a'lá inema walua'lá kobierno, a'lí Ristrito jerera'lí, estadochi a'lí munisipiochi muchawa'mi jáwa'mi.

b) 'échí mapu o'ná uchuwi osirua'mi chúriká ikili a'lí mapu nócha'mi jú segurida publica ke wesi oméro 'échíriká nócha ke chiriká benerita'mi nisa ke olasaka bilé oselí mapu a'lá nawesi piri binea'mi jú.

c) A buyanarimi níima raicha'lí kiti a nikuroma kiti ke karúa ikimea.

d) Pakota'mi ayénacho nakurima 'échíriká nokáya a'lí enea acha ne 'échíriká nokiwa kéti ke wési karúa nikiméa.

e) Winomí mapu neja walua'lá kobierno a arámi níima seguridad publica abela arámi níima suwába Estárochi a'lí munisipiochi kiti ne 'échíriká suwabima wenomí.

**OSIRUA'MI 22.** Ke nakiwa mapu koiboa, ni bilé sikireka, ke chibi aneka, ke bilé baweraka, ke wipisoka, ke kusiti, a'lí ke namúti kítira risóa oláma ke simira bujema, ke bilé namúti niwa'lá éma a'lí ke bilé che suwe rikirim; suwama rikiriwama chopiriká anari níima mapu riká karúa isíli.

Ke belako eta'mi níima binói niwa'lá mapu a'lí bujesuwa mapu a'lí natetimare, ni bilé mapu a'lí 'échíriká anisa jáwa'mi mapu a'lí karúa isisako. Pe ke bela chikowa'mi níima mapu a'lí jáwa'mi nulásaka enulia suwába mapu iki 'niwili karúa isika mapu riká aní osirua'mi bilé siento kima makói échi namúti mapu eliya ábela ku chapiká ripíma Estárochi mapu a'li pe riwésa, 'échí tékua'lá mukusá ke wési riwélisa estado ku wiméa mapu a'lí machírua'mi jú mapu mukuli ma chotasipa karewisia osilí jeriká níima:

I. Abóni natuika mapu o'ná jóonsa karewisare jáwa'mi.

II. A oyérita'mi níima wikáka natuika karúa nokisáa, risóa olasa bilé, pakota'mi eriká achaka a'lí wenomí tasa, toroka chikosa ma, a'lí ko pakota'mi risóa olisa nócharia a'lí ra'lí neasa, mapureka anísimi:

a) Suwába namúti mapu nati, karúa nokiro mapu a'lí kecho anera'mi jú rikiriwa'mi, karúa isia'mi, na'lí be a nirulima seba'lí namúti mapu a'lá aní mapu a karúa ikili.

b) Suwába 'échí ke namúti jú, mapu nati karúa nokiro, mapu nati nera'mi jú a'lí chinasta'mi nasowarámi nisa mapu nati karúa nokiro, sinerikáchi a napabusuwa mapu riká aní bacháwa'lá raícha'lí.

c) Suwába mapu nati neliwa karúa olaya bilé rikámíti, binói tekua'lá a ikisa a'lí ke ruyesa jawama a'lí suwé isisa chéwia mapu ke machírúa'mi níma.

d) Mapu a osiliwiká muchuwi na'lí na jarécho rewa'lá kétera, na'lí be a nirulisa seba'lí namúti mapu riká anímea mapu karúa isika 'niwi, napawíka karúa nokisáa a'lí 'échí winijira'mi si mapu ne suwába ni'wiká ripíli.

**III.** Si'néa'mi mapu karúa olasuwa mayesisuwa a ku oméroma riwiria achi karúa'mi ka kíti a'lá wicipa mapu chiriká ke nakiwiri mapu machíméa áchi niwa'lá kítera.

**OSIRUA'MI 23.** Ke sineti besá kaya'mi oyérita'mi níma échi bi kítera. Ke bilé osa kayámi oyérita'mi níima 'échí bi karúa kétera, pe sinépi oyériká anépa chúriká rikíripa.

**OSIRUA'MI 24.** Si'néa'mi pakóta'mi abói ikiwima chu iyiri onorua'mi bichiwina'lí a omawiká mapu riká naki abóni mapu riká bichiwina'lí mapu riká isina'lí , ké karúa'mi riká nisaka, á mapu ké nakí nokubóoa nulálíwa'mi.

'échí jáwa'mi konkreso muchuwa'mi ke oméro nulálíwa'mi newa mapu ké nakimea chu iyire onorua'mi bikiwipa.

Mapu reká nokíwa onorua'mi bichíwia á omáwipa 'áapi teyopachi. Mapu ké chiriká omawa'lí wa a nejewiká oláma échí nulálíwa'mi.

**OSIRUA'MI 25.** Estáro bela jú mapu a'lá tibúma teyopa mapu iki namúti newalésa kita kanílika perélipa omána kawíchí ayénacho. Kuirita'mi níima mapu newalésa winomí a'lí nócha'lí cho a'lá nachutára'mi níma kíti si'néa'mi a nóchaka mema abóni nataka a'lí ikíka mapu riká nokisáare si'néa'mi pakota, a mapu riká chewi na kostitusióni.

'échí Estáro newama, a'lá isima natuika a'lá ruyeka nócha nochika mema wenomí o'mána, mapu chúrika ku a'lá niwaba 'échí nócha'lí mapu riká naki pakóta'mi a naki mapu riká nokiboa jéna kostitusióni.

A'lá machíka neba wenomí o'mána nirúa'mi kíti minábi a muyesima mapu riká níisare, mapu riká nócha nakura'mi, a'lí mapu riká awenili, kíti ke wikáma winomí a'lí chue riká nóchaka kíti che muyewa winomí kíti a'lá kanília rejólipa jémi o'mána kawíchi.

‘échí nikura’mi níima mapu riká we olaba, ne cho’nábi, mapu o’na nísare mapu riká aní osirua’mi osa makói osa nao, rojanámi nayo osirua’mi kostitúsióni, sinibí nakurima wea’lí jáwa’mi jereral a’lá tibúa seba’lí abói niwa’lá mapu kétera jawarámi jú.

‘échíriká ayénacho a nokiméa, ‘échí nikura’mi túa a’lí awerili nócha’mi, mapu riká aní nulálíwa’mi, kíti iwérili anema echo’ná nócha’mi kíti minábi a’lá nokisima.

Si’néa’mi anari a’lá kuírita’mi, kíti minábi nokisima nóchasia mapu awenili nócha a’lí mapu wikáka nócha tuyewisía wenomí, mapu riká abóni nochásare, a’lá anariká ‘niwipo seba’lí namúti, a’lá tibúka seba’lí kawíchi nirúa’mi.

Nuliwa’mi a’lá nulá’lámá chúriká oláma mapu napawíka nócha a’lí che wiká nócha’mi nakima kit che nocháma wenomí che tuyewíia: mapu riká nokiwá ejirochi, mapu a’lá natuika nócha nacha’mi, mapu napawíka nócha, komunirachi, mapu o’na wiká nócha nócha’lí wa’mi, suwába nócha’mi natuika noká a’lí, nachutasi seba’lí amapu iki newalíwa.

‘échí nulá’lí wa a’lá anímea a’lí a’lá tibuma mapu riká tuyewi wenomí a’lí mapu nikuirí kíti mapu aweni nócha a nakuirimacho ne mapu riká aní kostitúsióni.

## OSIRUA’MI 26

A. ‘échi Estárochi ko a niwáma ne mapu riká nóchaba anariká minábi a’lá nokisípa sí’néa’mi kíti a’lá tuyéma winomí mapu reka abóni ‘niwi a’lí mapu reka abói machí niláa, a’lí mapu reka nokáa’mi jú o’mána kawíchi e’peréa’mi.

Seba’lí nócha’lí mapu siro naí konstitúsióni anímea mapu reka kainama mapu anírua’mi jú.

Jápi abóni ikika nokiméa. Mapu li si nikuro wikána nócha’mi aku napabuma mapu reka naki alí mapu riká aní kíti echo’ná si uchuchaba mapu riká aní chúriká nóchaba o’mána. A nirulima bilé mapu riká nóchaba mapu riká aní wea’lí jáwa’mi.

Nulá’lí wa a’lá anímea chúriká nocháma wea’lí jáwa’mi, newaká chúriká si nikurima a’lí nariká suwába mapu anírua’mi jú mapu riká nísare, ne mapu riká nísare, mapuriká nóchaba, a’lá neka seba’lí nikurowa’mi kíti seba’lí a’lá perelipa.

‘échírikácho a, anímea mapu nikuro kítí a’lá nocháma wéa’lá jáwa’mi natuika japo Estárochi muchuwa’mi yúa, mapu riká abóni natuika nochána’lí.

Mapu a’lí ma kayénasiwa mapu riká nóchaba, ‘échí jawama concreso unión a’lá nejewima mapu riká aní nulálíwa’mi.

**B.** ‘échí Estároko aníwi bilé raicha’lí osirua’mi we anatéa’mi mapu riká aní o’mána ketera jéna raicha’lí si’néa’mi ikíma. Mapu riká o’mána kawírili. Estárochi, ristrito jereral a’lí municipio, a’niwi oselí we natéa’mi kítí suwába ne iwérili niráa nema ne mapuriká aní nulálíwa’mi.

Mapu riká anariká natuika nokiméa mapu riká aní kítí a’lá tibuma ‘échí nocháma a’lí mapu a’miti jú, a’lí mapu chiriká a nócha’mi abói a tibúka mapu ‘niwi, mapuriká abóni a newalé kítí abóni a’lá moáma, abóni nawesama ‘échí raícha’lí mapuriká inésipa.

Echo’na nócha’mi a napawíka raíchama ma’lí ana kaya’mi, bilé bisirénte wilába natuika anariká; ‘échí jáwa’mi ko a jawama na’lí ‘échíriká elásá kamara senarore? Mapu a’lí rewesa ko a’lí nulera’mi sinibísi cho’na concreso echo’na uniónchi?

Nulálíwa’mi a’lá anímea chúriká nocháma natuika o’mána mi la sebarima ruya a kawírili, ne mapu riká aní nawesiá’mi si’néa’mi machíria’mi, ne a’lá wachia nokámi; mapu riká chúriká nóchasare jáwa’mi mapu kiliminá nira nakuliwisare kítí minábi repabe inárosima nochásia.

‘échí nócha’mi napawíka jáwa’mi pe ompama nakuliwia mapure karúa nokisáa a’lí ma ke che níwima nócha’lí, ma ke nuláa’mi níima a’lí ni bilé nócha’lí che newa’mi, a’lí ke bilécho natetira’mi níima takore nochí binería, seba’lí namúti, mapu riká omawa’mi jú; ‘échíriká anokiméa mapu riká aní ne bacháwa’lí raícha’lí nayo jéna kostitucióni.

**OSIRUA’MI 27.** ‘échí seba’lí weé a’lí bawí mapu niru mapu o’na jóonsa kaya’mi o’mána kawírili abela ko nirúa’mi jú je kawí méjiko, mapuriká aníwili aníwi rerécho a ompama jarécho ruya chúrika chotama a wenili’niwia namúti.

‘échí eliwa’mi pe omeripa si’néa’mika néa, a’lí mapu a’lí ke natétira’mi jú.

O’mána kawíchi ‘niwi sinibísi rerécho mapu riká aní chúriká oláma kítí si’néa’mika néra’mi níima, chúriká tibúka neba seba’lí namúti kítí ke riweta’mi, kítí a’lá anariká nachutarámi níima suwába mapu iki niru echo’na a’lí mapu tibúka nelíwa, ‘échíriká anariká minábi ne seba’lí a’lá kaníliká perelima

o'mána kawíchi a'lí minábi a'lá kayenisima ra'lámuli a'lí oli perelachi. A'lí ko a'lá aníboa kíti a'lá ka'lí rama pakóta'mi mapu o'ná pere a'lí a sebariká a'lí kuirita'mi níima mapu iki namúti newalé, neba a'lá, seba'lí mapu niru chimi, mapu riká weé, bawí a'lí oko, kíti a'lá kayénaba nócha'lí mapu kétera kayénabare, a'lí a'lá aníka a'lí piri kétera newaba, tibupa, a'lá newaka a'lí kíti a'lá walu kayénasima pobolochi; kíti a'lá tibúka neba seba'lí, mapu o'ná wiká ka'lí jawi a'lí mapu o'ná wele eka wilara jú ka'lí; kíti nebo, mapu riká aní 'échí nulálíwa'mi natuika a'lá anariká nóchaba 'échími ejirochji a'lí komiracho kíti a'lá pereli kuchi nira 'niwi weé; kíti a iwereli ichaka, welia seba'lí namúti, a'lá tibúka nemacho okó mapu o'ná jóonsa buyaní wenomí ke nakiwepo mapu pe chue na'mináma mapu iki niru kawíchi.

O'mána nirúa'mi mapu iki kawíchi niru namúti abela niwa'lá walua'lá kobierno seba'lí ba'wéchi nirúa'mi, a'lí kawí nasipa ba'wéchí nirúa'mi, a'lí mapu iki namúti we natéa'mi jú reté béta anelíwa'mi, manto, masa, alí yasimiento, mapu sinú jú mapu ke iwé kítera kayénika'mi jú, mapu riká jú mapu bujanánalowa mináchi jóonsa a'lí mapu ikí neliwa mináchi jóonsa bujaranára'mi; mapu reté wé baó'a'mi jú, koná jema anelíwa'mi wé aká'a'mi mapu nirú bawéchi; namúti mapu reté kítera kayéna, mapu a'lí échi bujanáliwa relé bawéchi jóonsa; mapu nirúa bawéchi mineral a'lí orgánico Mapu fertilizante newáliwa; rerecho omána nirúa'mi

Jémi kawí mésiko seba'lí walu bakochi nirúa'mi jú omána mapu reka aní rerécho o'mána kawíchi nirúa'mi; seba'lí bawí o'mána bakochi nirúa'mi; mapu riká lakunchi a'lí basikochi mapu sinibí a nachuka bawí walu bakochi; a'lí bokírili mapu o'ná jóonsa bayéna bawí; a'lí mapu o'ná jóonsa owina bawí, mapu o'ná nawa walu bakochi bokirili, bakochi, lakunchi, seba'lí mapu o'mána nirúa'mi kawí mésiko niwa'lá jú; mapu o'ná sinibí mawa bawí, mapu o'ná rojaná kawí, mapu simirosa chiriká rojanásia kawí, jereralchi nirúa'mi a'lí simirosa biléanacho Republika; 'échí o'ná boquirili, lakunchi a'lí basikochi, ta bokirili, mapu o'ná simiro bawí, mapu simiro bawí rojanásia wikánata'mi kaya'mi kawí a'lí republika a'lí país mésiko chea chuku; a'lí ko bajichi owina bawí mapu o'ná bayéna suwé satebóchi (playa), mapu o'ná walu bakochi jú, bayéna, kuchi bokirili, mapu o'ná sinibí mawa bawí, lakunchi a'lí basikochi o'mána mi nirúa'mi jú a'lí seba'lí mapu miná jóonsa machína; a'lí mapu o'ná bayéna, sinibí bawí ma'achi aní 'échí nulálíwa'mi. 'échí bawí rele we'erí ma'a'mi abela ompama nea mapu we'e tekuwa'lá jú, mapu a'lí si'néa'mi pakóta'mi tasa a'lí suwecho reka nesuwa; we al jáwa'mi aanímea chúriká machí pápa a'lí neba mapu o'ná jóonsa nesare, a'lí 'échírikácho olaba seba'lí bawí o'mána kawíchi nirúa'mi. A'lí jarécho bawí ke si uchucharámi kecho anírua'mi, a si nirúa'mi níima echo'ná weéreli mapu niru mapu ikiana amaní

mapure riwisiuaka okuana weérili a'lí wiktána na seba'lí bawí mapu chimi inaro a sí'néa'mi oméro nea, a'lí ripima mapu riká aní Estárochi jáwa'mi.

Mapu riká aní okuana bachá osirua'mi, a seba'lí mapu tibula kawí ke wesi 'niwima ke wesi nasulima a'lí kesi risoa oláma, mapu riká neba seba'lí namúti mapu riká abóni a'lí napawíka nócha'mi amapu riká aní nulálíwa'mi mésiko nirúa'mi, ke ompama newaya jépíre ke tanewita'mi nisa, ke nakisa 'échí jáwa'mi wea'lá, mapu riká aní nulá nulálíwa'mi 'échí wachia nulálíwa'mi, mapuriká nocháma machí bujana'lí wa mináchi a'lí mapu riká aní osirua'mi nayoana kaya'mi, 'échí ku anaritima ma niwarámi a'lí mapu a'lá machírua'mi kíti a'lá olaba mapu a'lí jónsa chóta'lí, mapu a'lí josa arámi risencia, ke a'lá eneta'mi nisa ka ku bela éra'mi níima 'échí risénsia 'échí walua'lá kobierno jereralchi oméroma tibúa kíti a riwita'mi níima. Seba'lí raicha'lí ko a nijíma wea'lá jáwa'mi mapu a'lí 'échíriká a nisa walú nulalíwa'mi. 'échí bitirolio kítira aníwaka a'lí seba'lí mapu bitiroli nati kayéna, ke risénsia arámi níima kebilé katuita'mi, 'échí kéterako abóni jáwa'mi nocháma, ne mapu riká aní nulálíwa'mi. Ayénacho jáwa'mi jémi kacwichi nulámi a'lá animéa chüreka neba namúti ikí neliwa a'lí mapu riká néra'mi nima jarécho mamutí. 'echiko pe néarabi nima kíti kilí néra'mi nima.

Omána kawíchi ayé néra'mi pe kéa bawéchi ko a jiyawika seba'li rerecho a niwi suwama estaro a'li mapu o'na jósá nula mapu riká osirúa'mi mapu kayéni konkreso. Mapu o'na abóni a nóchaka meka rejowi a ruyá aní okúa siénto mikámi mapu onábi inásare, mapu o'na jónsa maní bawí. Isíni ke riwéta kíti kítimulípura nóchama, écchi rika ilára'mi nima mapu re échirika abóni a ilásaka bachá a'lá natuúka jaréana Estaro jáwa'mi yúa.

Mapu rika ompaba nulaya jareana kawírili a'lí bawírili mapu rirú jémi kawíchi ala nejéka olába mapu bachá anirúa'mi jú.

I. Mapu mésiko ranarua'mi a'lí ocherikámi a 'niwima rerécho mapu riká 'niwima weé, bawí, mapu risénsia arámi jú mapu bujanama mináchi a'lí bawírili. Jáwa'mi Estárochi aníma mapu nijíma reréchomekaka jónsa sia'mi, mapu túa natuiwili mapu ma karewiká ola osili mapu jémi perelima, tibuta'mi níima abóni kétera kobiernowa'lá, mapu riká aní ke chiriká nokisáa ku eta'mi níima 'échí oselí seba'lí mapu iki 'niwi. Ke omerima 'niwia weé a'lí bawí mulipi biléanacho paischi a'lí ke bilé mulibe suwe walu bakochi.

'échí Estárochi mapu riká natui si'néa'mika a'lí bacháriká anirúa'mi a oméroma nea secretaria a'lí relaciones, kíti arisesni arámi níima mapu ke nai mésiko ochera'mi jú kit a 'niwima ka'lí mapu o'ná perelima wea'lá jáwa'mi,

abóni bi niwa'lá suwába mapu iki namúti newalé mapu kurita'mi níima mekabe jóonsa sika'mi,

**II.** Mapu napawíka onorua'mi bichikia'mi jú a be nejeyka ola 'échí osirua'mi bilé siento besamakoy a'lí mapu riká aní nulálíwa'mi mapu aní a ompama, namúti 'niwia nea alo tibúa seba'lí abóni niwa'lá mapu abói newalé, na'lí mapuruka taníwa mapu jóonsa nakiliwa mapu riká aní nulálíwa'mi;

**III.** Mapu o'ná nikurowa, si'néa'mi a'lí ibili nira, mapu riká kuira'mi jú we risóati, aa'mi suwába namúti kétera, mapu a benri seba'lí namúti, a'lí nikurili mapu neja napawíka nócha'mi a'lí jarécho ka'lá, ke oméro 'niwia, jarécho namúti mapu newalé abóni, we jiywiti a'lí mapu aba, a nokiméa mapu riká nulálíwa'mi;

**IV.** Mapu napawíka ra'lí newa abela ompama 'niwia wee' mapu chulu newalé. Ke sineti ompama mapu napawíka nócha 'niwia wee mapu o'ná ichimea, welima namúti, mapu seba'lí oko nati nocháma wiliminá ke simirima mapu riká aní rojanárámi makói ma'lí jéna osirua'mi. 'échí nulálíwa'mi a'lá tibuma kíti anariká 'niwima mapu napawíka nócha chiko rikácho, ke simirima ne wele mapu sijú kuichi weewa'lá.

Jeriká nisa, suwába ibilipi niráa abela 'niwicho we charikáchi, abela Osaka uchucharámi níima komputarorachi. 'échírikácho aní, 'échí nulálíwa'mi mapu 'échírikácho nokiméa mapu nikurima nóchamekaka sia'mi.

'échí binói a anímea chûrika roára'mi níima oselíchi, jéna kétera rojanára'mi;

**V.** Banko wenomí tibúa'mi a risénsia ára'mi, mapuriká a'ni nulálíwa'mi mapuriká a tanewi winomí, a 'niwima wenomí, mapu nati natetima mapu a'lí ne weé kétera a'lí weé we charikáchi mapuriká osirúa ochúwi nulálíwachi, ke bela oméromá niwíá che wiká namúti pe mapu abóni bi néwale.

**VI.** 'échí estaróchi a'lí ristrítio jerera'lí, a'lí ayénacho suwába municipio mapu iki niru suwamá ripublika, a oméromá niwíá a'lí neá séba'lí namúti mapu riká a'lá néwale kíti a'lá nakúrima.

'échí nulálíwa'lí ma jereráli a'lí o'mána Estárochi mapu o'ná jóonsa nulásare, abói anímea chûrika néba échi weé mapu a'lí sinéa'mika néliwa biléana ke wési niwa'lá, mapu riká aní jéna nulálíwa'mi 'échí wea'lá jú mapu a'lá nawésima. Mapu iki anírúa'mi jú mapu natétipa, a inéra'mi níima chu ikipi natéa'mika a'lí 'échíki ku natétika mapu o'ná natetiliwá, binói chiriká anísa tekua'lá a'lí binói a ilása a'lí a natetisa. Simirira natéa'mi nisa 'échí bonoi

niwa'lá a'lá karewisa bachá kécho inéwachi chu ikípu natéa'mi ke, 'échíriká bi níima mapu riká natéa'mi níima a'lí suniba karéwia, 'échírikácho e'neká olaba 'échí namúti ke anírua'mi chu kipi natesare mapu o'ná natetetiwa.

'échí mapuriká nokisáre jáwa'mi jémi o'mána kawíchi, mapu riká aní jéna rosirúa'mi, ne chiriká bélá nokísima mapuriká a'ni jáwa'mi raícha'lí karewámi; a'lí a anírua'mi níma bilé mechá simirísa 'échí jáwa'mi tibúa'mi a omerima jarécho rakiwa ke natetika weé, bawí a'lí ko séba'lí mapu si níwi, ke oméroma ku uwámi ikiyá 'échí jáwa'mi kécho aníwachi chu kilípi rikiméa.

**VII.** A be alá machiwá mapu wachía nócha suwába ejido alí mapu pe napawíka nócha, 'échíriká alá tibúki we'é mapu oná ichá alí mapu oná eperé pakóta'mi mapu abóni nóchaka ko'á.

Echí Nulálíwa'mi alá nikúrima tibúa we'é ralámuli níwa'lá.

'Echí nulálíwa'mi alá aní mapu a nerába abóni pobolo alí mapu reká náta pakóta'mi alí mapu regá eperé oma'ana ejidos alí pobalo, tibúpa seba'lí we'é mapu oná ichá, seba'lí okuéachi alí bawí mapu sineá'mi né, alí a nocháma kítí kék 'lówa eperélima abóni.

Nulálíwa'mi alá kuírima ejidatarios alí mapu ke ejiratorios jú, kítí abóni alá natúwiká nocháma séba'lí mapu níwa ejido, nalí nulálíwa'mi níima mapu alá tibúma 'échí nócha'lí alá chéka wachía'mi rerécho mapu níwa ke ejiratarios jú, mapu sineámi ka tibú la alí né seba'lí we'é, ayénacho suwába ejiratarios mapu abóni a níwa re we'é mapu oná ichá, nulálíwa'mi alá kuírima kítí alá natúwiká nocháma mapu reká nakí abóni, alí jaré túa kere. Isini jarécho tanéwisa re we'é, abinói napawíka aníméa mapu reká nakí abóni nalí alá ra'ichásá bachá.

Biléana ejido tási ne wilé níwima we'é ibíli ejidatarios pe malí por ciento bi níima (5%), isini joré simíra'mi wilé we'é níwisa alá neráka nulálíwa'mi rojanarámi makói ma'lí makói malí.

Si'néa'mi ejiratario napawíka natuika anísa a'lí ayénacho mapu napawíka nócha weé na'lí jú mapu we natiki, si'néa'mi alá natúwiká kítí alá nocháma né mapu regá aní nulálíwa'mi. Wilia'mi komisariado ejida'lí alí mapu wiláli comuneros 'échí níima mapu alá nocháma ejido kítera alí comuneros omá, ne mapu regá aní napawikiwa'mi, 'échí jáwa'mi ko a jawarámi níima ne mapu riká aní nulálíwa'mi, 'échíko jú nócha'mi ne mapu riká aní napawikiwa'mi.

Checho ku nésia weé isíni wikáwisa we'é, bawí alí okéachi, a'lá chea olába ne mapu riká aní nulá'lí mi;

### VIII. Aníwá mapu ke iré:

- a) Suwába we'é, bawí alí rabóaye nirúa'mi, ke wesi niwa'lá níima séba'lí ralámuli nía'lá jú, sumá rejóachi, mapu napawíka nócha y alí suwába komiráchi alí póbolo e'peréa'mi, niwaa'lá jáwa'mi sumá estados wea'lá jáwa'mi, pe chuwé jáwa'mi, ne mapu reká nulá nulálíwa'mi raichára'mi osá makói malí rawe mechá júnio, bamiba'lí bilé mili osa nayó siento ma'lí sa makói usaní, alí chéa che jarécho nulálíwa'mi.
- b) Séba'lí mapu 'niwi, ku karewiká a'lí séba'lí mapu alí ra'lí néwa we'é,bawí,alí séba'lí alí rabóaye ochéria'mi ké uméri ra'lí néwa kalí secretarías de fomento,hacienda omá alí ni bilé jáwa'mi Kaémi mésiko muchúwa'mi,'échíriká aníro chabé bilé rawé sébachi mechá diciembre,bilé mili osá nayó siento kicháwisa amkoi usaní alí jipi a si, mapu oná pe chuwé ke risensi iyásuwa ariká 'échímí kayenáro ejidos,alí we'é suwába néa'lá a nachutása we'é ralámulu néa'lá,níwa'lá omá alí mapu oná weká rejówa re.
- c) Séba'lí oyériwa'mi,eyéwa'mi,nijíwa'mi o mapu alí ra'lí néliwa alá chéa nulálíwa'mi rojanarámi bacháwa'mi,seba'lí jáwa'mi oyera'mi jémi o'mána estados a'lí o'mána nirúa'mi, mapu náti éta'mi jú we'é ejidos seba'lí we'é, bawí seba'lí kachi aye, alí we'é mapu né suwába a ralámuli ne 'échímí a perémi níwa'lá jú.

Ma ke natéa'mi níima mapu bachá aníru pe weé mapu a niwa'mi jú oselí mapu a nachutarámi jú ne mapu riká aníli nulálíwa'mi osa makoy mecha júnio ba'mia'lí bilé mili osa nayo siento ma'lí sa makoy usaní a'lí mapu riká tekua'lá rewa'lá ucharámi jú oselí anía'mi mapu makói ba'miba'lí ompama nea, mapure ke me simirisa ma'lí sa makoy hectarias.

**IX.** Séba'lí rojána nachutásuwa we'é alí iyásuwa suwába pakota'mi mapu eperé 'échímí o'mána, isíni ké alá nisa a ké natéma,a elása pe okuá pagota'mi mapu eperéa muchúwi 'échímí we'érili, mapu nachutába re, alí a eyábo suwába chimiaye e'peréa'mi mapu ké níwi we'é.

**X.** eyá jiwerá'lí bilé nulálíwa'mi

**XI.** "Ma ke natiki

**XII.** "Ma ke natiki

**XIII.** "Ma ke natiki

**XIV. "Ma ke natiki**

XV. Jémi kawí méjiko, ké risensi jú mapu nocháriká ké natétipa pagóta' mi.

Ku'uchi weéwa'mi jú mapu ma níwa re we'é bilé siento hectáreas mapu oná ichá, alí uché pe kuchii pe chuwé we'é.

A sebárima bilé hectárea mapu oná bawí roéka ichá alí okuá hectárea níima mapu pe sinibí bamíba okeachi ichá, nayó hectárea níima wé kasaleachi ko, alí osá nayó hectáreas okéachi, rabó alí kasaleachi o pe chuwé remojachi wakichéachi.

A taa níwa'mi jú a ma níwa malísa makói hectáreas mapu oná ichá algodón. A bawí roéka ichisaa bikía sientos hectáreas ichisaa seba'lí namúti rakéa'mi mapu regá plátano,akaaní son, kajé,kulu, alí uli, ichisaa omá rakúa,vid ulí,olibo,bainiya,cacao,mee, ilá alí séba'lí namúti rakéa'mi.

Pe taa 'niwia'mi wee mapu oná alá kasalé, alá sebárisa kówia binói upukúla namúti, mapu oná alá akaana malísa makói sientos waasi, alí jarécho ipukúla pe kuuchi ena'mi.

Abóni we'e níwa'mi alá tibúka nesa wasá a be kuuchi jú, a risensi jú ktí a nijíma séba'lí oselí mapu táníwa, mapu alí kayenába re jaré namúti 'échímí we'érili, a nésiwa 'échí we'é ichiwaa seba'lí kowaa'mi, ké simíra'mi wilé nisa alí kecho alá olára'mi nisa ne kulii a'lí simirosa mapu riká aní jéna rojanámi, a napabusa seba'lí oselí mapu riká a'ni nulálíwa'mi.

Mapu a'lí kuchi weerili mapu o'ná a weliwa namúti, a'lá nesuwa a'lí ichusuwa namúti ke simirká wele nema we'e, mapuriká aní osirua'mi okua a'lí bikia jéna rojanarámi ke a'lá nisa bachá kecho karewisuwa.

**XVI. Ma ké natiki.**

XVII. Jáwa'mi mapu muchúwi kokreso napawíka nócha'mi alí nulálíwa'mi newaa'mi o'mána Estárochi, mapu o'ná jóonsa bi nijíma nulálíwa'mi mapu riká aní osirua'mi a sí nakúro karéwia ra'icha'lí, ké wesi chikóma ni bilé uméro ra'lí néwa 'échí we'é mapu kuchi ripíli 'échímí mulipi, nejewiká mapu nulá rojanarámi nayó alí makói malí jéna osirua'mi.

A kuchii ripísa ko we'é alí ké nachutása a'lí ra'lí neasa si'néa'mi riwiriká a'lí winomítí bilé bamíba'lí simárisa mapu alí anéero, anariká a'lá riwita'mi níima

‘échí niwa’lá rerécho abela chewima mapuriká nísare a be ra’lí kíapa mapu a ra’lí náli nalí alá chéka mapu regá nulá walú nulálíwa’mi.

Nulálíwa’mi mapu a nirú chimí emi eperélachi, ‘échí níima mapu alá natuwima seba’lí pagóta’mi niwa’lá namúti, alá aníká píri nalí alá natéma, ké nakuliata’mi níima ‘ni bilé éba a’lí ke wesi bujeba.

**XVIII.** Alá enébo oselí mapu a’lá natuika alí conseciones mapu kayenáma nócha’lí, mapu newáli jáwa’mi ne chabé bamíba’lí bilé mili osá nayó siento kicháosa makói siento usaní, mapu chapíli wilé we’é, bawí alío séba’lí okéachi mapu niwa’lá jú jéna kawí, ké bilépi rejoí niwa ripíma, na’lí wéa’lá jáwa’mi a ku sulíma ‘échí we’é, ke a’lá nesa si’néa’mi niwa’lá pakótámi ‘échímí mochíasa ko;

**XIX.** Ne mapu regá nulá kostitucióni, jáwa’mi sumá estados muchúwa’mi alá nuláma churegá alá machíná katewába ra’icha’lí we’é kítera, mapu nirú sumá ejidos, we’é suwába pagóta’mi néa’lá, kuchii we’é niwa’mi, alá kuíripa suwába ichaa’mi alá akaréwa.

Mapu oná jóonsa bi nulá walúa’lá wilia’mi ‘échí we’é kítera mapu nirú o’mána ejiro alí we’é suwába pakótámi néa’lá, pe chuwé a nirúsa karúa’mi chimí ejiro, na’wasa jaré nasulía we’é, kíti a katewába ‘échí ra’icha’lí, jáwa’mi alí walua’lá nulálíwa’mi enéka a jáwama tribunales mapu oná mochía jáwa’mi magistrados mapu a jáwa’lí ja’wa’mi Gobierno jerera’lí, alí kámara mapu oná muchúwi Senarores ,a akaréwima ra’icha’lí we’é kítera nalí alá enéka nulálíwa’mi.

Jéna keterako suwába karewia raícaha’lí weé kítera, ‘échí nulálíwa’mi a’lá nulema kíti abóni natuika a’lá kuirima mapu o’ná nikurisare, napawíka majistrado túa, mapuriká aní wea’lá jawama jereral a’lí mapu napawíka nócha kamara serores, mapu a’lí isabisa jéna, nikurima mapu sinibí a nócha.

‘échí nulálíwa’mi a newama mapu a nakurima karewia, raicha’lí weé kítera, a’lí.

**XX.** Jáwa’mi Estárochi muchúwamu alá nakúrima kayéna wíká nócha’lí kíti a nocháma pagóta’mi alí ‘échíriká suwába alá kanília eperélíma. Ayénacho nakúrima suwába alá nócha, alá tibúa séba’lí mapu kayenáluwa, ayénacho tibupa seba’lí okó, churegá nebo we’é alí nócha’lí mapu jawáluwa o’mána, mapu oná newalélíwa, alí tanéwipa wenomí newalésa ko, binekíwa’mi alí kuírili má.

Alí jáwa' mi buyanáma newaká séba'lí nulálíwa' mi kíti alá natúwiká nocháma alí kayenáma séba'lí kowaa' mi, alí 'échí kítera a jarécho kowaa' mi kayenába alí ra'lí népa ché jaréána mapu omí a newalélíwa.

**OSIRUA'MI 28.** Jémi o'mána kawí Mésiko, ké nakipo mapu jarécho nayuriká nuláma, eka raichama chúriká nipama mapuriká aní nulálíwa' mi. 'échíriká anera' mi a'lí ke nakiwita' mi níima osiwa'lá mapuriká kuirima 'échí nócha'lí achi.

Karúa isisa, 'échí nulálíwa' mi ne wabe jilika rikirima, a'lí jáwa' mi ko asima we a'lá, we nataka su waba napabua namúti bielana pe okua mapuriká aní osirua' mi mapu riká seba'lí nera' mi níima a'lí mapuriká a'minábi we natesima seba'lí namúti; suwába chiriká, newasimi a'lí nasoka namúti, nócha'lí wachi, ra'lí newa' mi a'lí wikána nócha' mi, chue chiriká nokisáa, kíti ke biléanabi wiká nocháma kíti ne anari ra'lí kiama kíti ke simira' mi natetika ra'lí kima a'lí ke wesi simirisare mapuriká ke a'lá jú bilépi a'lá mayea a'lí wikáka anírua' mi kíti ke risóa olarámi níima pakótá' mi jarécho pe a niwa' mi.

Nulálíwa' mi alá aníméa chukipo natéma kowaa' mi, namúti séba'lí mapu newalé pagóta' mi, alá natúwiká o'mána nachutáma mapu oná a newalélíwa, ké riwéba kíti bilépi pagóta' mi suwába ra'láká simíra natétika ku ra'lí néama. Nulálíwa' mi alá nikúrima natúwiká alá tibúa mapu regá newalé pagóta' mi.

Séba'lí nulálíwa' mi alá tibúma namúti kowaa' mi natikála, kíti ké ne simíra natéka na'lí neama séba'lí namúti, alá nataka mapu jémi o'máana kawí a rejówa ké wenomíwa' mi a'lí pe risóata jú. Ra'lí néwa' mi alá natuwiká nachutáma o'mána kowaa' mi nalí ké ne simíra natéka ra'lí kiama. 'échí nulálíwa' mi alá tibúma pagóta' mi mapu ra'láká ko'á kowaa' mi, kíti ké we natétika ra'lí kiapa namúti.

Jáwa' mi muchúwa' mi Estáro ké kuírima jaré mapu napawíka nócha alí ne nulána'lí jáwa' mi mapu churegá nocháma túa, mapu chijána oselí correos, telég rafos, radiotelegrafía, petróleo, alí seba'lí mapu newalíwa' échí kítera, minerales radioactivos alí naí nuclear 'échí seba'lí alá nuláma nulálíwa' mi mapu kíti a buyanáma jáwa' mi congreso de la Unión. A'lá iré seba'lí mapu náti ra'ichába, a'lí mapu oná simírima treni a'lá iré, ne mapu regá nulá ley nulálíwa' mi, alá nejeka mapu regá nulá articulo osá makói malí, rosirúa' mi oselíchi kostitucióni; jáwa' mi Estáro muchúwa' mi alá nema alá tibúma kíti ké wesi risóa olára' mi níima, mapu alí nijíliwa risesni kíti alá tibúpa seba'lí buwé o'máana nirúa' mi ne mapu regá nulá nulálíwa' mi 'échí kítera.

Jáwa'mi Estárochi muchúwa'mi, a jawáma ka'mi nocháma alí yepika nocháma 'échióná kíti alá natúika a eneká mapu a jiwrili alí jiyáwiká kuíripa, nalí napawíka nakúriká túa pakóta'mi alí napu waná nocháma mapu riká aní nulálíwa'mi.

Jáwa'mi Estárochi muchúwa'mi a wiláma mapu oná katéwiká tibúma wenomí, abóni natúwiká alá nocháma. Alá tibúma ké riwéma kíti wikáwima natekáala, alá wachía tanéwíka wiká muwéwima alí ku néba estadochi. Ké wési jáwa'mi nuláma mapú chue tanéwipa wenomí.

Jáwa'mi estadochi nócha'mi, tási umeroma nuláyá mapu churegá nochásá re 'échí kalí wenomí tibúa'mi, ni bilé aníméa chu ayéri wenomí ché buyanába.'échí kalí wenomí tibúa'mi ko aboy nejewiká nocháma nulálíwa'mi, alí nejewiká cho weá'lá jáwa'mi, mapu alá nakuri alá wachía alí alá tibúka nócha. Kíti alá wachía nocháma 'échí kalí wenomí tibúa'mi a be jáwama 'échióná nócha'mi 'échí walúa'lá bisirénte kaémi atia'mi a yúa jáwa'mi mapu muchúwi kámara de senarores o mapu sinimí 'échióná muchúwi nócha, alí isini a nakulíwipa kíti jarécho uché nocháma nalí abóni nátaka, isini a nakulíapa mapu alí karúa isisa bilé 'échióná nócha'mi, alí ké riwéba kíti bijí a nocháma joreana, ni bilé bichíwipa a nócha ruyá anísa kalí wenomí tibúa'lachi.alí ké natétira'mi mapu alá binéka'mi nisa omá. 'échióná nócha'mi a oyéripa ne mapu regá nulá osirua'mi bilé siento miná makói, mapu osirua uchuwi jéna kostituciónichi.

'échí mapu napawíka nochá noká ke belá ompama ne simíra nuláyá mapuriká abóni a tibúka oláma abóni niwa'lá a'lí a'lí jarécho ko mkapu napawíka nócha a'lí mapu natuíka noócha kíti tuyésima, kíti abóni ka'lá tibuma namúti suwába mapu iki 'niwi, a'lí mapu ra'lí neaka n oka namúti moómi bajonika namúti jémi newarámi a'lí 'échí jú nócha'lí mapu minábi a'lá nikúro jémi namúti mapu we newaléliwa, 'échí natuika nocháma a'lá inera'mi níima wea'lá jáwa'mi kétera jerera'lí a'lí Estárochi muchuwa'mi, bachá a risénsia arámi jú jáwa'mi kétera, mapu nulálíwa'mi newaa'mi jú. 'échíbi nulálíwa'mi niwa'mi, anímea mapu ke natiki, mapu a'li iwéra'lí tásaka mapu newalé sinéa'mi, mapu nakiri mapu napawíka nocháma mapu riká jú.

Mapu napawíka nócha ke bela nejeita'mi níima mapu a'lí abóni anísa mapu a'lí tasa risénsia chu kilipi nokáka kayénama mapu osa, a'lí wikára mapuriká abóni nokiméa, mapuriká a neta mapuriká abói machíka newa'lí, a nakita'mi níima mapu machíka newa'lí a a'lí mapu we machíká newá.

'échí Estáro, nejewiká nulálíwa'mi, ompama mapu riká abóni naki tanewima kíti jarécho a nakuroma mapuriká nocháma, a'lá neka náchaka seba'lí namúti

o'mána nirúa'mi, na'lí be mapu chikacho ke nakiwa, 'échí nulálíwa'mi a'lá anímee mapu riká rejolipa a'lí kíti sí'néa'mi a tanewita'mi níima a'lí neba seba'lí namúti mapu iki niru, a'lí ke nakiwipa mapu sue anímea napawíka kíti ke cha á aneba jarécho.

Mapu riká kuiripa sinéa'mi ne mapu riká a'ni kostitucióni a'lí ne chirikábi nokiboa mapu riká aní nulálíwa'mi.

A nijira'mi níima nikurowa'mi a'lí nócha'lí mapu a'lí we newalélíwa, mapu a'lí omarua'mi jú, pe telibi nira'a chirikábi nukuro kíti ke wikáma wenomí o'mána. Jawama Estárochi muchuwa'mi a'lá tibuma acha a'lá suwabita'mi ka 'échí wenomí jéna kítera.

**OSIRUA'MI 29.** Mapu a'lí jarécho chimi moisa a'lí we chariká nikumea a'lí ke nakisa mapu kili perelima, kíti ke suwe ikimea a'lí nakichika, 'échí bisirenti bi Mésiko atia'mi a natuika jáwa'mi sikritario jémi Estárochi muchuwa'mi a'lí (raícha'lí karewa'lí a'mi karúa o'mána nirúa'mi jerera'lí procuraduría general de la república) 'échíriká ko mapuriká katuiwili nócha'mi 'échí konkreso napawíka nócha'mi mapu sinibísi chú kó ré ke napawíka ke, a ompama anía kúmi jónsa a'lí ke nakia o'mána kawíchi a'lí mapu o'ná jónsa bi nóchasare 'échí rerécho kétera a'lí chewia ke nakiwa mapuriká nokiméa, we sapuka ke nócha'lí olaka 'échíriká; pe telibi ke nakiwa, a'lá chewiká sí'néa'mi a'lí ke nakiwita'mi níima a'lí ke era'mi níima a'lí ke ibilibi pakóta'mi rosoa olara'mi níima.

'échí ke nakiwa'mi a'lí kú ewa'mi 'níwisa kúmi o'ná muchima konkreso napawíka nócha'láchi, jénako nijíma risénsia maputika a abói maye mapu newa'lí wa mapuriká kíti 'échí jáwa'mi nokiméa karewia 'échí namúti ke a'lá jú; mapuli nesuwaka mapu a'lí isabiwa, a iyawiti napabuba konkresochi kíti a katuika nokiméa.

'échí nijira'mi nulá'lí wama, ke ompama ke nakiwa ni bilé ea kit a nera'mi níima rerécho kíti ke wesi mi kawélima, mapuriká machíwa'mi níima bilé wilia'mi, a rawewa'lá, mapuriká bitelina'lí , a'lá tibúka retema'lá, binói rewa'lá, mapu o'ná ochera'mi jú; rerécho kuuchi kuli ocherisia'mi niwa'lá; a'lí rerécho jáwa'mi niwa'lá; a'lí mapuriká natana'lí , mapu riká inili a'lí mapu bichiwin'a'lí , a'lí mapu iyeri onorua'mi bichiwin'a'lí jaré rikámi; sinewi ne wachia a'lí ke ku upa'mi simama; 'échí ke nakiipa mapu koirua'mi níima; ke nakiipa mapu risóa olara'mi níima a'lí mapu risóa olaka nócharita'mi níima; 'échí ke nakiwa'mi mapu ke newa ikimea iwera'lí niráa a'lí risóa olaka; ke bilé 'échí jawama júrisia'lí mapu ke me newalélíwa mapu si tibúma jéna rerécho.

Ke na'lí wa a'lí eliwa mapu neba rerécho a'lí nakita a niwara'mi níima a anírua'mi mapuriká aní kostitúsióni anariká chewipa kíti ke cha ikimea, suwába tibulowa a nakira'mi; a'lí anariká a neka kíti ke wesi kawelita'mi níima.

Mapu a'lí ma pe riwesuwa 'échíriká nokiwa'mi abela ku neba 'échí rerécho a'lí nulálíwa'mi, 'échíriká ku sunisa a'lí ku a'lá rusa 'échí konkreso, sinéa'mi a'lá ku wachia a'lí wenomí tiubua'mi bukuruta'mi mapu a'lí anírua'mi ripima ke chibi ikika we jiyawiti. 'échí jawama a'lá inema ke ompama inea a'lí 'échí konkreso kíti ke nakiwa a'lí pe ema.

'échi nuliwa nijira'mi 'échí jáwa'mi kétera mapu ke nakiwa'mi ku era'mi, abela we a'lá inera'mi níima oselí 'échíriká nokiméa inea jáwa'mi supremo korte de jústicia de la nación mapu anoboa we iyawitiacha 'échí kostitúsióni a'lí natéa'mi.

## Capítulo II

### Kawí mésiko ochérikámi

**OSIRUA'MI 30.** Mésikanos ko jú mapu jémi a awía'mi jú, a'lí mapu jémi a katéwa'lí oselí.

A. Mésikanos jú mapu jémi a awíli a'lí ochérili:

I. Mapu a ranarúa'mi jú jémi kawichí aye, chu kore sinú kawí a'lí mekabé jóonsa síka'mi ké wénowa'lá.

II. Mapu ranéra'mi jú bo'omi bajonía, kuchuwa'lá nísia ewénowa'lá jémi mésiko, ochérikámi kawí mésiko, onolá mésiko awía'mi a ochériza jémi kawí, alí iyélacho jémi kawí mésiko ochérikámi nisa;

III. Mapu ochérikámi jú bo'omi bajonía, alí ewénowa'lá ko mésiko ochérikámi nisa, onolá jémi awia'mi nisa, iyéla jémi awia'mi cho nisa alí;

IV. Jaré ranarúa'mi nisa barkochi bawéchi ena'mi alí pe ropláni aséka enisa mapu néena kówa'mi o namúti ra'lí néwa'mi omá.

B. A jémi kawí mésiko ochériká mijú;

I. Jaréána ochériká mi alí manarésa oselí mapu nijá secretaria de relaciones oselí aní a'mi mapu majémi ma machírua'mi jú.

II. Mukí alfrejói jaréána síka'mi nisa, alí napawísare niwísare joi a'lí mukí yúa jémi mésiko ochéra'mi, aperelisa jémi kawí mésikoalí alá seba'lí oselí táníliwa mapu riká nulá nulálíwa.

**OSIRUA'MI 31.** Mapu riká ne iwera'lí nokisáare mésiko perea'mi.

I. Abela júlasare kúchuwa'lá alí ke wénowa'mi sikuelachi si'néa'mi niwa'lá a'lí ko mapu ké kobierno niwa'lá jú, Kíti alá benerita'mi níima richolí, primaria, alí sickuntaria kíti a bineba sontarisi kétera: mapu reká aní nulálíwa'mi.

II. Abela simasare chu kipi rawe anera'mi jú sikuelachi alí hora mapu kilipi anera'mi jú mapu oná peré, kíti a'lá anera'mi níima abói mapu chúriká nokisáare alí narema mapuriká sontarisi noká. Kíti alá chiriká nokiméa mapu reka aní rerécho pakóta'mi niwa'lá, we sapuka nema ranela, ne alá machía'mi mapu riká nokisá ré sontarisi.

III. A'lá ikirisa kíti ne chiriká nokiméa tibúa o'mána mapu reka aní nulálíwa'mi ne alá napawíka ki ti né chiriká tibuma mapu reka nokina'lí abo ikiika, mapu o'ná jóonsa jú, alá natéa'mi niraka a'lí mapu iki newalé o'mána, a'lí kíti kanília perelima abóni;

IV. Alí si nikuura natetia mapu iki suwawiba, chirikácho o'mána, mapu riká ristrito jerera'lí a'lí Estárochi ayénacho munisipiochi mapu o'ná peré, mapuriká níisare kíti anariká kuirita'mi níima mapu riká aní nulálíwa'mi.

**OSIRUA'MI 32.** 'échí nulálíwa'mi alá kú newama rerécho kíti 'échí nulálíwa'mi newaa'mi naí kawíchi mésiko kíti ama si'néa'mi mésiko e'peréa'mi kíti 'niwima biléana chó kawírili beteliwa'mi.

A newama chú reka alá e'perelima ké naawaka kíti ko okuana kawírili e'peréa'mi jú.

'échí mapu reka nocháma jawaa'mi alí chú reka nokiméa 'échí riká, konstitution kétera, newalépa kíti né kawíchi mésiko awikámi níima, a'tibupa mapu 'niwi 'échí abói alí ké newalésa mapu biléana chó kawírili betelima. Jéna abói niwa'lá ayéna chó á níima mapu reka tibupa mapu riká aní jarécho nulálíwa'mi nócha'mi napawíka congreso de la union.

Mapu alí kilíi rejoliwa, ke weesi boónaka bajonika e'peréa'mi oméroma nikura jemí sotarisi túa, *ke bilé wea lá polisia ke bilé si'néa'mi tibúa'mi*. Kíti si sotarisi níima kilíi ke nekoka e'peréliwachi alí 'échí sotarisi ena'mi sinibísi ropilaníchi, nochásá chuwé nócha'lí alí nuleraa'mi 'échí riká, á newaléliwa mapu mu naí kawíchi Mésiko awía'mi níima. Jeirikácho abói newalépa 'échí kapitaní, mela'mi iníia umaa'mi, nulá'a'mi, makina newaa'mi, karewia'mi makina alí, mapu iki newaléliwa, si'néa'mi mela'mi chuwé bárikó alí ropilaní chewia'mi bantela naatí alí machírúa'mi a'lí níima mapu nokámi jú jémi kawíchi mésiko. Ayéna cho newaléra'mi níima kíti kapitaní níima mapu o'ná uchúpa si'néa'mi baw'échí ena'mi alí sinéa'mi nikura'mi baw'échí ena alí komantante nirúa'mi mapu o'ná si si'néa'mi aseliwa'mi.

Nai mésiko sia'mi á chapirua'mi níima alí boónaka bajonika'mi ayénacho chiriká olaba, suwába nakiwa'mi alí suwába nócha'lí wa'mi, mapu reka isima alí mapu reka nulera'mi jú walua'lá silia'mi kétera ke newaléraa'mi níima abói e'perélachi.

## Rua'mi III

### Boo'náka sika'mi kétera

**OSIRUA'MI 33.** Boo'náka jóonsa abajonika'mi ko ke oméro nokáya mapuriká aní osirua'mi besa makói kostitusióni a'lí niwima rerécho a'lí a seba'lí mapu aní echo'ná kostitusionchi.

Jawa'mi napawíka muchuwa'mi, mapu a'lí seba'lí raícha'lí karewima, a oméro ku bujana mapu jaréánacho jóonsa sika'mi mapu kíti a chiriká aní 'échí nulálíwa'mi, a ku anari sebarisima mapuriká nokisima tibúa, mapu o'ná a'lí chu kilipi chapirua'mi níima.

Jaréánacho jóonsa sia'mi ko ke oméro politiko niráa nócha.

## Rua'mi IV

### Mésiko awia'mi pakóta'mi.

**OSIRUA'MI 34.** Abela jémi o'mána perea'mi jú 'échí raramuli a'lí umuki, mapu mésiko pirea'mi jú, a napabusaka, ayénacho, a nijisaka mapu taniwa:

I. Makói osa nayo ba'mia lí sebarisa, a lí

II. ke chibi nokáka perelisa.

**OSIRUA'MI 35.** We a'lá jú mapu pakóta'mi oméro nokáya:

I. A owita'mi níima kíti si botarima;

II. Bachá chapirua'mi níima kíti wilarama níima, a lí ara'mi níima jarécho nócha lí mapu riká a nejewiká nulálíwa'mi;

III. A napawíka ibili niráa a lí abói ilaka a si nakuroma karewia raícha lí politiko jémi o'máana kawíchi aye nirúa'mi;

IV. Chapimea ranela 'échí sontarosi a lí kawí tibúa'mi, kíti a nimima o'mána a lí a'lá tibuma mapu o'ná muchuwi jáwa'mi, ne mapu riká nulá 'échí nulá lí wachi; a lí

V. A niwabo seba lí nócha lí mapuriká ta a''niwi rerécho mapu a lí ti namúti tána lí.

**OSIRUA'MI 36.** A iwérili jú mapu reká nokiméa jémi kawíchi eperéa'mi:

I. A oselí chiro'ába 'échímí munisipiochi **catastro**, abóni aníká píri namúti níwi mapu reká we'é, nócha lí, píri benéka mi alí píri timi nócha eperé; ayénacho mo'ába na ra'ícha lí **registro nacio'nal de ciudadano**, ne mapu riká nulánulálíwa'mi.

Mapu napawíka nóchaalí maúriká nócha omá **registro nacio'nal ciudadano** oselí newaká nijá aní a'mi mapu mésiko ochérikámi jú, alí kíti suwába machíméa, alí 'échí Estáro níima alí pakóta'mi mapu alá ruméa ne mapu riká nulá nulálíwa'mi.

II. Kariká oláma tibúa omna kawíchi;

III. A sí votárima a lí baweráma mapu alí nakulíwiwaj áwa'mi, ne alá nejewiká mapu reká nulá nulálíwa'mi;

IV. A nakúripo nirúa'mi (**elección**) jémio'máanakawíchiaye, alí Estárochi, a be natétira'miníima; alí

V. Mapualí a jawára'mi nisako kíti a nakúrima 'échí mímunisipiochi mapu oná a eperé, mapu alí timi (**júrado**) nisako.

### **OSIRUA'MI 37.**

A. Ke wesi Mésiko ocheroka'mi ke era'mi mapu jémi awia'mi.

B. Nai Mésiko mapuriká abói jú a wikáma jeriká niráa:

I. Mapu abói niráa nakina'lí bilé bo'náka bitea'mi, Mapu riká simeria bilé namúti mapu si'néa'mika neliwa mapu riká boo'náka jóonsa sia'mi, a nesa osili simira'lá boo'náka bajonia, a nareka nesa chuwé oselí, mapuriká simirasa walua'lá anika.

II. A bitelisa ma'lí a ba'mia'lí boomi bajonia.

C. A wikawília Mésiko perea'mi niliwa'mi:

I. A mi naresaka oselí a'lí nesaka oselí mapuriká walua'lá nulá'lámi boo'náka nirúa'mi;

II. Binói ikika tanewisa oselí natéa'mi bilé walua'lá silia'mi boo'náka bitea'mi ke risénsia tanisa konkreso jáwa'mi mapuri sinibísi nócha'mi;

III. A naresa a'lí nesa mapu riká riwiwa'mi boo'náka nirúa'mi ke risénsia tanika 'échí kokresochi jerera'lí a'lí mapu riká nócha'mi jú sinibí;

IV. A nakiwisa 'échí wilia'mi biléanacho kawírili 'niwia'mi oselí a'lí mapuriká isima ke bilé risénsia taká 'échí kokresochi jerera'lí mapuriká nulera'mi jú mapu nocháma sinibísi, 'échí wikánata'mi oselí osaa'mi ke si uchuchama wikánata'mi rua'mi, a'lí ko we machía'mi a'lí kabele abóni ikika nakura'mi; (literarios anelia'mi oli neraa).

V. A nikurisa, sayeria nai sia'mi, 'échí boo'náka nawa'mi, bilé silia'mi booka nirúa'mi a nimisa a'lá seba'lí be'neká biléana najórrowachi o'mána kawíchi, a'lí

VI. A jarécho che 'échíka anisa nulá'lí wa'mi.

Mapu rojanára'mi okua a'lí nayo jéna rojakama, 'échí kokreso napawíka nócha'mi a niwáma nulá'lí wa'mi jéna, mapu a'lí ke nirulisa risénsia a

na'mita'mi níima a nijira'mi, ma simirisa mapu jóonsa anirúa'mi jú nulá'lí wa'mi kétera mapuriká ani, a'lí ko pe nijikabi níima ose mapu taá.

**OSIRUA'MI 38.** Ma ke 'niwima rerécho jápi ma makói osa nao ba'miba'mi jú:

I. Jápire ke nokisáa mapu ani osirua'mi besa makói ke anisaka piri isa ke noká'lí jápi chue namúti iwera'lí ani 'échí osirua'mi jéna mapu ke nokiru bilé ba'mia'lí niráa;

II. Mapu a'lí oyeriwa kíti mayewa jápi isili 'échí cha isimiwa'mi japu a'lí risóa oliwa 'échí ripoka'lá (pena corporal); Mapu a'lí jóonsa kipu ba'mia'lí asimea bachára

III. Mapu a'lí m a 'échí rikiriwa'mi wipisoka ripoka'láchi;

IV. Pe wemi rasia'miti nisa tekuka ma mapu anirúa'mi jú mapuriká ruyeka isimi 'échí nulá'lí wa'mi;

V. Mapu masika isimi 'échí najoromi kétera ne mapu a'lí jóonsa aniwa kíti chapirua'mi níima a'lí m a ke 'échíriká nokisipa jápiriká isili; a'lí

VI. Mapu a'lí m a anera'mi jú chiriká níima mapu isili acha rikirita níima wecha ke oke 'échí nulá'lí wa'mi a nimea 'échí jápi nokiwa acha wekawama 'échí jarécho ma ema 'échí rerécho jápiriká pakótá'mi Mésiko perea'mi a'lí ne jápiriká kuiripa kíti ku a'lá niráa inilima.



TITULO OKUA



## Kapitulo I

### Bo'náka bajonía'mi kítera

**OSIRUA'MI 39.** Nulálíwa'mi o'mána kawíchiko a jóonsa niru pobolochi, seba'lí nulálíwa'mi echo'ná perea'mi jú mapu aní kíti abóni niwa'lá jú. Echo'ná pobolochi pera'mi ko a oméro nakuliwia nulálíwa'mi mapu ikisa ila.

**OSIRUA'MI 40.** Aboy nakika nokiméa kawí Mésiko e'peréa'mi kíti newama biléana kawí kétera machíwaa'mi, aboy nuláka, o'mána jereral, nasoka'mi Estárochi mapu reka abói elaa alí we ka'labe sinibisi 'échí riká mapu reka níisare 'échí o'ná; na'lí napawíka o'máana newara'mi mapu reka aní jéna nulálíwa'mi we natéa'mi.

**OSIRUA'MI 41.** 'échí o'nábi perea'mi nokiméa mapu reka nulá 'échí napawíka'mi, mapu re 'échí riká nisa ko, a'lí 'échí Estárochi kétera,

Mapu o'ná jóonsa nulásare, mapu reka aní 'échí costitucioni o'mána nirúa'mi a'lí wanataní Estárochi nirúa'mi, ke ompama natuwia jereral túa.

Ku kuliwa'mi newaaka a'lí abóni ikika chapimea, ne a'labe a'lí mapu iyiri jú, mapu riká nisa ré:

I. 'échí jáwa'mi politiko ko jú mapu si'néa'mi kuira'mi; na nulálíwa'mi ko anímea chu reka nuláma a'lí piri newaléliwa ki ti oselíchi bitibama wachia a'lí ne mapu reka níisare mapu a'lí botariwa. 'échí jáwa'mi o'mána a bela 'niwi rerécho kíti asi nikuro mapu a'lí botariwa estatalchi a'lí munisipa'lí chi a'lí Ristrito jerera'lí.

'échí wenomí si'néa'mi niwa'lá a nesuwa beneriwa'mi kétera, a'lí machíriwa'mi, asiwa'mi wenomí kétera a'lí politika, a'lí nócha'lí o sirua'mi newa'lí wachi.

D. 'échí wenomí si'néa'mi niwa'lá nócha'lí we natéa'mi noochaa'lá, mapu reka beneriwa'mi, machíriwa'mi, aasiwa'mi wenomí kétera alí politiko kétera, 'échí riká ayénacho mapu reka nokisáare 'échírikácho oselí osirua'mi buyana'mi, abela kó natema bikia porosiento má suwába wenomí si'néa'mi niwa'lá mapu iki ara'mi jú bilé ba'miba'lí nati nócha'lí wa'mi. A'lí besa makói por ciento mapu iki anirua'mi jú bachá, anarariká niráa nachutara'mi níima a'lí kichaosa makói porciento ko a suwabita'mi níima mapu ma suniliwachi botaria diputados jawa kétera.

Nulá'lí wa'mi animea chu kipu 'niwima mapu si kuiroma mapu abói aláa, ma suwába napabuka ke simirosa re sinibísí ba'miba'lí,

Ibilipi mapu jáwa'mi nina'lí (partido), makói porciente make simirosa re ma upawa'lá nejowiwa'mi (campaña) kíti wilába walua'lá silia'mi;

'échí riká ayéna cho nuláma chu reka nokisima tibusia a'lí neesia kúmi jóonsa owiina (chota) alí neeliwa'mi suwába wenomí mapu ikí 'niwi alí 'niwima mapu ikí bujeta'mi nisa re mapu re ke 'échí riká nokisáaka mapu reka anera'mi jú jéna kétera.

'échí rikácho, 'échí nulá'lí wa'mi animea chu reka olasima ku nijia wenomí mapu reka nokisáare 'échí jáwa'mi partiero jépi riká wekawasa 'échí oselí bitiba'lí a'mi rigistroochi a'lí ko mapu abói 'niwi a'lí ma ke natéa'mi níima ará'mi o'mána jereralchi.

**III.** 'échí jáwa'mi politiko o'mána nirúa'mi a 'niwima rerécho ma pu reka neema sinibísí 'échí neoki chijana 'lía'mi i o'mána.

**Rojanára'mi A.** 'échí instituto jereral eletora'lí 'échíbi níima jawaa'mi jepu ibili níima kilipi niráa simerata'mi níima Estárochi a'lí rariochi a'lí tilibisionchi 'échí kétera á newara'mi mapu reka abói naki a'lí mapu reka a 'niwi 'échí rerécho 'échí jáwa'mi politiko o'mána jáwa'mi, ne mapu reka anebare a'lí mapu riká aní nulá'lí wa'mi:

- a) Mapu a'lí chota nejowia a'lí mapu jóonsa nócha 'échí katuiwa'mi electoal á ripima mapu reka tibuma sistituto jereral lictoral nayosa makoy a'lí osa nao minuto sinibísí rawe, a chijinara'mi níima okua a'lí a'mi bikia minuto bilé hora neraa nawesia ibiliana bi rariochi a'lí kana'lí chi mapu o'ná ani chotara'mi d) jéna rojanára'mi kétera;
- b) Mapu a'lí nejowiwa ( precampañas) mapu a'lí bilé wilibama re, abelako 'niwima bilé minuto bilé hora neraa kíti nawesima rariochi a'lí tilibisionchi; mapu kilipi eraa'mi jú a neera'mi níima mapu reka ani nulá'líwa'mi;
- c) Mapu a'lí nejowiwa (Campañas) 'échí ko abela níisare mapu reka a chewima 'échí rerécho niwa'lá mapu wilia'mi nina'lí (partidos) politikos pe okuaa osa nayosa makoy a'lí ma'lí porosiento mapu kilipi 'niwi mapu reka ani chotara'mi.
- d) Jéna rojanára'mi;

e) 'échí nawesiwa'mi ibilipi rariochi a'lí tilibisionchi a nawesara'mi níima ne mapu a'lí hora anirúa'mi jú mapu reka usani sebachí a'lí osa makói nayo hora;

f) Mapu kilipi anirua'mi jú 'échí rerécho 'échí jáwa'mi político a nchutara'mi níima abóni kétera mapu riká: besakoi porciento anari a'lí kichaosa makói porciento a ripia'mi a yara'mi níima mapu jawa 'líwa diputados jererales we sapu jiyawiti;

h) Ibilibi partido político jémi o'mána kawí ke 'niwisa wilia'mi napawíka nocháma'mi (Congreso de la unión) aara'mi radio a'lí telibiosioni anariká mapuri ilara mi jú, a'lí independencia

i) Mapu ke wesi túa túa 'échí rojanára'mi A a'lí B jénai, a'lí ma ke nochámasa pakóta'mi owia jáwa'mi alí wea'lá jáwa'mi INSTITUTO JERERALI ELETORALI a anera'mi níima mapu makói okua porciento mapu kilii nokáká echoná Estadochi aniboa kilípi semerota'mi níima rariocho alí televisionchi, mapu riká aní nulá 'líwa'mi wikkánata'mi; suwába mapu nulera'mi jú, 'échí instituto chijanama 'échí partidos políticos ne anari niráa biléana cincuenta porciento; a'lí mapu ripíko abóni jáwa'mi a machí chu oláma a'lí a jarécho jáwa'mi ma ama, a'lí mapu riká jererales a'lí o'mána kawíchi aye. A ibinili partido politikos jémi o'mána kawíchi nirua'mi anema a nokiméa mapu reka a anera'mi níima kilipi bilé mecha a'lí ma'lí minuto a'lí mapu ripiko ayéna a semerota'mi níima seba 'lí raicha 'lí pe osamakoy sekuntos bi ibinili neraa. 'échí reka ikisaako, seba 'lí mapu a semeropa jéna kétera a anirua'mi níima mapu reka ani d) jéna rojanára'mi. Sine rikáchi 'échí instituto a umero ania kilipi a'lí chu reka semerota'mi níima raicha 'lí 'échí bilé partido político, kétera mapu re 'échí riká anisaa ka.

Partidos politijos ke sineti ompama owia 'niwia, a'lí jarécho pakóta'mi, kíti chue semerota'mi níima rariochi a'lí telibisionchi.

Ke wesi pakóta'mi oméro, natetia mapu njirá'mi níima, oselí jaba'mi kétera rariochi a'lí tilibisionchi mapu ania chu reka botarisare ke kichima a'lí ke kuiroma je na jáwa'mi a ke kaseana nakira'mi jú mapu 'échí riká nokiboa.

Ke nakita'mi níima mapu semeropa jémi o'mána kachi aye rá'icha 'lí mapu para'mijú bo'ónaka jóonsa.

Mapu ani 'échí o'ná oselíchi rojanára'mi okuana bachá rosirúa'mi a nejewita'mi níima 'échí o'ná Estárochi a'lí ristrítio jereralchi mapu 'échí riká a nokiwa.

**ROJANÁRA' MI B.** Mapu a'lí niru botariwa'mi jémi o'mána kawíchi aye, 'échí instituto jerera 'lí eletora'li animea chu kilipi simerita níima raícha'lí mapuriká rariochi a'lí telibisionchi a'lí ko ne mapu o'ná semerosare raicha'lí , ne mapu riká nulá nulá 'líwa'mi :

- a) Chúriká nokisáare mapu a'lí botaripare jémi a'lí chúriká níisare mapu riká nulera'mi 'échí jáwa'mi 'échí jereralchi nócha'mi túa, chu kilipi anera'mi jú o'mána abela a na'mita'mi níima sí'neá'mi mapu chúrika uchuwi a), b) a'lí rojanára'mi jéna;
- b) Jarécho riká nokisiwa'mi eletora'lies, mapu o'ná nocháma mapu riká ani nulá'líwa'mi, mapuriká jú jéna kostitúsióni, a'lí
- c) Mapu chu piripi nachutuwa 'échí mapu jáwa'mi nina 'lí politikos, ayénacho sí'neá'mi oselíchi bitiba'li a'mi, a newasare mapu riká ani rojanára'mi (a) jéna osirúa'mi a'lí suni mapu riká uchera'mi jú.

Jépi karewima 'échí instituto jerera'li eletora'li ne mapu ikilipi ne rariochi a'lí tilibisionchi mapu riká jéna rojanára'mi a'lí bacháwa'lá mapure ke wiká nisako mapuriká abóni naki jarécho jáwa'mi eletora'lies, animea chúriká chewima mapu ikilipi, ne mapuriká ani nulá'líwa'mi mapu riká níisare.

**Rojanara'mi C.** Mapu alí niruachi (propaganda política) mapu alí owiliwa pakóta'mi kíti a nijíma voto, 'échí reéaa'mi a be alá riwiká raícháma, ké kawéliká mapu oná nócha jáwa'mi, ni bilé kawéliká abóni partidos, nibilé kawéliká chuwé pakóta'mi.

\*Mapu alí owiliwa pakóta'mi eletora'lies mapu alí nakulíapa re jáwa'mi wéa'lá jereráli alí o'máana mapu mochíama, alí mapu alí ma suwena 'échí owiliwa'mi, 'échí alí jóonsa maké wési nakítá'mi níima kítira raíchaka oláma radio chialí suwába oselí propaganda maké neba ma suwé nisako 'échí propaganda wéa'lá jáwa'mi jereráli, sumá estáro choalí o'máana munisiopiochi, jáwa'mi mapu muchúwi Ristríto Jereráli alí o'máana mapu oná si nulá (delegaciones) alí chuwé wiká rejóachi. A nakítá'mi níima kíti jáwama eletora'lies, a benéríta'mi níima, alí nakúrima benéria alí ówa'mi mapu ikí newalélíwa kíti ké karúa ikimea pakóta'mi mapu ikí namúti newalélíwa.

**Rojanara'mi D.** Ke a'lá nejeyasa mapuriká ani jéna jápi ke a'lá nokiru jápi riká anirua'mi nili ne chokichi jóonsa 'échí arikirima instituto jerera'li eletora'li mapu riká nokisáare, ne machíka mapu riká abói naki jápi a oméroma uchaya we jiyawiká nila 'lí'lí kíti ke nakiwita níima mapu chijanama 'échí raícha'lí

echo'na radiochi telebisionchi, ma mapu si nikura noká, jépire ke riwisa 'échí nulá 'lúa'mi.

**IV.** 'échí nulálíwa'mi animea chu ikilipi nokisima asia jépuka níima 'échí walua'lá wilia'mi mapu a'lí wilana'lí bilé wilia'mi 'échí s'i néa'mi pakóta'mi animea mapu riká nokisáare mapu a'lí njowiwa (precampaña y las campañas eletora'lies).

'Mapi ikilipi nokiwa 'échí ba'mia'lí mapu a'lí katuiwa jépuka níima birente o'mána Mésiko senarores, a'lí riputaros kimisa makói rawe níima 'échí ba'miba'lí mapu a'lí anika nokiwa kiti jawaba 'échí riputaros campañas usansa makói rawe níima. 'échiko ke sineti wiliminá níima.

#### **Bikánata'mi kaya'mi a risensia nokiméa owía pakóta'mi.**

A ke riwiisuwa jápiriká anelíwa chi ikipi rawe níima mapu a'lí jawana'lí chuwé jaré wea'lá jáwa'mi rikirita'mi níima jápiriká ani 'échí nulálíwa'mi.

**V.** Mapu a'lí wilába bilé wilia'mi 'échí Estárochi nokiméa jepu na nócha'lí s'i néa'mika napawíka ne nuláka jápiriká walua'lá wilia'mi jápi wilara'mi jú 'échína instituto jereral lectoral kétera mapu nócha'mi jú raicha'lí karewia'mi a'lí a sicho nócha jápi niwaa'mi jú nulálíwa'mi 'échí mapu jáwa'mi ninalí omáana partidos políticos jápi riká nulá 'échí nulálíwa'mi mapu noká Estárochi nócha'mi bikiana alí a'lá wachina jápi wana jú jápi iki namúti nokinalí.

Echí instituto jereral eletora'li níima jápi riká walualá wilia'mi jéna kétera chikore échíriká nokináli a'mi mapu riká nóchanalí mapu riká be'nekámi jú, a nirulima jaré mapu chûrika nokiboa 'échíko níima ejecutivos técnicos, a'lí 'échí jápi a'lá tibula kiti a'lá niráa nokiboa 'échí jápi ruya'e'mi jú omáana 'échí níima walualá mapu a'lá animea chûrika nokiboa a'lí ayénacho a sicho nocháma bilé ruya'e'mi bisirénte anelia'mi jú a'lí osanayo ruya'e'mi eletora'lií anelia'mi a'lí napawíka nióká we nalí ke oméroma ania mapu riká nokinalí, 'échí ruya'e'mi a oméroma jápi 'niwi nulalíwa'mi 'échí jápi kuiria'mi jú wea'lá jáwa'mi a'lí bilé sekretario ejecutivo 'échí nulá'líwa'mi animea chûrika napawíka nokiméa a'lí chûrika nocháma 'échí pakóta'mi échíriká mapu napawíka nocháma mapu riká nuláká noká jepu, 'échí mapu wealá jáwa'mi, jú ejecutiva anilia'mi 'échí nijíma pakóta'mi jápi ne a'lá sebalí machíka nokiméa 'échí nóchalí a'lí eletora'li anelia'mi, a'lí a nirulima pakóta'mi jápi narima suwába jápi iki suwibalí winomí a'lí nuláma 'échí nulá'líwa'mi kítera mapu abói niwalá jú, a'lí ne suwába a'lá ineba chi ikipi winomí moi a'lí kipi bujasimi institutionchi jóonsa, mapu riká ani 'échí nulá'líwa'mi electora'li 'échí instituto mapu a kuiroma newa riwelitia

suwába 'échí ruyaé'mi nulema 'échí nócha'mi kíti nokiméa 'échí nócha'mi 'échí mapu napawíka nokáa'mi jú mapu kuiro sí'néa'mi. 'échí jápi tibúa'mi níima jú padrón electora'lí wikánaka sira'mi jú jápi kuiria'mi jú 'échí wealá jáwa'mi ninalí mapu tibúa'mi ko níima a bela pe chue jawára'mi níima (las mesas directivas de casillas estarán integradas por ciudadanos).

'échi wilia'mi consejero usani ba'miba'lí bi oláma nocháma, che sine wilasuwa 'échi nikuria'mi a kimakói ba'miba'lí nokiméa si nocháma mapu a'lí che sine jawára'mi níima a'lí ke oméroma checho wilaya bilé pakóta'mi. Mapu chiko riká ke, bilé a'lí a jarécho a jawára'mi níima pé chíriká bi a kíti votarita'mi níima a okoná bikináta'mi niráa mapu china asi jú 'échí cámara de Diputado a'lá inenika jépuka a nalí wilába riká, peteelibi nóchama a karewisa 'échí pakóta'mi túa. A nijisa suwába raicha'lí 'échí nata'lí nijía'mi mapu riká 'échí bisirenti a'lí mapu yepiriká ma raicha'lí nijía'mi échína botarialáchi nócha'mi 'échí bilé riwelisa wila'lími a wilara'mi bilécho kíti a suníima échíriká nócha'lí. Echí nulálíwa'mi animea chiriká nóchaba a'lí nokisipa mapuriká nísare 'échí bisirénte nata'lí nijía'mi 'échí botaria'láchi nócha'mi, ke oméroma bilécho nócha'lí 'niwia, nulálíwa'mi, a kerema 'échí mapu nata'lí si nijía'mi jú suwába a'lí mapu si nócha napawíka 'échí si bineri we machía'mi, mapu abói nokáa'mi asia'mi, abói níwima, ke aka namúti iyiri. A chopi iki natetira'mi níima 'échí jáwa'mi echo'ná najoria'líchi nócha'mi omána kawíchi.

Echí walua'lá nuláa'mi contraloría general del instituto a wilama a botariká jáwa'mi napawíka nocháma'mi cámara riputaros a oko'ná bikináta'mi nira 'échí jápi túa uchuwi 'échí pe ripabe niráa binea'mi mapuriká mapu riká ani 'échí nulá'lí wa'mi. Usani ba'miba'lí nocháma 'échíriká niráa a'lí che sinepi wilara'mi che nie wilasuwako a'lá níima pe sinepiko. Abela si nócha'mi a'lí si nikuroma nocháma Estárochi a'lá inea tibukia mapu riká nulá wea'lá jáwa'mi.

Echí walua'lá secretarikó a wilara'mi níima a botariká oko'ná biká'a'mi 'échí nata'lí nijía'mi suwába jápi nijímare mapu riká bulu 'échí bisirénte.

Nulá'líwa'mi a'lá animea kíti wilába consejero bisirénte kíti jarécho túa nochámama, nata'lí nijía'mi botaria'mi, 'échí botaria'mi taraa'mi contralor anelia'mi a'lí sekretario walua'lá túa nócha'mi jereralchi botarialáchi; Jápi a'lá seba'lí noká'lí ko nata'lí nijia jápiriká bisirénte, nata'lí nijia 'échí botaria'mi kítera a'lí 'échí sekretario walua'lá túa nócha'lí ke oméroma wiliya okoa ba'miba'lí be a'lá sunisa ku bujama, mapu riká nulera'mi jú mapu nóchama 'échí pakóta'mi kuira mapu riká wilara'mi a nikurili.

Echí nata'lí nijía'mi si nochámama abela jawára'mi partidos kítera mapu si

napawíka nocháma camnara bilépi nata'lí nijía'mi wilába mapu iki jawára'mi jú a'lí mapu a machírua'mi jú mapu napawíka nocháma'mi kítera.

Echí instituto jerera'lí elctora'lí aoméroma a nocháma suwába jápi iki nócha'lí jú ne jápiriká ani nulálíwa'mi échí sinibí nócha'lía'mi abineríma riwiwia o'mána mapuriká nokiwa omána kawíchia aye, a niwi rerécho mapu napawíka ilaka oméro chu iyiri partidos politiko nina'lí abói, a'lí oselíchi roba mapu a ompama bortaria, a ompama buyacha oselí, mapu nebare botarowachi, ayénacho a neba computadorachi jápi ani 'échí nulá'lí wa'mi, ania jápi we natéa'mi jú a li nijia 'échí oselí diputado jawára'mi a'lí senadores, ayénacho tara'mi n ima mapu a'lí wilara'mi jú walua'lá bisirénte.

Sí'néa'mi mésiko eperéa'mi, ibili ristrito mapu oná jóonsa nulá eletora'lies uninomináles ma a'lá tarasuwa oselí mapu bawera'lí pakóta'mi, a'líko ku a'lá anarita'mi níima 'échi nesuwa electora'lí a'lí narita'mi a'lí akera'mi piri nawesa pakóta'mi mapu ma bawera'lí electora'lí. Mapu si'néa'mi napawíka nocháma órgano kolegiado de dirección a nawesama ne mapu reka ani nulá'líwa'mi.

A'lá enera'mi níima wenomí mapu ne suwawima partidos politika 'échiriká tibuma napawíka nocháma'mi (órgano técnico consejo jereral échi IFE), a iyára'mi níima kiti abóni natuwíká nema wenomí, walua'lá nuláma a botariká jawaba okana a'lí bikianata'mi si níima jáwa'mi mapu ela makíti níima consejero bisirénte. 'échi nulá'líwa'mi a'lá napabuma a'lí a'lá nochámama 'échi jawára'mi, a'lí chúriká olaba ke a'lá nochámasa jawára'mi natuika nocháma'mi cosejo genera'lí. Alá nocháma ma 'échi jawára'mi nikuria'mi órgano tecniko ke nochámama mapu o'ná wenomí katewa'lí túa, alá nikúroma tibúa 'échi fiska'lí.

Napawíka nochámama órgano técnico, 'échi jáwa'mi kompitenti níima mapu a'lá tibúma jáwa'mi jémi omána akawíchi aye, a sebárima mapu oná jóonsa anéra'mi mapu reká wee aní rojanára'mi bachá.

'échi IFE a eláma napawíka ra'ichaka 'échi jáwa'mi yúa mapu kompitente jú jémi o'máana kawíchi, 'échiriká tásako abóni machíká nokiméa chúriká kayénaba jémibí, mapu reka nulá nulá'líwa'mi newa'mi mapu reka nisaré.

**VI.** kiti alá nerara'mi níima mapu reká a'ní (**konstitusionalí nira**) mapu a'lá risénsia ara'mi mapu reka nokiméa a'lí chúriká karewima 'échi eletora'lies, a niwáma bilé sistema mapu aniboa mapu ke elara'mi jú, mapu reka ani jéna konstitusioni alí 'échi nulá'líwa'mi.

Aniwa'mi jéna sistema nijíma sinibí suwinata'mi kaya'mi mapu reka nokisima 'échi eletorali a'lí a nijíma kíti a'lá tibupa 'échirerécho politiko sinemi botaria'lá kítera, ayénacho botarita'mi níima napawíka nocháma'mi mapu reka ani osiria'mi kimakoy miná kima.

'échi electora'lí kítera mapu reka ke elasuwa, constitucio'náles a'lí a'lá wachia'mi, ke ku reweta'mi níima 'échi karewa'lía'mi mapuke elara'mi.

## Bachá rua'mi II

Mapu si jú jémi omána kawíchi a'lí omána kawírili

**OSIRUA'MI 42.** Jémi omána kawíchi mapu o'ná jóonsa jú:

I. Mapu si jú jémi omána;

II. Mapu o'ná kuchi omana bawí, a'lí suwába mapu niru echo'ná baw'échi a'lí seba'lí namútí mapu iki niru;

III. Mapu o'ná amana bawí Guadalupe aneliachi a'lí revillagigedo walu bawí maniachi;

IV. La plataforma pendiente.

V. Suwába bawí mapu mani walu bakochi wiliminá jú a'lí siniea'mi niwa'lí jú mapu iki pere jémi amarua'mi kachi a'lí mapu iki niru rele baw'échi;

VI. 'échi mapu uchupi níisare, jémi kawíchi a'lí mapu kiliminá la nesarre mapu riká nulárerécho internacio'nál.

**OSIRUA'MI 43.** Mapu si jú jererationchi ko jú 'échi estadochi Aguasca'líentes, Baja Ca'lifornia, Baja Ca'lifornia Sur, Campeche, Coahuila de Zaragoza, Colima, Chiapas, Chihuahua, Durango, Guanajúato, Guerrero, Hidalgo, Ja'lisco, Méxiiko, Michoacán, Morelos, Nayarit, Nuevo León, Oaxaca, Puebla, Querétaro, Quintana Roo, San Luis Potosí, Sinaloa, Sonora, Tabasco, Tamaulipas, Tlaxca'lá, Veracruz, Yucatán, Zacatecas alí Ristrito Jereral.

**OSIRUA’MI 44.** Ka emi Mésiko ko jú ristrito jereral, chea’mi Wea’lá jáwa’mi napawíka nocháma’mi a’lí kapita’lí jémi Estárochi napawíka’mi Mésikochi. Abela ko túa níima ‘échi kawí jepi jipi niwi ‘échi wea’lá jáwa’mi jereralchi biléana cho semerota’mi nisa, a newara’mi níima ‘échi Estárochi Valle ‘échi Mésikochi mapu o’na jóonsa nisa re a’lí chú iyena wiliminá mapu o’na jóonsa aní ‘échi konkreso Jerera’lí.

**OSIRUA’MI 45.** Jémi Estárochi omána abela niwi kúmi jóonsa níisare a’lí jipe a biji niru, mapure ke sineti nikumésuwaka jéna kítera.

**OSIRUA’MI 46.** Mapu o’na pere abóni bela, ilaka karewima, abóni a’lá kanilika mapu o’na jóonsa níisare; ke bela tási natéa’mi níima mapure ke chiriká ilása mapu o’na jóonsa karewi ‘échi Kámara Senadores.

Mapure ke a’lá katuisuwa pe chué a simea mapu o’na muchuwi senadores, abela chiriká karewima mapuriká a’ni osirua’mi, kicháosa makói usani rojanára’mi makói bilé, jéna kostitusióni.

Mapu riká katuiwili senadores ke bela wesi namua anema.

‘échina Supremochi a’li mapu o’na najorowa abela raí chara’mi níima a’lí machírua’mi chúriká níima, mapu riká machína’lí mapu riká raicharo chúriká ripili ‘échi cámara senadores jóonsa.

**OSIRÚA’MI 47.** Échi estado Nayarit a níwima weé a’lí súuma mapu oná jónsa jú ‘échi weé Tapic chéa’mi.

**OSIRÚA’MI 48.** Kawí bawéchi muchúwaa’mi, a’lí napu oná uchii niráa amáni bawí ayénacho séba’lí mapu chéa’mi jú mapu jónsa anáwiwa kawí, échi plataforma rua’mi bawéchi zocatos relé bawéchi éena’mi a’lí kawí bawéchi muchuwáa’mi a’lí mapu oná uchii niráa amáni bawí, ‘échi bawí mapu oná jónsa mi káre, relé bawéchi alí mapu echoná si chéa’mi jú ko a jáwaa’mi jerera’lí níwa’lá níima, a’lí échi riká cho ‘échi kawí bawéchi muchúwaa’mi echoná chéa’mi jú.



TITULO BIKÍA



**OSIRUA' MI 49.** 'échi wéala jáwa'mi jerera'lí rojanrlíwa kíti niwáma 'échi nulá'líwa'mi ejecutivo júrisia'lí tasi oméroma napawia oko'ná nira checho jaré m ajéna kítera pe bilépi pakóta'mi nira a'lí ke bilécho nocháma 'échina konkresochi jápi niwa'mi nulá'líwa'mi, jápi re ke 'échiriká nulásaka 'échi ejecutivo de la unión nocháma'mi jápiriká aniiru osirua'mi osa makói miná kimakói a'lí ke bilé jarécho raícha'lí jápi ke osirua'mi nisaka okuana nira rojanari 'échi osirua'mi bilé siento besakoi bilé a risénsia nijiba.

## Aniruami II

'échi wea'lá jáwa'mi

**Osirua'mi 50.** 'échi wea'lá jáwa'mi omána Mésiko nocháma'mi biléana konkresochi nocháma jápi rojaniliwa okana nira (cámaras) bielana diputadochi níima biléachko ko senadores nira níima.

## Bacha chota

Mapu jawálí a'lá mochibi jáwa'mi napawíka nocháma mi konkreso

**OSIRUA' MI 51.** 'échi napawíka nócha'mi kámara diputado abela si níima representante kawíchi o'máana, a jawára'mi níima kíti bikia ba'miba'lí niraa. Ibili diputado abóni 'níwaa'lá, a wilába bilé kuiria'mi suplente.

**OSIARUA' MI 52.** Napawíka nocháma'mi cámara diputado bikia siento diputado mpau riká jawára'mi níima bacháriko botariká, a osilichi roara'mi níima ibilipi sitrito eletora'lies ma a'lá machísuwa mapu nnayurili, a'lí okua siento diputaro níima bachá jawára'mi kíti representarima anariká, ineka mapu oselíchi roara'mi jú, mapu a'lí botarita'mi jú, ibili nira (Circunscripciones plurinomináles).

**OSIRUA' MI 53.** Mapu oná jóonsa séba bikia siento ristrítos eletora'lies, mapu alí taráluwa a wíká nísa, a be rojanába pakóta'mi sumá Póbolo eperéa'mi mapu nirú jémi o'máana kawíchíaye abe chu ikí 'níwima ibili ristrítio. Arojanába cho ristrítos eletora'lies ma alá tarásuwa o'máana Estárochi, alá enéka oselí censo

general suwába oselíchi ro'ára'mi mapu oná aní suwába rewalá, alá enéka kiti kékokuáa níima Riputaros mapu a representárima wíká pakóta'mi.

Mapu alí jawába okuá siento riputaros, mapu reká nili nekulii alí oselí sistema mapu oná uchúwi suwába rewalá, akayenára'mi níima malí kayámi oselí plurinomináles masuweena jémi o'máana kawichíaye. Nulálíwa'mi alá animéa chúrika olába alí kúmi jóonsa níima mapu a sebáma baweraa jémi o'máana kawichíaye.

**OSIRUA'MI 54.** Mapu alí jawáluwa okuá siento Riputar os kiti nekulii a nakúrima, échi sistema mapu onánewalíwa lista mapu oná ro'alíwa rewalá abói a eperélachi pakóta'mi alá enéka mapu reká aní nulálíwa'mi;

I. Bilé partido político, alá oselíchi ro'ába 'échimí abói eperélachi, aanimea mapu a sí nikúri jáwa owita'mi mapu si re'éma candidato kiti Riputado níima a 'échiriká elásako pakóta'mi okuá sientos Ristritos ma suwenisa taráa;

II. Suwába partidos políticos a sebárisako okuá por siento séba'lí mapu ikí a botároli alí bitiba'lí oselíchi 'échimí a nirua'mi mapu ma alá tarára'mi jú, anémarerécho mapu ára'mijú 'échi riputaros kítera kiti a kuliiko anári nocháma;

III. Partido plítico a nejéisa mapu reká nulá oselí bachá anirúa'mi, ibíli neráa alí jarécho a kuírosa ma iyásuwa oselí anía'mi mapu a niyúroli 'échi owita'mi Kandidatos, a be iyára'miníima oselí aní a'mi mapu a represéntárima ne anári pakóta'mi, alá ikika chu ikí boto napabúli 'échi Riputaros, chu ikípu rewalá bitiba'lí oselíchi lista alá aní a'mi circunscripción plurinominál, 'échi oná jóonsa a bilécho owita'mi candidato níima mapu ne bachá wiliméa rewalá oselíchi lista. Nekuli ko a nakúrima napawíka nócha'mi Kámara pee a wíká muyéwisako botos jémi o'máana kawichíaye. Jéna ko kék néma partido político, píri koré a niyúroli jaréána Rístritos ma alá tarásuwa, alí a níasa pe a wíká mapu mochíama Curules walúa'lá mapu napawíka nócha cámara superior ma alá tarásuwa séba'lí botos mapu napabúli jémi o'máana kawichíaye alí uché rapé osánayó por siento (8%) ; alí

IV. Mapu regá nulá rojanára'mi bikía, nayó alí malí bachá anirúa'mi, Riputaros anáriká nakúrima ma alá nayúrisa ne mapureká oláma partido político, mapuriká nulá rojanára'mi nayó alí malí, jarécho partiro niwima rerécho mapu o'ná jóonsa bawiraba a lí tarába, chérika olába. Échi nulalíwa'mi niwáma chúrika níima a'lí na kítera.

V. Ke alá níima, mapu bilé partido político a 'níwima riputaro

**OSIRUAMI 55.** Mapu remi Riputaro nina'láka je iyiri mi newalé.

I. Mewsiko mi bitea'mi níisare, a'lí ahuia'mi mapu alími nócha abéla'mi níwirerécho;

II. Ne mi bamísare osa makoí bilé mapu a'lí botáriwa.

III. Jéna Estárochi mi bitea asisáre mapu a'lí ne sinibí achinámi bitelisáre simiriká usani micha jípi a bijí chiríka a nokísare.

Abéla bitibisare oselíchi kíti a bptarita'mi níima mapu riká kanrirato a'lí Riputaro, abéla bitea'mi níisare jémi Mésiko a'mi moásare kúmi o'ná jónsa jú mapu botariwa, a'li chiná bitea'mi níisare simiriká usáni micha jípi a bijisi.

Ke bela tasi wikásare chú kó ré jaréána nochí kuíra pakóta'mi kíti ko 'échiriká wilara'mi pakóta'mi kítera.

IV. Ke Sontarisi niraan nochámasare ke walua'lá nuláa'mi níisare polisia jaréána ristrítio japu o'ná botariwa, kecho sebachí kimakóisa makói rawé.

V. Ke walu nuláa'mi níisare biléana mapu napawíka nocháma'líwa mapu abóni ikika nocháma, Ke bela tasi sekretario níisare jémi Estárochi, Ke walu nuláa'mi níisare biléana mapu o'ná napawíka nocháma'líwa a'lí o'ná nocháma sí'néa'mi pakóta'mi, w'échiko ku riwesa nocháma kimakóisa koi rawe kecho sebachí mapu a'lím a nírulima botariwa'mi.

Kecho a walua'lá níisare mapu najóríma jémi omána, a'lí kecho magistrado, a'lí kecho sekretario 'échi na tribunalchi eletora'li del poder júrisialchi je omána, ni bilé nata'lí nijía'mi bisirénte níisare kecho sekretario níisare 'échina eletora'lichi del poder júrisialchi jémi omána mapu o'ná jónsa níisare 'échina instituto jereralchi elctoral, kecho sekretario ejecutivo, kecho director ejecutivo kecho nacha'mi níisare 'échina instituto, mapu a'lí ne a'lá ku riwesa nocháma'lí, bikia ba'misaba'lí bacháriko ma sebachí mapu a'lí botrariwa.

Sí'néa'mi Iselika'mi omána Estárochi a'lí Mapu Wea'lá jú Kobiernochi Ke bela tasi oméro jaba mapu o'ná jónsa nulá'líwa mapu a'lí a nocháma cho biji, piriko re riwei nocháma'lí.

Sí'néa'mi Sekretario Kobiernochi jémi omána Estárochi a'lí jémi omána kawí, Siniea'mi Magistrados a'lí oweria'mi omána a'lí jémi Estárochi, a'lí mapuriká

bisirénte Munisipáli a'lí wea'lá plitikos mapu si nocháma mapuriká jú ristrito jerera'lí, ke jawára'mi níima abóni Estárochi, mapure ke tasi rewesaka nocháma kimaisa makói rawe bacháriko mapu sebamare botaripare.

## VI. Ke belaníisare Ministro biléana mapu o'ná amachíliwa

## VII. Ke tasi moasare mapuriká ani osirua'mi ma'lisa makói kimakói

**OSIRUA'MI 56.** 'échi Kamra a napawíka bilé siento osamakói miná osayao, mapu ibili, Estárochi ritrito jereral okua jawára'mi níima jápili kuli botaria'láchi a soki suwába 'échiriká ilása a'lí biléko a anera'mi níima bachá okua. Jéna 'échiriká nokia'láko 'échi Pilitiko abela bitibama oselíchi a okuna Formulati 'échi kandirato kítira. 'échi senaduria'bachá niraa asuwába kítera anera'mi níima 'échi formula akanrirato mapu bachá wilia'mi jú opartido politiko kítera mapu riká binói chukua'lí okua niraa mapu iki botarili 'échi kítera 'échina Estárochi mapu o'ná jú.

'échi besa makói okua Senadores ripiliko a jawaara'mi níima mapuriká nijili oselí bachá, mapuriká abitibasili 'échina oselíchi botaria'lá kítera biléana bi niraa circunsprcision plurinominál omána kawíchi.

'échi nulá'lía'mi ko animea chúriká níima 'échi.

'échi kamara senadores a kuliwa'mi jáwa'mi usani ba'miba'lí niraa.

## OSIRAUMI 57. A ibili niraa a senadores a wilába bilé suplente.

**OSIRUA'MI 58.** Mapu senadores niliwa a nijisare oselí mapu riká Riputado cho pe ba'miba'lí nira ko a pe ke, na'lí osa makói ma'lí ba'miba'lí ne sebarisa chopi 'échi rawe mapu a'lí botariwa.

**OSIRUA'MI 59.** 'échi Senadores a'lí Diptaro 'échi kokresochi napawíka nocháma'mi ke oméroma jabisia pe mulipi niraa:

'échi senadores a'lí diputado suplente 'échiko a omerima jaba pe iya a mapu riká abói niraa a machía'mi jú mapu a kea sa'mi 'échi sontarisi nocháma'láchi a ke sine nocháma'mi; na'lí 'échi senadores ko a diputado abóni niraa ke oméroma jaba milipi niraa pe suplente niraa ko.

**OSIRUA'MI 60.** 'échi napawíka nócha a'lí pakóta'mi túa mapu rikaá aní osirúani nayosa makói bilé jéna kostituciónichi a'lí mapu riká aní tamólíwa'mi

animea kíti a we a'lá niraa nokiiru botariliru jawa wea'lá jawaa'mi diputados a'lí senadores ibili jápi iki Ristrito a'lí suwába Estáro; ibili a niraa jápi ikicho jú nijíma échi oselí konstancia anilia'mi aba échi jápi wea'lá jawaa'mi nina'lí jápi simira'mi napabuli boto a'lí mapu ne bachá nayurili senidores de ne mapu riká tamó osirua'mi ma'lisa makói usani jéna kostituni a'lí tamólíwa'mi échirikacho, ayena anirua'mi échina jónsa ma jawára'mi níima riputaros mapu así'néa'mi nakurika nayurili mapu riká nulá osirua'mi ma'lisa makói nayo jéna kostitusióni a'lí nuliwa'mi

Mapu aniru mapu a natikí, nijira'mi échi kostansia anelia'mi, a'lí jawára'mi riputaros a'lí senadores a belá ke natéa'mi niraba sebarima mapu katuiwa tribunal eletora'lí poder júrcia'lí jereraación, mapu riká a'ni tamólíwa'mi.

Échi jápi rika anika échi jáwa'mi kítera jápi nóchaa'mi jú eletora'líchi regio'nál jápi aniiru a inera'mi níima acha a'lárika noka'lá échi jápi nokiméa jápi wabe repabe wea'lá jawa jú echo'ná elctoralchi nóchaa'mi jápire ka échirika tasaka échi jápi wea'lá jáwa'mi nina'lí mapure anirulisaka bilé namúti jápi ke a'lá niraa nokiiru jápi anirua'mi nili a'lí checho mi aanokisua kíti checho votaripa échi tamólíwa'mi animea chirika nokiboa jéna.

Mapu o'ná najorowa keniyurisiwaka echa'lí suiniba, ma ke tasibilé chibirika anera'mi níima. Échi tamólíwa'mi piri iki namúti newaléba animea chu ikipi newaléwaba, jápi jo'ná siroa'mi jú jápi karewilia jápi ke katuirá'mi jú.

**OSIRUAMI 61.** échi jáwa'mi riputaros a'lí senidores ke kawelipa abóni nata'lá a'lí mapu riká ra'icha ni bilé mapu riká nocháma, a'lí ke sineti nakuliapa jarécho yúa.

Walua'lá bisirénte ka wilia'mi kamara, a'lá tibuma nera'lá mapu riká nulá kostituzione mapu nule abóni, kíti ke wesi namua anema mapu kisapi napawíka natuika kare ra'icha'lí.

**OSIRUAMI 62.** échi jáwa'mi riputaros a'lí Senadores ne a'lá natiki, échi jáwa'mi ke jarécho nocháma'lí newama, ni bilé nulera'mi níima jarécho nocháma'lí omána kawíchi a'lí Estárochi mapu o'ná natetira'mi níima, na'lí atama risénsia ne bachá échi o'ná nocháma napawíka kamara; risénsia asuwa ko ku machí awapa, kíti al anochámama sinu nocháma'lí. A'lá inera'mi níima échi riputaros a'lí senadores a'lí seba'lí mapu nikuiiri suplentes we échiriká misako. Na rojanára'mi a la animea chûriká oyeripa we machínisako ruputaro ka a'lí senador oma.

**Osirua'mi 63.** 'échi kamara ke ompama epia ke nirulisaka, ke namu nokáa jepi re ke itelisaka, ibili neraa 'échi, simiriká nisa nasipasi ma suwába napawíka; mapu sili che sine napawima mapu reko aní nulá'líwa'mi iwera'lí anea mapu ke sili mapu simea besá makói rawe che siné, ma anesuwa alí ké chiriká nokisáaa a námuta'mi níima achi bí kítera, mapu ke naki 'échi nocháma'lí, a bayepa mapu kuiroma, mapu ayénacho napawima 'échi rikocco, jepi re ke 'échi riká nokisáa cho, a apaa che bilé nóchaa'mi. 'échi a'miwa'mi diputados a'lí senadores 'échi konkresochi 'échi o'ná napawíka'mi simasa né chota'líachi newa'líachi nulá'líwa'mi, jepi re 'échi riká ikisaa mapu a'lí 'échi riká isimi, a moimea: mapu riputaro nina'lí a'lí sinarores 'échi konkresochi 'échi o'ná napawíka'mi. Jepi re noki sí'néa'mi 'échi kítera, 'échi Kámara najowiwa'mi je ruka chapiboa ma simirosa mapu a'lí níisare mapu reká aní rojanára'mi IV 'échi Rosirúa'mi 77 jéna kostitusióni: 'échi a'miwa'mi 'échi o'ná si chea'mi Kámara 'échi riputaro chapirua'mi níima kítira simí a welara'mi níima chapika 'échi cho a partido mapu 'échi oná Oselíchi si bitia'mi mapu oná wilia'mi nili echí, ma anera'mi nisa 'échi riputaro mapu oná nisa ré: 'échi a'miwa'mi mapu sí jú 'échi kámara de senarores chapirua'mi níima kítira simía che jaré jawára'mi níima 'échi riká newaléliwa'mi 'échi kandiratos 'échi cho a partido mapu 'échi o'ná oselíchi si bitia'mi o'máana kawíchi nirua'mi, ma welasuwa senarores mapu nisa ré; 'échi a'miwa'mi mapu si jú kámara senarores chapirúa'mi níima kíti simí á che jaré jawára'mi níima mapu reka kandirato 'échi cho á partido 'échi o'máana Jererali mapu ré boibásá oselíchi má upámi mapu oná nisá ré.

A námuti cho mapu riputado a'lí senarores á rowélisa ká makói rawé chériká niráa a'lí ke anisáa píri kítira ke risencia ára'mi ma níisa échi bisirénte kítira echoná Kamarachi wilia'mi, 'échi riká machísuwa ká jená kítira, wé jiyáwiti kú nijíima nóocha'lí, a'lí a wé sapú ruyéra'mi níima mapu echoná ripíma.

Ké nirúlisa ka wiká mapu newama ché bilé cámara a'lí 'échi riká nokáa mapu riká nóocha echoná, we jiyáwiká ruyéra'mi níima mapu ripíma échi kítera nóocha a'lí 'échi riká simároma besá makói rawé mapu a bacháriko raichara'mi.

A lá nokiméa a'lí alá newáma bujéliwa'mi kítera mapu á aní nulálíwa'mi, mapu á jawára'mi jú ko riputaro a'lí senarores. Ké simása, ke anisáa echoná raichálowachi kámara kítera. Á nocháma mapu riká aní né bachá rojanára'mi jená rosirúa'mi. A lá cho nokiméa, kíti échi riká aní nulálíwa'mi, échi partido politiko omána kawíchi nirúa'mi á nirúlisa kantirato mapu riputáro níima a'lí senarore má, né'walási mapu á ma jábasa ká a'lí ke sisáa nochásia mapu abóoni nokiméa re.

**OSIRUAMI 64.** 'échi riputaros a'lí senadores ke simasa napawikiachi, ke risencia tanisa walua'lá bisirénte napawíka nocháma'mi kamara, ke nakiwita'mi níima kíti a nema dieta mapu a'líwa 'échi iyena rawe.

**OSIRUAMI 65.** 'échi napawíka nocháma'mi konkreso a naspawima bilé rawe jóonsa mnecha sitiembre, sinibí bilé ba'mibaka, 'échi iyena níima ne bachá napawikiwama ne iweroli, a'lí bilé rawe jóonsa micha febrero sinibí bilé ba'mibika niraa kíti osa kaya'mi níima 'échi napawikiwa'mi ne iwérili napawima.

**OSIRÚAMI 66.** Mápu kisápi newalíwa napakíami kíti népas sinéami namúti ápu riká a'ní bacháwala aeríkulo. Bachá anirúami jú ké tasí simísare makoí malí inárachi michá risiembre'echí a bamíali, márpure bisirente nulésaka chotáma mapu riká katuítami jú mapu rika a'ní artikulo 83, márpure wé natéami nísaka ábelas niwárami níima besákoi bilé inárachi Risiembre michá 'echí a bamíali. Ke tasí simírisaré besa koí inárachi abrili michá 'echicho a bamíali.

Mapuré okúanika kamarachi ké katuísaka chúrika katuítami mi jú mápurika anirúami jú bacha riká, Bisirente karéwima.

**OSIRÚAMI 67.** E'chi kongreso a lí biliana bi kayami k re e'chi kamaras, e'chí bi kitera niosda namuti, á napawima a ápi niráa mápu a'lí bayeliwa mápu reko anérami jú; e'chi okúanika pé nokiméa bi mápu nulérami bí jú mápu reká abói i'ikfi, á a'niméa mápu a'lí napawiliwa.

**OSIRÚAMI 68.** A okanika Cámaras ananimea mapu china bileánabi korumeá ali ke omeromacho bileana simiiba mapure kecho ala katuisaká echí bileanacho simiala ali chi ikilipi ali chirika inerami nima ali anéa mapu nébileana bi napawima okanika Kámaras. Mapure a okánika echirika ka tuwisaka echí simialami a ánimia kabú ali chírica ali kumi echí Ejecutivo animéa jeruká nalí nima kebilé Kámaras kesimarosaré né bikia rawé echonokowaámi ke ruwesa ka echí bilecho Kámaras.

**OSIRÚAMI 69.** Mapu oná napawíka katuwi échi rika nulárami ju sinibí bamíbali echoná konkreso, bisirente Mésiko wilíami a níjima bilé oselí mapu a'lá ruméa, mapu oná aní mapu a'lá katewama a'lí a'lá tibuma wenomí sumá Mésiko nirúami sinéami níwala. Echoná mápu oná napawíka katuwiwa mmapu sapí jiyáwaka newásuwa echoná konkreso de la unión, bilé waná rojása mápu echoná si ju, echí bisirente mapu welárami ju echoná ayéna a ruméa píri kítera échi riká ikíli.

Ibínili échi kamara newáma mapu oná animéa chu riká nóocha a'lí ayénacho a umérpma tánia bisirente kíti wikaná sebáritami níma échi riká osaká a'lí a bayérami cho níma sekiretario mapu nócha echoná sitarochi, échi prokurarori walúala Mésiko atíami a'lí mapu wéala ju sitárochi,

Mapu kisapi napawili konkresochi a raíchara'mi binekiwa'mi kítera a raíchama aborita a'lá nijeika nuláwi'a'mi mapu a'líwa a'lí mapiriká karewita ripili raícha'lí mapu riká nulá kostitusióni.

Mapi kisapi napawili jáwa'mi a inera'mi níma raícha'lí mapu rikábi nulá nuliwa'mi (ley organica).

**OSIRUA'MI 70.** Suwába raícahara'mi napawíka nochámara'mi, a nulálíwa'mi níima. Séba'lí nuláliwa'mi ko a bela anirua'mi níima jirmariká oláma birenre kamara a'lí sekretario, jeriká machíripa. Jáwa'mi kokreso alí omána Estárochi jémi kawi Mésiko. (osirúa'mi ma a'lá anirúa'mi).

Échi konkreso nijíma nuláliwa kíti ku ka'lá niwara'mi níima a'lí mapu chúriká a'lá natuika nochámasare.

Échi nuláliwa'mi animea chúrika a'lí chúriká nokisáare napabua sí'néa'mi riputaros, mapuriká bitibasi abóni partiowa'lá kítera, a kíti raíchama mapuriká nata abóni bela representante Kámara a'lí Riputaros abela si raíchama.

Na nuláliwa'mi ke namua olara'mi níima ni bilé newaléma kíti siniea'mi machíripa na'lí a newaléba walúa'lá wilía'mi ke tasi cho namu animéa a sibini a nera'mi níima.

**OSIRUA'MI 71.** Échi séba'lí Rerécho mapu chotásipo nea ayénacho nuláliwa'mi a'lí ririkácho niwara'mi

**I.** Wlua'lá Bisirénte Mésiko atíamí.

**II.** Si'néa'mi Riputaros a'lí Senadores mapu napawíka nócha kokresochi.

**III.** Mapu newá nulálíwa'mi.

Suwába ra'icha'lí mapu iki buyacha bisirénte Masiko atíamí, abela nijira'mi mapu nuláliwa'mi niwáma eli Riputaros suwama mapu échi jú, abela simerata'mi níima mapuriká nochámama a'lí mapu nijia noká si sine rikáchi senadores ma, abe la a'lá wachía newáma mapu riká nokisáre newayá chúriká oláma a mapu a'lí si chotásima ra íchasia.

**OSIRUAMI 72.** Suwába mapu a'lí newabare raícha'lí nuláliwa'mi kítera, mapu a'lí ke échibi katewasare raícha'lí kamaras, anakupi niraa raíchara'mi níima, a'lá ineka a'lí riwiká chúriká ilara'mi jú na raícha'lí.

A. Na nocháma'lí a abela niwara'mi jú kamaras jóonsa, a bela simirima kíti a'lá katuita mi níima. Ma a'lá nisaka, a bela simerita'mi níima walua'lá túa, mapu re ke a'lá nisaka abela animea we jiyawiti bela riwirita'mi níima.

B. A'lá katuwisaka échi walua'lá kítera, Si'néa'mi nocháma'lí mapu re ke uwa'mi ku wasiwaka Kamara mapu o'ná jóonsa chótalí buja'a, makói rawé simírisaka; mapu ré ké, mapu re ke newásaka jéna ikí rawe e'chi konkreso jóonsa ku erisa a'lí ku rewesuwa, mapu re ku uwa'mi ikisaka a newasare ne ba'lína mapu a'lí muchuwu napawíka konkresochi.

C. Échi mapuriká newaba nuláliwa'mi ku bujanara'mi níima nuláa'mi ke simerita'mi échi walua'lá kítera ku uwa'mi pata'mi nisa, a'lá ineka Kamara mapu o'ná jóonsa chota'lí bujana. Abela che a'lá ra íchara mi níima jéna kítera, a'lí mapu re échiriká botarita'mi nisa okuana a'lí bikiana si'néa'mi, checho bela simirosare échína kamarachi kíti a'lá inera'mi níima, mapu re jéna kítera rikirita'mi nisa sinimea kítera, échi mapu reka newaba nuláliwa'mi a'lí échi nuláa'mi checho ku riwirisaka.

Si'néa'mi mapu botariwa échi nuliwa'mi kítera, a'belá uchúma mapu o'ná nímare.

D. 'Échi nócha'lí mapu aní tamólíwa'mi, ké natéa'mi nerásuwa echoná kamara enéliwachi, kú roíma mapu oná jónsa jú a'lí a enéra'mi níima chú riká niíli. A'lá enéra'mi níisa a'lí che cho ku sebáríta'mi wikáka mapu echoná jú, kú roimaa kámarachi mapu re ké narésuwa, a'lí echoná a kú enera'mi níima, a'lí che cho a kú semérosuwaka wika'a'lá kítera, a'lí kú simíroma echoná Ejekutibochi mapu riká ikiméa echoná rojanára'mi A; a'lí cho ké semerisuwaká, ke uméroma che cho kú siné machí paa echonácho á.

E. 'Échi nócha'lí mapu aní tamólíwa'mi pe kuchíi neráa ke semérosuwa, alí nakulíwisuwa, a'lí 'échi riká anisáa kamara enénia'mi, a'lí mapu ché kú kulíwa'mi raicháma 'échi kamara 'échi kítera ko a níima pe mapu ke semériiru bi a'lí mapu 'échi riká nokíiru ke iwérili aniká chuwé osirúa'mi ma a'lá anirúa'mi kítera. Mapu ré chuwé newásuwa echoná kamara enénia'mi a'lí ko wiká kítera má a'lá anisúwa échoná kamarachi muchúwa'mi chótáa'mi, échi nochálowa'mi kó a semérota'mi níima wéa'lá jáwa'mi túa, mapu rika aní rojanára'mi A. 'Échi mapu newára'mi jú echoná kamara enéliwa'mi

ke semérosa ka ‘échi riká anisáa wiká nalí echoná kamarachi chótá’mi, ché chó kú roíma échimí a kú kíti alá anirúa’mi níima ‘échi kítera a’lí mapu re wiká anisáaka mapu kú chakéna páta’mi niíma jená che cho kú osámi enébo ‘échi kítera ‘échi nochálowa’mi ko, a’lí a semerósaka anárika kámara, a’lí ko á seméropa jáwa’mi yúa mapu riká aní osirúa’mi A. Mapu re ‘échi kamara enéliwa’mi iwérili anisáa wikabé kítera echoná muchuwaa’mi, a’lí ‘échi riká cho níisa a’lí nakulíwisiwa ma, ‘échi nochálowa’mi ké kú roíma a’lí má kecho ché ku machí páta’mi níima mapu jónsa ma kú ché iseni jawi nóchaa’mi, ké anári chiriká anisáa ka, a’lí wiká nalína echoná cho á nóchaa’mi mapu aní tamólíwa’mi a’lí ‘échi riká cho anisáa osirua’mi newára’mi, a’lí ‘échi riká cho á katéwasa echoná cho á nakuliwisa a’lí ‘échi riká nokilálisa ché jaré jábachí.

**F.** Mapu riká aní, nakulíwisiwa tamólíwa’mi, ‘échi riká cho á nokiboa mapu riká aní kíti a kaenama.

**G.** Suwába nochálowa’mi tamólíwa’mi kítera chijúnita’mi níisa kamarachi chota, ké uméroma ché cho nóchaa ‘échi kítera a’lí bamíba’lí.

**H.** Mapu riká kayéna tamólíwa’mi a’lí mapu riká chota pe chuwé echoná okuaná kamarachi, ké alá nokisáa nochálowa’mi kítera bacháriko, bujelíwa’mi kítera, bacháriko sebárisuwa jaré, suwába ‘échi kíterea kó á raichára’mi níima bachá kamara mapu oná muchuwíriputaro.

**I.** Chótawa’mi tamólíwa’mi raichára’mi níima kamarachi mapu oná jú, á bilé mechá simírosa ká mapu alí jónsa anirúa’mi jú a’lí ke a’lá rusáa, a’lí ‘échi kítera ko ‘échi nochálowa’mi tamólíwa’mi kítera a uméroma ché biléana kamarachi raichaa ‘échi kítera ko.

**J.** Wéa’lá jáwaa’mi napawika ke umero e’néa mapu riká nóocha echoná kongresochi alí napawílowa’mi ma echoná kamarachi nóocha’mi, mapu alí nochásaka botáriwa’mi kítera, ‘échi riká cho mapu ré échoná kamarachi nóocha’mi riputaro winijía olisáa jáwa’mi nóocha’mi jereralchi.

### Bikianá nachúka mapuriká oméro noká kokreso

**OSIRUAMI 73.** Échi kokreso a niwi nokiwá’á mi:

**I.** Mapu riká nakipa che kuliwa’mi Estáro napawíka jerera’lí;

**II.** Ke ireki

**III.** Kíti newaba kuliwa Estáro pacha mapu o'na jónsa jú mapu ma nirú, áchi riká newalésuwa jéna:

**1°.** Échi rojanára'mi tasare wila'líwa'mi échi Estárocho, atarasare abilé pueblo túa bilé cieto miná osamakói ma'lí perea'mi pakóta'mi.

**2°.** A ineraa'mi níima koncreso kítera acha olaa suwába namúti kíti a aba jápi nirulima politiko.

**3°.** A kipura'mi níima legislaturas échi Estárochi nirua'mi a'lí kawichí jápi riká jú, jápi riká a'lá maye a'lí ke a'lá maye échi erección échi kuliwa'mi Estáro, awe iwérili nijia informe usai mecha niraa, taraa jápia jónsa chota échiriká raicha'lía'mi wea'lá riwiita'mi.

**4°.** Achikocco riká nikura'mi níima échi ejecutivo jereracinchí, jápi nijíma échi échi informe kichao rawe niraa tarara'mi jápi jónsa tanira'mi jú.

**5°.** Abotarira'mi níima échi Estáro kuliwa'mi elección kítera, okuo'ná bikináta'mi riputaros a'lí senadore ayéna asi níisare kamara wea'lá riwiita'mi.

**6°.** Échi koncreso katuwia'lá ko aníisare a'lá ineraa'mi asuwába jáwa'mi Estárochi kítera, inerani níima oselíwa'lá a'lí kopía tanira'mi níima, jápi re arisesnia asaka échi jáwa'mi legislaturas échi Estárochi kawichí nirua'mi.

**7°.** Jápi re échi legislatura Estárochi kawichí no kaa'mi jú, ke asa risesnia échi ratijikacioni jápi raicha'lí échi rojana'lía'mi bacháriko, aniwara'mi níima okuo bikináta'mi niraa asuwába legislaturas a'lí jarécho Estárochi ayéna cho.

#### **IV. ( Ke iré)**

**V.** Kíti nakulipa mapu o'na muchuwi supremochi mapu ikí jererationchi;

#### **VI. ( Ke iré)**

**VII.** Kíti animéa chu kipi newaléliwa kíti a'lá sebama wenomi nata nochá'a'lá;

**VIII.** Kíti aba nocháma'lí Ejecutivo a chapisa re bachá riko échi wenomi omána nirua'mi,

Kíti anakita'mi níima bacháriko a'lí kíti machíboa a'lí júlaba kíti natetima mapu weka nai kawi.

Ke bilé bacháriko ompaba nijia jepu re ke échi riká nokisáaa mapu ne oná muye si' néa'mi niwa'lá wenomi, na'lí be mapu newa chu reka ku anarima wenomi, échi nejowiwa'mi a'lí mapu a'líwa nocháma'lí mapu a'lí jiyawiti newalésuwa anisaa échi bisirénte échi omána (republika) ma pu reka aní Osirua'mi 29. Échi rikácho, nijia katuiwa'misinibísí ba'miba'lí mapu iki wekawa mapu sí uchuchasa re échi oná tamó'líwa'mi mapu reka moisimi, jepu re newalésa walua'lá silia'mi Ristrito Jerera'lí a'lí mapu oná wili setor Publiko, mapu reka ani tamó'líwa'mi jéna. Échi Ejecutivo jereralchi á rumea sinibísí ba'miba'lí échi oná konkresochi unionchi. Échi mapu iki weka tamó'a'mi Ristrito Jerera'lí échi sebarima nawesa'lí échi wenomi kítera mapu reka nokiiru. Échi tamó'a'mi Ristrito Jerera'lí rumea échi rikácho napawiña'mi representante échi Ristrito Jerera'lí, Ruwea wenomi publica;

**IX.** Mapi ke nakipa mapi ra'línnewipa Estáro a'lí Estárochi chopi ká a newaba ke nakiwaa'mi;

**X.** Kíti newaba omána Republika échi Hidrocarburos, minería, sustancias Químicas, explosivos, pirotecnia, industria cinematográfica, ra'línnewilia'mi, reekia'mi jiráka alí sorteo, intermediación a'lí tanewiwa'mi wenomi kítera, energía eletríká alí nuclear a'lí kíti nijíma tamó'líwa'mi échi nocháma'lí kítera mapu reka aní Osirua'mi 123;

**XI.** Kíti newaba ke niriliwa'mi si' néa'mi nochámaa'lá jémi Jererasion a'lí rua, weka newáa alí okúa newaa pakóta'mi;

**XII.** Kíti rupa nekowa'mi kítire, riwiriká osirua'mi amá échi Ejecutivo;

**XIII.** mapu reka newaba tamó'líwa'mi mapu kítera a'lí chu iyeri ruya ka'lábé wela chatí échi bawí erita'mi mari a'lí weé, a'lí kíti nijiba tamó'líwa'mi rerécho bawéchi ena'mi kítera kilií alí nekóa'mi;

**XIV.** Kíti repa ikisima a'lá neseriká échi institusioni sotarisi omána nirua'mi, a machíia: sotarisi, bawéchi enaa'mi nekóa'mi alí nikura'mi jémi ropilanchi ena'mi, a'lí kíti newaba chu reka nokáka nikuroma;

**XV.** Kíti nijiba ch reka nokiboa mapu reka natuipa, jaréwia a'lí né chiriká tibuma jémi omaama,(NASIONAL), a tibusia pakóta'mi mapi si jú, rewa'líwa'mi jéna tama'mi a'lí ofisia'lís, échi o'ná Estárochi tamóma newanulia ne mapu reka níisare;

**XVI.** Kirti newaba Tamó líwa mi mapu onáta sia mi jú kítera, échi raicha lí júridica boo náka sia mi kítera, pakóta mi, Naturalísasion, Colonisasion, jareanacho ali mapu sisimi a lí salubrira omáma kawichí.

**1a.** Échi Konsejo Salubridad o máana Jereralchi a chea mi níima ne Bisirénte wilia mi República, ke bilé nikumema échi segretario Estárochi muchuwa mi, alí mapu riká nuleliwa né iwera lí níima jémi Paischi.

**2a.** Jepi ré nayuli nachuliwa mi nirúlisa we aparua mi we chati mapu omána bochima nayuli ke machírua mi jémi Paischi, Échi Secretaria de Salud níima mapu iwera lí animea we sapu chu reka chewipa mapu reka we newaléliwa, ke wesi ikirisa má simirosa a rikirima échi Bisirénte jémi Republika.

**3a.** Tamoa mi Sanitariochi níima Ejecutiva a lí mapu nulá a nejewita mi níima échi jawaa mi tibúa mi jémi Paischi kítera.

**4a.** Mapu tamó échi consejo a uchuchasa mapu iwera lí kítera najowiwa mi (campaña) échi we bajiwamo a lí ra línewawa mi sustancia mapu lowecha pakóta mi chá ikiri cuwe jaka mi, échi riká bucuruta mi kiti chewipa a lí sayeripa échi nachuquia mi jémi kawichí, mináana enera mi níima échi Congreso de la Union kítera mapu abói kompitente jú;

**XVII.** Kiti animea tamó líowa mi kítera omána sebariwa mi nawesaba, alí kítera postas alí correos, kiti nijiba tamó niwala mapu reka kiti nétami nima Kanilika néa bawírili Júridisionchi Jereralí;

**XVIII.** Mapu reka alá ineba mapu reka nokisáa ré mapu reka chea mi níima isia mi alí ke wesi niwa lá níima weé reweta mi a lí jéna nateka lá;

**XX.** Kiti nijiba jéna Tamó líwa mi kítera nuleliwa mi échi sí néa mi wé machía mi alí napawíka mi Representante Mesikano;

**XXI.** Kiti newana échi karua mi alí ke riwiwa mi échi jererasion kítera alí nea chu reká rikiripa kiti échi riká nokiboa; Nijia tamó líwa mi suwába raíchalí érika achami kítera, alí ra línewawa mi pakóta mi, échi reka newara mi, mapu ikí, chú iyeri karua mi alí rikiririwa mi, chijana líwa mi nasayetowa mi a lí mapu reka

nokiboa nochámaa jererasionchi, Ristrito Jereral, Estadochi a'lí Munisipiochi; A'lí échi reka newaa tamó'líwa'mi natuika karua nokáa'mi kítera.

Jawaa'mi Jereralchi ompama machía chó karua'mi mapu o'na jónsa niwáliwa, jepi ré túa raíchasaka échi karua'mi Jerera'lí kítera;

Échi raíchalí wé neéliwa'mi machírua'mi Kostitusióni kítera, Échi tamó'líwa'mi Jerera'lí anime ajéna jawaa'mi kítera échi fredo comúni ompaba machía alí karewia échi karúa'mi Jereralchi nirúa'mi;

**XXII.** Kíti abá kú wekawiwa'mi échi karua'mi machírua'mi mapu nirua'mi jú Najora'láchi Jererasion;

**XXIII.** Kiti nijiba échi Tamó'líwa'mi kiti newaba mapu reka natuika nokiméa échi Jererasion, Ristrito Jereral, suwama Estárochi a'lí Munisipio, ayéna cho newaa alí catuwia mapu riká aní échi Seguridad Publica ne Jereral kítera, ne mapu reka aní Osiruami 21 jéna konstitusioni.

**XXIV.** Kiti nijiba échi Tamó'líwa'mi kiti anariká natuima échi oná nirua'mi eenéliwa'mi repebe jereralchi a'lí jarécho ku karewa'lía'mi mapu reka nuleliwa, a'lá eneliwa'mi a'lí machíwaa'mi échi jáwa'mi kítera échi unioni a'lí omána pakóta'mi Jerera'líchi;

**XXV.** Kiti newaba, katuiwa'mi a'lí nesérowa'mi omána Republika Sikuela siudadchi nirua'mi, ne mapu newaléliwa, wabe repabe, sikuntaria a'lí we macha'mi; asia'mi científica, bellas artes a'lí beneriwa'mi chu reka, sikuela échi riká nokuwaa'mi echaya a'lí minería, échi arte kítera a'lí oficios, museo, bibliotecas, eneliwa'mi a'lí che jaré Istituto mapu o'ná chea'mi jú échi we machía'mi suwába échi pakóta'mi kítera jémi ranarua'mi a'lí newaa tamó'líwa'mi suwába kítera mapu reka aní jéna institutionchi kítera; kiti newaba tamó'líwa'mi bawela kítera a'lí mapu ripili fósiles a'lí mapu iki nirú arqueológicos, artísticos a'lí chabewa'lá kítera rua'mi (históricos, mapu reka tibuliwa'mi si'néa'mi ka jémi ranarua'mi; échi reka ayénacho ania échi tamó'líwa'mi kítera kiti siroma mapu o'ná chijanaba ne mapu riká nisa ré échi jererasionchi túa, échi Estárochi a'lí Munisipiochi échi reka nokiwa'a'mi nochámaa beneria a'lí nikura wenomi kítera mapu o'ná kuiro si'néa'mi pakóta'mi, asia kiti napabusima a'lí a'lá newasima beneliwa'mi omáana Repúblika. Échi namúti oselíwa'lá nijira'mi échi nijía'mi kítera mapu piri kítera nijíma échi reka omána Repúblika. Kiti newaba tamó'líwa'mi raicha'lí rerécho mapu Osaa'mi kítera a'lí jarécho namúti niwa'lá we nataka machíka newaa'mi namúti (INTELECTUAL)

**Échi cho kítera.**

**XXVI.** Kítí aba risénsia échi bisirénte omána Repúblika kítí napawima kolegio Lictora lí kítí bilécho welara’mi níima pakóta’mi mapu kuiroma bisirénte wilia’mi Repúblika, mapu kuiromare ke re, pe teeli bí, mapu reka aní Osiruami 84 a lí 85 jéna Konstitusioni;

**XXVII.** Kítí narepa ku machínawa’mi échi bisirénte ká omána Repúblika.

**XXVIII.** Kítí nijiba tamó líwa’mi échi taraa’mi wenomi kítera mapu jáwa’mi napabú mapu tamóma échi tara líwa’mi wenomi suwama a lí rua’mi né chiyiri chó nawesiwa’mi wenomi kítera, mapu iki moisimi alí mapu iki suwabiwa, échi mapu niwia ré aboni, kítí niwima Jererasionchi, échi Estárochi, échi Munisípochi, alí Ristrito Jerera lí alí suwana nocháma’mi Politiko, wenomi tibúa’mi mapu oná jónsa kawirili bí, kítí o máana kawichí alá kanilima rejólipa;

**XXIX.** Kítí newaba nuleliwa

1°. Ma ra línewa jaréanacho;

2°. Mapu iki néliwa a lí mapu iki niru jémi kawirili machírua’mi jú rojanára’mi nayo a lí ma lí rosirúa’mi osa makói kichao.

3°. Mapu o ná nocháma líwa tanewiká a lí mapu napawíka nocháma sekurochi;

4°. Sí néa’mi mapu iki ne pakóta’mi abela niwa lá jú jererasion; a lí

5°. We natéa’mi kítera:

a) Mapu o ná naí natétiwa;

b) Mapu icha’mi a lí newa’áma a lí mapu péwa;

c) Kasolina kítera newara’mi a lí jarécho namúti kítera newára’mi bitirólio kítera;

d) Sirio a lí mapu náti rajéliwa,

e) Bawí aka’mi a lí ronéria’mi

f) Mapu a'lí ke risénsia taka namína'lí okó, alí

g) Mapu o'ná newa'líwa a'lí mapu bají siribesa.

O'mána estaróchi a nakúroma natétia, mapu iki bujelíwa, ne mapu riká nulá nulálíwa mapu riká anirúa'mi jú. Mapu a'lí napawíla sí'néa'mi ka e chí ikika béla animéa mapu o'ná jú munisípochi, mapu ikí mo'í a'lí bujéra'mi jú naí kítera.

**XXIX- B.** Kíti newába tamó'líwa'mi échi kítera a'lí néliwa bantela, eskuro a'lí HIMNO NACIONÁLI.

**XXIX C.** Kíti nijíba échi tamólíwa'mi mapu riká animéa napawíwachi échi walúa'lá wilia'mi jerera'lí, Estárochi a'lí Munisípochi, mapu o'ná jónsa bi kompitenti jú, mapu o'ná muchuwi pakóta'mi, mapu riká nokiméa mapu riká anirúa'mi jú rojanára'mi bikia osirúa'mi osa makói kichao jéna kostitusióni;

**XXIX D.** Mapu riká nijisare échi tamó'líwa'mi kíti a'lá karewima omána kachi perea'mi kíti al muyesima wenomi a'lí napawíka, mapu riká machía mi jú échi raícha'lí échi estadística a'lí geografía mapu we natéa'mi omána kawichí kítera;

**XXIX E.** Mapu riká nijisare échi tamó'líwa mi kíti a karewima, chiriká nochámaba concertación a'lí newaya tamóa wenomi kítera, especialmente referente a'lábasto a'lí jarécho mapu a'lá ola como fin de la producción suficiente y oportuna de bienes y servicios social y nacio'nálmente necesarios;

**XXIX F.** Kíti nijiba tamó'líwa'mi pea échi nachutuwa'mi nijia del inversión a'lá naritia'mi échi, wikábe muyewisia échi bo'onáka pera'mi, simera échi tecnología alí generacon, difusión a'lí a nea jápi a binéli abói jápiriká científicoal tecnológico jápi newalé wea'lá kayentia'mi kawichí;

**XXIX G.** Jápiri ka nijisare échi tamó'líwa'mi a níisare échina jápi wiká napawila silia'mi jerera'lí Estáro a'lí munisípochi jápiri échi kompitente ayénacho jápiriká jápi kíti a'lá tibupa jápi riká rejoi échina epera'mi a'lí preservación a'lí restauración del equilibrio ecológico;

**XXIX H.** Jápi riká nijisare tamó'líwa'mi jápi isisare tamó'líwa'mi kítera échi contesioso wenomi katewia'lá mapu rika anérami ju chur ika karewita mi jú, a'lí kiti échi rika karéwima mapu kítera nawámi échi jáwami Jererali, a'lí mapu abóni ikíwika nócha, ali mapu a'lí rikiriwa échirika anisaka nulalíwami, ne chirika uchárami nisaka, churika noka, a'lí nokísima.

**XXIX I.** Mapu riká nijisare tamó líwa' mi jápi nirulisare échina jereracionchi échi Estárochi Ristrito jereral a'lí municipio a napawíka nokiméa pakóta' mi, a'lí

**XXIX J.** Nijia tamó líwa' mi materia rua, nokisia suwába namúti a omérowa napawíka napabua échi jerera'lí a'lí Ristrito jerera'lí a'lí municipio a'lí ayénacho jápi riká si nakuro sector napawíka a'lí ke sector ayénacho;

**XXIX K.** Jápiriká nijia tamó líwa' mi échi turismo a niwa jápi iki namúti jú, a omera sí néa' mi ka napawíka jererales túa a'lí Estáro municipio a'lí Ristrito jereral, jápiriká nakuro sector napika jepi ke sector jú ayénacho;

**XXIX L.** jápi riká tamó líwa' mi anirua' mi japo o'ná napawíka silia' mi jerera'lí entidades a'lí municipio échi ámbito sus respectivas kompitenti jápi iyiri rochi sirua'lá a'lí acuacultura jápi riká a si nikuro échi sector a'lí pe chue riká;

**XXIX M.** Jápi riká nijia tamó líwa' mi échi materia japo wea'lá níima échina kawichí newasia mapu nijisare oselí iyiri jápi tanilia a'lí a ineba chi ikipi jápi atanfisare:

**XXIX N.** Jápiriká nijia tamó líwa' mi jápiriká kostitusióni jápi a nokisima a'lí a newalé échi pakóta' mi jápi a si nakuro. Jéna tamó líwa' mi ko newama chiriká níima échina jápi wíká napawiliwa jápiriká a'lá tibupa wea'lá níima échi nocháma'lí ko nakuroka nochámama échi jeresion Estáro municipio jápiriká Ristrito jerera'lí a'lí mapu rika nulérami jú.

**XXIX Ñ.** Jápiriká nijia tamó líwa' mi jápi anokiméa jápi kíti échi jereracion échi Estárochi a'lí municipiochi Ristrito jereracionchi a nakuroka nokiméa namúti iyiri jápi iyiri a newa'líwa échi kawichí. Pe ke japa aniko échi rojana'lía' mi XXV jéna tamó líwa' mi. Échiriká a a niwáma chiriká nakuro échi sectores napawíka a li pe chuyeriká, ne chiriká a nokiméa jápiriká anirua' mi échi, rojana'lía' mi kimakói échi osiraumi nayosa makói jéna kostitusionchi.

**XXIX O.** Pe ania jepirka tibupa pakóta' mi oselíwa'lá jápiriká roara uchuei abói ibili niraa.

**XXX.** Jápi riká suwába tamó líwa' mi jápi anewaléra' mi jú ko, namúti wea'lá niwa échi jápiriká nili bacháriká ko a'lí suwába rerécho namúti jápi a risénsia ara'mi jéna kostitusióni kityera échi napawíka ko we a'lá oméro.

**OSIRÚA' MI 74.** Jáwaa'mi chopi napawíma 'échoná kamara mapu oná riputaro nóocha;

I. Néwaba sinéa'mi ká kíti alá síroma mapu kíti ikíira'mi níima súuma kawichí Mesiko mapu riká aní bisirénte mapu wilára'mi jú 'échi tribuna'lí electora'lí wéa'lá jáwaa'mi.

II. A'lá tibúa alí alá natéa'mi nerába, ké chíbi olaká mapu riká binoy jú a'lí isimí, mapu riká nóchaka 'échi mí á wéa'lá jáwaa'mi jereración, mapu riká aní tamólíwa'mi:

### III. (chá oláa)

IV. A'lá sebária sinibí bamíba'lí wenomí mapu nijí jereacion, mapu riká nokisáre, raíicha 'échi kítera, ku nakulíwisa 'échi nochálowa'mi nijía'lá jáwaa'mi jereracionchi, má a'lá simírosa ká séba'lí neráa, mapu riká aniwá, a'lá anirúa'mi níima kíti a chéwipa, 'échi riká cho, a uméroma nakíwia 'échoná cho a wenomí síráachi mapu ma ke a'lábé jú 'échi jarécho nochálowa'mi ko a newára'mi níima ne mapu riká alá aní 'échoná mapu oná siro tamó'líwa'mi; chijalílowa'mi mapu a síroko 'échoná a uchuchára'mi níima echoná mapu oná ayáabi a nijílowa wenomí nocháa'lá.

Wéa'lá jáwaa'mi jerera'lí á sebárima echoná kamarachi mapu oná chota tamólíwa'mi moísia'mi a'lí 'échi nochálowa'mi mapu moísimi ko jereracionchi a wé alíchéka moiméa osá nalló rawé ináraachi mechá septiembre, 'échi rikácho a yúa siméa échi sekretario mapu echoná a nóocha kíti uíroma taráa 'échi kítera. 'Échi kamara mapu jú riputaro a enéma 'échi wenomí moísia'mi 'échoná jereracionchi a wé a'líchésaka makói malí inaráachi noviembre mechá.

Mapu alí chota 'échi tamólíwa'mi, mapu aní 'échi osirúa'mi 83, wéa'lá jáwaa'mi jereralchi a sebárima 'échi kamarachi chotáa'mi tamólíwa'mi moísia'mi a'lí 'échi nochálowa'mi wenomí moísia'mi 'échoná jereracionchi a wé a'líchésaka makói amlí inaráachi mechá diciembre.

Ké uméroma ché jaré nirúa chinátaa'mi machína mapu ke néwalelíwa 'échoná. 'échi riká isía'mi, échoná cho á nochálowachi, mapu nocháriko sekretario mapu riká aní osirua'mi bisirénte Mésiko wilía'mi kítera.

Pe uméroma walú newaa 'échi mapu ruwá'a'mi chotáa tamólíwa'mi moísia'mi 'échi nochálowa'mi moisia'mi, mapu alí osaká tánisuwa jáwaa'mi a'lí 'échi riká ilása raichálowa'mi 'échoná kamarachi a'lí 'échi mapu sinibí a'mirúa'mi

jú, 'échi riká isíisare cho 'échi sekretario mapu nóocha a'lí ruméa píro kítira 'échi riká jú;

V. Rúa né a'lá neráa chú riká ikiméa échi nóocha'mi sinémia kuíra'mi kítera karúa nokisáa mapu riká aní osirúa'mi III jená konstitusioni.

A'lá ruaa'mi níima píri kítira sayérowa 'échi nóocha'mi sinéa'mi kuíra'mi mapu riká aní osirúa'mi II o jená costitucionichi a'lí sí nikúuroma sayería ra'ícha'lí políticos mapu re 'échi riká newalésuwaka;

VI. Alá enéra'mi níima mapu chúrika suwáwiliwa wenomí upa'mi bamía'lí,kíti enéka machiboa acha alá suwiwa'lí wenomí,alá aniká píri ra'láyá o natétia suwí'a'lí wenomí,acha alá nejeika tamólíwa'mi mapu alá aní chikipu wenomí iyára'mi jú kiti alá suníba nócha'lí mapu ikí newalé programa.Alá enéma táráka wenomí échi kámara Riputaros alí nakúrima jáwa'mi o'máana Estárochi Fisca'lización superior mapu ma newásá exámen jaré ké alá newásá chu ikípo moíli wenomí alí chu ikipo chuwába'lí,chu ikipu chuwaba'lí mapu oná suwábima ké alá anisaa chu ikí ,píri ra'láyá alí natétia suwába'lí wenomí,ké alá anisaa ko a be oyéripo ne mapu reká nulá tamólíwa'mi,alá enésuwa nejéwiwa'mi mapu riká nulá(pbjetivos alí pogramas)programa mapu chureká neba o'máana Estárochi,alá anera'mi níima chureká alá nochába échi nócha'lí newayá ,ne mapu reká nulá tamólíwa'mi tara'lía'mi wenomí si'néa'mi nia'lá a ku ruyéra'mi níima jáwmi napawika nóocha'mikámara de riputaros besá makói rawé mechá abrili mi biléa'lá bamíba'lí.A wilíminá uché newaléa ko kiti a suníka nijíba ne mapu reká nulá rojanára'mi nayó,ne ma suwiba aniwaa'mi,jéna osirua'mi; échi buyéwa'mi ké simírima besá makói rawé,alí échi Estáro fisca'lización mapu a eyéna échi ikí rawé cho buyéaba kiti suníka nijíma mapu a nuléra'mi jú alá taraa échi wenomí mapu si'néa'mi nia'lá jú.

Nóocha'minápawika kamara de riputaros suníma alá enéma échi (cuenta pública) enea chúrika suwába'lí wenomí,a suníma besá makói rawé nokaká séba'lí mechá sitiembre mi biléa'lá cho bamíba'lí mi alí ma nijíma,alá aniká ruméa piri kítera alí chúrika ripíli ku kuwanía ko mapu riká nokáli jáwa'mi(estado de fisca'lización federación)nócha'mi Estárochi muchúwa'mi mapu a nuléra'mi jú,alá nejeíka mapu riká nulá tamólíwa'mi (79) kicháwisa makopi kimakói mapu osirua bití oselíchi kostitusióni,newaléká mapu riká anelíwa,alí chúrika olása re jáwa'mi estárochi fisca'lización jáwa'mi federa'lí ,kiti échiriká a olába ne mapu riká nulá osirua'mi.J'wa'mi kámara de riputaros napawika nóocha'mialá enema chúrika nochálwu estárochi,échir níima a tama ra'ícha'lí,chúrika inára ra'ícha'lí échi nócha'lí kítera eyéwa'mi;

## VII. (Ké iré):

### VIII. A lí uché jorecho mapu osirua uchúwia kostituciónichi.

**OSIRUA' MI 75.** Échi kámara Riputaros, a lí mapu chirika katuisa sinéa'mi wenomí mapu ikí moi, ké belá tasí oméro nachuta mapu o'ná nísare mapu reká nócha'lí mapu reká ne a'ní tamólíwa'mi; mapu re ké sebíska winomí checho belá tárara'mi níima nócha'mi, échiriká belá námita'mi níima mapu reká anirúa'mi jú mapu, riká katuita'mi jú ne bachá mapu reka a'ní tamólíwa'mi échi nócha'lí kítera.

Sinéa'mi mapu i'kí, mapu riká a'níru abelá riwíka nokísare chúrika uchucharu osirua'mi bilé siento osa makói kicháo jéna kostitucióni a lí mapu riká ta'lí tamólíwa'mi konkreso jerera'lí.

Sinéa'mi mapu ikí jáwa'mi mi jú jerera'lí tamólíwa'mi newára'mi, walúa'lá a lí júrisía'lí, mapu awénili nóocha mapu machirúa'mi 'chí kostitucióni kítera alí kuíra uchúwi winomí náti jererasiónchi,

Abelá échi ríka moásare mapu r'ká nóocha a lí mapu ikí newalé winomí, Abelá inéta'mi chu ikípi memá bilé bamiba'lí sinéa'mi mapu nócha kuíria pakóta'mi.

### OSIRUA' MI 76. á né échi bi tamoa'mi jú senarochi.

I. Alá éneka politika pacha jónsa mapu reka noka'lí échi **Ejecutivo** jerera'lí mapu reka sinibísba'b'miba'lí nawesa bisirénte o'máana Republica a lí secretari échi dispacho mapu jú ruwéma congreso. Ayena cho, katuwía raichara'mi o'máana internasiomales alí nejówiwa'mi wé machia'mi Ejecutivo jerera'lí kítera bitibama, échi rika aboy ikika sunfíma, winijia, ku rewéa, ku sinu newáa, ne wachia'mi(né wé alá), ku éá katewara'mi (rojanaramo) a lí ania chu riká níima échi bi kítera;

II. Alá neráa jawa'lía'mi échi bi (funcionário)nóchaa'mi newama walúa prokurarori Jenerali de la Ripublika, Ministros, Agentes we machia'mi, Kónsules Jererali, nóchaa'mi jawaa'mi Hacienda, coroneles a lí jarécho wea'lá nulea'mi sontarisi, sontarisi alí sontarisi ropilanchi ena'mi o'máana, mapu reka ani tamólíwa'mi;

III. Á nakipa chó kiti risensia ara'mi níima mapu bujama sontarisi ománamachi mapu o'ná jónsa nisare paischi, ki ti simaroma sontarisi

boo'náka sia'mi weerili omama mi a'lí mapu sinibísi napawila sontarisi jarécho we machia'mi,bilé mechá simirika, muli bé bawéchi Mesikana;

**IV.** Nijia nakiwa'a'mi kíti bisirénte jémi Republica kíti ompama niwia tibúa'mi omána machi échi kítera Estáro, néka achi iwera'lí newaléliwa;

**V.** Rúa, jepu lí ma ke itelisa si'néa'mi jawaa'mi constitucio'náles bilé estadochi, mapu sia'mi jú mapu li jawára'mi nisa bilé silia'mi pe téelibi, mapu najowima échi chapiwaa'mi mapu reká aní tamólíwa'mi constitucio'náles échi bi Estárochi. E chi wela'lía'mi silia'mi á newára'mi níima échi senado alí sinéami échirika ilásaka Échi bisirénte o'máana Republica ma nakirua'mi échi okuana bikiana kaya'mi mapu sí jú échi oná, alí esabawachi, nulera'mi pe téeli, ne chirika á mapu reka nisa ré. Échi nocaa'mi échi rika welaara'mi, ke ompaba welaa silia'mi konstitusio'nálchi mapu li nejowiwa votariwa'mi a nera'mi níima ne bichiwaka échi nejowiwa'mi échi nijiliwaa'mi. Jéna ko tamóma sinibísi mapu rica aní tamólíwa'mi jémi Estárochi ke anirua'mi nisa échi kítera;

**VI.** Karewia échi politika kítera mapu bujani échi jawaa'mi biléana Estárochi jepi re bilé échi ikisaa échi kítera échi senaro, mapu alí, jéna kítera nikumesuwa ania'lá kostitusionál. Mapu li nekosa ranelati.jéna kíteraki échi senado animea chú reka karewipa, eneka tamólíwa'mi omána Republika a'lí Estárochi nirua'mi;

Échi tamó'líwaa'mi ania'mi nokiwa'a'mi jéna a'lí bacháwa'lá kítera.

**VII.** Newaa échi júrado kíti rikirima kíti machiboa échi najorowa'mi politika mapu ke alá nokiiru a'lí mapu ke nokiiru échi nóchaa'mi publikochi kítera a'lí bujasa échi karua'mi mapu ikina'lí si'néa'mi we newaléliwa'mi a'lí we a'lábe despachi, mapu reka aní Osirua'mi iyo jéna konstitusioni;

**VIII.** Chapiboa échi ministerios échi oná suprema korte de justicia de la nación, échi **terna** chirika isia mapu reka ani bisirénte jémi Republika, mapu rika nakia a'lí ke nakia échi katuiwa'mi tara'mi risensia a'lí ku machinawa'mi échi cho, mapu reka nuleliwa jéna funcio'nário;

**IX.** Welaa a'lí biléana cho júla échi walua'lá tamóa'mi Jereralí mapu reka anirua'mi jéna kostitusióni;

**X.**Nakiya ne tamólíwa'mi kítera ma katuita'mi kítera voto okuana kaya'mi

kítera bikiana échi o'na si chea'mi pakota'mi, échi natuita'mi aalá mapu o'na bi jónsa nisare échi oná Jereratibas;

**XI.** Karewia mane sunika mapu oná jónsa jú wéerili nirua'mi Jereratiba échi rika tasa ka, tamólíwa'mi kítera katuira'mi échi boto kítera échi okuana kayámi bikiana échi pakota'mi échi o'na muchiwaa'mi;

**XII.** Jarécho échi cho a konstitusini á echewaa.

**OSIRUAMI 77.** Né ibínili niráa kamara a uméro, ke namú anisare bilécho ko:

**I.** Animéa chú riká karewíwa wenomí kítera mapu oná nócha jáwaa'mi.

**II.** A rá'ichaka nokiméa échi kamarachi nóchaa'mi a'lí jáwaa'mi échoná napawiká nóchalowachi, échi riká mapu riká anelíwa echoná á.

**III.** A lá anéma 'échiná cho a sí nocháa'mi a'lí animéa chú riká nokiméa echo ná cho á; a'lí

**IV.** Nijíma tániwa'mi, mapu a'lí jú besá makói rawé mapu jónsa ikisáa 'échi isábuwa'mi, mapu a'lí jawábare a wanacho kó 'échi ko a natéa'mi niraba 90 (kimakóisa makói) rawé sebárika, échi riká ko a chéwiwa échi isabia'mi mapu échoná cho a si mi káre échi riká aní osirúa'mi 63 (besá makói bikia) jená constitucionchi, mapu re échi riká cho níisa ka isábua'mi niráa échi riputaro a'lí senarore echoná congresochi napawíka nócháa'mi échi riká bachá neráa wekabé níisa ka échi kítera, mapu ré échi isabia'mi ikisáaka échi bamíba'lí súuni nóocha échi legislador échi riká jawára'mi.

## Sesion nayó

### Si nibísi chirika nulérami

**OSIRUAMI 78.** Jápi li isabi konkreso napawika noocha'mi anurulima bilé tarea sinibí nasowika besamakói kichao jápi asi makói kima riputado níima a'lí makói osanayo senadores, jápi ariwara'mi jú échi kamaras kítera víspera jápili klausurarima jápi anokiwaa'mi jú échi. A ibili niraa a titular échi kamara awilába bilé jápi níima, instituto.

Échi nóchalíami sinibí, ayenacho jápi ara'mi jú risencia jéna constitucionchi, aniwisima.

I. Tanewia jápi rika bonoi naki jápi ne a nema échi tubua' mi omána kawichí jápi re araichasa échi osirua' mi kichaosa makói usani rojanara' mi nayo.

II. Narea jápi rika moje, échi protestariachi pisidente republika

III. Karewia échi kompetecia kitera, narea jápi li isabi échi konkresochi napawika nóocha' miéchi jápi isisimi tamólíwa' mi a'lí jápi aneli échi kamara a'lí nakuliwika nakura kíti a'lá na'mima échi tarea kamara jápi siro échi miná niraa, kíti wesapu júlaba jápi napawipa,

IV. Akatuwia jápi isima ru échi ejecutivo, jápi li ani napuwinilia échi konkreso, a'lí pebiléma kamara wika napawiliwachi, anewaléta' mi jú oko'náchana a niraa votarira' mi a ko'ná bikináta' mi pakóta' mi échina.

V. Nakia a'lí kema nakiya échi jápi ma a'lá wilara' mi jú prokurador ka jerera'lí republika, abela titular si jú ejecutivo jereral,

VI. Risencia a abesamakói rewe échi pisidente republika a'lí wilaa bilécho jápi li rowelisa bilé,

VII. A'lá akarewia a échi jápi ma jawára' mi jú échi pisidente niwáma natéa' mi niraa ayena a ama nócha'lí échina jápi iki niru wea'lá nóchaa'lí échi iweli ka'lírili, koroneli niraa kere a'lí jarécho tamó'a' mi niraa échi sontarsi ranela nea' mi a'lí ropilanchi eena' mi omána kawichí, jápi tamó tamólíwa' mi, a'lí

VIII. Machia a'lí karewia jápi tá resencia jápi riwirita' mi níima échi jáwa' mi kítera.

## Sesion mali

### Mapu o'na wili fiskali pe riléna kítera

**OSIRÚAMI 79.** échi jápi tibula chirika neba échi winomí jarécho namúti ma, echo na mesito échi ma pu nócha echo na kámaras de riputarochi échi abói anika nokiméa chirika nóchasa a'lí jápirika nokiméa ari kíti a nirulima winomí a'lí abói katuwika animea chirika napawi nóchama kíti ne a'lá machinama échi nóchari mapu rika a'ní échi tamó níwala.

II. Échi jápi tibua' mi jú chirika suwabipa winomí jápi natetili imuesto anilia' mi échi pakóta' mi o'máana mesiko pireimi mapu a'lí ma suwabisiva

ba'mia'lí niraa riwiika 'échi oserua'mi ne a'lá niraa mapua'lí ma suwibasa 'échi winomí a'lí ne a'lá ineka kiti we a'lá nóchama 'échi pakota'mi.

**III.** 'Echi jápi tibula chirika suwabipa winomí 'échi pakota'mi niwa'lá o'máana mesico pirea'mi nokisáare jápirika ani jenai bachámi.

**IV.** Tibusare chirika napabuiri 'échi winomí a'lí chirika suwabilia 'échi winomí jápi nateti impuesto anilia'mi 'échi pakota'mi o'ma'ana mesiko pirea'mi a'lí ayenacho tibusare chirika nema winomí 'échi wea'lá jawaa'mi 'échi pakota'mi winomíwa'lá ayenacho ineba chirika sueaba jápi katewaka noka winomí 'échi wea'lá jawaa'mi a'lí acha ne a chirika nokaya jápirika ani 'échi tamolíwa'mi jápirika suwábasare 'échi pakota'mi winomíwa'lá o'máana mesiko pirea'mi a'lí anisare chirika machina'lí 'échi nocha'lí ne jápirika ani 'échi tamolíwa'mi.

Ayenacho 'échi papi tibula winomí Mésiko nirua'mi a tibuma 'échi winomí papi katewara'mi jú a'lí papi suwábama 'échi estado municipio 'échi ristrito jerera'lí, a'lí suwába oficina papi ne 'échi pakota'mi winomíwa'lá O'mana Mésiko pirea'mi ne hecho'ná we erili japo'ná nule 'échi tamolíwame, na'lí tasi tibuma 'échi winomí papi a'líwa 'échi estado 'échi jápi tibula winomí hecho'ná mesito a'lá enema chirika suwabiliru suwába 'échi pagota'mi winomíwa'lá Omáana Mésiko pirea'mi mapa re 'échirika anisaara 'échi tamó alíwa'mi.

Suwába 'échi papi suwabi winomí 'échi pakota'mi niwa'lá ne a'lá oseliche ro osare jápi iki suwabi a'lí 'échi winomí mesito nirua'mi papi iyairu mapa rika ani 'échi tamolíwa'mi.

Pe ke tasi tibusare bire 'échi pakota'mi winomíwa'lá omána mesito pirea'mi chirika suwabilia ba'mia'lí niraa na'lí ayenacho tasare oseli mapa o'ná animea chirika suwabiliru 'échi winomí jarécho ba'mia'lí chabena'láka 'échi papi nuleiru papi enema chirika suwabilira chabena'lá ba'mia'lí niraa. Ayenacho 'échi papi tibula 'échi winomí chirika suwabilia o'máana mesito nirua'mi mapi a'lí nirulisa bilé winijiwa ayenacho a tama suwába oseli a'lí ne a'lá enema chirika suwabiliru 'échi winomí.

Jápire ke nijewisiwako 'échi papi tibua'mi chirika suwabilia winomí 'échi pakota'mi niwa'lá o'máana mesito pirea'mi a rikiripa mapu re ke a'lá subisaka winomí mapa rika aneiru a'lí aneba 'échi kámara de riputaro mapi mesiko nóchaa'mi jú chirika rikiripa 'échi pakota'mi charika suwába'lí.

**II. A nijíma osaká informe acha alá tarála wenomí si'néa'mi nía'lá (cuenta pública) échiriká oláma kámara de Riputaros napawíka nócha'mi, échi a nijíma échi oselí osá makói rawé mechá febrero biléa'lá bamíba'lí kíti ma nijíba échi oselí a sinéa'mi kámara napawíka enéma alí machiméa omá jarécho pakóta'mi.**

Échioná oselíchi alá animéa alí suníma alá enéa acha alá nóchaara, alá enéka nausáma acha alá suníra'mi ka, rajonára'mi mapu alá aní chúrika eyéba fisca'lización alí neba échi wenomí walúa'lá kobierno nijíalá kíti neba o'máana Estárochi ne mapu riká aní jojanára'mi bachá anirua'mi kíti alá enéba acha alá nóchaka newalíwa ne mapu riká aní kíti newába programas jerera'lies ayénacho mapu nulá rojanára'mi alá anirua'mi alí mapu riká olába Estárochi mapu riká oláma jáwa'mi fisca'lización superior de la federación kíti alá animéa kíti, o'máana estárochi a chopi riká cho animéa.

Kíti aláanirua'mi níima, ne kulii alá ruméa échi informe mapu oná nawési mapu machirúa'mi níima o'máana estárochi, mapu chureká alá nóchaaru, kíti ne alá aniká olába, a'lá cho nerára'mi níima jáwa'mi estárochi muchúwa'mi kítera fisca'lización superior de la federación kíti alá newába oselí informe kíti alá enéba échi taráliwa'mi sinéa'mi 'níwa'lá (mapu ikí niwala jú pakótami).

Walúa'lá tamóa'mi estárochi alá enéa'mi náwiliwa estárochi alá enébia, kí simíra'mi okuá taráli kíti ma nijíba amí kámara de riputaros napawíka nóocha'mimapu riká ripíli oselí informe, alí séba'lí mapu anéra'mi jú chureká oláma kíti, kí simírisa re besá makói rawé o bilé mechá, kíti a nijíma ra'icha'lí alí newáma séba'lí mapu kí suníra'mi jú, kí échiriká olása ko a be oyéripa tamólíwa'mi kítera. Bachá anirua'mi, kí alá riwéliwa mapu riká aneero kíti alá ku wachináma mapu riká nokiméa re, nalí eneká olába ne mapu riká nisa re mapu riká aní tamólíwa'mi.

Estárochi mapu oná muchúwi alá enéa'mi o tibúa'mi (FSF) alá animea kí simírisa re bilé siento osá makói rawé kíti alá machirúa'mi níima estárochi ma alá anéra'mi, kí échiriká olása ko, alá námisa mayéba mapu riká riká nokiméa.

A nejeyása mapu riká aneero jáwa'mi está estárochi muchúwa'mi kítera échi alá enéa'mi alá animéa jáwa'mi enéa'mi chúrika alá ku newalíwa nócha'lí, isini rikaachi, alá ku animéa chúrika oláli.

Estárochi échi jáwa'mi enéa'mi iyáma kámara de riputaros napawíka nócha'mi, isini bilé rawé sébachí mechá mayo alí noviembre sinibí bamíba'lí, alá anirua'mi informe mapu chúrika ripíla échi machirúa'mi nulára'mi nócha'lí.

Enéa'mi mapu muchúwi estárochi a katewáma chûrika nócha alí enéka olá abóni ma alá nijísá mapu nócha'lí informe échi jáwa'mi kámara de riputaros jáwa'mi napawíka nócha'mi mapu riká aní na rojanára'mi; tamólíwa'mi alá animéa chûrika oyéripa joré ké alá nokisáaa mapu riká nulera'mi jú;

**III.** Alá enéma mapu riká nokiwá alá wachía nochába échiriká a meka, suwábika, alá neka, alí tibúka kíti alá neba échi wenomí mapu nijá walúa'lá gobierno, éniima o'máana bitichíaye, pe aniyá bi kíti sí néa'mi a riwírima oselí natéa'mi isini a katéwika mochísa oselí kíti a napabúba karua'mi nirúlisa, nalí alá nejéika tamólíwa'mi alí mapu riká olába mapu ipolíchi mo'iká apa namúti karua'mi, alí

**IV.** Alá animéa karúa nokisáaa ko a ku natérima wenomí kítera échi hacienda pública federa'lí alí tibúa'mi suwába níalá, alí a chéwita'mi níima mapu alí ké alá nisa ko,a be oyéripa,échiriká nokiméa jáwa'mi kompitényses mapu riká nokáli abóni,alí nijíra'mi níima,ne alá échiriká wee olába mapu riká aní tamólíwa'mi.

A oyéripa o'mana Estaróchi ke a'lá nochása échi tiubúa'mi enémi échiri ká o'láma, sinibí ké e'lasako échimi estarochi mapu o'na éna échi inéa'mi, a'lí échi jáwa'mi nóchamí karúa olásiwa mapu écho'ná si nócha, échini a estaróchi échi inéa'mi a jówima mapu o'na karéwika a ne mapu riká nulá échi osirúa'mi kichaosa makoí bikia rojónara'mi XXIX- H osámakói kimaoi H mapu osirúa bití osélichei mapu riká aní nulíwa'mi.

Jáwa'mi kamara Riputaros napawíka nócha'mi a jawáma walúa'lá estarochi atíá'mi mapu o'ná nochá énea'mi a bótaoroka o'láma pe a besá kayámi pakótá'mi jáwa'mi échirikacho elásá má ála níima échirika jawa'líwa'mi, échi tamólíea'mi a'lá animéa chûreka olába kíti a'lá natém. Echji wilára'mi a sebárima nócha osánayo bamíba'lí aéchirika ilásako chécho kú wilára'mi níima kíti chécho siné nóchama: A na'líwipa isíni ké a'lá nochásako, checho siné botárika kíti uché wilába a'lá elaká maú riká nisaré, a'lá nejéika nuláa'mi nayoana osirúa'mi kostitucióni.

Kíti walúa'lá ka wilíbama inéa'mi SF a nejewima, a'li a nijíma, mapu rika ataníwa mapu riká aní rojnára'mi bilé, okua, nayó, malí, al'lí usani osirúa'mi kimakóisa malí, osirúa'mi kostitucióni, mapu a'ní tamólíwa'mi. Mapu iyéna ko nochá ké ompama sinú partiro kuíria ni bilé newayá biléchó nócha'lí mapu pe ké nuléra'mi jú, isíni a nóchama jarécho nocháli nalí pe ké natétika, a ompáma nochá namúti machí'a'mi mapuriká benéria, namúti seméa oma a'lí pe chué nochá newáma a'lí a jarécho kuírima omá.

Jáwa'mi mapu napawíka nócha poderes dela unión, o'mána estarochi a'lí mapu o'ná nochá inéa'mi fisca'lizadas a'lá nakuriíma mapu alí a newalíwa o'mána estaróchi échí enéa'mi kíti a'lá nocháma jáwa'mi, jaré ké elásá kó, a bé winijíra'mi a'lí oyéríta'mi níima né mapu riká aní tamólíwa'mi. A lí échi rikácho, mapu riká nikúri jáwa'mi pakóta'mi yúa nócha'mi jémi o'mána kawí a'lí omána kawichí ayé, mapu riká nokiwá o'mána estaróchi, chué pakóta'mi mapu natuúka nócha, wíkaká a'lí abóni natuúka nócha fideicomiso, nuléra'mi kíti a'la suwábima wenomí a'lí pe chué abóni nátaka a nochásá, a nésa wenomí suwába niia'lá walúa'lá kobierno nijála, a bé má suwábisa a nawisáma chu riká suwábila oselí osaká nijíma sebáli mapu ikí taníwa échi jawámi kítera inéa'mi SFS, kíti a'lá níima a'lá nejéiwika nulíwa'mi ké nayurá nalí riwíka jáwa'mi konpitentesneráka abóni niwála reréchos mapu né échi wenomí. Isini ké a'lá nijísa ra'ícha'lí p'échi nochámi awinijíka oyéripa ne mapu riká nulá tamólíwa'mi.

Jáwa'mi walúa'lá kobierno jerera'lí a nuláma churíka níima kíti a nejéipa kíti natetíra'mi níima wenomíti awikawisako ke a'la suwábisa ne mapu riká nulá rojanára'mi nayó jéna tamólíwa'mi kítera.

## Kapitulo III

### Wé'a'lá jáwaa'mi

**OSIRÚA'MI 8o.** Achalíwa nócha'lí wéa'lá jáa'mi nápwáika nóocha'mi echoná bilénabí pakóta'mi túa, 'échi kó níima "bisirénte jémi súuma kawí Mésiko".

**OSIRÚA'MI 8i.** Mapu a'lí wélalíwa bisiréntené a'lá nokibóa mapu riká aní nuláliwa'mi.

**OSRÚA'MI 82.** Bisirénte níinalíka je ikí namúti níwisa ré:

**I.** Jémi kawichí Mésiko a awía'mi níisa re, binói reréchowála a níwisa re, iyéla a'lí ma'lilá Mésiko peréa'mi níisa re a'lí jémi Mésiko a betélisaka osá makói bamíba'lí.

**II.** Bamíbasa re besá makói malí mapú a'lí wilára'mi níima.

**III.** Jémia a kawichí Mésiko betélisa re bchá bilé ba'miba'lí jónsa mapu a'lí

wilára níima. Simisáa mekabé bajoníka besá makói rawé 'échi rikáko pe ké chíbi riwélíma.

**IV.** Ké yúa nísare páli iyéri a'lí ke belá mi wilía'mi níisa re biléana mapu oná pe chuwe onorúa'mi bichíwiwa.

**V.** Má ke mi chiná si nísare, mapu ré mi sontárosichi nócha'mi níisa ká, usáni mechá jónsa mapu a'lí mi wilára'mi níima

**VI.** Ké nócha'mi níisa re 'échoná jáwa'mi estárochi muchúwa'mi yúa, wéa'lá jáwa'mi Mésiko muchúwa'mi yúa, wília'mi níisa echoná estárochi nibilé walúa'lá nuláa'mi 'échi jáwa'mi jereralchi, mapu ré a kú rewésa ká usáni mechá bahcá jónsa échi riká nóocha; a'lí.

**VII.** Ké isábua'mi níisa biléana cho jónsa mapu riká aní osirúa'mi 83(osá nallósa makói bikía).

**OSIRÚA'MI 83.** 'Échi bisirénte bakimé nóchaa 'échi riká niráa bíle rawé inárachi mecha diciembre a'lí sebárima usáni bamíba'lí. 'Échi pakóta'mi mapu ma níili bisirénte omána kawichí mésiko, 'échi riká a wilára'mi níisa ka sinéa'mi ka, 'échi riká níifa pe téeli, wikása ka ché sinú kú nakulíwipa, 'échi riká ikisá ka ke sinéte che uméroma nóocha 'échi kítera.

**OSIRUA'MI 84.** Mapu a'lí ke itelisa bisirénte jémi kawi mesiko échi rika ikisáa okúa bamíbalí wilika je iriko, jepi re Kongreso échi rikabi nokisáaa, we sapuka newaba bilé kolegio Eliktora'lí, a'lí napawia okuana kaya'mi échi bikianata'mi ma suwába taraka échi o'ná jáwa'mi pakóta'mi, welaba alá machika ke wesi ikirika weka natuisa botarika, bilé bisirénte teeli nikura'mi, échi bi á congreso nijíma, makói rawe káachi che á minána wela'lía'mi bisirénte mapu pé teeli bi nikúroma, najowiwa'mi kíti welaba bisirénte kíti wilimea je iriko; nea chu riko napawipa kíti anibo kabu neera'mi níima échi eleksion kítera, mapu re okua makói nayo mecha, ke simirika makói osa nayo.

Kepi re congreso ke napawisa, échi nuleta'mi teeli welaba ayenacho bilé bisirénte pe teeli a'lí nejowima napawiliwa'mi échi kongreso kíti jéna, échi rika, welaba bilé bisirénte teeli a'lí nijíma bilé nejowiwa'mi échi chapiwaa'mi kítera wela'lía'mi bisirénte mapu a'lí ani rojanara'mi bacháwa'lá.

Mapu a'lí ke itelisa biusirente échi rika ikisasa má upaa nayo ba'miba'lí je iriko, kepi re échi congreso napawika noochámi á napawíka nokisáa, wiláma bilé bisirénte mapu nikuuroma teeli, mapu wilimea je iriko, jepi re échi congreso

ke napawika'mi nisa, échi welalíwa'mi teeli bí welaba bisirénte a'lí owima échi congreso napawika nóchaa'mi jiyawiti kíti welama kolegio Eliktora'lí a'lí chapiméa Bisirénte mapu nikúroma téeli.

**OSIRÚA'MI 85.** Mapu a'lí chótama re nóocha ke nawása ka mapu bisirénte niráa nocháma, a'lí ke a'lá anisuwa mapu a niyúrolí sebachí bilé rawé mechá riciembre, ma pe chisí níima 'échi ko, ma a'lá sebárisa ka 'échi bisirénte mapu wilíli a'lí echoná jóonsa ko a tibúma poder ejecutivo, mapu re pe teeli wilásuwa ka bilé bisirénte, 'échi ko níima mapu aní konkreso napawíka nóocha'mi, mapu re ke anisáa ka 'échi riká, mapu riká echoná cho a nóocha'mi, nokisá re mapu riká aní bachá osirúa'mi.

Mapu a'lí ke itélisa pe teeli bí, 'éhoná konkreso napawíka nóochama, mapu re a napawísa ka, a'lí 'échi riká cho a'lá machia'mi, che bilé bisirénte wiláma mapu wiliméa pe teeli mapu kilipi ke itélima.

Mapu re ke itélisa 'échi bisirénte simírosa besá makói rawé a'lí 'échi konkresochi napawíka nóocha'mi ke napawísaka, 'échi mapu 'échna cho a nóocha a bayema napawíkiwachi mapu ke anirúa'mi níili 'éhoná konkresochi kíti a ra'ichára'mi níima 'échi kítera, 'échi riká níisa ka bisirénte pe teeli wilába.

Mapu re pe teeli simisáa, a'lí ariká chiriká ripísa a nokiboa mapu riká aní osirua'mi bacháwa'lá.

**OSIRÚA'MI 86.** Nóocha'lí bisirénte Mésiko wilía'mi níwa'lá 'échi ko a ku njijíma mapu a'lí we suwé rewélisa, 'échi riká anisa ka konkreso napawíka nóocha'mi, 'échi riká níisa ka a uméroma ku rewéa nóocha bisirénte niráa.

**OSIRÚA'MI 87.** 'Échi bisirénte ma naréesa mapu 'échirika nocháma, tanewíma 'éhoná konkresochi napawíka nóocha'mi a'lí jarécho mapu écho'ná cho a si nóocha mapu a'lí isábisa 'échi, toma de protesta

**OSIRÚA'MI 88.** Bisirénte Mesíko wilia'mi a uméro simia biléanacho bajónika pe kicháo rawé jóonsa, a'lá ruyema píri isia iyena mapu muchúwi kamara de senarore a'lí jarécho mapu 'éhoná a sí nóocha'mi jú 'échi riká níisa ka, 'échi riká cho séba'lí mapu newáli. Mapu a'lí jónsa ma ke ité simiróska kicháo rawé, a támá risencia éhoná kamara de senadore a'lí 'éhoná cho a sí nóocha'mi."

**OSIRUA'MI 89.** 'echi nulalíwa'mi a'li mapu reka nokisáa ré 'echi bisirénte 'echi ko ju.

I. Nawesia a'li newaa 'echi nulalíwa'mi mapu niji 'echi congreso unionchi, nijisia 'echi oná administrativa ne 'echi rika enéa;

II. weláa a'li nakuliwia abói ikika 'echi sikritario 'echi oná respacho, nakuliwia 'echi agente we machia'mi a'li nochaa'mi repabe asientachi (hacienda), a'li welaa a'li nakuliwia abói ikika a jarécho nochaa'mi **unionchi**, mapu reka wela'liwa'mi a'li ku machubulia'mi ke echo alá anirua'mi suwe rika 'echi o'na konstitutionchi a'li nula'liwachi,

III. Jawa **ministros**, agente we machia'mi a'li **kónsules** omáana'mi, á katuisa 'echi **senado**;

IV. Weláa, á katuisa 'echi **senado**, 'echi weala jáwa'mi sontarisi (coroneles) a'li a'li che jare weala jawáa'mi 'echi sontarisi, sontarisi a'li sontarisi ropilachi ena'mi omáana, a'li nochaa'mi repabe asientachi (hacienda);

V. Jawa jarécho oficiales sontarisi, sontarisi a'li sontarisi ropilachi ena'mi omáana, karewia mapu reka nulalíwa'mi,

VI. Kítí kili rejolipa omána, mapu reka ani nulalíwa'mi jena, ne sinibísi omera sontarisi ká, sontarisi a'li sontarisi ropilachi ena'mi kítí kilíi rejolima pacha a'li nimia machi omaana kawirili;

VII. Sinibísi tibuma omána 'echi bi kitera, mapu reka chewi rojanara'mi IV 'echi Osirúami 76;

VIII. Ania mapu nekoma 'echi Estarochi napawika'mi mesico kitera, bacháwala nulalíwa'mi kongresochi unionchi;

IX. Welaya, aneka senaro (senado), 'echi procurador omána jémi Ripúblika;

X. Chokeá'mi politika machi a'li enea (**tratados**) internacionales, 'echi rika mapu suniba, winijia, rewea, alá ku karewia, né wachia'mi, ku éa katewara'mi a'li rua raichali alá anirúa'mi 'echi bí kitera, né chiriká mapi reka katui senaro (senado). Nijiyura politikachi, 'echi walúala nulaa'mi Ejecutivo alá inema jena mapu reka nokisáare: mapu reka ni 'echi poble; mapu ke nikumema; karewiwa'mi 'echi náawawa'mi; 'echi aniwaa'mi majariwa'mi a'li nea 'echi iwerawa'mi mapu chea'mi jú (internacionales); né anari jurisia'li 'echi estarochi, nikurowa'mi internacional kítí minábi nokisipa; chewia a'li sinea'mi ikiria 'echi rerechopakóta'mi niwala a'li sayerowa'mi kítí kilíi rejolipa we alá internacionales;

**XI.** Bayea kongresochi mapu ikisa napawila, mapu reka katuisa mapu wilia'mi ju sinibísi;

**XII.** Ke nocha'li oliria 'echi nulaa'mi jurisia'li kuirowa'mi newalésa 'echi mapu abói ikiika noka;

**XIII.** Nakíia suwába mapu ikíana barko uchupa, newaa mapu oná uchupama suwába mapu iki aseliwa baw'echi ena'mi a'li **kaémi**, anea kumi oná;

**XIV.** Nakia, mapu reka aní nulalíwa'mi, nakiwa'mi 'echi rikirita'mi 'echi karua'mi sayera'mi tribunales omána a'li rikirita'mi 'echi karua'mi **orden comunen el Ristrito jerera'li**;

**XV.** Áa kuirowa'mi né mapu a'li nisa ré, karewika nulalíwa'mi kitera jena, mapu reka machiwaa'mi, bujanasia'mi minábi bilé chota'lia'mi **industria**;

**XVI.** Mapu alí **kamara senado** ke napawika michisa, 'echi bisirénte Republuka ompama welaa mapu reka raicha rojanara'mi III, IV alí IX, katuwisa 'echi mapu welara'mi ju sinibísi:

**XVII.** ( ma ke iré)

**XVIII.** Riwiria 'echi senado, 'echi bikiana a'liwa'mi ministro suprema korte justicia a'li someter sus licencias a'li ku machina katusa kà 'echi **senado**;

**XIX.** ( ma kè irè);

**XX.** Che jare mapu niji bujan jena kostutusioni.

**OSIRUAMI 90.** Biléanabi wilárami níima a'li bilécho estatalichi mapu riká aní nulalíwami mapurika nulá konkresochi, mapu rojanama nóchali nilalíwami nirúami Jererasionchi mapu rika tibúma échi Sekretaria Estarochi jáwami a'li anía suwaba mapurika nísare mapuria anirúa mi nima Estatalichi a'li mapu riká si nikúroma jawami Jererasioni nócha.

Nulalíwami animéa chúrika nóchama Estatalichi jawami ali jawami Jereráli, jéna a'li Sekretaria Estarochi nirúami.

**OSIRUAMI 91.** Mapu riká nima Sekretaria mapu o'ná nocháma newalelía: Mesiko nawami ka a'li betéami, mapu riká binói a niwalaká Rerécho a'li ma bamíbasa besakaoi bamíbali.

**OSIRUAMI 92.** Suwába nulalíwami, mapu a'ní, katuíwami a'lí mapu riká nulá bisirent abelá machosare échi sekretario échoná estarochi mapu kíti raícha, jépire ké échirika nisaka ke nejéitami níima.

**OSIRUAMI 93.** Echi secretarios despachochi nochaami ali ko a iyewita wilimea japi ikisapi anapawiliwa, anemaa echi konkreso estarochi kiti a katewima japi aniiuru echina.

Japi iyepi rika kamaras a omeroma bayea secretario echi estarochi, waluala jereral omaana republika, echi jawami directores ali winomi tubuami echina estarovs japi rika paraestatales ali titulares japi si ju wealabe, kitiko animea ne wichiwali japi kari ju, japi ali akarewi echi echi bile nulaliwami ali ayenacho a wéala inesika binea nochali iyiri japi nisare japi aniruami ju echina namuti nokiwaami kiti ko niijiyama ali ayena cho animea japi aninali ali naria bile namuti kitera.

Echi kamara ko, ayena itali bile nayoana kayami japi simi nakura naka echi na, japi japi echi riputados kiterako, ali nasipasi, echi senadores ko ruaka ayena a omero si asia ali inesia chiraka nokaa echi napawika nochaami descentralizados ali echi empresas sinakurami ju estatali asoki suwába. Echi japi ma ineraami ju japi nokiiru amachiruami nima echi ejecutivo jererali kitera.

Echi kamaras a omeroma taa oseliwiala iyiri echi titulares echi dependenciachi ali estarochi ali echi siliami jererali, Osaka narika, ayenabela aku niejwirami nima kesimiroma makoi mali rawe japi jonsa aneruami ju.

Japi nokaami ju echi jawami anokimea echi jawami japi rika ani nulaliwami echi konkreso ali japi rika nula.

**OSIRUAMI 94.** Sinéa'mi mapu o'ná katewáliwa Poder Júrisia'lí de la Federacion en una Suprema Korte de Jústicia, rn un Tribunal Eletora'lí Kolegiados y Unitarios de Sirkuito y en mapu oo ná najórowa.

Mapu tibúla, a'lí mapu inéla a'lí ne chiriká nokisáre échi poder júrisia'lí omána, na'lí échi mapu supremochi korte jústicia omána no'chá ko ma ke sí moiméa échiko bela jónsa nulera'mi níima Konsejo jurikatura jererali mapu riká ani jéna, mapu riká uchúwi jéna kostitusióni, mapu riká a'ní tamólíwa'mi.

Na supremo korte de jústicia omána a bela níwima mako bilé ministro a'lí échi riká nocháma echoná pachá.

Mapu rika a'ní tamólíwa'mi a'lí mapu ikísapi napawíliwa echoná, a'lí abéla machírita'mi sinéa'mi pakóta'mi, nakiáka mapu ikíima jarécho mapu riká karewíri ra'ícha'lí échiriká riká tásaka mapu reká ilára'mi jú sininéa'mi.

Mapu newása biré na Supremo korte, a'lí choná pachá mapu newása biré na tribuna'líchi a'lí sirkuitocho, mapu o'na jónsa bi nisare júzkarochi a'lí tribunal eliktora'lí, mapu rikábi isísare sinéa'mi mapi nochá 'échiná poder júrisia'lí omáma, ne chiriká nokísima mapu riká a'ní tamólíwa'mi, ne mapu riká niwára'mi mi jú kostitucióni.

Échi consejo de la júrikatura jerera'lí abelá animea chu ikípi niíma, mapu o'ná jónsa jú a'lí división circuito, échi belá niíma mapu ikí niíma a'lí échi kítera, mapu iyíri benéa'mi, échiná tribunalchi colegiados a'lí unitarios de sirkuito a'lí najrórowalachi de Ristrito.

'échiríkacho, mapu riká katuítá'mi jú sinéa'mi ká échina plenos de sirkuito, chu ikípi niíma a'lí mapu iyíri benéka'mi jú a'líko nócha'mi jú 'échina tribunal colegiados. 'échi belá animéa churika nísare a'lí chu riká nokísare.

Wea'lá jáwa'mi napawika nócha'mi suprema korte de jústicia a onpama nijía akaréwita'mi séba'lí,kíti alá anári nachutára'mi niíma mapu oná oyéripa alí karéwipa séba'lí ra'icha'lí 'échiriká ku ruyéba korte jáwa'mi najóri'a'mi,alí tamoyá jáwa'mi mapu muchúwi tribunales colegiados de circuitos chimiaye mulipi,kíti wé sapú karéwika buyanába raícha'lí,jaré mapu oná ké alá elára'mi nisa,isini ké al'natúwisa,alí jáwa'mi korte a rusa mapu chureká alá najóripa. Alí elára'mi ayéna osaká buyanába kíti jarécho a machiméa cho.

Mapu alí najóriwa séba'lí nimíwa'mi kíti alá wachía riwélíma a nakuri kostitucióni alí mapu riká wee olába, sapú jiyáwika karewipa raícha'lí mapu alí 'échiriká elása ko jáwa'mi kámara de congreso, 'échi walua'lá bisirrente alí walúa'lá kobierno, alá nuláma nawésia'mi wilia'mi kuíria'mi kobierno,a'lá aniká piri kíti wé jiyáwi mapu alí a kuíriwa wiká pakóta'mi,alá enéma oláma tamólíwa'mi alí nejewíta'mi.

Tamólíwa'mi alá animea kíti ne iwérili niíma nimíliwa'mi mapu riká nulá mapu oná oyériwa tribunales poder júrisia'lí mapu jáwa'lí walúa'lá kobierno mapu oná muchúwi oyéria'mi chimí mulipi mapu churika neepo **osiruami** kostitucióni alí seba'lí tamólíwa'mi, mapu táníwa kíti pe riwéba alí nakuliapa raícha'lí.

Alá natétira'mi niíma mapu nócha noká 'échi jáwa'mi suprema korte, magistrados

de circuito, jáwa'mi júeces, a'lí nakúra'mi jáwa'mi júdicatura ferera'lí, ayénacho jáwa'mi magistrados eletora'lies, ké wesi ké natétika mapu alí a nócha.

Jáwa'mi Ministros korte de justicia a nocháma makói malí bamíba'lí, a nakulíapa rn'rka mapu riká nulá tamóa'mi nayó osirua'mi kostitusióni, ma kuwanísá ko, a'niwi derecho mapu alí ku riwénili nócha'lí.

Ké wési mapu ministros nili a onpama wilíba uché siné nócha, we a nochásá ko pe teeli bilécho kítera nochásá ko a'lá níima.

**OSIRÚA'MI 95.** Kíti wilara'mi níima jápirika ministro echo'ná suprema korte de la justicia de la nación anilia'mi.

I. Mexicano a'lí mesiko ranarua'mi nisare.

II. Olasare besamakói ma'lí ba'miba'lí ne a'lá sebarika'mi nisare 'échi iki ba'miba'lí echa'lí rawe mapu a'lí wila'lía.

III. Echa'lí rawe mapu a'lí wila'lía makói ba'miba'lí nóchaa'mi nisare a'lí oláma bilé oseli we natéa'mi japo'ná animea kíti licenciado jú rerecho mapu nijili 'échi walua'lá wilia'mi institutochi nóchaa'mi 'échi oseli ne a'lá niraa natéa'mi.

IV. Mapu a'lí a'lábe niraa ra' icha'líwa bilé rikamti kitra a'lí ke sine winijira'mi nisare kíti isili namúti chati a'lí bachára'mi nisa a'miná bilé ba'miba'lí simiraa'mi we na'lí jápire chikora'mi nisa eekia'mi tinichiko osaa'mi rewa'lá chuwe jare namúti chati ma, mapu re isia'mi nisaka suwába jena namúti chati tasi oméroma wilalla walua'lá wilia'mika jápirika ministro suprema a'lá korte de la justicia.

V. Okua ba'miba'lí sebarisare bitea echo'ná paisichi mapu a'lí kecho wila'lía a'lí;

VI. Jápi ke sekretario nili estarochi procurador jerera'lí o'máana estarochi justicia ristrítuchi jerera'lí ma, senador riputaro jerera'lí a'lí jápi silia'mi nili biléana estarochi ke cho a tamóa'mi ristrítuchi jerera'lí 'échi ba'mia'lí chabena'lá mapu a'lí wila'lía

Mapu a'lí jawa'líwa ministro 'échi ko nisare pakóta'mi mapu ma nócha'lí ne a'lá niraa mapu a'lá wachinaka nijoora'mi nili a'lí mapu ne a'lá niraa ra'icha'líwa 'échi pakóta'mi kitra mapu ola oseli we natéa'mi mapu o'ná ani

kíti we a'lá bineka'mi jú 'échi pakóta'mi jápi we a'lá omaroma nóchaa biléana júririkochi anilia'mi.

**OSIRUA'MI 96.** Mapu a'lí jawálowa 'échi ministro mapu jú echoná supremo korte de jústicia, bisirénte wilia'mi jémi suuma kawí Mésiko a njíma bikía échoná mapu muchúwi senarore, mapu 'échi ko, a siméa mapu ma a bacháriko anéra'mi níima 'échi pakóta'mi, animéa échi ministerio mapu re a ikírosa ka. 'Échi rikako animéa pe jarepi mapu chéa'mi jú 'échoná 'échoná senarore muchúwa'mi, 'échi riká mapi riká anirúa'mi jú besá makói rawé. Mapu ré ke karewísá 'échoná senaro machúwa'mi mapu rikó anirúa'mi jú, 'échi riká níisa ka a smíroma ministro túa 'échi pakóta'mi, mapu a'lí échi riak jú, mapu riká anisaa bisirénte Mésiko wilia'mi.

Mapu re 'échi kamara de senarore ke ilásaka mapu riká anirúa'mi jú, 'échi bisirénte Mésiko wilia'mi a chécho sinú riká karéwita'mi níima, mapu riká aní bachá osirúa'mi. Mapu re échi bikianáta'mi ché cho ke natéa'mi nerásuwa, chapiméa 'échi pakóta'mi mapu a'lí karéwiwa, mapu riká anisaa bisirénte Mésiko wilia'mi.

**OSIRUA'MI 97.** 'Échi magistrados mapu echoná nóocha a'lí oyéria'mi risitrito jáwa'mi a jawára'mi níima a'lí énera'mi níima 'échi consejo de la júrikatura jerera'lí, mapu riká aní raichára'mi a'lí nakúwika anirúa'mi séba'lí mapu ták a'lí mapu riká aní tamólíwa'mi. Usáni bamíba'lí sebárima échi riká niráa, mapu a'lí ma suwibása ka, mapu re a nuléra'mi níisa ka a'lí nakulíwisuwa wea'lá jáwaa échi riká ko pe uméropa bi nóocha'lí che sinú áa échi riká newalésa ka mapu riká aní osirúa'mi.

'Échi suprema korte de jústicia de la nación a uméroma tania 'échi consejo júrikatura jerera'lí kíti enéma chu riká nóocha bilé oyéria'mi a'lí bilé magistrado jerela'lí ma.

Ma ke natéma

'Échi suprema korte de jústicia a wiláma a'lí nakulíwima binói sekretariowa'lá a'lí a che jarécho nochaa'mi ma. 'Échi magistrados a'lí oyéra'mi a jálwama a'lí nakulíwima mapu echoná si jú a'lí nóocha'mi echoná tribunalchi a'lí echoná júscaro risitritochi, mapu riká aní nuláliwa'mi mapu jú oyéria'mi.

Nayó bamíba'lí niráa, mapu echoná mi kare abói animéa jepiká níima bisirénte echoná Supremo Korte de jústicia de la Nación, 'échi ko ke umperopa ché osámi ku wiláa 'échi chérika.

Ibínili ministro de la suprema korte de jústicia, mapu a lí ma moi saa nochásia, a animéa echoná senarochi, jeriká niráa.

Bisirénte: ¿a ne animéa mapu nochama a lá wachíina a lí a lá nikúurima cho nóocha ministro de la supre Korte de jústicia de la nación mapu na ára'mi jú a lí binói ni a katéwama a lí ayécho ni a katéwama Costitucioni Politika de los Estaros Uniros Mésikanos a lí osirúa'mi mapu echoná a síro, enéka suwába mapu a lábej jú a lí mapu a lá níima napawíka? "Ministro:" ayená ni a aní," bisirénte, "ke ni chiriká isísaka, Nacion tamí winijíma".

'Échi magistrados de circuito a lí oyería'mi ristrito a animé 'écho'ná supremo korte de jústicia a lí consejo de la júricatura jerera lí.

**OSIRUA'MI 98.** Mapuli rowelisa bilé ministro a ke nochasa bilé micha, 'échi pisidente republika a riwa ba bilé ministro mapu interino níima mapu a chirika ila 'échi senado, a inesia mapu 'échirika isisimi 'échi osirua'mikimisa makói usani jena kostitucionchi.

Mapu re mukusaka bilé ministro a lí jarécho namúti kitera a lí ma kebilé si nochasa 'échi pisidente awilama bilécho kuliwa'mi ministro a ilasaka 'échirika 'échi senado, mapu ani osirua'mi kimisa makói usani mapu rika ani jana kostitucionchi.

Mapu li make nachana lí 'échi ministro 'échina supremochi korte de la jústicia pe a omérroma mapu re awecharika nisaka, a ineraa'mi níima 'échi ejecutivo kitera mapure jena akoruáka, ajúlama 'échi senado túa kítí a ineema achi a lá korua.

'échi risensia niwa'lá ministros, mapu re ke akarewisaka bilé micha, a ara'mi níima 'échi suprema korte jústicia o'máana kawichí nirua'mi, mapu mi simara nokako jena rawemiti, naiwima risensia mapu simaroma pisidente republika túa mapure achi rika ilaoko 'échi senado. Kebilé risensia níima simiraa oka ba'miba lí.

**OSIRUA'MI 99.** 'échi tribunal Electora lí a níima, mapu pekesi 'échi mapu aniko 'échi rojana lí'a'mi ll osirua'mi bilé ciento ma lí jena kontitucionchi, walua'lá wilia'mi 'échina júridiccionchi mapu iki sinochaa 'échina weála machia'mi chopi mapu rika júricia lí jederacionchi.

'échi nocha lí mapu omerowa ko 'échi tribunalchi a isisima a lí asima sinibí bilé sa'láchi suprema túa a lí sa'lá ragio'nál, 'échi akarewia'lá aníima wika

niraa, mapu rika ani tamólíwa'mi. Ayena siníima bilé júridikochi nochaa'mi a'lí arministrativochi nochaa'mi mapu iki newalé echo'ná namúti kariwea'lá.

'échi sa'lá walú a napawila kichao magistrados eletora'li, 'échi pisidente tribunalchi a wilara'mi níima 'échina walua'lá sa'láchi kitera, 'échi mapu ikika nochaa echo'ná kiti awilia'mi níima nayo ba'miba'lí.

'échi tribunal eletora'lichi nochaa'mi a pichi isima karewia a'lí 'échi asuiníimacho, mapu rika ani jena kostitucionchi a'lí jarika ani tamólíwa'mi.

**I.** Jerika ke ilása mapu a'lí'botariwa riputaro jaáwa a'lí senarores.

**II.** Jaré mapu ke échiriká ilása bisirénte wilaá Mésiko atía'mi abelá karewita'mi níima 'échiná pachá nócha'mi wéa'lá yúa.

Mapu o'na karéwiwa ra' ícaha'lí a'lí abóni katuíka a'la animea chüreka nokísima mapu botaripa re chúrika ne nokísare amapu riká ani tamólíwa'mi.

E'chiná pachá mapu o'na ne newalíwa koputarorachi jónsa mapu riká botarita mi jú 'échi Bisirénte Mesiko atía mi kítera, má a'la karéwisa ká a'lí ke échirika nisaka ku belá uwa'mi pata'mi níima 'échi ra'ícaha'lí kítera abéla nirúlima checho bilé 'échi kítrera, échiriká nawésisaka mapu rika ne niwára'mi 'échi kítera, mapu riká ne natéa'mi jú mapu riká botárita mi jú a'lí mapu Birenti wilára'mi jú a'lí mapu kanrirato jú ko mapu simira wiká botarili 'échi kítera.

**III.** Ke chiriká ilasaka a'lí mapu riká natéa'mi jú karéwili jáwa'mi electora'lichi jerera'lí kítera, chuwérika mapu riká anirúa'mi jú rojaranara'mi okuaná bacháwa'mi, mapu ré ké riwísaka mapu rikáán kostitusióni.

**IV.** Ke chiriká ilasaka a'lí mapu riká aníru a'lí mapu riká natéa'mi jú né mapu riká nísa ré a'lí ne wichiwa'lí 'échi jáwa'mi kospitenti kítera mapu ikiana jú omána mapu o'na jónsa nisare a'lí a'lí 'échina jónsa natuíka nokísima botárisia karéwisia mapu rika kí ilara'mi jú boyásisa 'échi kítera, e'chiriká mapu rika karéwita'mi jú kiti a'lá kayénisa má mapu riká anirúa'mi jú a'lí mapu riká ne ripísare 'échi botáriwa kítera. Jenaí jónsa mapu a'líbí táníwa 'échi kítera, a'lí mapu riká karewita'mi jú ne chirika nisa mapu libi botáriwa a'lí mapu ré a chiriká newásuka kechó nawawáchi rawé 'échi kostitusio'nál mapu riká aníru a'lí mapuriká ucharú mapu ikiana jú mapu a'lí a'ní chureká isima sinéa'mi mapu ikí jawára'mi jú:

**V.** Ke chiriká ilasaka a'lí mapu riká natéa'mi jú a'lí mapu riká natuita'mi jú ket riuwísaka mapu ikí rerecho niwi sin'pea'mi plolitikos eletora'lies, sineámi

pakóta'mi mapu ikí botari a'lí a botarita'mi níima a'lí aroára'mi níima aboni ikiwíka a'lí a'lá kilíi kíti ne chirika nokímea échi plílitikos omána muchúwa'mi,, mapu riká anili kostitucióni a'lí tamólíwa'mi. Kíti ko pakóta'mi a simásare mapu o'ná jú tribunalchi mapu ré ke riwísaka rerecho échi partiro político a'lí abitisáka, abelá ma ké itelisa namúti a'lí mapu ré naáwisaka mapu karewika sinéa'mi, échi tamólíwa'mi a belá animéa chúrika nokísare a'lí mapu ikilipi anirúa'mi.

Sinéa'mi magistraro eletora'lichi mapu jawára'mi jú échi pachá a'lí mapu o'ná jónsa abela 'échi riká nokísare mapu reká aní nulíwa'mi, ke tasi belá oméro kuúchi mapu ne iwéra'lí anepo mapu echoná tribunalchi Colegiado a'lí Circuito. 'échiriká nócha kimakói bamíba'lí , mapu re ke tasi jareánacho júlára'mi nisako chi wéa'lá.

Mapu ré nirúlisa ka nócha'lí abela che bilé kulíwa'mi magistrado mapu ikí bamíba'lí ro'ó échiriká belá wilára'mi níima.

Sinéa'mi mapu ikí nócha tribunalchi abelá échirika katuítamí níima mapu riká nóchama mapu riká aní 'échi poder júrisia'lí jémi o'mána a'lí ne mapuriká nuleta'mi jú a'lí ne mapu riká uchúcha'lí nulíwa'mi.

**OSIRUAMI 100.** Jáwa'mi napawíka noocha'mi jawára'mi konsejo de la judicatura ferera'li 'echi nima wéala jáwa'mi nuléra'mi wé machía'mi, kíti sapú jiyawíka aniboa chúrika suníli karéwa séba'li ra'icha'li.

Napawíka nóocha'mi konsejo a be kicháwiníma nócha'mi, bilé bisirrente suprema korte de justicia, kíti wilía'micho nima echo konsejo; alí bikía nawésia'mi nima consejeros jawára'mi 'echioná na pawíka nocha'mi karéwa'mi ra'icha'li, awiká a owísa osá nayó botos alá nima, a nakúrima jáwa'mi magistrados de circuito alí jueces oyería'mi mapu a muchúwi omaana ristritos; okuá nawésia'mi mapu owíli senado, alí bilé mapu owíli bisirrente mésiko atía'mi.

Suwába na wési a'mi a napabúma séba'li mapu táníwa nema pureká nulá osirua'mi iki makói malí osirua'mi kostitucióni alí alá pakóta'mi mapu alá nócha'li wé machí a'mi wenomí tibúa, kéchi kóa'mi alá wachía nócha'mi mapu alí nuléliwa nócha'li, mapu owíli suprema korte, arisesni oláma néa mapu oná alá machiwá 'echi judicia'li kítera.

Jawára'mi konsejoka, a nocháma a nulésiwa ko. 'echi jawára'mi a karéwima mapu alí nuléliwa mapu kítera jawára'mi jú, alá animea kamu nocháma, alá

machirúa'mi nima a nakulíapa jáwa'mi magistrados alí oyéria'mi jueces, alí séba'li ra'icha'li mapu alá anisaako nulalíwa'mi.

Walúala bisirénte ka wilia'mi napawíka nócha'mi kítera consejo, alí jarécho nawésia miko a nocháma malí bamíba'li, a nakulíapa kíti anári jawára'mi nima, ké uché siné jawára'mi nima.

Jawára miná wési a'mi ké kuíria riwélíma mapu jáwa'li, alíko a nochámama pureká nochásá abóni ikíka.'echi nócha'mi a nakulíata'mi nima alí enéka anirua'mi nayóana jena kostitusioni.

Nulalíwa'mi alá animéa chúrika olába alá benéria alí ayaapi ku benéria 'echi jáwa'mi, kíti alá machiméa nocha judicial ká jawásiwa, a be ripíma mapu alá benéli chopi, mapu alá wachía nocha, ké wesi kuíroka, alá machiká alí ké wesi kuíroka pe rikó.

Mapune alá wee aní nulalíwa'mi, 'echi consejo jáwa'mi a onpama newaká nijía séba'li elára'mi mapu riká nocháma jáwa'mi. Wéala jáwa'mi suprema korte de justicia a uméroma tánia 'echi napawíka nócha'mi consejo kíti a nijíma ma elára'mi ra'icha'li mapu a newalésiwa kíti alá wachía nocháma mapu o'ná jóonsa nocha jáwa'mi jerera'li. Jáwa'mi korte ayénacho uméroma enéa, alí, ke ilayá a elára'mi consejo kítera, nesuwába a nijísako boto. 'echi nulalíwa'mi alá animea chúrika alá nima alí onpama kíti alá machínima 'echi nócha'li.

Mapu riká ra'ichaka natúwi 'echi jawára'mi consejo chiriká we enima, alíko, ké oyéripa, nibilé iyába wenomí, kíti kawélíma pe abóni nochaala, alí mapu nuléra'mi bi jú, alá animéa alí alá machirúa'mi alí nakulíwika oláma 'echi jáwa'mi Magistrados alí oyéria'mi kítera, nalí alá enéma 'echi suprema korte de justicia, pe néabi a uméroma acha alá benéka olirane mapu riká nulá (reglas) nulalíwa'mi mapu alá aní chúrika alá nisa re.

Jawára'mi suprema korte de justicia a newába chúrika nakí abóni alí consejo kíti alá nocháma poder judicial jémi kawichí aye, alá riwíka anirua'mi párrafo kicháowi osirua'mi (99) ikímakói kimakóisa jena kostitusioni kítera. Newára'mi mapu ikí newalíwa wenomí a machiméa bachá walúala bisirrente kaémi mésiko atía'mi.

**OSIRUA'MI 101.** 'echi ministros suprema korte de justicia, 'echi magistrado de circuito, 'echi júces **Ristrito**, 'echi sekretarios, a'lí nata'lí a'mi 'echi júricatura jerera'li, mapu rika 'echi magistrado a'lá walua'lá tribunal, eletora'li,

kebilé oméroma narea a'lí nocha'lí niwia a'lí wilia ka 'échina jereracionchi jena estaro, Ristrito jerera'lí a'lí pe binoi niwisia kecho, mapu ma a ola'líko chabeí riko ayena a oméroma a'lí napawika jarécho a túa científicos, dosente, literarias obeneficia.

Mapu 'échi pakóta'mi ma a nochaa'mi nili ko ministro walua'lá korte de jústicia, magistrado circuito, júez Ristrito a'lí nata'lí jia'mi makere 'échina júdicatura jerera'lí, mapu rika magistrado 'échi sa'láchi walua'lá 'échi tribuna'lí eleitora'líchi ke oméroma 'échi oka ba'miba'lí bachámi mapu jóonsa jú machina'lí júdicial ka nocha 'échi jereracinchí.

Mapu jóonsa anirua'mi jú mapu 'échi pakóta'mi jabiliko mapu rika ministro na'lí pe ke petelibí o interino ma 'échi ko pe ke oméroma nikaa mapu ani 'échi rojanara'mi usani 'échi osirua'mi kimisa makói ma'lí jena konstitucioni.

Mapu ke nakiko jena osirua'mi 'échi jáwa'mi júdicia'lí na'lí akarewima 'échi túa kíti wea'lá risensia ara'mi jú.

'échi infracción ma a ruyera'a'mi mapu ani na upakawichua'mi rojanara'mi, ani mapu a rikirita'mi níima Mabela ke riwiya'mi niraba kebila nochama júdicial ka 'échi jereracionchi, ma ke niwima mapu rika tanewilia'mi a'lí mapu rika binoi a'lá niwisima na'miti iyiri, pe ke jarécho kitera rikiria'lá ko mapu rika 'échi tamólíwa'mi ani.

## **OSIRUA'MI 102.**

A. Tamólíwa'mi anéma ministerio publico de la jereracion, 'échi nóocha'mi a jawára'mi níima a'lí nakulíwira'mi 'échi ejecutivo kítera, mapu riká aní tamólíwa'mi. Ministerio público de la jereracionchi a enéra'mi níima procurador general Mésiko jáwa'mi kítera, nuléra'mi níima wilía'mi ejekutibo jerera'lí 'échi rika cho a chéa'mi níima senarochi a'lí ma jarécho 'échoná si nóocha'mi. Mapu re prokurarori nína'líwa ka: a ta Mésiko awía'mi níisa re, a'lí ayena a ta bamíbasa re besá amkói malí mapu a'lí ta welalíwa'mi: tarasa ta re, chavé niráa makói bamíba'lí sebarika, oseliwia'mi niisa re mapu a amachíli rerecho, a'lá ke chá riká isía'mi níisa, a'lí ke winijíra'mi níisa pe chuwé niraa. 'Échi procurador a nakulíwira'mi níima 'échi ejecutivo kítera.

Chéa'mi ju ministerio público de la jereracion, a'lá najátosuwa, 'échoná tribunalchi, suwába karú isimíwa'mi anirúa'mi jerera'lí kítera; a'lí, 'échi riká cho, 'échi binói táma mapu a winijíra'mi níima karú nokáa'mi; áama

a'lí riwírima mapu chú riká ikili karú nokiwáa'mi jená kítera; a'lá newáma oyériwa'mi kíti mapu 'échi riká nóocha we sapuma ke chíbi riká ripíma; tama kíti a'lá rikírita'mi níima a'lí 'échi rika cho alama mapu riká aní nulalíwa'mi. Prokuraruria genera'li Mésiko wilía'mi chéwima binói ikía séba'li karewiwa'mi mapu riká aní osirúa'mi 105 (bilé siento malí) jená costitusionchi.

Suwába namuti mapu jererasion si chéa'mi, mapu alí oselí ásuwa benelíwa'mi kítera 'échi wéala nijisa a'lí che jaré ko nokimé 'échi ministerio publiko echoná jererasion chéa'mi, 'échi prokurarori jerera'li a isíma binói niráa a'lí mapu chiná a si nóocha ma kítera.

'Échi prokuraroria jerera'li Mésiko wilía'mi a'lí 'échiná si nóocha'mi, a'lá ikíima suwába ke nataéa'mi nerásuwa, ke riwíka olisúwa nulalíwa'mi suwé ikisáa mapu riká nikowá.

Mapu riká isimí konsejero jurídiko kobiernochi nóocha'mi 'échi ko tibúta'mi níima ejekutibo jerera'li kítera, 'échi riká ikísa ka, mapu riká aní nulalíwa'mi.

**B.** 'Échi konkreso omána estarochi nirúa'mi a'lí mapu newá nulalíwa'mi omána estarochi nirúa'mi, 'échoná mapu oná jóonsa mi karé, néwama mapu tibúma rerecho pakóta'mi níwala mapu 'échi riká aní e'choná juridiko mésiko nirúa'mi, mapu a ikíima píri kítera winijíra'mi jú a'lí mapu ke ilaká karú nokisáa seba'li jáwaa'mi a'lí jarécho echoná si nóocha'mi, a'lí mapu ju poder jurisia'li jererasionchi chéa'mi, mapu re ke riwíisa jená rerecho.

Chéa'mi mapu riká aní bchá osirúa'mi, animéa chú riká nokisá re sinéa'mi, ke binkulatorio níisa, seba'li winijílowa'mi jawa mapu oná níisa re. Suwába nóocha'mi a ne iwérili ju mapu riká isíima mapu nelelíwa jená nocha'li kítera. Mapu a'lí ke natéa'mi nirásuwa mapu riká anirúa'mi ju a'lí ke nejeyásá jáwaa'mi a'lí nóocha'mi, jená ko newáma, a'lí a'lá ikírima pri olá ke nejea ka noka; a'lí ko, 'échi kamara de senarore mapu a'lí isabiká noka ko mapu échoná a nóocha sinibísi, mapu newá nulalíwa'mi omána estarochi nirúa'mi, mapu oná níisa re, echoná uméroma anéa, tánisuwa mapu echoná ju, seba'li jáwaa'mi a'lí nóocha'mi mapu re a iyéri níisa ka a bayépa kíti simea échoná karéwiwachi, a'lá ruméa mapu re ke umérosa ka nawayá.

Jená kítera ko pe ke a'lá níima mapu ré jawálowa'mi kítera níisa ka 'échoná a nirúa'mi.

Jená mapu riká noká konkreso omaná estarochi nirúa'mi a níima tibúa'mi

suma kawichí mésiko pakóta'mi rerechowala; binói ikíika isíma a'lí chú riká níisa re, ibníli niráa a'lá wachína a'lí séba'li namuti abói níwala.

'Échi constitucioni estarochi nirúa'mi a'lí anirúa'mi kobierno ristrito jerera'li kítera a animéa a'lí tibúma mapu abóoni ikía nokiméa chéwia rerecho pakóta'mi níwala.

'Échi nuláa'mi sumá kawichí mésiko tibua'mi pakóta'mi rerechowala a níwima busuré nijía'mi pe nakói níima échi busuré nijía'mi ko échi ko a jawára'mi níima pe makoana bi kayámi kítera mapu 'échoná muchuwi kamara de senarore, mapu a'lí isábisa ka, echoná konkresochi a nóocha'mi omána estarochi nirúa'mi, 'echi riká botária'mi a'lá niraa. Nulalíwa'mi animéa chu riká níima echoná jóonsa ko mapu a ikírrira'mi níima echoná kamarachi. Bamíba'li niráa nakulíwira'mi níima okua mapu bahcha jawára'mi ju, mapu re checho osa'mi jawára'mi níisa ka 'echi riká a ripíma.

Bisirénte wilía'mi mapu oná tibulowa rerecho pakóta'mi níwala sumá mésiko, échi ko ayéna cho níima consejo consultivo, échi rika cho jawára'mi níima mapu riká aní bachá rojanára'mi. 'Échi ko wiliméa malí bamíba'li. Checho ku osámi welásuwa ka pe sinépi uméropa a'lí pe nobiboa bi mapu riká aní osirúa'mi Título nayó jená constitucionchi.

Bisirénte wilía'mi mapu oná tibulowa rerecho pakóta'mi níwala sumá mesiko sinibí bamíba'li reyema poderes de la unión mapu riká nóocha. 'Échi riká níisa ka a siméa kamarachi echoná konkresochi mapu riká aní nulalíwa'mi.

Mapu riká nokibóaa wiláa bisirénte echoná mapu nesérowa pakóta'mi rerechowala sumá mésiko nirúa'mi, a'lí 'échi rikacho mapu echoná consejo consultivo nóocha, a'lí jáwa'mi echoná mapu oná tibulowa rerecho pakóta'mi níwala omána nirúa'mi, newára'mi níima narika sinéa'mi pakóta'mi, a'lá sinéa'mi machírrira'mi níima, mapu riká aní mulalíwa'mi.

Tibua'mi pakóta'mi rerechowala sumá mésiko nirúa'mi a machimea mapu re ke a'lá nokisuwa mapu riká aní abói, katuwira'mi a'lí ke chiriká ilása jarécho mapu chiriká cho nóoha'mi jú.

Tibua'mi pakóta'mi rerechowala sumá mesiko nirúa'mi a umeroma áa mapu re ke riwíisuwa rerecho pakóta'mi níwala, mapu re 'echi riká ikisaa ka a'lí 'echi riká tasa ejekutibo jerera'li, bilé rika'mi kamara konkresochi suma

mesiko nirúa'mi, bilé silía'mi biléana estarochi, walúala silia'mi kítera ristrito jerera'lí a'lí nulalíwa'mi newaa'mi sumá mesiko nirúa'mi.

**OSIRUA'MI 103.** 'échi tribuli jereracini a akarewima suwába namúti jao ke a'lá mi kare.

I. Mapu rika nisare suwába mapu nokiwa a'lí mapu kea'lá nokisáa 'échi jáwa'mi ke riwisa 'échi rerechos humano machirua'mi a'lí 'échi garantía ara'mi kiti a'lá tituba'mi níima jena kostitucioni kitera, mapu rika olara'mi nisare omána kawichí jena mesiko si.

II. Mapu rika nisare o mapu ninoka 'échi jáwa'mi jerera'lí kea'lá nochasa 'échina estarochi esfera de kompetencia Ristrito jerera'lí, a'lí

III. Mapu rika nisare o mapu rika noka 'échi jáwa'mi jenai estarochi o Ristrito jerera'lí mapu simi chapisia nokisimi esfera competencia walua'lá jerera'lí.

**OSIRUA'MI 104.** 'échi tribuna'lí jerera'lí ko amachimea.

Mapu rika nokisima 'échi karua nokaa'mi mapu rika ani jerera'lí,

II. Suwába mapu traichara'mi jú a'lí mapu tamó 'échi civil o mapu rika a'lá neema wanomi a'lí anokiméa mapu rika ani tamólíwa'mi 'échina jerera'lí, o mapu rika aniiru omána kawichí a'lí mapu rika anirua'mi jú 'échi estarochi mesiko.

Mapu awilara'mi jú mapu isima, amachirua'mi níima 'échi júeces a'lí tribunales mapu rika a tamóa'mi jú.

'échi bachá najorowa'mi ko narita'mi níima 'échi winijira'mi 'échi walua'lá júez mapu amachi chirika ikili bachá niraa,

III. Mapuli ineliwa rekurso a'lí ke nakisa jare mapu ma a'lá kariweba 'échi tribuna de lo contencioso-administrativo mapu koru rojanara'mi osamakói kima 'échi osirua'mi kichaosa makói bikia a'lí rojanara'mi nayo, inciso e Osirua'mi bilé ciento osamakói ok jena kostitucioni, pe mapu tamóchopi tamólíwa'mi . 'échi mapu inesiliwa mapu machimea echhi tribunal, mapu ikika nocha echo'ná jóonsa, anokiméa mapu rika tamólíwa'mi tamó osirua'mi bilé ciento bikia a'lí bilé ciento kichao jena kostitucioni animea kabu inema

‘échi nikura’mi keme a’lá machina nira a’lí mapumi sayera aniko ‘échi akarewilia’mi mapu ‘échi ko animea ‘échina tribuna’líchi nocha’mi a’lí jarécho mapu si nocha echo’na kebela nuruliruma najorowa’mi o rekursio iyiri,

**IV.** Suwába mapu raichara’mi jú ‘échi rerecho marítimo kitera,

**V.** ‘échi misi mapu jereranión sinisa,

**VI.** Mapu raichara’mi jú a’lí mapu nokalí mapu koro ‘échi osirua’mi bilé ciento níima ma’lí, mapu mapu machirua’mi níima pe ‘échi suprema de jústicia de la nación,

**VII.** Mapu ikisima ‘échi biléana estarochi a’lí jareanacho perea’mi, a’lí

**VIII.** ‘échi mapu niwaála níima si Diploma.

**OSIRUA’MI 105.** ‘échi suprema korte de jústicia de la nación machimea, mapu reka ani tamólíwa’mi mapu reka nokisáare, jena namúti mapu reka nimá:

**I.** ‘échi jáwawa’mi **kostitusiona’li** mapu, kitera rula raicha’lí eliktora’lí mapu reka aní Osirua’mi 46 jena konstitusioni, notasa je ikika:

a) ‘échi jererasionchi a’lí bilé Estaro alí keré Ristrito Jereral;

b) ‘échi jererasion alí bilé Munisipio;

c) ‘échi wea’lá jáwa’mi Ejekutibo a’lí ‘échi congreso suwama Estarochi; ‘échi chuwe kamara jena alí, ‘échi abói kitera, welara’mi wilisi, mapu reka nisa napawika’mi Jerera’lí alí ristrito Jereral;

d) Bilé Estaro a’lí Bilécho;

e) Bilé Estaro a’lí ‘échi Ristrito Jereral;

f) Ristrito Jereral a’lí bilé Munisipio;

g) Okua Munisipio a’lí jarécho Estaro;

h) Okua jawachi biléana bí Estarochi, ‘échi (né alá wachia newara’mi) **constitució’na lídad** mapu reka abói noka a’lí mapu reka nokiméa suwámá;

- i) Bilé Estaro alí bilé rika'mi binoi Munisipiowa'lá, 'échi kitera(né alá wachia newara'mi ) **constitucio'ná'lídad** mapu reka abói noka a'lí mapu reka nokiméa suwámá;
- j) Bilé Estaro alí bilé Munisipio jarean acho Estarochi nirua'mi, 'échi kitera (né alá wachia newara'mi ) **constitucio'ná'lídad** mapu reka abói noka a'lí mapu reka nokiméa suwámá; alí
- k) Okuana kaya'mi Jáwa'mi 'échi oná Ristrito Jereral, 'échi kitera (né alá wachia newara'mi) **constitucio'ná'lídad** mapu reka abói noka a'lí mapu reka nokiméa suwámá.

Sinibísí 'échi naáwawa'mi anisáa mapu reka nokiméa suwámá 'échi Estarochi a'lí Munisipiochi ke nerara'mi 'échi Jererasini kitera, 'échi Munisipio ke nerara'mi 'échi Estaro kitera, mapu kitera aní bawerara'mi c), h) alí k) bachá rikó, alí ma karewara'mi 'échi **supremo korte de jústicia** anisáa mapi ke natéa'mi jú, jena karewara'mi niwima mapu reka chuwe rika níima omána mapu a'lí katuita'mi nisa simiroka osanayo botarita'mi.

Jarécho namúti kitera, 'échi karewa'lía'mi 'échi oná **supremo korte de jústicia** niwima mapu reka chuwe rika níima 'échi bí kitera mapu si náawa.

**II.** Mapu reka nokiméa 'échi (né alá wachia newara'mi) **constitucio'ná'lídad** niwisa mapu reka noki ké sayerowa'mi 'échi mapu reka nokisáa re túa omána kitera alí jena konstitusioni.

Mapu reka nokiméa 'échi (né alá wachia newara'mi) **constitucio'ná'lídad** oméroma 'échi riks nokáa, né besá makói rawé mapu che sine mapu reko mecha machiuriwa 'échi mapu reka nokiboa. Kitera:

- a) 'échi **Ejecutivo** 'échi besa makói bikía porosiento mapu choná si jú cámara de Diputados 'échi oná konkreso 'échi suwama estarochi, sayeria tamólíwa'mi Jerera'lí a'lí Ristrito Jereral nijála konkreso suwama estarochi;
- b) 'échi anari besa makói bikía porisiento mapu si jú 'échi o'ná **senadochi**, sayeria tamólíwa'mi Jerera'lí a'lí Ristrito Jereral nirua'mi nijála konkreso suwama estarochi alí katuirá'mi suwama paischi sí mapu reka nikuroli 'échi estaro Mesiko nirua'mi;
- c) 'échi **procurador general de la República**, sayeria tamólíwa'mi Jereralchi

nirúa'mi, Estata'lí alí Ristrito Jereral, 'échi rika cho mapu (katuira'mi omána paischi kitera) **tratados Internacio'náles** mapu reka katuili Estaro Mesikano;

d) 'échi anari besa makói bikía porisiento mapu iki jú 'échi jare mapu si jú 'échi oná **legislativo** nirua'mi Estatalchi, mapu reka sayeria 'échi tamólíwa'mi nijia'lá abói mapu túa jú, alí

e) 'échi anari besa makói bikía porisiento mapu iki jú napawika'mi mapu **representantes** jú Ristrito Jereral kitera, sayeria 'échi tamólíwa'mi kitera mapu nijili abói mapu túa napawika noka'lí, alí

f) 'échi jáwa'mi politiko bitibaka oselichi né 'échi oná Instituto Jereral Elektora'lí, mapu reka kitera abói (bachá chukua'mi) **dirigencias** omána mi, sayeria 'échi tamólíwa'mi liktora'lí nirua'mi jerera'lí kitera alí jémi pacha ma; alí 'échi jáwa'mi politiko niwika rigistro Estatal, 'échi abói (bachá chukua'mi) dirigencias kitera, ne chirikabi saayeria tamólíwa'mi liktora'lí nijia'lá mapu si jú legislativo Estata'lí mapu iyaba 'échi rigistro.

g) Mapu (pakóta'mi rerechowa'lá neseroa'mi omáana,) **nacio'nál de los derechos humano** sayeria 'échi tamólíwa'mi osirua'mi Jereral, Estatal alí Ristrito Jerera'lí, 'échi rikacho **katuira'mi omána paischi kitera (tratados Internacio'náles)** mapu reka anilia 'échi **Ejecutivo** Jerera'lí, alí katuita'mi 'échi senado de la Republica, ke riwisa (pakóta'mi niwa'lá rerecho) **derechos humanos** machirúa'mi jena konstitusioni a'lí 'échi o'ná (katuira'mi omána paischi kitera) tratados **Internacionales** mapu oná Mesiko si jú. 'échi rikacho, 'échi tibua'mi (pakóta'mi rerechowa'lá neseroa'mi) **rerecho humano** anarika 'échi oná estarochi jémi o'máana Republikachi, sayerika 'échi tamólíwa'mi mapu nijili 'échi Legislaturas jémi estarochi alí (pakóta'mi rerechowa'lá neseroa'mi) **derechos humano** jémi Ristriti Jerera'lí, sayeria tamólíwa'mi anirua'mi 'échi napawika'mi **legislativa** jémi Ristriti Jerera'lí. Mapu onábi aniboa mapu ke katuiwa 'échi tamólíwa'mi liktora'lí jena Konstitusioni mapu reka ani jena osirúa'mi.

'échi tamólíwa'mi liktora'lí jerera'lí nirua'mi a'lí jémi Estarochi nokiméa nawesia a'lí rua bachá riko kimakóisa makói rawé ké echo chotachi 'échi nokisiwa'mi lictora'lí kitera mapu alí neba, a'lichopi ke ompaba newáa kú sinu ne a'lá mapu reka nisa ré mapu we newaléliwa'mi jú.

Ma anirua'mi 'échi o'ná **suprema korte de justicia** ompama bí ania mapu ke natéa'mi jú 'échi mapu ani chu reka nokiboa ke nakirua'mi, sinibísi ma katuita'mi nisa wekabe kitera mapu reka osanayo botarita'mi.

**III.** 'échi nócha'lí a'lí napawika newara'mi mapu oná jú najora'láchi **Unitario de Circuito** alí 'échi **Procurador** omána Republika, ompama machia piri kitera tara'mi jú sayera 'échi sentencia 'échi oyeria'mi Ristrito anirua'mi 'échi oná nokisiwachi mapu oná Jererasioni sí jú mapu reka abói naki alí anili mapu 'échi rika nokiméa.

'échi ania'mi mapu ke natiki 'échi ma anirua'mi mapu kitera ani 'échi ríjanara'mi I a'lí II jena Osirua'mi ke nuwima mapu upa'mi ku ikimea, na'líchi bi ké mapu (raicha'mi jú karua'mi kitera) materia penal, mapu reka nokiméa mapu reka anirua'mi jú sinewi mapi nokiboa alí mapu reka neba we alá jena raicha'lí kitera.

Ke chirika nokisáa mapu reka anirua'mi jú mapu reka ani 'échi rojanara'mi I alí II jena Osirua'mi mapu reka néeba, mapu reka, 'échi nokisiwa'mi newara'mi 'échi oná okuana bacháwa'lá parafo rojanara'mi XVI Osirua'mi<sup>107</sup> jena constitusioni

**OSIRUA'MI 106.** A isisare 'échi júdicial jereracioni, mapu rika ani tamólíwa'mi 'échi kitera akarewilia'mi mapu anirua'mi jú 'échi competencia kitera a'lí mapu ikisima 'échi tribunal jereracioni jena túa a'lí estaro o Ristrito jerera'lí, a'lí 'échi bilé cho estaro a'lí jarécho estaro a'lí Ristrito jerernomológico

**OSIRUA'MI 107.** Séba'li ra'ícha'li mapu kítera aní osirua'mi (103) bilé siento bikájenakostitusioni, a waná nima mapu kítera aní ko eletora'li votáriwa'mi, 'echiko katewába ne mapu riká aní nulalíwa'mi alí choná jóonsa awína mi nulaa'mi. Ne mapu reká nulá jéna kitera:

**I.** Oyériwa'mi ké elásuwa mapu riká nokiwá 'echi karúa olára'mi, olaká jiwríli mapu chúrika oláma walúala nalí be alá neráka séba'li rerecho wikaka néala o pe ibíli pakóta'mi, sinibí aláni míka ké neráka olásako 'echi rerecho mapu alá machirú jena kostitusioni alí 'echi kítera a kawélisa esfera jurídica,ké elásuwa ne mapu reká eláká alí nulelíwa waná nulalíwa'mi karua'mi raícha'li jurídico.

Ra'ícha'li mapu nokiwá alí mapuriká ripíkili oyériwachi jóonsa tribunales judiciales, wenomíti bú'a'mi alí pe chuwbé nocha'li, 'echi winijía'mi alá animéa mapu binoí 'níala jú rerecho mapu binoi kawéliwa alí binói chiwísa;

**II.** Ma sunía akaréwa oyériwa'mi 'echi a chéwita'mi nisa ké elasa omá (amparo) a be kuírita'mi bi nima 'echi karúa olára'mi mapue chiriká táli kuírili, pee a chéwita'mi nima alá alá tibúta'mi nima wé 'echiriká alá nisako, nalí alá enéka 'echi niwijíwa'mi.

**III.** Mapu alí nakulisa mapu riká nokiwá oyériwachi tribunales juriciales, wenomí tibúa'mi nocháliachi, 'echi kuíria'mi nakúrima bí:

**a)** Mapu alá nima anésiwa chu kilipi bacháká achára'mi nima ma kuwanísia ko oyéria, isiní ké elásia ko 'echi karua nokaa'mi, ké alá katewásia raícha'li, alá a chiwisaa ku waní 'echi niwijíra'mi ké alá ripisa raícha'li

Jéna kítera 'echi kuírili mapu rú insiso rojanára'mi V malí mapu a ru jena osirua'mi, 'echi oficina tribunal colegiado de circuito a be tama kíti a riwika ke karúa olaká mapu riká oyériwa alá natea'mi ju 'echiriká ko ayénacho, mapu alá a nisa ko kulíwa'mi che anirua'mi acha alá ripila ma suníra'mi raícha'li, alá aniká piri kítera uché nimípa ma suníra'mi raícha'li kítera. Ké alá riwika olásiwa oyéria alí ké wesi nimisa nijíwa'mi chéwá'li (amparo), ni bilé ké eláya animéa tribunal mapu oná muchúwi oyéria'mi oselí be wé natikí, we ma alá nisa ko ke 'echi kítera uché na'wíma nalí a riwika, alá enéka oselí nocháliwa'mi mapu a kuíri (amparo) bachá anirua'mi.

Joré a kuírisa chúrika ripila 'echi oyériwa'mi ma suníra'mi alí a newalésa ko a'lí ma ruyésiwa chúrika nokiméa, chu kílina ríkiméa a'lí bilé ké ilásia mapu nasulíwa, abe chéwika alá niwaká amparao kíti a'lá natéma kíti anári a'lá kú wachináma échi oyériwa'mi mapu kíti nasulíwa. E'chi nulíwa'mi a'la animé achúreka wachinaba raícaha'li karúa'mi.

Mapu oná jóonsa ináro ra'icha'li karua'mi, bachá alá suwaapa 'echi kítera nimía mapu newalélíwa, mapu riká aní nulalíwa'mi 'echi a kítera, mapu kíti joré ma alá suníra'mi oyérili, ma suwénisa akaréwa raícha'li alí ma ké ompábo ku nakulíwa, mapu alí a nakisaa ko nulalíwa'mi alá nisa ku riwéliwa 'echi namuti.

Mapu alí joré ké elásia mapu riká ripísi 'echi oyériwa'mi, ma suníra'mi oyériwa'mi, ké ilayá ko ké alá oyérisiwa ku mayésa mapu alí 'echiriká el'sa niwijíra'mi ké elásia mapu alí ma chóta oyéria mapu kíti nimína'li, mapu riká anilíwa mapu alí karúa olásia rerechos kuuchi téma'li ké cho machia'mi nimía abóni níwala. Jéna ko ké ne iwérili nima kíti ku chéwima 'echiriká nokiwaa'mi, 'echi karua'mi alá nulaa'mi kíti ké alá nerábo mapu riká ripíli 'echi rikíriwa'mi.

**b)** Ké elába suwériska nokiwaa'mi, wé jilíka nisa ku alá katewália, pe chuwé karéwisa alí wilíminá ku sunísa, ma ké nirúsa mapu riká uché nimípa we 'echiriká alá nisa ko, alí

**c)** Mapu riká oyériwa a jarécho karua olásia.

**IV.** Oselí katéwia'mi oselí newaa'mi mapu riká suníwa, ayéna, jarécho namuti kítera alí isini ké si nakúrisa jáwa'mi mapu waná nocha pe ké ojisina tribunales oyériwachi mspu oná si muchúwi jurisia'li, oselí newaa'mi 'echiriká nócha'mi, alí suwérika nokisáaa mapu alí a nakúri nimía, ma ké itélisa mapu kiti nimípa nalí alá riwika nulalíwa'mi a be ku eyéba oselí osaká pásika mapu alí ku wachinába re 'echi oyériwa'mi, alá nima a nimíwa nalí ké chibi nokaká suwába mapu alá séba ne mapu riká nulá nulalíwa'mi.

Ké iwérili jú kíti suwáapa mapu riká nimípa wé ke alá séba'li sebárisa mapu nasulíwa ke natéa re isini nimíkisa ko oselí mapu aní kostitusioni.

**V.** 'echi chéwiwa'mi rikiririwa'mi, a'li suinia ma ala karewia 'echi najorowa'mi 'echi ko anakimea tribunal colegiado circuito kompetente achirika nokioko nulalíwa'mi, 'echi mapu ikisima;

**a)** 'echi moiala kitera mapu suinilia akarewia tribunal aniala kitera a'li juducia'li, tako jererales ke pe chuye nulara'mi ke o sontarsi kitera.

**b)** 'echi administrativo kirera mapu li nari abóibi niraa 'echi rikiriala suinilia'mi kitera a'li akarewilia suinilia'mi kitera 'echi tribunal administrativo a'li judiciales aniala kitera ke omorowa'mi judiciales aniala kitera ke omerowa'mi akarewia wenomi iyiri natetika najoroka mapu rika nokiwa'a'mi ju animia legal niraa.

**c)** 'echi civil kitera mapuli nariliwa 'echi rikiriala kitera suinilia'mi anirua'mi 'echina najoroliachi 'echina 'echi jerera'li nulaala echona oyerialachi mercantiles, tako jerera'li ke a'li pe chuye 'echi wilia'mi a animea echona oyerialachi 'echi iyiri nulana'li.

'echi oyerilia'mi civil 'echi mapu nula jerera'li 'echi rikilia'mi ko a omeropa naria e china mapu a'li uirowa a okona chananiraa, 'echi jererasioni, animia abói niwala kitera, a'li

**d)** 'echi namuti nocha'li kitera, mapu li narilia rikiriala kitera anurua'mi 'echi napawika mi pe chimi aye a'li jerera'li conciliación a'li Arbitraje a'li 'echi nochaa'mi echona estarochi.

'echi suprema korte de justicia, de oficio a'li anirua'mi awichara'mi mapu nokisáare tribuna'li colegiado de circuito, a'li 'echi procurador suwába 'echi

Republica, a oméroma machia 'echi amparo né wachia mapu rika abói naki a'li transcedencia 'echirika a koruaka.

**VI.** Mapu koru 'echi rojanara'mi mapu upaka wichui nulalíwa'mi mapu nikiboa arumea mapu nikisipa a'li mapu rika simaroma 'echi tribunales colegiados de circuito a'li, mapu re 'echi, suprema korte de justicia de la nación para dictar sus resoluciones;

**VII.** 'echi amparo ke nikura'mi ju mapunokiiru echona najoralachi, machii aye ma suinisa a'li achanilitia jarécho pakaa'mi echona najora mapu keala miraa noka mapu rika nisare mapu ani suwába administrativa, 'echi juez Ristrito asi nima jajo cuya juridicción anirumapu ona nokiiru a'li aniiuru mapu aniwasi 'echi raíchali a'li abela aneba 'echi jáwa'mi chrika kayena'li 'echi charika nokiwa'a'mi, echona biléana najorowala kiti animea 'echi beleana bikitera mapu rika tanilia mapu a'li mapu ikili anakupi niraa nijisare a'li ayena akipura'mi nima 'echina najowalachi mapu rika animea 'echi sentencia kitera ;

**VIII.** Mapu kenaki sentencia anisare 'echi amparo kitera 'echi, jueces Ristrito o Tribuna'li unitarios de circuito arojama. 'echirika amachimea suprema korte de justicia:

- a) mapuli ma winijisa 'echi amparo winijilia'mi mapu rika anokiwa'mi ju amaruwa'mi anitimaka 'echi cha olara'mi jena kostitucion;
- b) mapu nokiwa ko 'echi mapu ala na'milia echona rojanara'mi okoa a'li bikia 'echi osirua'mi bilé ciento miná bikia jena kostitucionchi; 'echi suprema korte de justicia, 'echi nocha'li o petición niwara'mi mapu nokiméa tribunal colegiado de circuito o procurador amaana kawichí republica, a oméroma machia amparos 'echi inenilia'mi, mapu rika newalé a'li mapu rika anisare.

Mapu ke ineraa'mi 'echi rojanara'mi upaka wichua'mi, amachimea ineraa'mi 'echi tribunales a'li mapu sinocha echona a'li 'echi rikirilia'mi ko ke suwába wenomi 'echi kitera;

**IX.** 'echi amparo kitera nesinepi niraa a ineka chu ikipu natetisarika 'echi sentencia akarewima 'echi kostitucionallida mapi rika nasare aniwáma 'echi interpretación wachia bilé precepto jena kostitución mapu rika akarewi abói 'echi kitera mapu re achirika anisuaka suwába mapu ikika nocha a 'echi suprema túa korte de justicia de nación anokiméa mapu rika akatuita'mi jena

sinea'mi ka 'echi plenochi. 'echi wanomi ikiri kitera ko abela penabepi niraa nima mapu rika akatuiwi 'echi kostitucion'a'li, pe ke jarécho kiterabi;

Tibuka omero simia mapu onà jú **tribunalchi** 'échi ke riwita'mi binoi rerechowa'lá 'échi **partido politiko** kitera mapu o'ná boi oselichi osirua, ma sunisa re bacháreko 'échi karewa'lía'mi nakichiwa mi machirúa'mi mapu reka nisa rè 'échi o'ná pacha, 'échi tamólíwa'mi animea chu reka nikiboa a'lí chu kilipi nerà;

**VI.** 'échi nàawawa'mi nakichiwa'mi ma nócha'líachi 'échi instituto jerera'li Eletora'li y a'lí 'échi onà nócha'mi;

**VII.** 'échi nàawawa'mi a'lí nakichiwa'mi ma nicha'lí kitera 'échi **Instituto Federal Eletora'lii** a'lí 'échi onà nócha'mi;

**VIII.** Ma ania chu reka rikiripa 'échi instituto **Jederal Eletora'li** 'échi partidos a'lí napawika'mi **politikos** a'lí pakóta'mi noa'mi **komersialchi** a'lí chuve pakóta'mi, naì sia'mi a'lí boomi bajonika sia'mi, ke nokisáa mapu reka nulà jena konstitusioni alí 'échi tamólíwa'mi, alí

**IX.** 'échi che jare mapu ani 'échi tamólíwa'mi.

'échi o'ná pacha tribunal Eletora'lichi a nokiméa mapu reka jiyawiti newaléliwa kíti ne chirika nokiboa ne chirika kilii abòi rikiria a'lí karewia, mapu reka ani tamólíwa'mi.

Ke chibi rika ma anirua'mi 'échi Osirua'mi 105 kitera jena konstitusioni, 'échi o'ná pacha tribunal Eletora'lichi ompama karewia mapu ke ompama nèa tamólíwa'mi 'échi Eletora'li sinicho reka ania'mi jipi nirua'mi constitución. Mapu karewa'lía jena á nokiméa bí né mapu reka nisare 'échi o'ná najora'lachi. Ke machia'mi nisa jena kitera chi o'ná pacha pe repabe jáwa'mi á ruwema **ma ikí najórá'mi ju jémi omána**.

Jepu li biléana pacha tribunal Electora'lí kuirosa bilé kitera mapu reka 'échi inconstitució'ná'lidad mapu reka bilé namúti nokisuwa we la ko karewiwa'mi 'échi interpretación kitera bilé nuleliwa'mi kitera jena constitusioni, a'lí jena kitera abela ko sinucho ania'mi nimire mapu reka nesero 'échi o'ná pacha ne mapu oná **suprema korte de jústicia**, chuve jáwa'mi ministro, pacha a'lí mapi si jú, ompama winijia chacho anisaa né mapu reka ani tamólíwa'mi, kíti né choná **suprema korte de jústicia jémi omána** má né suníima katuika chuve

mapu reka natemi níima. Ma natéa'mi nera'líwa'mi 'échi kitera ke chiwibama 'échi raicha'lí ma karewara'mi.

Noca'mi tribunalchi, nasayetowa'mi pacha, mapu reka nokisáare natéa'mi nira'a 'échi raicha'lí kitera mapu abói nasayeto, 'échi rikacho piri kitera iwera'lí jú tamólíwa'mi jena richa'lí kitera, 'échi bel aníima mapu anime ajena Konstitusioni alí Tamólíwa'mi.

'échi ewa'lá 'échi o'ná pachaompama, 'échi kiera nócha'mi, 'échi winijiwa'mi jare kitera 'échi oná pacha michuwa'mi, banisua karewa'líachi kiti machimea jena; 'échi rika cho, ompama júla mapu abói sayero 'échi o'na pacha mapu reka machi alí mapu reka natiki. 'échi tamólíwa'mi animea chu reka a'lí chu reka nokisima nócha jena jawáa'mi.

**(La inistración)** 'échi jáwa'mi, enesiwa'mi alí chu reka nikiboa 'échi oná tribunal Electora'lí chea'mi níima, né mapu reka tamó tamólíwa'mi, mapu reka nulera'mi jú 'échi oná **consejo de la júdicatura jerera'li**, a si níima 'échi bisirénte 'échi oná tribunal Electora'lí, mapi tamóma; bilé Magistrado Eletora'li 'échi oná pacha walua'lá mapu ara'mi jú **insaculación**; a'lí bikianata'mi kaya'mi **consejo de la júdikatura Jereral**. 'échi tribunal animea chu kipu newaléma wenomi 'échi bisirénte 'échi **Poder judicial de la Jederasión**. Achi rikachi, 'échi tribunal nijímabinoi niwa'lá mapu reka nokiméa 'échi o'ná pacha a'lí katuiwa'mi sinea'mi namúti kitera kiti a'lá nóchama.

'échi Magistrado Eletora'lies mapu si moí 'échi oná pacha walua'lá alí né 'échi oná chapirua'mi níima botarika 'échi okua 'échi bikiana kaya'mi 'échi oná si kaya'mi jipi 'échi oná **cámara de senadores** mapu chu reka nokiméa 'échi o'ná **supremo korte de justicia de la nación**. Chapiwa'a'mi mapi 'échi o'ná si jú níima mapu jawaba, mapu reka nisa ré a'lí mapu reka aní tamólíwa'mi.

'échi Magistrado Eletora'lies mapu si moí 'échi oná pacha walua'lá nokisáare karewia mapu newaléliwa mapu reka ani tamólíwa'mi, á ke kuuchi níima mapu aneliwa kiti jabama **Ministro de la suprema korte de justicia de la nacion**, a'lí jabama ke bilé reweka ne sunika kimakói ba'miba'lí. 'échi napawiliwa'mi, ke itélisa a'lí **lisensias de los Magistraros eletorales** 'échi oná pacha walua'lá 'échi on tara'mi níima, chewika a'lí nijika jena pacha kitera, mapu reka nisa ré, mapu reka ani Osirua'mi 98 jena constitusioni.

Mapu nokisáa re consejero jurídico del gobierno, mapu níima tamó'a'mi dependencia del ejecutivo jerera'li kiti, mapu 'échi kitera, mapu reka ani tamólíwa'mi.

B. 'échi Konkreso suwama estarochi nóchaa'mi a'lí tamólíwa'mi niwaa'mi 'échi wicaná, Estarochi Jerera'lí mapu oná nócha a jawama, jare pakata'mi jápi tibuma 'échi rerecho humano anilia'mi jápi ne a'lá tibuma 'échi rerecho jápi niwi 'échi pagota'mi mesiko pirea'mi, 'échi jápi machimea mapu a'lí ke a'lá nokisua.

Sinea'mi jápi nócha wea'lá japawa'mi túa jápi ku iria'mi jú sinea'mi pakóta'mi a nejewasa re mapu rika aneliwa mapure ke katuwira'mi nisaka, ke a'lá nokisua ma mapu riká anili 'échi wea'lá jawaa'mi jena ne a'lá animea chusia ke, a'lí jiwerili nokiméa machiria sinea'mi pakóta'mi chusia ke katuwiliru, ayenacho 'échi cámara senadores mapu a'lí isabi 'échi jápi a'líwa nócha'lí kiti niwáma tamólíwa'mi wikana estarochi jápire 'échi nisaka jápi nokiméa a oméroma anea jena pakóta'mi 'échi wea'lá jáwa'mi kiti chimama japuna muchui 'échi tamólíwa'mi .

Jepuna pakóta'mi ko tasi bilé machi jápire botariwa'mi nisaka.

'échi pakóta'mi jápi wea'lá jawaa'mi túa nóchaama jápi jáwa'mi, 'échi konkreso 'échi ko rawara'mi níima comisión nacio'nál de los derechos humanos; 'échi ko abói tamóka nokiméa, a'lí ayenacho a oláma 'échi abóiu tamólíwa'mi a'lí ineka nokiméa piri iki suwia namúti jápi iyiri nisare.

'échi constitucioni Estarochi nirua'mi 'échi silia'mi tamóa'lá a jawama jare pakóta'mi jápi tibuma 'échi pakotam rerechowa'lá.

'échi comisión nacio'nál de los derechos humanos a napabuma makói ruya'e'mi jápi jawára'mi níima botarika okuana a'lí bikina niraa 'échi pakóta'mi jápi echo'ná si muchui cámara senadores 'échi mapu a'lí isabi, 'échi comisión sinibísí 'échi konkreso suwama kitra 'échi jápi botarika jawairu jápi ma a'lá katuwira'mi jú. A'lí 'échi tamólíwa'mi animea chirika nokisima \_\_ba'mia'lí nira che bilécho wilara'mi níima ruya'e'mi jápi wabe chabei nócha'mi nili

'échi jápi bisirenti jú echo'ná comisión nacio'nál de los rerechos humanos 'échi jápi consejo consultivo ayenacho 'échi rika jawára'mi níima jápirika ani 'échi bachá párrafo mapu a'lí ma'lí ba'miba'lí si jawaa'mi níima ayena checho a omeropa jawaa pe sinepi niraa a'lí ayenacho a omeropa kiti biléana cho nóchama mapu rika ani 'échi titulo na o'ná'lá jena constitucioni kitera.

Mapu a'lí wilába 'échi bisirenti comisión nacio'nál de los derechos humanos 'échirika jápirika 'échi ruya'e'mi consultivo, a'lí 'échi pakóta'mi jápi ne tamóa'mi ne wabe walubea'lá jápi tibua'mi jú 'échi pakóta'mi rerechowa'lá wikana estarochi jerera'lí, ne a'lá 'échirika nokiboa naria 'échi pakóta'mi acha ne 'échirika ka jápi ne machiná newariwelima jápirika tamó'lí 'échi tamó'líwa.

‘échi bicirenti de la comisión nacio’nál de los rerechos a nijíma ba’mia’lí niraa ‘échi poderes de la unión a’lí nijíma bilé ra”icha’lí japo’ná animea piri nócha’lí noka’lí a’lí anema ‘échi cámara konkreso mapu rika animea ‘échi tamólíwa’mi.

‘échi comisión Nacio’nál de los rerechos humanos machisare ‘échi ke katuwira’mi jápi aniboa echo’ná mapu rika aneraa’mi nili ‘échi pakóta’mi kitra jápi a anari níima ‘échi estarochi jerera’lí.

‘échi comisión nacio’nál de los rerechos a oméroma aa jápi nokiiru jápi wabe ke riwiika noka ‘échi pakóta’mi rerechowa’lá mapu re mayesa kítí ‘échirika a la jú tasa ma ‘échi suprema korte kítí si uchuchama echo’ná jápi tabare nócha’lí jápi mo’imeare echoná jerera’líchi ‘échi jápi tibuma ko ‘échi suprema korte de la jústicia ‘échi ko nim a ‘échi bisirénte

## TITULO NAYÓ

Mapu rika nochásare mapu ikí nochá pakóta' mi kuíra  
a lí mapu ikí namúti níwi Éstaro



**OSIRÚA'MI 108.** Mapu riká nokísare échirika a'ní jéna titulo échirika béla inéta'mi níima mapu pakóta'mi kuíra nócha mapu wilára'mi wika'ka pakóta'mi kítera, mapu ikí nócha poder jurisia'li jerera'li a'li poder jurisia'li Ristrito jereráli, mapu jáwa'mi alí nócha'mi a'lí, sinéa'mi, sinéa'mi mapu ikí niwi nocha'li, mapu iyéri nocha chuwé ma échi kokresochi unionchi, échiná asanbleachi legistibachi échina Ristrito Jerera'li a'li Tibúa'mi Sinéa'mi Jerera'li a'lí Ristrito Jerera'li, a'lí mapu ikí nócha pakóta'mi kuíria mapu wikáka nócha abóni natuíka alí mapu riká iláka.

Échi walúala bisirénte, mapu ikí bamía'li nócha, pe winíjira'mi bi nima mapu a'li ké a'lá isisa mapu riká anéra'mi ju a'lí wabé suwérika isísa chué namuti kítera.

S'néa'mi Isélika'mi, a'lí Riputaro nulalíwa'mi newámi Estarochi nirúa'mi, a'lí Majistraro échiná Tribunalchi Wéal amapu najóra'mi jú jémi Estarochi a'lí, échi kítera, mapu ikí jawára'mi jú Konsejo mapu né wilára'mi jú jémi, échi iyíribi níma mapu ré karúa nokísa jéna kostitusioni a'lí nulalíwa'mi jerera'li, a'lí suwérika suwabisa winomí a'lí jerera'lichi nirúa'mi kítera sí.

Mapu ikí nirú kostitusioni omána Repúblika échi bi belá né a'lá animéa, mapu chiríkacho aní bilé rojanára'mi jéna osirúa'mi a'lí kíti ne échirika nokísima mapi ikí jáwa'mi jú mapu riká nísare, mapuriká jawára'mi kíti kuíria uchuma sinéa'mi pakóta'mi mapu ikí nócha muchuwi, mapu riká nócha muchu'wara'mi jú omána Estarochi a'li Munisipiochi.

**OSIRUAMI 109.** Konkreso suwába estarochi nizuami ali echí nulaliwami niwaami ibili estaro nira mapu ona ju echí nochala ali mapu echí nokísare niwama nulaliwami echí nochama mapu nochama ju weala jawaami túa kiti inema chirika nochasare ali echí jarécho nulaliwami mapu iriwelima kiti rikiripa echí pakota mapu chikorami ju.

I. Rikiripa oyerika política echí rikiriwami mapu ani echí oseruami bile ciento amina makoi echí mapu nochali weala jawaami túa ko mapu rika ani oseruami mapu ali nochali ali nokísa namuti ali pe aminano ko a risoa ikimea aboi nira mapu risoa oyolima sineami nokímea ma kiti ke ala machihama echí nochali.

Tasi nokiboa nojorowami político

II. nokwaami echí chati namuti mapu ali bile rikamti nochasa weala jawaami túa ali ke machina nochasa billeana maisa aarami ali rikiritami níma mapu rika ani echí rikiriami.

**III.** Rikiripa echí mapu nocha weala jawaami túa mapu nokali ali mapu ke nokali mapu ala ali nili ali riweli inenia echí nochali mapu nokiwa.

Echi nokisiwami rikiriwami mapu aniiuru tasi wesi nokimea kiti echirika nima pe binoi bineli echirika isima tasi omeropa osa niraa rikiria mapu isili sinepi niraa.

Echi nulaliwami animea chu kabu ali chirika rikiripa ne ala sebali mapure chikosaka echí mapu nocho weala jawaami túa mapu ali nochali chikosa echí aboi neka ma jarécho pakotami ali wika muwewisa suwába namuti mapu ola ali isisisa mapu echí niwalaka mapu ali ke omerama ania chirika ralali echí namuti, echí nulaliwami mapu rikiriamu ju rikirima eesika echí namuti mapu ola ali echí jarécho rikiriamu nokiesare.

Chuwe mexicano mapu're echí iyiri nisaka echí nili mapu ke ala isili ali nijika namuti mapu animea kiti ne echirika nili.

**OSIRUAMI II.** Echi iselikami estarochi nizuami riputaro estarochi nizuami waluala oyeriami estarochi nochaami mapu ali echirika nisa echí pakotami mapu ruyeami ju oyeriami estarochi nochaami echí político ko oyeripa mapu rika ani jena titulo mapure ke rwiisaka jena constitucioni mapu ona jona machiina echí nulaliwami mapu ali suwabisa echí aboi niraa winomi mapu ali chikosa ma winomi mapu mesiko jona nijiiru we nali jepuna ko ra' ichaka karewipa ali aneba echí mapu niwaami ju nulaliwami estarochi kiti echirika nokimea mapu rika nisare.

Echi mapu nochali weala jawaami túa rikiripa eeka echí nochali ali aneba kiti ke sine che omeroma nocha weala jawaami túa.

Echi rikiriwami mapu rika ani echí nulaliwami echí kamara riputaro niwama winijiwami ali mijima echona kamara senadores ali ra'ichaka noki sineami mapu iki ju echí pakotami mapu si muchui echona camarachi mapu ali ma nokisua echí mapu mayewa kitra a machiwaaka echí winijiliami mapu nijili echí kamara senadores mapu ali nokiiru echí nojorowami a rikirima mapu rikirisare kerewika okuana niraa bikiana niraa echí pakotami mapu si mochili echona mapu ona nojorowami echí mapu winijirami ju kitera.

Echi ra'ichaka nokiwaami ali senarori tasi bile chivirika aneba echí ko.

**OSIRUA'MI III.** Mapu a'lí oyéripa sinea'mi Riputaro a'lío Senarore Konkreso Unionchi, alí ayenacho Ministro mapu nóocha najórowachi supremo tribunalchi o'máana, sinéa'mi majistraro mapu iki wéala échi na tribunalchi

eletora'lichi, a'li sinéa'mi mapu kuiria a'li mapu a'lá ruyé jurikatura jerera'li, a'lí mapu sekretario jú alí mapu o'na mochía nócha, sinéa'mi Riputaromapu ikíka natuika nocha Ristrito Jerera'li, Walúala Wilia'mi Kobierno Ristrito Jerera'li, échi walúala Prokurarori Omána najora'mi Ristrito Jerera'li, Alíko mapu a'lá kuiria alí ruyéka chukú Bisirénte a'lí sinéa'mi mapu kuiria alí ruyéka Eletoralchi mapu o'na jósa nulalíwa omána istutotochi Jerera'li Eletora'li, mapu a'lí karúa nokisa mapu a'lí nócha, échi kamara Riputaro abela animéa sinéa'mi ká mapu ikí ka muchuwi , ke itelisaka a bela échiri ka a nokisa e'chi karúa isia'mi kítera.

Mapu re échina kamara ke katuísaka suwába ku belá uwana pata'mi kíti ke che mi nabi sayérita'mi níima, kíti bela tasi chéwira'mi níima échi mapu karúa isísili kíti ke minábi sayérita'mi níima, mapu a'lí échi karúa'mi ko mapu a'lim a sunísa nócha, échi kítiera ke bela tasi namu aanera'mi nisare mapu kíti winijira'mi níili.

Mapuré échiná kamara a narésaka mapu riká jú, échi pakota'mi a belá simérita'mi nima jáwa'mi yúa né mapu chiriká nócha kíti chiriká nokiméas mapu riká aní osirúa'mi.

Bisirenti mesiko wilia'mi ko belá oyerita'mi nima, pe Kamara mapu o'na muchuwi Senarori ne mapu riká nisare a'li mapu rika aní osirúa'mi 110. Jéna mapu riká mayéwa, échi kamara a'li senarore échi ku karéwima mapu riká niwára'mi ju nulalíwa'mi mapu ikí bamiba'li rikísare.

Mapu rika oyérita'mi nima mapi karúa noká'li jerera'li niráa ko jú Silia'mi omána mapi ikumi ju Estaro, Riputaro mapu o'na jawára'mi jú, Majistraro a'loi mapu o'na muchuwi najóra'mi omána estaro a'lí, échi kítera ko, mapu ikíka nócha napawíka, échirika bela nokísimá mapu riká aní osirúa'mi, jéna mapu riká mayewa, abela aniwa kumi jónsa siro kíti échona jónsa chea'mi jú mapu o'na kayéana nulalíwa'mi, kíti ne chiriká nokímea mapu o'na né nísare.

Mapu riká aníru a'lí mapu riká karéwiru a'lí churíka ripili kamara Riputaro a'lí senarore ke belá tasi chakémi pata'mi níma.

Mapure échi riká aniru a'li mapu re a chirika nisa ka anbéala oyérita'mi nima mapu mayéwa mapu karua isili abela ma ké nochama kíti sayeritanima mapu kítiera karua isili. Mapu ré ke échirika nísaka ablea ku oméroma nocha mapu o'na asa'li. Mapu re bachára'mi nísaka a'li karua isisaka mapu nochá asa'li, Mapu a'li winijíra ju sibili niráa pe chué jáwa'mi ke bela tasi tanitanima mapu o'na jónsa inara'mi ju.

Abela riokirita'mi nima a'li uchérarima chu kiliti mapu riká osiruami, a'li jerika nisaka chapisa winomí a'li karua olasa jareana a'li karuano mapu iki niru mapu o'na perea muchuwi, ne a'la repabé benéka'mi.

**OSIRUAMI 112.** Ke tási nárirami níima chu riká ikili echoná kámara de riputaro mapu a'lí bilé 'echoná nóochami ke isisa mapu riká aní bachá osirúami III, karú isisa mapu a'lí isábisa echo na nóocha.

Mapu re echoná nóochami che cho ku nochasa ayéna cho ma che biléna ásuwa nóochali, nalibe mapu riká aní osirúami III, a nokiboa mapu riká aní 'échi osiruami.

**OSIRÚAMI 113.** Nulalíwami ko a tibula echoná nóochami, aboni ikíima chú riká a'lá katewámi, a'lá wichiwika, a'lá riwiika, a'lá machiká, we a'lacho nejewika, nóochali, nulalíwami, a'lí mapu ta riká nulelíwami; mapu a'lí ta bujesuwa rikírisuwata ma karú ta nokisá, mapu riká nokáa a'lí echi jáwami a chiriká olirúami níima. Jená bujelíwami rikíriwami ma, ayéna cho ma mapu riká aní nulalíwami, a ku chakéna pátami níima mapu oná nóocha, ayena cho ma a wenomí ma bujérami níima a'lá eneka chu riká níwitali wenomí a'lí ayénacho enerami níima piri namuti cha olali echoná niruami mapu riká aní rojanárami III osirúami 109, nalibe ke umeroma nitúa isia mapu riká anérami níisa a'lí mapu riká isili.

A'lá nokiwaami estarochi nirúami namuti chá olisuwa, mapu riká binoi nóchala ke a'lá newásá ayénacho ma cha olisa namuti echoná nirúami, ke riwísa a'lí echoná chéami níisa. Mapu waná nóochami a uméroma pe okua niráa njía mapu riká níisa re, né a'lá mapu riká aní nulalíwami.

**OSIRUAMI 114.** Mapú riká nokiwá najorowami politiko pe uméropa bi choota mapu a'lí nóocha asisa wilíami a'lí ma ke nóchasa ka pe bilé bamibali bi simirosa. Bujelíwami rikíriwami ma a kayenipa ke bilé bamibali sebarika mapu a'lí jonsa chotasa.

Sebali karú nokiwaami mapu ikisaa pe chuwé echoná nochami kítera, a iwérili anérami níima ne a'lá mapu riká aní echoná nulalíwachi, echi ko ke sinéti simiroma bikía bamibali, mapu jonsa árami ju ma ku chéwirami níima bileana nóchasa mapu riká aní osirúami III.

Nulaliwami aní mapu a'lí checho ku nochanalisa echi wenomí tibuami a'lá eneka chu riká ikíli mapu riká a'lá aní echi rojanárami III mapu chukú echoná osirúami 109.

Mapu a'lí jená karú nokiwami we suwé riwelisa echi riká nísa ka a be la ke uméropa karewia ke seméroka bikía bamibali.



# BACHÁ OSIRUAMI MALIANA KAYAMI

Echi estaro jererasioni ma a lí  
ristricto jererali



**OSIRUAMA 115.** ‘echi estaro abukuruma, para su rijimen interior, mapu rika silia’mi nira republicano, representavo, popular, a olaa amapu rika rojanama ‘echi kawi a’li ‘echi napawiala politika a’li administrativa, ‘echi municipio pe chuye, mapu rika ju bachámi:

I. A ibili nira municipio ajara’mi nima ‘echi ayunta’miento ‘echi jawára’mi popular ne abói nira, a ‘echi presidente municipal sicho a’li mapu iki ju regidores a’li sindicos Mpu nula’liwani ani. ‘echi kompetencia mapu jena kostitucioni niji ‘echi silia’mi municipal anochaa’mi binoi ikiika a’li ke nikumema bilé wilia’mi a’li ‘echi silia’mi estarochi nirua’mi.

‘echi bisirénte municipales regidores sindicos ‘echi ayunta’mintos, electos popularmente ‘echi elección directa, ke oméroma jáwa’mi nilia pe iya. ‘echi pakótá’mi mapu jawára’mi ju awenili nira, a’li ajawára’mi ma ajarécho jáwa’mi kitera ‘echi ko nochama binoi nira, jeruka ko wilai abói, ko oméroma wiliba pe iyariko. ‘echi jáwa’mi mapu bachá aniiru mapu li ma omero mapu rika raichasare binoi nira, , ke wilara’mi nima pe iya riko suplente nira, mapu a omero ko suplente nilia ayena a iya, wilába suplente nira mapu rika binoi nira.

‘echi napawikiliwa’mi pe chi nimia ye, anatuika okona bikina nira mapu ikia aju, ake nakiwima ‘echi ayunta’mientos, a’li ania mapu jenako mapu ma na oli a’li make natea’mi nira mapu lula echona sinochaa’mi, awécharika nokisua echona kíti a olaba mapu rika ani nulalíwa’mi echona aye a anisaka prueba mapu natimí winijia aniiru a’li ania echona najorowachi.

Mapu re ajare riwesa ‘echi nocha’li, anochama bilé suplente, a’li anokimeire rema mapu rika ani nulalíwa’mi.

Mapuli aniwa mapu ma na’ooli ‘echi ayunta’miento a’li amke nirulisa ‘echi a’li mapu echona si nacha’li, mapu re ‘echi nulalíwa’mi kitera ke moíko, ‘echi suplente a’li ke wesi jawa’liwa, ‘echi legislatura estaro awilama pe ‘echimi aye bitea’mi ‘echinata’li nijía’mi municipales ‘echi animea kabunima; ‘echi nata’li nijía’mi ko abela nima mapu ikikoru nulalíwa’mi, mapu aniwiko oseli kíti a meropa wilaa ‘echi regiror kitera;

II. Municipios a níwima kíti abóni ikika alá nocháma alí tibúma séba’li mapu a’niwi ne mapu riká nulá nulalíwa’mi.

Municipios a ompama alá nejéwa, a’lá riwika nulalíwa’mi mapu alá nulé municipiochi séba’li nulalíwa’mi mapu nijá estilos, chureká nochásá re

policía alí suwába jáwa'mi, nulalíwa'mi seba'li oselí mapu riká nochása wenomí tibua'mi alí séba'li enéra'mi omaana mapu oná jóonsa nocha abóni, mapu reká abóni ikíka nocha municipiochi, a'lá nokiméa nocha séba'li namuti newayá ayéna si nakúrima suwába pakota'mi alí suwába 'echimí eperéa'mi.

Nulalíwa'mi mapu riká nulá bachawala raícha'li a be nulayá aní:

a) Séba'li mapu regá nokiméa nócha'mi omaana municipioschi nocha'mi alá animéa churíka nima, alá ikika cho isini ké elásuwa alí wéala ké umérosa alá nakúria okuaná, alá enéka oláma ne kuli mapu reká nulá kiti ne anári, alá machírika, alá akéka alá nima alé;

b) Joré oyériwa'mi alá elása pe bikianá kayámi nócha'mi ju municipiochi kiti alá animéa churegá katewába séba'li namuti mapu a 'níwi seba'li namuti kiti alá raíchára'mi alá katuwika 'echi jáwa'mi nocha'mi municipio ké ne wilimima kayenáma karéwa ra'icha'li;

c) Séba'li mapu riká nulá kiti a kayenába oselí katuwita'mi, a ruyá aní rojanára'mi bikí alí nayó mapu nulá jena nulalíwa'mi rojonára'mi okuá roja'a'mi alí rojánara'mi kicháwi osirua'mi (116) bilé siento makói usáni newésia'mi kostitusioni:

d) Mapu regá olába kiti wéala jáwa'mi nócha'mi estáro a be alá nocháma chimí municipio, ké itélisa oselí katuwita'mi, jáwa'mi nulalíwa'mi newaa'mi estáro muchúwa'mi nócha'mi a sí wachináma raícha'li mapu nirú municipiochi ké umérosa ko abóni a karéwa alí nocha, isini a tanewa ko; a risensi newaká nima a elása ko pe a wiká 'echioná nócha'mi alá nima alé; a'lí

e) Mapu riká olásiwa 'echi municipios mapu ké 'níwi mapu churíka alá nocháma. Jáwa'mi nulalíwa'mi newaa'mi estáro muchúwa'mi alá animéa chiriká olába mapu alí katewáliwa ra'icha'li omaana municipiochi alí waltúala kobierno chimí estárochi muchúwa'mi, alí joré kítera mapu aní osirua'mi c) alí d) ne bachá anirúa'mi;

### III. Munisipiochi a nocháma:

a) Bawí alá nijíma, a'lá ké bukuléa'mi, alá tibúma bawí chókili.

b) Alá rajéma omaana mapu oná wiká rejówa.

c) Alá pichíma cho omaana mapu oná wiká rejówa.

- d) Mapu oná ra'linéliwa kowaa'mi alí mapu oná katewáliwa séba'li namuti
- e) Ayénacho alá tibúma mapu oná katewáliwa suwía'mi
- f) Ayénacho alá tibúma mapu oná miliwá wasi alí uché wiká namuti.
- g) Alá pichíma omaana bu'uchí calles, mapu oná alá siyóna re mapu oná ichiwá séba'li sewácha'li:
- h) Ayénacho 'níwima tibúkiwa'mi seguridad pública,ne mapu riká nulá osirua'mi osá makói bilé uchúwa'mi kostitusioni mapu chureká nocháma policía alá tibúmai pakóta'mi alí transito;alí
- i) Alí ché wiká nócha'li newáma mapu reká a 'newanésiwa 'echimí mulibé;we a umérosa ka alá tibúka néa wenomí.Nalí alá riwika ké ne nayúra nalí alá enéka jáwa'mi nochaala mapu a kayenásá re, 'echimí municipios nalí alá riwiika séba'li mapu riká nulá nulalíwa'mi jereráles alí estárochi nirúa'mi.

Jémi munisipiochi, a lá ikíwika alí natúwika, a uméroma napawíka alá tanéwa nócha'li mapu a newalé pakóta'mi. 'echi jáwa'mi nakúrika natúwika nochásá jémi munisipiochi alí estárochi omá,a risensi tánika jáwa'mi osirua'mi newaa'mi sumá estárochi muchúwa'mi.Ayénachi mapu alí oyériwa jaré ké alá nokisáaa,a newaká walú oselí katúwita'mi estárochi kíti jena,ne alá wachía kíti biléana cho simíroka,a si nakúrima pe uteeli,isini rikaachi nikúroli a tanéwika kíti alá napawika nocháma estáro alí munisipiochi yúa;

Suwába póbalo ralámuli eperélahi, mapu si jí 'echimí munisipiochi, napawíka natúwika elaméa kíti a riwipa nulalíwa'mi.

**IV. Munisipiochi ko abóni ikika tibúma wenomí alí abóni a natétima hacienda mapu a nepá chuwé namúti kítera, mapu oná a muyésima wenomí alí séba'li mapu a 'níwi,alí séba'li wenomí mapu abóni natétira'mi jú mapu riká nulá jáwa'mi nulalíwa'mi neaa'mi mapu a nikúuri, isini be;**

- a) A naréma séba'li natétiwa'mi, ayénacho jorecho namuti mapu alíwa, mapu alá anirua'mi jú estárochi séba'li namuti mapu 'níwa re kítera, mapu rojonáliwa,nachutáliwa, mapu napabúliwa,séba'li towaa'mi alí ayéna si katewáliwa alí séba'li mapu alá natéa'mi jú alí alí nokilíwa natekála séba'li mapu a 'níwa re.

Munisipiochi a uméroma walú oselí katúwa napawíka estilos yúa kiti nakúrika nocháma mapu regá napabúliwa wenomí mapu natéti chuwé namúti kítera pakóta'mi.

b) Nakúrima jáwa'mi jereráles, e'chi nukúroli a sebárima municipios ne mapu reká anelíwa, chu ikípu chu wiliminá sinibí bamía'li alá animéa jáwa'mi nulalíwa'mi newaa'mi estárochi muchúwa'mi.

c) Wenomí natétira'mi naí kítera mapu 'náti rajéliwa rokoo chimí omaana.

Nulalíwa'mi jereráli kíte nikuméma estárochi ke si animéa chureká nima mapu ma alá nulá nulalíwa'mi insisos a) alí c), kíte nuláma chureká nima chiriká ikisaa. Nulalíwa'mi mapu nirú estárochi ke nuláma churíka kúrita'mi nima ibili pakóta'mi alá biléana mapu oná nocháluwa kiti si natétima chuwé namút kítera. Jaré a kíte bujéba namuti mapu né kítera mapu a 'níwala jú jereráli, estilos alá munisipiochi, pe okuáa namuti bi mapu a néliwa estilos alá pee ibili pakóta'mi, pe chuwé kítera, alá a natéti uché joré namuti mapu né weká namuti.

Munisipiochi, mapu oná jóonda nócha, a ruyéma 'echi jáwa'mi nulalíwa'mi newaa'mi estárochi muchúwa'mi mapu chu ikí natétima impuestos natekála kítera, rerechos, alá nikúrili alá ku nima 'echi neráliwa'mi alá natétira'mi mapu a newá wíká nócha'li mapu pee a alá nikúrili bujéa pakóta'mi mapu a níwi namuti alá we'é.

Jáwa'mi nulalíwa'mi newaa'mi estárochi muchúwa'mi a elaká siméríma weká nulalíwa'mi mapu alá nulá munisipiochi, alá enéba alá tarába napabúra'mi wenomí alá eyéra'mi wenomí mapu a natétili pakóta'mi. Wenomí eyéra'mi a elára'mi nima 'echi munisipiochi alá enéka chi ikípu nirúa wenomí mapu a nésa re, sinéa'mi choná sí muchúwába, a'lá aniká cho chukípu mésa re ibili nócha'mi mapu sí muchúwi munisipiochi, nalí alá riwika osirua'mi (127 bilé siento osá makói kicháwi mapu bití kostitusioni chi).

Séba'li wenomí mapu napabú ojísina hacienda 'echimí munisipiochi a néra'mi nima 'echimí munisipiochi, isini abóni a anisaa alá pe elása, mapu reká nulá nulalíwa'mi.

V. 'echi munisipiochi mapu rika ani nulalíwa'mi jereral a'li Estata'li mapu rika aní, échi riká nokísima:

- a) ania che suerika, a ilara'mi ka a'li nulaa 'echi zonificación a'li katuwia kíti minábi ala kariwesipa echona urbanochi municipa'li;
- b) Si nakura nawaya a'li ala kayenia a'li tibucia 'echi omána kawichí;
- c) Si nakura naria suerika kíti minábi minábi ala nima 'echi regional, kíti acine'a'mi ka katuwita'mi 'echirika. Mapu 'echi jereracioni a'li estaro anochama 'echi proyectos ala kayenia'mi echona regional weala inecikama achi sinakura 'echi municipio;
- d) Risensia inecika a'li tubuka kíti ala niraal nochama 'echi we'e, mapu rika 'echi competencia, echona juridicciones omána kawichí;
- e) Kenakiya mapu anarika niwima we'e echona urbana;
- f) Risensia a kíti anochama echona;
- g) Si nakura ala kayenia a'li tibua echona aye sonachi mapu katawa'liwa ecológicas a'li mapu ona niwa'lia pokrama ala niraal;
- h) Ke nakiya mapu suerika nochama 'echi pokrama mapu nati e'enama pakóta'mi mapuli charika olasa 'echi kawi;
- i) anawia kayuwilia'mi charika tibupa a'li custodia de las zonas jererales.

**VI.** Mapuli okua a'li a'minácho centro urbano echona territorio municipales okona a'li wikana estarochi jererativa niwasima a'li ana'mia mapu rika niwasima 'echi esterochi jererativas a'li 'echi municipios respectivos, a'li 'echi ámbito de sus kopetencias, aniwáma napawika katuwima kíti ala anarika nochama kíti ala minábi ala nima 'echi centro mapu rika ani nulalíwa'mi jerera'li.

**VII.** 'echi policía ko anulema 'echi presidente munisipa'li mapu rika ani nulalíwa'mi 'echi seguridad publica kitera echona estarochi. 'echi ko anokiméa né mapu riká nule 'echi silia'mi estarochi kíti né iwerili 'echi rika nokiméa mapu rika nula pakóta'mi.

'echi ejecutivo jedera'li a né iwerili anulema pakóta'mi mapu ona epere a'li mapu ona napawila;

**VIII.** 'echi estarochi nulalíwa'mi abacháma mapu raka nima pé teilibi niraá 'echi wila'liea'mi ayunta'mientos 'echi suwába municipios.

‘echi nocha’li sinapa buka ayenacho municipios a’li nochaámi, ko a nokiméa mapu rika ani nulalíwa’mi mapu tanima ‘echi legislaturas ‘echi estarochi mapu rika nule ‘echi osirua’mi bilé ciento osamakói bikia jena constitusioni, a’li mapu nuleliwa.

**IX. ( Ma ké iré )**

**X. ( ma ké iré ).**

**OSIRUAMI 116.** Mapu riká aní pakóta’mi omána estarochi epereá’mi rojanára’mi níima, mapu riká olába, bilé ejekutibo túa, legislativo ma a’lí jurisia’li túa, ‘echi ko ke uméroma bilépi pakota túa nawia a’lí ke tasi cho biléana cho chéa’mi níima, a’lí ‘echi nocha’li echo nocha’li ke tasi bilépi pakóta’mi arámi níima.

‘echi umérowa’mi estarochi nirúa’mi a newárá’mi níima mapu riká aní costitucioni ibínili échi riká, a’lá enéka mapu riká aní nulalíwa’mi.

**I.** Jáwa’mi kobierno jémi estárochi ke uméro semeraa usáni bamíba’li jáwa’mi niráa.

Mapu a’lí jawálowa kobierno jémi estarochi a’lí jarécho a mapu wéala jaba ‘echi ko nokiboa mapu riká aní nulalíwa’mi mapu ‘echi jába’mi a tibúa’mi ju.

Kobierno estárochi jáwa’mi, ‘echi ko a pakóta’mi kítera jawárá’mi níima a’lá machiráka ayéna cho a’lá sebarika mapu rikó níisa re, ke sinéti, ma bela ke tasi sineti uméroma che chapía ‘echi nóocha’li, ke tasi cho pe téeli niráa, ke tasi umeroma bilécho kítera ripía, a’lí ke tasi biléana walúala níima.

Ke tasi sinéti ne sinépi niráa jawárá’mi níima:

- a) ‘echi mapu kobierno kítera ripi, ayénacho ma mapu ‘echi na nuléiro kíti bíluma mapu kílipi ke itélisa ‘echi kobierno, chuko re pe chuwé benéa’mi níisa;
- b) ‘echi kobierno pe teeli welára’mi, pe bilé’cho pakóta’mi pe téeli achára’mi, pe chuwé benéa’mi níisa, ripísma maú a’li pe téeli ke itélisa kobierno, na’libe pe a nisaka okúa ba’mia’li roachi mapi a’lí kayenima ‘echi kobierno wilía’mi níraa.

Pe uméro kobierno wilíba bilé pakóta’mi jémi kawí Mesiko a awía’mi a’lí ‘echi rika cho a ochéríka’mi níisa, ayéachó ma malí bamíba’li ku sebarisa jémi Mesiko ku betéa mapu a’li jóonsa machinára’mi niisa kíti wilibáma

a'li ko besá makói ba'miba'mi níisa re mapu a'lí botáriwa, jeri ka aní 'echi kostitucioni politika jémi Mesiko nirúa'mi.

**g)** Jáwa'mi politiko narésa, a'lá wachíina neráa, wenomí mapu náti nocháma sinibísí rawé a'lí alá natéa'mi nirásá 'echi mapu a'lí botáriwachi. 'echi riká cho olíisa mapu a'lí bilé politiko ma ku chakéna páka riká olisúwa ma ku naomásuwa a'lí ku esuwa cho mapu naréi.

**h)** A'lá enésuwa séba'li raícha'li mapu ku naomára'mi níima bilé partiro politiko mapu a'lí ena najówia 'echi botáriwa'mi kítera, 'echi riká cho mapu ikí yúa níisa mapu chiná yúa nóocha, 'echi ko pe ke simíroma 10 por Siento mapu ikí suwába'li najówia éena mapu a'lí ma wilibásá bilé kobirno, mapu riká tibuiru ko mapu a'lí jóonsa chóta'li a'lí mapu riká suwába'li wenomí 'echi partiro politiko; a'lí newásá bujlíwa'mi mapu ke nejéa'li mapu riká aní jená kítera;

**i)** 'echi partiro politiko a raichasa rariochi telebisionchi ma, a nokisáa mapu riká ani 'echi rojanára'mi B 'echi chéa'mi III osirúa'mi 41 jená costitucionchi;

**j)** A'lá riwiika mapu riká nokisáre najowiwachi a'lí botáriwachi partiro politiko kítera, a'lí échi riká cho bujépa mapu re ke riwiisa. 'echi riká níisa, mapu kilípi rijorá najówiwa'mi jába'mi kítera 'echi ko a sebárima kimakóisa makói rawé mapu a'lí kobierno estarochi wilibásá, a'lí a kicháosa makói rawé sebárisa re mapu a'lí riputaro jábasa a'lí 'echi riká cho bisirénte municipiochi jába'mi; mapu bachá najówiwa ke rijoráma ne osá simíroka mapu bikianáta'mi kayámi ju 'echi najówiwa'mi botáriwa'mi kítera;

**k)** A newama mapu a ne iwérili níima mapu a riwiipa instituto jerera'li eletora'lii a'lí échi jáwaa'mi nula'mi mepu enéla chu riká suwába wenomí 'echi partiro politiko, mapu riká ani jená upáwala okuaná rojanára'mi chéa'mi V (malí) osirúa'mi 41 (nayósa makói bilé) jená costitucionchi;

**l)** Nirulima bilé sitema suwába mapu ke nejea kítera a'li mapu riká karéwipa échi botáriwa'mi kítera mapu chéa'mi níisa ne sinéwi jónsa. 'echi riká cho, mapu riká aní a'lí mapu riká nokisá re a'lá wachina, echoná si mapu oná wenomí tibulowa a'lí mapu uchúpi ju, mapu a'lí tarálowa chu kípi botárla,

**m)** Enesa chu kípi ke a'lá botárla kobierno estárochi welayá, riputaro jémi a estarochi jáwa'mi a'lí bisirénte municipiochi jáwa'mi, a'lí 'echi riká cho olába pe téeli nipuwíma kíti a'lá machiráma namuti táa'mi mapu nasayéro, a'lá riwika mapu ma bachá chota'li 'echi botáriwa'mi kítera, a'lí.

n) A'lá karéwima karúa'mi a'lí animéa acha a'lá nocháira mapu a'lí botáriku, a'lí échi riká coh mapu bujésa re ke a'lá nokisáa.

V. Costitucioni a'lí nulalíwa'mi estárochi nirúa'mi a uméroma newayá echoná tribunálchi raicchaka katuwira'mi we natéa'mi aboni ikía animéa, a níwisa mapu oná nócha ikína'lisa séba'li raícha'li kítera a suwiná riká ikisa echoná mapu unlá jáwa'mi estárochi a'lí mapu wanácho nócha'mi ju, newayá mapu riká abóni nokináli, mapu riká nokísima, mapu riká tibúma 'echi wenomí mapu riká abóni karéwima.

VI. nócha'li estarochi yúa chéachi a'lí echoná cho á si nocha'mi, a nuláma mapu riká osirúa uchuwi nulalíwa'mi echoná mapu oná jáwi nula'mi 'echimí estarochi enéka mapu riká aní osirúa'mi 123 echoná costitucioni politika omána jémi kawichí Mésiko nirua'mi a'lí mapu riká nokisá re.

VII. 'echi jereracioni a'lí estaro, mapu riká aní nulalíwa'mi, si túa níiya a'lá riwiika riká mapu riká nokiwá mapu echoná si jú, mapu riká newába a'lí nokibóá nóocha'li a'lí mapu riká kuírora'mi níima mapu echoná si nóocha, a'lí wenomí mapu echoná mé kítera ko a'lí wekabéka a newaléra'mi níima.

Estaro ko a uméroma katuwia municipiochi nóocha'mi túa, a i'lasa ka tanéwiwa'mi mapu riká níisa re ayéna cho ma enesa ka mapu riká aní jená bachá rojanára'mi.

### **OSIRUAMI 117. Estáros ké uméro, ni bilé si nuláma:**

I. Napawíka nochába, napawíka natuwíka jorecho estáro yúa nakurika alá nima;

II. (Ma ké iré )

III. Wenomí chitúla'mi newaká, nijíwa oselí mapu reká wenomí, nijíwa kuuchi oselí sello uchéka.

IV. Nuléka suwába mapu 'echimí simáro mapu a tarési 'echimí we'érili.

V. Ké nakiipo kíti 'echimí simárima, alí 'echimí buyáma namuti ra'lirua'mi kawí mésiko alí bo'omi.

VI. ké iw''erili oláma 'echimí simária ni bilé néa namuti jémi mésiko alí bo'omi nairua'mi, mapu a natétika simérolí nsmuti mapu oná tibúliwi séba'li

mapu murútiwa, a'lá enéka nokiwá seba'li namuti alí a táníwa cho oselí mapu yúa eena séba'li murútiwa'mi.

**VII.** A nijíma sinibí alí 'echiriká oláma mapu reká aní nulalíwa'mi nulaa'mi jiskales enéa'mi isini ké anári nulásá chu ikí bujépa alí mapu a 'némalelíwa kíti alá simírima namuti mapu ra'lirúa'mi jú kaémi mésiko alí bo'ómi, anisúwa ké anári kíti alá kayenára'mi nima sokí anawí 'echi namuti, isini rikaachi sokí chopi riká newába cho namuti uché joreana kayenára'mi.

**VIII.** Ké eláma ibíli alí wekaka neraa a nulésiwa ko kíti joreana bo'ómi epereá'mi jáwa'mi katúwika nocháma túa, wikáka natúwika alí pe ibíli pakóta'mi bo'ómi mekabé perea'mi, mapu alí natétipo re wenomíti biléana kawírili nirua'mi pe ké jémi kawí mésiko nirua'mi.

Estaro alí munisipiochi ké awénili olaká nocháma ni bilé bachá natétima 'echiriká nokiméa ma iyásiwa ko wenomí 'echi municipio mapu 'náti najisípima nócha'mi, 'echiriká cho nokiméa mapu napawíka natúwika nochá alí wiká namuti newaa'mi mapu wiká owíka nochári, nalí alá nejéwika ra'ícha'li mapu buyána'li nulalíwa'mi newaa'mi mapu ne alá aní chúrika alí chi kipo suwaapa wenomí chuwé nócha'li kítera sinibí bamíba'li. Jáwa'mi a ruyéma chureká suwáwili wenomí kíti sinea'mi ikíwima.

**IX.** Ké ne iwérili olaká kayenáma namúti, napabúka alá ra'linéapa kasalá makúchi péwa'li, a si'nú riká isini a nakúrika a napabúma alá risensi nijísa ko napawíka n+ocha'mi kongresochi de la unión muchúwa'mi jáwa'mi.

Napawíka nócha'mi congreso de la unión mapu a newaa'mi jú nulalíwa'mi kíti omaana estárochi a nepo, ké ayó, 'echi nulalíwa'mi a si nikúrima ké riwéa kíti we ra'linéapa 'echi ba'wí rikútia'mi.

**OSIRUAMI II8.** Ké umpáma, ké risensi nijísa ko napawíka nócha'mi konkreso de la Unión:

**I.** Ké ompáma nijía rerecho, pe kécho siméria namuti joreana mi, ké iwérili bujéma mapu alí simériwa namuti joreana bo'ómi ra'lirúa'mi.

**II.** 'Níwa, ni bilé pe téeli, sontárosi k echo níwa alí pe néa sontárosi ra'linéwa'mi omá.

**III.** Ké uméroma nakówa sontárosi joré bajonía'mi sayéra ne nayúra anisaa.

isini chuwé 'echimí sisaa alí a wé majásiwa, ne jiyáwa anisaa.'echiriká nisa ko sapú ku ruyéma walúala bisirrente kaémi mésiko atía'mi.

**OSIRUAMI 119.** Wekanáta'mi jáwa'mi napawíka nócha'mi poderes de la Unión a uméroma kuíra estaros kíti ké kawélipo alí ké wesi na'awima pachá mapu oná nocháliwa. Isini joré nakúrika chibi anisaa, ayéna cho alá kuíripa 'echiriká nokisáaa, nalí alá kaléra'mi nisa nulalíwa'mi newaa'mi kítera estaros muchúwa'mi alí mapu muchúwi kaémi mésiko, we ké napawíka nochásá ko.

Ibíli estáro alí ristrítio jereráli a iwérili njíma karúa nokaa'mi alí jaré ma éta muchuwára'mi, Kíti alá tibúta'mi nima alí kú iyába abóni níala namuti, séba'li namúti mapu néra'mi jú karúa nokírachi, alá akéka jáwa'mi 'echimí estáro muchúwa'mi mapu oná newalíwa. Jena oyériwa'mi alá wachía olába alá nikúrima jáwa'mi oyéria'mi mapu muchúwi ojisinás procuradurías omaana oyéria'mi, mapu reká bachá alá katúwita'mi jú, oselí kíti a si nakúrima, mapu reká, bachá natúwika nokiwá estárochi. Pe 'echi a kítera, estaros alí ristrítio jereráli a uméroma katúwa nakúrili mapu njá walúala kobierno kaémi mésiko nulaa'mi, mapu nulá nikúroli kíti alá nocháma oyériaí ( PGR) procuraduría general de la república.

Séba'li 'nwaléra'mi alí bajoníka nówá'mi uché joreana, 'echi risensi a njíma walúala kobierno jereráli ayéna a nikúrima jáwa'mi jurisia'li alá nejéwika osirua'mi kostitusioni, alí bachá ra'ichaka elára'mi napawíka kawí mapu echoná si jú alá nejeeka nulalíwa'mi alí kuuchi nulaa'mi mapu choná onsa owína. Ayénacho nejéwika, mapu riká nulá oyéria'mi juez kíti alá njíba mapu a tániwa kíti a chapirúa'mi nima pee a wilíminá nokaká kicháwisa makói rawé nokaká .

**OSIRUAMI 120.** Silía'mi estárochi muchúwa'mi a iwérili nokaká buyanáma kíti alá nejéita'mi nima nulalíwa'mi mapu suwába nuléka neséro.

**OSIRUAMI 121.** Ibíli estáro alá eláma séba'li napawíkiwa'mi alí abóni osáka a siméríma uché biléana jurisia'li túa alí uché biléana. Napawíka nócha'mi congreso de la unión, nulalíwa'mi chéa, a táma kíti alá machirúa'mi nima mapu riká ikíli, oselichi ro'áká a biléana siméripa, chúrika ikiraa, nalí alá nejéwika mapu riká mu anilíwa:

I. Nulalíwa'mi biléana estárochi nirua'mi, alá nejéka nokibóá pe 'echimiaye mapu oná jóonsa nulá bi, a'lí, mapu uché newalélíwa, ké neba uché joreana mikabé ko.

**II.** Séba'li namuti mapu 'náti nocha alí séba'li mapu néliwa jena kítera ko alá animéa nulalíwa'mi mapu oná muchúwika néra'mi nima.

**III.** Chureká rikírima, ma alá anisaa ko oyéria'mi estárochi muchúwa'mi séba'li rerechos mapu a nirú 'echi namuti néliwa'mi kítera mapu muchúwi joreana estárochi,a jiwéra ku wachináma pe jémi nirua'mi bi nulalíwa'mi we a nirúlisa ko.

Rikírita'mi nisa rerechos binói níwala kítera, uché jaréana mi estáro, mapu 'echi karua isia'mi ma pachá eta achásiwa alí isini joreana simisaa beterámia,a oyérisiwa sinibí a bayésiwa mapu kisápi newaléliwa kíti katewába ra'ícha'li.

**IV.** Mapu riká noká pe chuwé pakóta'mi alá riwika nokiméa nulalíwa'mi estárochi nirua'mi, ayéna wé natikí omaana.

**V.** Oselí mapu 'níwa wé alá benéka'mi 'echi oselí eyásá jáwa'mi estárochi muchúwa'mi, ne mapu reká nulá nulalíwa'mi alí 'echi séba'li a riwita'mi nima.

**OSIRUAMI 122.** Mapu riká a'ní osirúa'mi 44 mapu o'ná jónsa inaro Ristrito Jereral, échi Kobierno abela jérika nocha poder Jerera'li yúa a'lí mapu o'na jawi we'ála, mapu newá'liwa raíca'li a'lí jurisia'li mapu riká nochasareaboni estaeowala, mapuri nani jéna osirúa'mi.

'echi ko jawámi jú Ristrito Jerera'li, mapu ikika napawika newá nulalíwa'mi, Walúala Kobierno Ristrito Jerera'li a'lí Tribunalchi walúalachi mapu o'na najorowa.

Mapu a'lí napawíka newá nulalíwa'mi Ristrito Jerera'li abela échi napabuma mapu ikí nisare Riputaro mapu jawára'mi mapu rika katuili sinéa'mi ka a'lí ineliwa anárika, mapu a'lí roáka botari mapu o'na jónsa chea'mi jú, mapu rika ani jéana kostitusioni a'lí échi newára'mi jú kobienochi.

Walúala Kobierno Ristrito Jereral abela chirika wilara'mi nima a'lí ala tibuka isima mapu o'na jónsa ju a'li pe bilétpi bela chiwara'mi nima, sinéa'mi ka botarika jawára'mi jú, binoi ikíika, wachína a'li ke we'si ikítika.

Walúala tribunalchi mapu o'ná najórrowa a'lí mapu o'na jósa nula, a'li jarécho yúa mapu Kobierno chi nocha noka, échirika bela nokisima kíti né eéchirika nokísima mapu rika noká jurisia'li mapu oyériwa jerera'li niraá.

Mapu o'na jónsa nochasaremapu ikíkika napawika a'lí sinéa'mi jáwa'mi Ristrito jerera'li échika bélá nokísima mapu rika anirúa'mi jú.

A. 'echiko ela nokiméa échirika nocha'mi jú.

I. Mapu riká a'nirúa'mi jú Ristrito Jerera'li, mapi rika katuita'mi ju sinéa'mi jáwa'mi kítera;

II. Tara'mi nima mapu rika ne nokísare Kobierno Ristrito Jerera'li wilía'mi;

III. Niwasare Nulalíwa'mi mapu wi'ká pakóta'mi Ristrio Jerera'li.

IV. Abe la échirika karewita níima mapu ikisa napawípa bilé bamía'li a'lí kíti échirika moásipa a'lí kíti ke tasi isisare mapuke nulera'mi ju mapu nocha échiná kobierno mapu a'liu isabi ne a'li bela katuisa mapu rika nochama. Mapu aneliwa ma pu sinea'mi napawima échi bela jáwa'mi animea mapi re awikabe aéchirika anisaka mapu iki ju wéala jáwa'mi ju Kobierno Rist rito Jereral;

V. A'li a jarécho maprika ani jéna Kostitusioni.

B. 'echiko bela isima Bisirénte jémi Mesino wilía'mi.

I. Chotasare osirua'mi Kokresochi unionchi jónsa mapu ju senarore a'li ríputaroRistrito Jerera'li Kítera;

II. Tanitani níima, katuika mapu iki wikawa kíti tanewita'mi nima mapu iki moísimi Ristrito Jerera'li;

III. Náwisare bamíba'li niraa konkresochi, mapu ikí newalé a'li mapu iki piwiká chu iki pi newasuwa a'li mapu iki moí Ristrito Jerera'li. Mapu nokíwa walúala Kobierno Ristrito Jereral échi bela bisirénte animea chúrika nima mapu riká nokísare, mapu rika né ani nulalíwai.

IV. Sinéa'mi bélá weála inésima nulá'a'mi mapu nijíka uchuwi Kokreso échi kítera Ristrito Jerera'li; a'lí

V. Jarécho kítera mapu riká a'ni jéajna Kostitusioni.

C. Mapi rika a'ni Kobierno Ristrito Jereal né jérika nokísima.

**BACHA CHOTA.** Mapu riká a'ni mapu a'lí napawíla nulalíwa newá.

**I.** Mapu o'na napawíla sinéa'mi Riputaro bikia bamíba'li neráa chapirúa'mi níima pée simírika wikabé nísaka, abóni katuíka, wachína a'lí ké wési ikítika mapu riká a'ní nulalíwa'miéchirika machika nokísare, sinéa'mika katuíka nokísare mapu chapawá, mapu alí Kostaqnsia alíwa a'lí ké sinéa'mi katuísaka maspurika wilára'mi jú, mapuriaka osirúa'mi 41, 60, 61 a'lí 99 jéna kostitución;

**II.** Jé iyiri béla newalé mapu riputaro nina'li a'li napawíka ke bela ntasi okúa nisare mapu iki newalélíwa mapu riputaro Jerera'li wilibana'li;

Newara'mi nima napawíka a'lí mapu ikí nócha échoná né ana'ri nísare, mapu riká uchúchisaremi mapu riká aní osirúa'mi 51, 59, 61, 64 a'lí 77 rojánara'mi IV jéna kostitusiona;

**III.** Bilé Partiro Polítiko abóni kítera simíra'mi narésaka kostansia a'lí mapu riká besa makoí % boto jéna Ristrito Jerera'li, ára'mi nima mapu ikí jú Riputaro pend.

**IV.** 'echirika katuíta'mi níima mapu riká newába okúasa béla níima bilé ba'mibámi siwíachi michá a'lí mapu ikí nócha abélaé chirika animéa soki suwába mapu ikí nócha walúala Kobieno Ristrito Jerera'li;

**V.** Mapu a'li sinea'mi napawíla, mapu riká nai ani walúala Kobierno, jérika nochasare:

**a)** Tanitani níima mapu ikika napawika newa nulalíwa'mi, abela nawita'mi níima Walúala Kobierno Ristrito Jerera'li échirika bi nuléma mapu machi wara'mi níima;

**b)** A'lá inéka a'lí échirika katuíka bamíba'li niráa mapu ikí bujasía a lí nulalíwa'mi chu ikí moía Ristrito Jereral, échirika katuísaka mapu ikí newaléliwa a sinéa'mi sebásá reka. A belá chiriká inéra'mi níima mapu ikí nísare nócha'mi mapu pakóta'mi kuira'mi jú échirika nokísare mapu rik anirúa'mi jú mapu rika ani osirúa'mi jú 127 jéna Kostitusioni.

Mapu ikí jáwa'mi ju Ristrito Jerera'li, mapu o'na nulalíwa'mi newalíwa, Wéala al i Jurisia'li, a'li mapu riká uchuwi ala machika jawara mi ju kobienochi, abelá a échiríaka moára'mi nima aboni mapu ikí newalé, los tubulares deglosados mapu iki mesare mapu iki nocha pakóta'mi kuiria. Jerika inéta'mi nima chûrika sira achi échirika katuítamí ka a'li chu iki moísia Ristrito Jerera'li, mapu rika ani walúala nuláa'mi kiti alí ne échirika nokísima.

Mapu ikí moísimi mapu rika a'ní nulalíwa'mi, ke tasi oméroma moísia mapu iki wiká pe mapi ikibi risensia ara'mi ju kokreso jónsa kíti échirika tara'mi nima mapu ikí moísimi Ristrito Jereral.

Mapu nulabi chotáma churika nisare mapu rika aní nulalíwa'mi chu iki moímea a'li chu iki bujasima échi bi bela animeaw Waluaala Kobierno Ristrito Jerera'li wilia'mi. Abéala buyeta'mi nima besa makói rawe mechá nobiembre mapu a'limi bamíba'mi botariwa noká mapu ikibi churi ko napawipa échi walúala Kobierno Ristrato Jerera'li, échi kítiera pe bela osa makói inarachi mechá Risiembre bui buyéta nima.

Mapu a'li napawíla sinea'mi jáwa'mi abela napawíma ba'miáli niráa échi kítiera nraícha a'li abéla nawi ta'mi níma we jiyáwiti échi walúala kobierno Ristrito jerera'li kíti échi bacháma mapu rika nochama.

Abéla échirikacho netanima Ristrito Jereral, mapu re ke chika ilasa a'li mapuri uchuwi Kobiernochí, mapuri ka ani mapu a'li ke tasi échika ilasaka e'chi kitera a'li mapu rika uchuwi nócha Kobienochí, mapu rika uchuchara'mi jú Okua Rojanara'mi insiso c) Rojanara'mi 115 jena Kostitusioni;

c) Abela a'lá inéta'mi nima chu iki suwabili chavé bamíbal, a'li chu ki éta'mi nila échi ani osirua'mi 74, échirika bela uchera'mi nima.

Tarasare pakóta'mi niwa'li chabé bamíli tara'mi échi nawisare mapu mnapawika weala jáwa'mi mako ba'mia'li ne bilé rawe inachi micha junio. 'echi rikó, mapu rika anirua'mi ju mapu a'li ne sineawi moaru nulalíwa'mi a'li mapu iki newalésare chu bujanisimi, pe bela échikabi katuita'mi nima mapu rika osirua'mi ju échi walúala kitera Ristrito Jerera'li a'li mapu rika ne wéju mapu a'li raícha sinea'mi jáwa'mi napawika;

Mapu échirka wilara'mi ju mapu échika nochama Ristrito Jerera'li abela chapirua'mi nima okua a'li bikina rojana mapu iki napawili jáwa'mi ke tasi simirase kichao ba'mili a'li abela machisare échirika ma'li bamíba'li échi kitera, abela inietanima chure suwabila winomí a'li achi ala nataka nokala.

e) Abela wilasare mapu kíti nakilita'mi nima mapure rewésaka, échi walúala Kobierno Ristrito Jerera'li;

f) Taba mapu rika ne nisare a'li mapu riká uchuwi nocha, mapu iki nisare, a'li taraba, mapuiki suwia'li pakóta'mi niwala Ristrito Jerera'li, a'li mapu o'na jóonsa ara'mi ju mapu ne échirka nocha a'li échiriká táma mapu rika

nisare, a'lí kiti aboni animéa achi chirika katuia mapuri nochama, kiti ne échika nokísima a'li kiti ne chikacho karewima: Na bela jerika nokisima mapu eanoka namuti ne mapu rika nisa échika bela nokísima

**g)** Tasare kiti ne échirika nokisima Ristrito Jereral abóni béla ikíwa botárisare a'lí mapu jónsa siro, mapu riká ani kobierno, mapu a'li napawila sinea'mi riputaro a'li mapu iki nocha échi rika bela nokiméa a'li mapu rika uchuchara'mi jú insiso b) a'li n) rojanara'mi IV osirua'mi 116 jena Kostitusioni, mapu rikacho ani insiso j)m a'li m) newá Silia'mi, Riputaro mapu iki nocha aboni estarochi a'li échirika cho bela nokísima, échirikacho, kiti walúala Kobierno, mapu a'li napawila riputaro a'li wéa'la jáwa'mi:

**h)** Mapu a'lí newalíwa osirúa'mi churika tibuta'mi nima winomí pakóta'mi níwala, mapu rika nulá alí chûrika nokísare;

**i)** Ayenacho a newasare mapu rika nokisima sibili nira a'lí pena'li; kiti ne échirka nokísima mapu rika nóchasare mapu rika tibúala Rerecho pakóta'mi, kiti échirkacho abela échirika katuisaka sinéa'mi, mapu kuiri ke namuti bujeka, notario y reaya sinea'mi pakóta'mi mapu niwi namuti a'li mapu komersio niwi;

**j)** Ayéana a niwasare nulalíwa'mi mapu tibua'mi nima, a'li ayenacho a pe chué pakóta'mi wilasare mapu re ké itelisaka policíaal í né a'lá Kobierno; mapu nochariwa mapu p'echirika nocha tibuaa abela tanewisare a jareanacho impresachi mapu awéni napawika nócha; kiti échirika tibúta'mi níima a'lí ayéanacho owítanima ; a'li ala owita'mi nima; a'li a'lá ruyéta'mi nima;

**k)** Ayenacho anewasare nulalíwa'mi chûrika nochama sibili niráa mapu weé kitira nocha; mapu ra'linéwa weé, mapu iki niwi weé, a'lí tibusare mapu iki niru jémi kawichí newáa we'eli kalí kayé ayénacho, a'lí mapu o'ná uchuchába toróka; mapu iki nócha mapu tibúla; a'lí a'lá inéta'mi nima kiti ne échirika né ta'mi nima, échirika olába a'li chirika nera'mi nima mapu iki namuti niru jémi Ristrito Jerera'li;

A'lá chirika néra'mi nima mapu iki tanéwiwa áchi risensia ara'mi nisare rika mapi ikí ju nocha'mi pakóta'mi kuírimi; abela niwásre nulalíwa'mi mapu ka'mioni mela'mi ju, alá pichika , jareanacho ka jóonsa sika a'li kiti a ala tibuta'mi nima , merkaroxhi, astros y abast, a'li mapu o'ná toliwa suwía'mi;

**l)** Newabo cho chûrika tibupa winomí a'li chûrika tibusare ka nocha'li; chûrika tibupa mapu iki niru namuti mapu iki ichiwa a'li mapu iki buké; a'li mapu iki

ju mapu o'na ra'linéwa; a'li churika tibusare namuti; a'li mapu iki riru jémi omána; échirikacho a tibusare mapu rikati binerata'mi a'li reékiwa'mi; a'li mapu iki binekíwa'mi mapu rika ani Rojanara'mi III, a'li osirúa'mi 3. Jena Kostitusioni;

**m)** Ayéana a niwásare nulalíwa'mi mapu ikí jawára'mi tribunalchi churika nochama jurisia'lichi mapu rika fuero Komun jémi Ristrito Jerera'li, échirIkla bela katuítá'mi nima mapu rika nochama sinema mapu ikí jáwa'mi mapu ikí jawára'mi jí;

**n)** Ayéana a niwásare nulalíwa'mi tribunalchi mapu o'na sinéa'mi raíchaka katuí churika nochaba Ristrito Jera'li;

**ñ)** Riwi'sare churika niwabare nulalíwa'mi a'li churika olásipa jéna ritrito jerera'li, konkreso unuonchi; a'li

**o)** A'li jarécho mapyu échirikacho a ilá jéna kostitusioni kítera.

**OKUA BACHA CHOTA.** Mapu rika walúala silia'mi 'echi Ristrito jerera'li:

**I.** Awalube nira kayenicimi mapu rika nochama, mapu a wilia'mi nima usani bamíba'li, Ma'li inarachi Dicembre 'echi iyena bamíba'li jóonsa mapu iyena ko wila'liwa 'echi bamíba'li, anokiméa mapu rika akoru 'echi Legislación Eletoráli.

Mapu mapu nulaa'mi nina'li ko mapu rika silia'mi Ristrito a jerera'li a napabúma oselí mapu tanilia kiti asi nochama 'echi silia'mi túa: amesi perea'mi nísare mapu jóonsa awili ayenacho arerocho niwima we'é weala, bikia bamíba'li a'li wesapu nira chabena ka mapuli rawe wila'liwachi mapure abitea'mi nisaka echona Ristrito Jerera'li ama'li bamíba'li eba 'echi mapu chakena Estarochi awili ko; abesamakói neála sebarisa 'echi ki bamíba'li nísare mapuli wilába bilé, a'li ke sine wilia'mi nisa 'echirika walúala silia'mi nira 'echina Ristrito Jereráli mapu ikí aniraa mikare. 'echi mapu ona biteko ke namu olara'mi nísare tako achapii 'echi nocha'li kuirowa'mi pakóta'mi 'echi jereración abiléana kawichí niráa.

Mapure anakuliwiska 'echi walúala silia'mi 'echina Ristrito Jerera'li, 'echi Senado aneema mapu wilama bilé presidente de la Republica, 'echi sustituto mapu suinima mapu rika ani nulalíwa'mi.mapure rowelisa ka peteeili, abela isima nochaa 'echi kuira'mi pakóta'mi 'echi mapu nula silia'mi. Mapu re arowelisa ka suwába rika, a'li ku machisama binoi kitera, anapawika raichama

‘echi legislativa awilama bilécho mapu nóchama ‘echi kítera mapu suínima ‘echiri ka nócha. Ku machinala ka ‘echi silíami walúala Ristrito Jerera’li a oméroma kumachina ana’miti kelabe isisa ka.

‘echi risencia ara’mi mapu rika nochama anaritima abói mapu maki.

**II.** ‘echi walúala silia’mi Ristrito Jerera’li a oméroma né iwérili mapu ani bachámi:

**a)** Nóchaa ne mapu arika ani nulalíwa’mi ne ‘echika anokiboa ‘echi Ristrito Jerera’li mapu tá ‘echi Konkreso Unión, ‘echi mapu iki ju competencia;

**b)** Rua a’li ania ayenacho nochaa ‘echi mapu rika ani nulalíwa’mi mapu raíchaliwa echona mapu wika napawiliwa legislativa, nijia ‘echi esfura tibukilia ne ‘echirika a ineka, ‘echi jula’lia’mi mapu rika nisare, a’li katuwilíamí;

‘echiraka a, oméroma inea ‘echi nulalíwa’mi legislativa ajulama kíti animea, keme makói rawe simiroka. ‘echi mapu nokiboa ala ineraa’mi ala katuita’mi nisa asoki suwába oka tersio Diputados echona anirua’mi nima ‘echi walúala silia’mi kitera Ristrito Jerera’li;

**c)** Riwigia mapu rika ‘echi nulalíwa’mi ani echona mapu napawila legislativa;

**d)** Riwa a’li nakuliwa bilé nochaa’li nokiméa ‘echi pakóta’mi uiroa’mi ‘echi mapu napawika nochaa Ejecutivo túa ‘echimi aye, ‘echi wilara’mi mapu ke inera’mi ju iseni niráa jéna constitución a’li ‘echi nulalíwa’mi;

**e)** Oméroma isia mapu rika n ulaa’mi nochaa pakóta’mi kuiroa’mi mapu rika nula silia’mi; a’li

**f)** Jarécho nakiya jena constitución, ‘echi mapu nula silia’mi a’li né mapu rika ani nulalíwa’mi.

**BASE TERCERA.** Mapu rika napawika nochaa’mi tubua’mi pakóta’mi ‘echimi aye Ristrito Jerera’li:

**I.** Akatuwima kíti wachísa inároma suwába kitera nulaa’mi ka ‘echi mapu ikiju ‘echi, a’li aboni natuúka nócha’mi;

**II.** Aniwáma ‘echi mapu simi kare politiko admistrativos ibili niraa demarcaciones omána kawichí mapu jóonsa rojani Ristrito Jerera’li.

A 'echiraka anika katuwima kíti arojanama kawi echona Ristrito Jerera'li, 'echi competencia mapu iki nocha político administrativos mapu rika nisare, mapu rika si napabuma, mapu rika nocha'lia'mi ju, mapu rika anapawika nochaa'mi ju 'echi walúala Silia'mi Ristrito Jerera'li.

'echi titulares ko mapu iki si ju político-administrativos de la marcaciones omána kawichí a jawára'mi nima amarua'mi kawichí pe chuye chinasika niraané wachia, mapu rika ani nulalíwa'mi.

#### **BASE CUARTA.**

**I.** Mapu majístraro jú tibunalchi a'lí superior échirikachi a napabusare mapu iki newalé mapu riká a'ní jéna kostitusioni né iwéra'li niléra'mi nísare mapu o'ná najórowa; newáliwa, kíti a'lá inéra'mi níima mapu échiriká binéka'mi jú mapu iki jáwa'mi, échirika nokísare Ristrito Jerera'li. 'echiná tribunalchi mapu o'ná najórowa échiriká jawára'mi mapu riká aní nulalíwa'mi mapu riká nísare.

Mapu a'lí ké itélisa Majistraro échoná Tribunalchi mapu o'na najórowa, walúala Kobierno Ristrito Jereral abéla échirika anisáre kíti échiriká katuítamí níima mapu iki jáwa'mi ju a'li chapiwá sinéa'mi katuika. 'echi Majistraro abela nochama usani bamíba'li abéla che napawika katuika nokisáare; a'li échirika jawára'mi nisaka, pe belá machí wata'mi nima mapi iyiri nocha mochili mapuri ka ni tituolo nayó jena Kostitusioni.

**II.** Mapu kilipi nócha, tibusare a'lí kíti né chiriká nokísima tribunálchi mapu walúalachi nócha, juskárochi a'li a jaréanacho mapu iki jú jurisía'li, échi ko béla jóonsa nulérami nima Konsejo Jurikatura Ristrito Jereral. Alí échi Konsejo Jurikatura kichao bela pakota'mi, bilé ko ble Bisirénte Tribunalchi Superior najorowalachi, abelá si nima konsejo. Mapi ripíli ko bela níima: biléko majistraro a'lí okúa oyérami chapirúa'mi soki suwába botárika okuana né chirika nokísare majistraro; Biléko wilára'mi nim a walúala Kobierno kítera Ristrito Jererali a'lí jarécho okuako jawára'mi nima katuika wéala jáwa'mi kítera. Sinea'mi mapu iki nakúra'mi jú ne béla iwéra'li tanita'mi níima mapu iki newalé kíti majistraro níima a'liko machirúa'mi ju mapu iyíri benéka'mi jú a'li Tibúsare, né wachia nócha'mi a'lí a'lá nócha'mi mapu riká nochásimi, mapure échirika chapirúa'mi jú échi majistraro kítera ayéana a omero néa, a'lí, a'lá machirúa'mi níima mapuri ka nócha'li a'li mapu iyíri benéka'mi ju mapu o'ná nocha'li échi jurisiálichi. 'echiko abéla anacháma malí bamíba'li nócha; bachá jawára'mi nima we'ala alíku kuíchi a'lí ke tasi che jawára'mi níima.

'echi konsejo bela jawama Jues Ristrito Jereral, mapu rika a'ní a'lí échirika

anisáka mapu achiri abinéka'mi ju Jarisia'li kítera. A'liko a anirúa'mi nima chu ikí nisare alíko machía'mi mapuri ka ani échi aboni konsejochi.

**III.** 'echirika béla animéa mapu rika nima a'lí chúrika nochasare konsejochi échima jurikatura, abela ineka nokisáa mapu rika ani osirúa'mi aboni niwalza konsejo.

**IV.** A'li ayenacho uchera'mi nima mapu rika ani nulalíwa'mi chúrika nochasare kíti ne chirika nokísama mapu rika ani osirúa'mi 100 jéna kostitusioni.

**V.** 'echiko bela uchera'mi nima mapu konsejochi nóocha a'li jurikatura, ayénacho majistraro a'li jueś, ke nakita'mi nisaka a'li rikirita'mi nisa mapu rika uchari osirua'mi 101 jéna kostitusóni.

**VI.** 'echi konsejo ko a'li jurikatura échirika niwáma mapu newalé winomí péchina tribunalchhi najrówachi mapu o'na jon inaáro a'lí 'echiko bela nijíra'mi nima walúala Kobierno Ristrito Jereral a'li bachára'mi nima mapu rika nochama re a'li chu iki moísima mapur a 'echirika katuisa sinea'mi wéala mapu alí napawíla

**BASE QUINTA.** A belá nirúlima mapu aniboa chúreka karéwipa ra'icha'li jepiká tibúma a'liko mapu níima mapu karewima mapu ikí échirika naki mapu karewia a'li sinea'mi nuláa'mi a'li échirika tibúma mapu ikí nirú Ristrito Jereral.

E'chí bela animéa chúreka níima mísimá a'lí jépika wilára'mi, échirka bela newára'mi nima mapu rika aninulalíwa'mi mapu riiká uchusare.

**D.** E'chi Ministerio Público Ristrito Jereral a wiláma bilé Prokurador Jeneral Justisia, abela wilára'mi mapu rika ani Walúa'mi Kobierno; né mapu rika aní nulalíwa'mi échi bela a'lí mapu rika ní'isare échi bela animea churika nokiméa abói ikía, mapu o'na jósa nócha a'lí chúreka noká.

**E.** Jémi Ristrito Jereral Né belá riwíka nokísima Bisirénte Estaros Uniros Mesiko, mapu rika aní Rojánara'mi VII Osirúa'mi 115 jéna Kostitusioni. Mapu rika wilára'mi a'li biléanacho jura'mi nísa wilá'a'mi mapu re nochásaka walúala wila'mi ka a'lí nuláa'mi nisa mapu rika ani walúala Kobierno.

**F.** Kámara mapu o'ná napawíla Senarore a'lí Konskreso Unionchi, mapu a'lí isabí, mapu sinibísi wilí échi walúala Kobierno Jereral échi bi bela ju mapu beleáma juláma mapu re jare namuti we charika nisa mapu re échirka ke ala

nisaka kíti ke charika ripima Poreres Unionchi a'li mapu rika uchuchára'mi Públiko Jémi Ristrito jereral. Abela osáka tasare mapu re ché biléana siminlasa a'liko riwísare nasipa jónsa jáwa'mi Kamara Senarorena'li kere na Komisioni sinibí Wilía'mi, mapu re é'chirika nísaka.

**G.** Mapu re wé sapúka niwánilisaka jarécho Jáwa'mi yúa katuíwika a'lí Munisipa'li abnóni a jéna Jererasion a'lí Ristrito Jereral mapu re échi ilasaka a'li échirika niwanilisaka mapu ikiana ju mapu o'ná jónsa ju Ristrito Jereral, mapu rika ani Osirúa'mi 115 rojanara'mi VI Jéna Kostitsioni, jéna kítiera mnapi iki pere muchuwi pakóta'mi; tibusare mapu iki nirú tibúka a'li a'lá néka mapu ikí nirú omna kawíchi; ka'mioni mapu aseliwa, bawí mapu bajíwa a'li mapu o'ná simiro bawí chóka'mi; mapu o'na napúliwa namúti, séba'li namuti kulúa'mi a'lí mapu tibúa'mi sinéa'mi pakóta'mi, mapu o'ná chéa chukú Kobierno abéla mapu échirika ilásaka mapu rika nuléra'mi ju mapu niwáma a'lí a si nakúrisaka né mapu rika nulalíwa'mi.

Mapu riká nuléra'mi mapu niwáma échirika katuíka mapu ikí nócha. Mapuri rika niwába jérika béla katuítá níima chu riká niwára'mi nima, churika jawára'mi nimi a'lí chu nokoméa.

### MAPU RIKA NULÉRA'MI JU JERIKA NOKIMÉA.

**a)** E'chirika béla nokísare mapu riká katuítá mi jú, mapu o'na jónsa nuléra'mi jú, mapu chûreka katuítá mi jú mapu o'ná jóonsa nochásare, a'lí mapu rika nóchasare chûrika isisare a'li chûrika nokísare newayá, chûrika kuírisare pakóta'mi, kíti kayésanisima mapu rika nuléra'mi jú mapu rika ani bilé rojanara'mi a'lí jéna apartaro;

**b)** Mapu rika ucháchara mi jú, échirika bela katuíka nokísare mapu ikí nuléra'mi jú, a'lí mapu riká nuléramui jú mapu iyiri newáma, a'lí mapu riká bi isísare a'lí mapu ikí nokísa mapu pkóta'mi moá, a'lí ala seba'li niwisare winomí mapu iki newalé; a'lí

**c)** Mapu rika anirua'mi jú kíti ala anarika a'li natuika nokisima chûrika alaa nisareka, chûrika tanewita'mi nima a'lí chûrika a'lá nísare.

**H.** Mapu ke tasi nakíwa a'lí chu ikí nisare mapu rika aní jéna kostitusioni sinéa'mi estarochi jérika béla nochásera sinea'mi nula'a'mi Ristrito Jereral.

## TITULO USANI

Mapu échirika nóocha a'li ke wési karúa nokiméa



**OSIRUA' MI 123.** sinea'mi pakota'mi a niwi rerecho kivi olama nocha'li we alaala a'li ne ala mapu a iriwelima a'li nokiboa kivi a nirulima nocha'li a'li napawika nocha'lia'mi mapu rika ani 'echi nulaliba'mi.

'echi konkreso union nocha'mi ke bilé risoa olaka mapa rika ani jemi bachami a'li bujanasare nulaliba'mi kivi nirulima 'echi nocha'li kitera kivi ne ala riwilka nokiboa.

a. wikanata'mi nochaa'mi a'li mapu rika suwaba nira a nilusare bilé oseli oserua'mi mapu jona chota'li 'echi nocha'li.

I. 'echi mapu ikili nochasare ko osanoa hora nisare.

II. 'echi nocha'li roko nocha'liwa'mi pe kichao bi horas nochasare, ke bilé nakiwa nocha'li we jilira'mi mapu ona risoa ikiboa 'echi nocha'li roko nocha'liwa'mi a'li suwabo jarécho nocha'li ma simirosa makoi hora mapu a'li roko ju mapu ke cho makoi usan ba'miba'mi ju.

III. tasi bilé nakiwa kivi nocharipa mapu ke cho ba'miba makoi nao 'echi mapu ma simiraa'mi ba'miba ju ko a'miná makoi usuni 'echi ko a nochasare usuni horas.

IV. Usan rawe nocha'li 'echi mapu nocha ko a a isóbara bilé rawe.

V. 'echi umuki tobea'mi tasi nochasare nocha'li we bitea'mi mapu a'li newariwelisa kiti risao ikimea, 'echi ko a ne jiwerili isabasare usan tara'li ne bachá nira mapu a'li k echo taa a'li usan tara'li ma nawarisa taa a'li ne a seba'li a natetisare a'li ke eera'mi nima nocha'li a'li 'echi rerechowala mapu nareli mapu a'li nocha'li a'li ayenacho a osa isabama bilé rawe nira nasipa hora nira kiti kowima kipi kuchuwa'

VI. 'echi mapu iki natetiwa'mi ju 'echi nochaa'mi natetisare anari chopi iki 'echi bachá ko nokisáare mapu ona aneliwa mapu ona anawisare we'è mapu nisare 'echi okuana ko nisare mapu ona nochasare 'echi mapu we binea'mi juko.

'echi mapu iki natetiwanu ju a nisare mapu iki ne a la sebasare mapu newalé bilé pakota'mi mapu kuchia'mi ju mapu iki namuti napawika nokaa'mi ju a'li kiti a njiba bineliwa mi ne jiwerili nokaka kiti binema kuuchi, 'echi mapu natetiwa'mi ju mapu we binekame ju a uchuchasare ala ineka a'li chirika ju 'echi wikanamti nocha'li.

**VII.** 'echi nocha'li anarika nokiwa'a'mi a anaricho natetisare chikore muki ke rejoi ma a'li mapu kumi bitea'mi ke.

**VIII.** Mapu iki natetiwa tasi omeropa eyea namuti mapu ma meli.

**IX.** 'echi nochaa'mi a niwima rerecho kiti a iyara'mi nima jare namuti echona empresachi papi ona nocha'li ne ala katuwika mapu rika ani nulalíwa'mi jémi bachámi.

**a)** 'echi comision nacional mapu a sicho ju 'echi nochaa'mi túa 'echi patroni kitera a'li weala jawaa'mi 'echi animea chu ikipi winomí nochutisare sinea'mi 'echi nochaa'mi biteri.

**b)** 'echi comision nacional nokiméa ne ala menia acha ne chirika nokiwa'a mapu rika nisare a'li ayenacho nokiboa inenia acha seba'li nirua mapu newaléliwa a'li ne ala nisare kiti machiboa chirika eena 'echi winomí kitera omána a'li 'echirika notaba kiti a newaléliwa kiti jiwerili nokisáare kiti nirulima noha'li echona pais 'echi mapu iki nisare a'li ayenacho ineka nokiméa piri nima papi nikuuroma kiti a muwema 'echi winomí a'li kiti **napabúma** ma ikí nirú.

**c)** 'echi komisión bi a oméroma inenia kipi kuliwa'mi nirua bineliwami.

**d)** 'echi nulalíwa'mi oméroma iyea 'echi mapu izaba riweili echona empresachi namuti mapu meli nochasa 'echi mapa kuliwa'mi kayena'li mapa iki nisare a'li ke me me wikabe nisare ba'mia'li nira, 'echi nochaa'mi biléana cho pais nochaa'mi sira'a'mi a'li jarécho nocha'li mapu al anixa kiti ne bichiwa'li 'echirika ju.

**e)** Kiti ne ala aniboa chi ikipi winomí mapu nachutaba ibili empresa nira a chapiboa mapu rika mapa natetiwa'mi ne mapu rika ani nulalíwa'mi 'echi natetiwa'mi renta 'echi nochaa'mi ko a oméroma naria echona oficinachi mapu 'echi secretaria de hacienda ju mapu nokisáare 'echi nocha'li 'echi mapu sinea'mika oyeria'mi animea ne mapu rika ani nulalíwa'mi.

**f)** 'echi nochaaammi rerechowala mapu a barema 'echi winomí tasi oméroma simiba oficinacho administracionichi ma 'echi empresachi kitera.

**X.** 'echi natetiwame ne ala bichiwa'li winomí nisare ke nakisare mapure ke a'liwaka winomí pe kowaa'mi nijisawa a'li kuchi oseli vale anilia'mi ke tasi nakisare jarécho namuti ma mapu riwelima mapu iki nakítiki 'echi winomí.

**XI.** Mapu a'li nochosiwa simiraa'mi horas a wanacho natetipa 'echi ko nima bilé ciento% por ciento simiraa'mi horas nochasaka na'li ke nochosare bikia horas simiraa'mi 'echi mapu ke cho makói usani ba'miba'mi ko tasi riweba kíti nochama 'echi iyiri nocha'li.

**XII.** suwába 'echi empresa mapu wika namuti ichaa'mi ju mináchi ma chuwe jarécho nocha'li ma, a'li 'echi patronis a iyasare we ala ka'li mapu ona kochimea 'echi nochaa'mi mapu rika ani nulalíwa'mi mapu ona we ka'mi rika re.

'Echi empresario ko nijíma winomí echona fondo Naciona'li kíti napabuma 'echi winomí a'li kíti 'echirika a oláma wika winomí kíti sine rawe rikaachi oméroma iya ka'li ke me natea'mi 'echi nochaa'mi

A aniwa kíti we ala ju kíti nirulima nulalíwa'mi, a'li a nirulima jare pakóta'mi mapu nochama 'echi walúala wilia'mi jerera'li mesiko nirua'mi a'li 'echi nochaa'mi patronis túa 'echi nokiméa nochoria 'echi winomí kíti wika muwema echona fondo Nacional aniliachi jena nulalíwa'mi isima kíti ne ala nokiboa 'echi nocha'li a'li kíti ne a iyara'mi nima ka'li 'echi nochaa'mi

Suwába mapu ma aniiru 'echi bachá párrafos 'echi oserua'mi rojanora'mi ani kíti mapu re nochasaka jare pakóta'mi we mika mapu ona ke niru escuela ayenacho a jawasare escuela a'li mapu ona nirulima owaa'mi a'li suwába namuti mapu newalé pakóta'mi

'Echona mapu ona nocha'liwa mapu re nirulisaka okua ciento simiraa'mi pakóta'mi mapu echona nocha a olasare bilé uchii we'e 'echi we'e simiraa'mi nisare ma'li mili metros kíti a nirulima mapu ona Jawaba weli comercio mapu ona ra'lineipa wika namuti a'li ayenacho mapu ona niwaba ka'li oficina ma mapu municipio niwala ju a'li ayenacho nirulima mapu ona niwaba kíti re'ëma 'echi kuuchi a'li ochei

Tasi nirulisare mapu ona ra'lineiliwa cerveza a'li jarécho alcoli a'li ka'li mapu ona re'ëpa jiraka

'echi empresario ko a bachá binerisare kíti machimea chirika nochama 'echi pakóta'mi chiko re chuwe nocha'li ke, 'echi nulalíwa'mi animea chirika a'li piri newalé 'echi patronis ne ala nokiméa mapu rika nisare.

'echi mapu niwia'mi ju empresa 'echi nokiméa toa onaa'mi túa mapu a'li risoa ikisaa bilé nochaa'mi a'li ayenacho 'echi ra'liima owaa'mi a'li ayenacho mapu a'li noyunasa 'echi nochaa'mi a'li 'echi patroni natetima mapu iki

suwabilia bilé nawili kitera 'echi muluwaa'mi kitera ma a natetisare mapu ikili ke omero nochaa 'echi mapu risoa ikili a'li mapu re ke sine ku sawisaa 'echi mapu risoa ikili 'echi patroni ayena bi abiji natetisima mapu iyena ko muku 'echirika ani nulalíwa'mi jena ko nokiboa a'li 'echi patroni owisaka.

**XIV.** Abóni nulaa'mi alí níwa'mi nócha'li abóni a oyéríma mapu alí bilé nócha'mi wichisáa alí nayúnisa omá wé machía'mi, nóchaka 'echiriká ikisáa alí chiwisáa; wéala nulaa'mi a natétima mapu ikí natétisa re,a suwérika ikisaa ko 'echi nócha'mi mukusáa isíni nayúa a ripísá pe wilíminá ku sawisáa alí isini 'echiriká nayúa a ripísá ma ké umérosa nocha, mapu reká nulá nulalíwa'mi ne 'echiriká oláma.Alá cho natéma mapu alí bilécho owísa nócha'mi kíti si nocháma;

**XV.** Walúala nulaa'mi a iwérili a enéka,ne mapu reká ra'ícha'li bachá,alá ké choliwéma mapu oná nochálawa alá sayéka nocháma mapu oná nócha,alá sayéka kíti ké wési rujíma alí sikirépima mapu alí né séba'li máquinas,alí séba'li mapu 'náti nochálawa,alá natúwika,kíti ké wesi nayúnima alí ké wési suwiméa nócha'li,alí séba'li mapu echoná newalíwa,umukí nísa ko nócha'mi pee a otobéa'mi.Séba'li nulalíwa'mi alá animéa,kíti,a oyéripa isini ké alá ikisaa ko;

**XVI.** Sinéa'mi nócha'mi alí nochária'mi a'níwi séba'li rerechos mapu alá kuíri, kíti abóni elaká ayénacho natúwika a kayenáma sindicatos, alí a napawíka nocháma we alá machía'mi omá alí uché wiká namuti mapu abóni nakí;

**XVII.** Nulalíwa'mi alá machímea séba'li rerecho mapu a níwi suwába nócha'mi alí nócha'mi nuléa'mi,a ompáma isini rawé ké nocha mapu alí namutí che 'néwalésa ko;

**XVIII.** Mapu alí isini a 'níwisa paros a pe kilii ké chibi nokaká nima, mapu alí a 'néwalésa ko uché joré namuti 'echi nócha'li kítera bi,ku iwéritia rerechos mapu níwa nócha'mi estárochi muchúwa'mi kuíria omá.Mapu reká nócha suwába pakóta'mi yúa a iwérili jú kíti sapú ruyéba suwába nócha'mi,ne bachá makói rawé napawíkiwachi ijisinamapu oná karéwiwa ra'ícha'li (junta de conciliación y arbitraje) alá anéra'mi nima kabú rawé ké nochába.Mapu kisápi newá (huelga) isini chibi nikaká karúa olása a jarécho alí namuti chibi olásá alí pe 'echiriká nakóriza, mapu alí jaré nochása walúala kobierno yúa alí jaré 'níwa'mi nísa séba'li nócha'li;

**XIX.** Mapu alí nirú Paro 'echiriká nokiwa'a'mi alá kilii nima isini a nochása wé jiyáwika, 'echiriká nokiwa'a'mi ko a nijíma risensi mapu a karéwi napawíka ra'ícha'li (junta de consiliacion y arbitraje);

**XX.** Ké alá ikíachi a nirúsa na'áwa'li nócha'mi alí nócha'li kítera, a'lá 'némwalaká katewáma napawíka ojisina junta de consiliacion y arbitraje, mapu a jawára'mi ju representantes ka mapu alá kuíro 'echi nócha'mi alí suwába nulaa'mi, alí walúala kobierno;

**XXI.** Ké elása walúala nulaa'mi kíti alá ra'ichaka karéwipa ké nejeyása mapu reká anilíwa napawíka ra'ichaka, ma suníma 'echi nócha'li contrato nócha'li kítera a'li alá bikía mechá natétipa 'echi nócha'mi, ayéna sí iyéri nísa mapu kítera ku machí pasíwa. Ké 'echiriká olába we ké nakisaa ko ra'ícha'li mapu aní jena naí. Ké nakisáa ko 'echi pakóta'mi nócha'mi, ma suníba 'echi contrato oselí katuwíra'mi kítera alá anía'mi.

**XXII.** Bilé nulaa'mi a ku machí pásá bilé nócha'mi pe chuwé alí bachása biléana sindicato mapu a wikáka natuwíka nócha,sí nakúrisa nawayá huelga ké alá wachíia,binói elaká nócha'mi,a nijewima 'echi oselí contrato kíti alá natétipa bikía mechá mapu ikí a méli nócha. Nulalíwa'mi alá animéa mapu alí 'echi nuléa'mi nócha'mi iwérili olaká ku machí páli nócha'mi ké alá nijewili 'echi oseló contrato nalí machí paka ku natétira'mi nísa.Ayénacho natétipa bikía mechá mapu ikí méli nocha,ku machí pásiva alí pe binói ku machínisa karua olása 'echi nulaa'mi,binoi alí jarécho téma'li upíla,ewénowala,,kúchuwala, alí binói bachilá karua nokisáaa.'echi nulaa'mi ké risensi jú kíti kú eyéma nócha'li,mapu alíretémala wé obátisa alí karúa olása ké euyéka 'echi nócha'mi nuléa'mi,alí pe ke nimisa omá; 'echi kítera;

**XXIII.** Wenomí mapu a tanéliwa nócha'mi natétiwa'mi kítera jena bamía'li bi, a'lí séba'li mapu natétiwa, a kuíripa we 'echi nócha'li a ké wilá muwéwisa ko wenomí;

**XXIV.** A wekasáa nócha'mi, wekakíwisa nulea'mi nócha'mi, mapu si napawíka nócha, retéma'li alí kúchuwala, nócha'mi abóni ayéri nima, ké retéma'li ku bujépa,ni bilé 'echi ku natétiwa nócha'mi wilaala mapu ikí mé siné mechá nochás;

**XXV.** Séba'li kuíria'mi 'echi nócha'mi ké natétipa, a nakúrima nalí nócha'mi presidencia munisipa'li, mapu a nijí nócha'li alí pe chuwé ojisina mapu a nukuuri alí chuwé bilé si nikúrima.

-Jéna kuírili alá enéka olába píri kítera niwijía 'echi nócha'mi,a'lí ne anárika kuíripa,alá kuíripa cho mapu wé newalé nócha'li kíti náchaka kóama kúchuwala;

**XXVI.** Séba'li oslí contrato napawíka katuwíta'mi bilé jémi kawí mésoko

ochérikámi alí bilé wé wenomíwa'mi mekabé jóonsa nawaa'mi,a be alá wachináma oselí jáwa'mi munisipiochi muchúwa'mi alá cho enéma walía'mi ojisima cónsul 'echi kawí mapu omí siméa re nócha'mi,alá nausáma cho ra'icha'li cl{ausulas mapu a níwi oselí kontrato napawíka katuwira'mi,ne alá machíá animéa kíti a natétima séba'li wenomí mapu ikí 'newaléba 'echimí simiyá kíti a natétima nócha'mi owia'mi;

**XXVII.** Ké alá natéma we jiwríli nima we ké alá anisaa osirua'mi kontrato oselí katuwita'mi:

- a) Ké alá aniká nochárisa sinú nócha'li alí wilí nochárisa, wé nócha'li nisa.
- b) Alá anisaa chu ikí natétima, alí ke 'echiriká nisa ké risensi nijisa ojisia junta de consiliacion y arwentaje.
- c) Anisaa mapu a sinibí bilé taráli niraa natétima 'echi kitera bilé taráli cho nochása.
- d) Alá anisá re mapu a risibima, a nirúlima mapu oná koméa nócha'mi alí bajíma kajé, mapu oná ra'líméa namuti 'newalésa alí kámi natétipa, mapu alí biléna cho nochása ko.
- e) A níwisa churíka isíma 'echi nócha'mi mapu alí newalésa kowaa'mi alí jarécho namuti mapu ké ra'linéliwa 'echimí mulípi.
- f) Isini iyésiwa wenomí mapu a méli nóchaka, multa natétiala wé ké alá nochása ko.
- g) 'echi kitera pe ku riwesa nócha'li alá ku natétira'mi nima we isini pe a sikirépida, nayúnisa, isini jilisa we ké alá nochása binoí 'echi kitera kú eyésiwa nócha'li oselí kontrato oselí katuwita'mi ké alá natétira'mi nisa 'echi kitera a be kú machí pásiva omá.
- h) Alí séba'li mapu aní osirua'mi a ku eyéba wiká rerechos mapu a 'níwi nócha'mi 'echi nulalíwa'mi mapu a kuíri séba'li nócha'mi.

**XXVIII.** Nulalíwa'mi alá animéa séba'li ra'icha'li mapu a 'níwi suwába témalá, séba'li mapu ké umérowa nakulíwa a riwika mapu reká nulá, ni bilé eyéra'mi nima natétiala ni bilé iiyéba uché joré namuti. Ke nachútira'mi nima namuti oselí mapu alíwa 'echi ko alá wachíá oyérika iyába kíti alá natéa riwélíma mapu alí namuti riwéliwa herencia;

**XXIX.** Alá sinéa'mi néma onalachi seguro social ne mapu reká nulá nulalíwaa'mi, 'echioná alá aní tibuámi kítera isini joré nayúnika ma ke ompásá nócha, ma chéra'mi kayénisa, ma ku isábika bitélisa wilí nochásá ko, nayúa iyénisa karúa ikisaa nocháliachi,a 'níwisa mapu oná tibúliwa kuuchi alí a narésa wiká kuíroli mapu níwi séba'li nócha'mi,ichaa'mi alí pe chuwe nócha'mi mapu ké natétiwa abóni retémala yúa.

**XXX.** 'echi riká cho a newaléra'mi níima sinéa'mi kítera, sinéa'mi mapu a nakúura'mi ju newayá kalí ke natéa'mi we a'la karewéra'mi, newásuwa biléana we'érili, mapu oná nócha'mi ára'mi níima mapu biléana muchúwi;

**XXXI.** Nulalíwa'mi mapu nirúlima nócha'mi kítera 'echi ko a animéa jáwa'mi estárochi, mapu oná jóonsa ju, na'libe jáwa'mi jerera'li níwala ju mapu jenpa juko.

a) Napu chéa'mi ju we wenomíwia'mi a'lí tanéwiwa'mi:

1. Testili
2. Naí nócha'mi
3. Sinematográfika
4. U'li nócha'mi
5. Asucari nócha'mi
6. Miná nócha'mi
7. Metalúrgika a'lí sirerurgika, ayénacho a mapu mínachi si nócha'mi ju, kuíroa'mi mapu naréma a'lí mapu riká nokiméa aboni, 'echi riká cho ierro metáliko kítera a'lí jiypero nócha'mi mapu riká la'miná newa'mi;
8. Igro karburo kítera
9. Petro kimika
10. Cement newa'mi
11. Káli newa'mi

12. Toroka, a'lí suwába mapu náti newalíwa toroka

13. Kimika ayénacho éba'li owa'mi mapu kayena

14. Kusí a'lí oselí

15. Aseite a'lí wi'í beketa'li

16. Ko'wa'mi newá'mi, seba'li ko'wa'mi mapu ériwa kíti wilí rijorámi, mapu botichi ahcalíwa ayéna cho ma mapu botichi achalíwa suwába mapu chiriká oliwá.

17. Bajílowa'mi mapu éria'mi ju, botichi ma erita'mi níisa suwába mapu échi riká oliwá;

18. Tirreni kítera

19. Kusí kítera mapu nochallowamo serruchochi a'lí mapu oná triplay newalíwa checho jaré namuti ma.

20. Mapu oná liméta newalíwa, mapu riká bentanachi uchuchiala a'lí mapu namuti amanálowa; a'lí

21. Mapu oná wipá nochálowa

22. Mapu oná wenomí tanéwiwa

A. Mápu o'ná sebali namúti kayena

1. 'Echi mápu abóni 'ikía tibúla mápu ké yúa chéa ju kobierno jereráli;

2. 'Echi mápu natuúka noká 'echi riká a nakisá jereráli a'lí industria mápu abói a nakí mápu si ju; a'lí

3. 'Echi nóochami Jereralchi a'lí chéami jónsa Jereráli, 'echi oná Jónsa chéami mápu o'ná machirúami ju ralinéawami jémi o'ná. Ayéna cho á tibúma jáwaami Jereráli, mápu reká nokiméa nóocha 'echi kítera cha olisáa mápu jarécho yúa katúili mápu ne 'echi riká anirúami ju wikáka Jereráli yúa; Mápu nokisá re

Benelíwami kítera, mápu riká aní osaká nulalíwami; a'lí mápu reká nokisá

re nuláami benéria mápu reká nocháma ruyéa nóochami, échi reká tibúa a'lá karewéka mápu o'ná nóocha, 'echi riká cho, jáwaami Jereráli a kuírotami níima Estatali kítera, mápu a'lí chéami ju nocháliwachi pe 'echoná bi a, mápu reká aní nulalíwami nokibóa jená oná.

**B.** Bikianátami kayámi jáwaami, kobierno Ristrito Jererál a'lí mápu 'echoná si nóocha:

**I.** Mápu kilí nochásá re siné rawé a'lí rokó níima osá nayó a'lí kicháo óra 'ibínili neráa.

Mápu simíira wilí nóocha ko a natétirami níima bilé siento miná siento simíroka mápu ikí ju anirúami nocháliwami sinibísi. Ke sinéti simírosa ré bikía ora simirisa a'lí ké bilé bikásá aá neráa;

**II.** Usáni rawé nóochaka, 'echi nóochami isábima bilé rawé a'lí a natétirami níima

**III.** Nóochami a isábima ke sinéti osá makói rawé sebásá re bilé bamíbali;

**IV.** Mápu me nóochami a 'enérami níima a'lí ke tási 'érami níima 'echi kítera mápu a'lí 'echi riká níisa a'lá riwiika osirúami 127 mápu ináro jéna constitucionichi a'lí mápu riká nulalíwami.

Ke sinéti ke wikabé níisa re mápu me nóochami mápu ikí anirúami ju echimí ristrito Jereráli a 'lí sumá kawichí Mesiko.

**V.** Mápu riká nóocha èchi riká cho a natétirami níima, chú ko ré mukí ke rejói, ma;

**VI.** A uméroma yéa mápu mé pe okuáa niráa, mápu re a 'echi riká anisáaka nulalíwami;

**VII.** Mápu nuléba nóochami sitema náti newába a'lá neráka mápu abói machí a'lí mápu abói nokináli. 'Echi estaro newáma sikuela kíti tibuma sinéami;

**VIII.** Nóochami a kuírotami níima mápu iyéna cho si machí binói a'lí mápu ikí bamibalí nóocha. Sinéami anári nerárami níima, ayéna cho a'lá kuírotami níima mápu re 'echi binéli nóochasa biléana e'peréami,

**IX.** Nóochami a uméropa ku júula mápu a'lí a nirúlisa píri kítera a'lí a e'néka mápu riká aní nulalíwami.

A ku jularámi níisa pe chuwé a uméro chécho ku taa nóchali 'echoná a'lí ayéna cho ma a natétirami níima mápu ikí níisare, a'lí a'lá mápu riká níisa re.

Mápu a'lí éramí níisa nóochali ayéna cho árami níima natétiwami mápu ikí níisa re mápu riká aní nulalíwami.

**X.** Nóochami a uméro wikáka napawíka nimía échi riká ilása ka.

A uméro, 'echi riká cho, wikáka napawíka simíba nalí a'lá riwíika mápu riká aní nulalíwami, mápu yua ju wikaná nóochami napawíka, mápu riká aní jená osirúami;

**XI.** 'Echi segurirá sosiali a nokiméa mápu riká aní jená oselichi ne nokí suwába.

**a)** A natétipa suwé ikisáa, nayunisa: a'lí ropéami níisa; a'lí jubilasioni, ke umerosa nóocha a'lí mukusáa.

**b)** Suwé ikisáa a'lí nayunisa ma, a katéwirami níima nóochali mápu riká aní nulalíwami.

**c)** U'mukí mápu a'lí ropéami níisa ke tási betéami nóochama a'lí isábitami níima bilé mechá bacháriko jonsa má séebachí mápu a'lí nawáma taa a'lí 'echi riká níisa a'lí échi rika chó ké tási wíkawáma nóochali a'lí suwába rerécho mápu níwi echóna mápu o'ná nóocha. Mápu a'lí chí'íri taa a isábuma okuásá bilé rawé nasípa ora niráa siné, kíti chí'írima taa. A'lí ayéna cho a e'nérámi níima onáami kítera a'lí ayéna cho a kuírotami níima mápu ré a newalésa mápu oná tibukipa taa.

**d)** Suwába kúchowala a'lí upíla 'echi nóochami a uméro 'echoná cho a sí 'ówia a'lí naréa owáami, 'echi riká níisa ka a'lí mápu riká aní nulalíwami.

**e)** A newáma mápu oná isábuma nóochami, a'lí ayéna cho ralinéwaala mápu a raliméa nóochami a'lí kúchowala.

**f)** A uírotami níima nóochami mápu riká níwima bilé kalí mápu oná 'eperélima a nirúlisaka mápu 'echi riká nikúroma. Ayéna cho 'echi sitaro a newáma mápu a kuírotami níima nóochami mápu a uméroma níwia kalí, mápu aboni

perélima a'lí a'lá sébali karewéramí ayéna cho ma a uírotamí níima kíti a uméroma karéwia kalí ayéna cho ma a binói newáma kalí  
Sébali nikúrowami a'lá i'kítirami níima mápu tibúla 'echi nóochami kítera a'lá mápu riká aní nulalíwami a'lí mápu riká jú. Mápu riká nokiméa, a'lí mápu riká newáma, a'lí ayéna cho mápu riká níima.

**XII.** 'Echi najrórowami ibíli niráa, a'lí napawíka ayéna cho intersindikales a rikíripa'echí oná tribunal jererálchi màpu a karewiwa katúika japi aní nulalíwami.

Sébali màpu ke a'là katúi wéala jáwami jurisialchi Jereralchi a'lí japi 'echoná sí nochá kò karewitami níima Consejo de la Jurikatura Jereráli; japi chona ikí Suprema Korte de Justisia a'lí 'echí màpu sì nòocha a karèwitami níima jéna upáwala kitera.

**XIII.** 'Echí sontarsí, bawéchi éenami 'echi mápu nóochaa machina aye, agente del ministerio publiko, wemachiami. A'lí 'echí instituciones si nocháami polisia, nokiméa mápu aní aboni nulalíwala .

'Echi agentesi ministerio publiko wemachiami ali si nocháami institutionchi polisiachi Jererasionchi, 'echi Ristrito Jereralichi Estaro alí Munisipiochi, ku eráami nima nóochali ke nijiyasa japi rika ani nulalíwami mapu ali anuruumi ju sinibisi institutionchi, biléana cho jularami nisa ke 'alá nochasa japi rika 'isísare. Mapu re echí jawami juridisionchi karewisa mápu ku machi pàtami níima, biléana cho julàrami níima, machibùiru 'ali chuwè rikà ke re màa ke nirulisa piri kitera ku machi pàpa, 'echi Estaro a iwérali bì níima màpu natetima màpu natetisa bì re 'ali jarècho tanèwiwami mápu a nìwi rerecho, 'alía ke che ku omèroma bakía, chuko reká karèwili najòralachi mápu rekà nimili.

'Echi jáwami Jereràlichi, Estatali, Ristrito Jereráli, alí munisipali, 'echi reka 'isisa kití iwéríma sistema seguridad sosial 'echoná nóochami Ministerio Pùblico, a'lí mápu si ju polisialichi , a'lí mapu 'iki noocha perisialichi, a'lí abòi retèmuala a'lí mápu nelà ju karewima sistemachi mápu si nìiwima de segurida sosiali.

'Echi Estaro a 'ama échi bijì nóochami sontarisi, ropilanchi énami, sontarisi, tanèwiwami màpu aní 'echi osirùami f) fraksioni xi jéna rojanárami, mápu rikà aní chirikacho sí nóochami tibùami 'ech'ona segurida sosialchi mapu iki ju jéna institucioní.

**XIII bis.** 'Echi 'oná nirùami tibùliwami wenomì sinèami niwala jereráli mápu sí ju 'echi 'oná sitémachi bankariochi mesikano nijíma mápu reká nòocha abòi nòochami yùa màpu rekà anì jená rojanárami.

**XIV.** 'Echi nulalíwami animéa jèruka nalì a'là nòochasa ré. Pakótami mápu nòocha kanílika naréma tibúkiliwami 'echi natétilami a'lì a níwima mápu aliwa segurira sociali.

KICHÁO



**OSIRUA' MI 124.** Mapu oméroma nuláa ké nakíita'mi nísa konstitutionchi nócha'mi Jerera'lichi, mapu á tibúta'mi jú je'ná Estarochi.

**OSIRUA' MI 125.** Ké wési pakóta'mi ompama nóchaa nulá'a okúana kayámi Jerera'lichi chapiwáa'mi populari, ké bilé Jererasioni ni bilé Estarochi nísa ká chapiwáa'mi; mapu rewarára'mi jú omero chapía chú iyéri nochánalí.

**OSIRUA' MI 126.** Ké ompaba natétia ké a'lá i'kíita'mi nisa chú kípu ké ''echi riká anisáa nulalíwa'mi

**OSIRUA' MI 127.** Jena natetima ibili ba'mia'li niraa nima a'li muchuwaba echona japoná suwábama 'echi silia'mi gobierno anilia'mi ne katuwika mapu rika ani jémi bachámi.

I. jena natetiwa'mi echona sicho siro 'echi aguinaldo a'li 'echi jarécho winomí mapu chiliweiwa 'echi mapu we ala nocha'li we na'li mapure jareana mi eenasa nochaa 'echi ko a wanacho iyaba winomí.

II. ke bilé wesi mapu nocha 'echi weala jawa'a'mi túa oméroma mea wikabe mapu rika me 'echi bicidente

III. ke bilé wesi mapu nocha 'echi weala jawa'a'mi túa oméroma meo mapu iki kipi walúalawala mapu re a okua nocha'li olasaka a mema mapi iki me walúalawala wilia'mi we na'li be kepi tas icho oméroma mea mapuiki me 'echi bicidente mesiko nirua'mi

IV. tasi izaba 'echi winomí mapi nijiwa'mi micha niraa ba'mia'li niraa ma mapa re wikabe ba'mia'li nochasa 'echi Kobierno anilia'mi túa mapu re ke itelisaka echona nula'lieachi tasi bitibasa oselichi 'echi réwala mapu túa nocha'li 'echi weala jawa'a'mi.

V. 'echi natetiwa'mi a'li 'echi nochaala mapu nocha weala jawa'a'mi a machirua'mi nima 'echi pagota'mi kitera

VI. 'Echi konkreso mesiko nirua'mi a'li riputaro mapa nocha estarochi a'li mi jémi mesiko jona niwáma nulalíwa'mi kivi 'echinati kitera rikiripa mapu ke ala noka 'echi nocha'li.

**OSIRUA' MI 128.** sineá'mi nócha'mi público, ke chibi rika jare, ke chó wiliba mapi wilibama ré, nijiraníima 'échi mapu isima ruli tibua 'échi constitusioni a'lí 'échi tamólíwa'mi mapu 'échi oná bujani.

**OSIRUA' MI 129.** ke nekowaachi, ke wesi jawaá'mi sontarisi omero newaa ché mapu nokisáare mapi túa chea'mi jú mapi rika né nokisáare sontarisi. (Disciplina) pe nirulima bí comandancias né cho'nábi nócha'mi sontarisi a'lí sinibísí chi oná (castillos) kastiyo, iweera'mi a'lí muyea'mi né chea'mi milipi 'échi wilia'mi 'échi oná **unionchi**; a'lí **campamentochi**, mapu oná peré sontarisi mapu oná muchúwi alí, machi echí oná eperelachi, newámia kíti sinibísí 'échi oná napawina sontarisi.

**OSIRUA' MI 130.** ne sinewi mapu reka rija'lí chi Estarochi alí teyopa mapu aní chu reka nokiboa mapu reka machirúa'mi jú jipi Osirúanmi. 'échi teyopa kó alí jarécho napawika'mi wichikia'mi onorua'mi á nokiméa mapu reka ani tamólíwa'mi.

'échi konkresochi unionchi bi nuláma 'échi raicha'lí mapu reka nokaa'mi jú sinéa'mi alí teyopa kitera a'lí napawika wichiwiá'mi onorua'mi. 'échi tamólíwa'mi ania'mi chu reka nokiboa jena kitera, a níima tamó'a'mi pública, minábi ikisima alí ne alá rumea mapu reka nokiboa ché:

- a) 'échi teyopachi alí napawika wichiwiá'mi onorua'mi niwima machiwaa'mi júrídica mapu rika napawika bichiwiá'mi onorua'mi ma niwisa abói rigistro. 'échi tamólíwa'mi ku a'lá karewima je napawika'mi a'lí animea chu rika alí piri newaléliwa kíti bitibama rigistro **konstitutibo** 'échi bi kitera.
- b) 'échi jawaá'mi ko ke nikumema mapu reka noka 'échi napawika bichikia'mi onorua'mi;
- c) Sinea'mi mesiki sia'mi oméroma omawia chibi iyeri mapi bichiki. 'échi mesiko sia'mi ayena cho 'échi boo'náka bajonika sia'mi oméroma, 'échi kitera, nokaa mapu reka ani tamólíwa'mi;
- d) Ne mapu reka ani tamólíwa'mi chu reka nokiboa, 'échi **ministro**
- e) omawia'mi ke ompama nócha pakóta'mi kuira. Mapu reka pakóta'mi á oméroma botária, na'lí ke botarita'mi níima. Mapi pe relebejú 'échi **ministro** omawia'mi bacháriko alí mapu reka ani tamólíwa'mi, á botarita'mi níima.
- f) 'échi **ministro** ke ompama nímalá **politiko** ke bilé newaa nejowiwa'mi kuira a'lí sayeria bilé **kanrirato**, partiro kuira politiko jare. Ke cho ompama napawia pública, mapu reka nokiiro omawa wela ko nejowia onorua'mi bichikiwa'mi, ke bilécho wika ikiria 'échi onorua'mi titera, ke nejewisa tamólíwa'mi jémi paischi a'lí abói **institutionchi**, ke chibi anéa, chuwe rika, 'échi símbolo patrios.

Né ke nakiwia mapu napawima sinea'mi napawiliwa'mi **politika** kitera mapu reka niwisa bilé raicha'líwa'mi a'lí a nulera'mi chuwe machirúa'mi mapu jaré rusá mapi onorua'mi bichiwi. Ke ompaba omawa chi teyopachi ke napawia chi **pilitiko** kitera. Pe anisaa mapi bichiwa'lí animea a'lí né isima mapu reka nokisáare 'échi rikabi alá jú. Ne chea mapu newa, mapu re ke itelisa 'échi, 'échi rikiriwa'mi mapu kitira ani tamólíwa'mi. 'échi ministro omawa'mi, abói niwa'lá jawaa'mi, jawaa'mi, bachila, mapu túa napawili, 'échi mapu reka napawika wichiwi onorua'mi mapu 'échi sí jú, a né ke rewelipa bilé **testamento**, 'échi pakóta'mi mapi abói **ministro** nili kuirota'mi alewa naati a'lí ke niwisa retema'lá mapi reka usuchuwa'lá umua'lá.

Mapu reka nokiwa 'échi Estaro sibili 'échi pakóta'mi abela né 'échi níima mapu sayerima 'échi jawaa'mi mapu winomí tibúa'mi jú né mapu reka ani tamólíwa'mi, a niwima iwerawa'mi a'lí natéa'mi mapu abói ama.

'échi jáwa'mi jerera'lí, 'échi estarochi a'lí minicipiochi niwima jena raicha'lí tamóa'mi a'lí mapu reka nikuroma mapu animea 'échi tamólíwa'mi.

**OSIRUA'MI 131.** 'échi tamólíwa'mi jú ke nakiwa'mi jererationchi moá 'échi ra'línnewawa'mi mapu semerowa a'lí moáliwa, mapu simaro bow'échi jémi omána kawichí nirua'mi, mapu reka tamólíwa sinibísí alí ke nakia, kiti ke namu ikiboa a'lí 'échi polisia, enawa'mi machi republica suwába namúti kitera, chu ko ré mapu o'ná jóonса inarame ké; mapu ke 'échi fererationchi oméroma newaa, ke bilé ania, 'échi Ristrito Jereral, 'échi boeliwa'mi a'lí tamólíwa'mi mapu reka ani rojanara'mi VI alí VII Osirua'mi 117.

'échi ejecutivo níima mapu nakipa 'échi konkreso napawika'mi kiti miywima, okua newaa a'lí ke me taa boeliwa'mi 'échi semerowa'mi bujana'lía'mi namúti, nijira'mi kitera 'échi konkreso, a'lí checho jare newaa, alí mapi reka chewia alí ke nakia semerowa'mi, 'échi bujana'lúa'mi a'lí semerowa'mi ra'línnewawa'mi, namúti alí jarécho, jiyawiti newalésa, mapu kitera ku a'lá newama ra'línnewawa'mi machina, 'échi ra'línnewawa'mi jémi paischi. Binoi tibua'mi Ejecutivo júlúa konkresochi **presupuesto** fiska'lí sinibísí ba'miba'lí, sinibísí animea mapu á katui mapu néeba mapu á nijira'mi jú.

**OSIRUA'MI 132.** Mapu ona katewilia suwába namuti mapu niji 'echi walúala wilia'mi gobierno anilia'mi mapu iyaba sinea'mi pakóta'mi ne nokiméa mapu rika ani walúala wilia'mi jerera'lí mapu rika nula 'echio nulalíwa'mi mapu bujanama konkresochi nochaa'mi a'lí kiti 'echirikacho nima eche jarécho mapu niwisima 'echi we'e biléana estaro a'lí ne jiwerili nima kivi ricensia nijíma 'echi nulalíwa'mi niwaa'mi.

**OSIRUA' MI 133.** jena constitución 'echi nulalíwa'mi mapu machiina echona konkresochi jona suwába katuwira'mi ju mapu ne a chirika ela mapu chirika nokiiru a'li kivi 'echirika nokirua'mi nima 'echi bicidente mesiko nirua'mi mapu a katuwili 'echi senado 'echi nulalíwa'mi suprema niraan nima omaana konkresochi, 'echi oyeria'mi ibili estaro karewima 'echi constitucióni nulalíwa'mi a'li katuwira'mi chico re nirui jare mapu ke katuwia'mi ju mapu omerona nirua 'echina constitucióni nula'liwqmi ma estarichi.

**OSIRUA' MI 134.** 'echi winomí mapu alama 'echi federación 'echi estaro municipio ristrito jerera'li a'li 'echi

'echi pakóta'mi mapu político ju 'echi mapu tibuka nokaa'mi ju kumi jina anawima 'echi we'e ala machika tibupa 'echi ne ala machina newariwelisa re chirika suwabilia suwába namuti ne ala bichiwaka nokaka kivi ne ala niraan kayenama mapu rika anirua'mi nili.

'echi mapu rika machiina'li 'echi nokiwa'a'mi 'echi winomí kitera a inera'mi nimi kipi winomí ripi jena ko nokimeo mapu we machia'mi ju nokaya jena 'echi jerera'li 'echi estaro ristrito jerera'li kíti nijiba 'echi winomí katuwika mapu iki suwabipa 'echirika mapu rika ani 'echi bachá parrafo ke bilé risoa oyolika mapu rika aniiuru echona oserua'mi 74 fraccion VI a'li 79

'echi mapu ra'lina'liwa a'li ra'lineiliwa chuwe ra'lineipa a'li aneka sinea'mi pakóta'mi kíti animea acha katuwia mapu aniiuru osiboa biléana oselichi a'li bachába sobr'echi a la erika a'libiche che sine cho ko irapipa riwirika wika pakóta'mi kíti 'echi estaro a oméroma ralaya mapu ke me natea'mi ju a'li a'li ne alaala mapu oméroma nijia winomí kíti nirulima nochá'li.

Mapu a'li ra'ichaka anixa mapu re ke ala nisa 'echi estaro kitera kíti oméroma ralaya ke me natea'mi 'echi nulalíwa'mi animea chirika nokiboa 'echi namuti a'li mapu newaléliwa echona estaro.

'echi mapu noka nochá'li 'echi winomí kitera mesiko nirua'mi a'li ayenacho 'echi estaro. Municipio.Ristrito Jerera'li a'li 'echi pakóta'mi mapu político ju a nijewima mapu ani jana oserua'mi a'li nulalíwa'mi a'li mapu ineba ceeeeehirika suwabilia 'echi winomí a'li chi ikipi ripi jena ko nokiméa 'echi pakóta'mi mesiko pirea'mi.

'echi pakóta'mi mapu nochaa'mi weala jawa'a'mi túa 'echi nokiméa kíti ne ala niraan nokiboa 'echi nochá'li 'echi mapu ma aniiuru katuwika mapu rika ani 'echi titulo cuarto jena constitucioni kitera.

‘echi mapu nochaa’mi ju Jereracionichi a’li municipio ‘echirika mapu rika Ristrito Jereracioni a’li kipi oficinawala ma sinibí nochasare ‘echi winomí kitera mapu iyara’mi ju a’li ‘echi mapu nokiboa tasi wesi ‘echi mapu ‘echi político ku’irosare.

‘echi weala jawaá’mi mapu nocha oficinachi a’li chuwe oficina ‘echi a sicho nocha weala jawaá’mi túa mapu niwaa’mi ju nulalíwa’mi a’li ‘echi mapu ala ania’mi ju chirika bineripa pakóta’mi a’li anika nokiméa chirika oméroma kiti we ala niraa nima mapu owipa ‘echi pakóta’mi tasi risencia nima kiti uchuchaba ‘echi rewalá tasi bilé machi awapa cho ‘echi pakóta’mi kiti ineraa’mi nima ‘echi mapu nochaa’mi ju weala jawaá’mi túa.

‘echi nulalíwa’mi animea kiti ne ala niraa nochaba mapu rika aniiru echona okua parrafochi a’li ayenacho ‘echi rikiriwa’mi mapu nijiba.



BACHÁ OSIRÚAMI OSÁNAYO

Échi rejorma nirúami konstitutionichi



**OSIRUAMI 135.** Jena kuliwa'mi constitución asi wichara'mi nima a'li a chakena awasia jare. kíti chopirika nima, abela nisare mapu 'echi konkreso de la unión abotarisare 'echi okona bikináta'mi 'echi pakóta'mi mapu echo na a napawila, mapu rika a katuwi 'echi wicchuichira'mi a'li chakena wasira'mi a'li jena ko anakirua'mi nima 'echi legislaturas 'echi estaro.

'echi konkreso de la unión, aniwáma bilé computo 'echi botariala legislaturas a'li rua mapu aniyurili wilia'mi ka.



BACHÁ OSIRÚAMI KIMAKÓI

Ke nakulíwiwami 'echi konstitusioni



**OSIRUAMI 136.** Bachá jena costitucióni ko ke wikawima iwerili a'li vigor, tako ajare mapu ritiwa a cha aney. Tako ajare eénasa 'echimi ayeé rikaachi, a'li awilasa bilé silia'mi ke ala niraa nochaa'mi mapu rika nisare arikirita'mi nima a'li wesapu aku niyusa 'echi pechuye, atibuta'mi nama, a'li akatuika abói a'li 'echi nulalíwa'mi 'echirika nulasa, arikirita'mi nima, mapu mayeli ko silia'mi asi napawisa 'echi chanoka'mi túa.



**GLOSARIO DE TÉRMINOS JURÍDICOS  
EMPLEADOS EN LA TRADUCCIÓN DE LA  
CONSTITUCIÓN POLÍTICA DE LOS ESTADOS  
UNIDOS MEXICANOS**

TARAHUMARA DEL NORTE



## A

**Acceder.** omeráa nawayá:

**Administrativo.** wenomí tibúame.

**Analogía.** chikócho iyíriti “échi oyerá-me ké uméroma rikíria chikócho iyíriti neráa

**Arraigo.** Japua'lí rikíriwa “araigo” kítera pagótami ké uméro ma'chíina bitichí jónisa, ké re má uméro póbola-chi ma'chíina, ké tási riséensia chó jú má'chíina biléana chó póbolachi.

**Ascendientes.** e'wénowala

**Autoridad.** wéala jáwame

## B

**Bagaje.** suwába namúti mapu néwaré, a'lí ko jápi olá

## C

**Cateo.** amíwame

**Civil.** Sibíli, sébali mapu abóni natuwíka noká (todo lo que la gente acuerda), mapu ké sí jú wéala jáwame. O'lí neráa “civil” anilíame

**Coadyuvar.** nikúuru, ku'íiri

**Competente.** kompiténti. Glosario:

**Compurgar.** natéti; rikí

**D**

**Defensor.** nikúrame

**Defensor de oficio.** ojísio nikúrame

**Delito.** karúame isiwáme

**Derogar.** 'éa jiwérala bilé nulalíwame

**E**

**Egreso.** bujásíame wenomí

**Esparcimiento.** re'ekíame

**Expedito.** wé jiyáwika isimíwame

**F**

**Fehaciente.** né ga'lá ma'chiná néwaré

**Fiscal (persona).** nokísiwame tibúame;  
piskáli

**Fiscal (adjetivo).** bujéame

**G**

**Guerra.** wa'lú nakówame; géra; kéra

**I**

**Imparcial.** ké parsiali. Mapu ké bilé  
wési ku'íriame jú

**Imprescriptible.** ké wési omerúma  
‘níwia weká rawéwali simárisa: “échi  
Hidalgo kampánala ké wési omerúma  
‘níwia weká rawéwali simárisa”

**Inalienable.** ké wési omerúma ‘níwia:  
“échi kampana Hidalgo ‘níwala ké  
wési omerúma ‘níwia”

**Ingreso.** moísiamen wenomí

## J

**Judicial.** oyeríame

**Juez.** oyeráme

**Jurisdicción.** juririsióni. we’é mapugo-ná bí nulásare wa'lúala wilíame. Jaré karúame nokiwáame jáwame jémi kawí Bakóchi Chiwawa muchuwame karéwima. A'lí karúame wé jilí níisa, á karéwima jáwame ka'emi Mésiko muchuwame.

## L

**Legislar.** nulalíwame newayá

**Ley marcial.** nulalíwame wa'lú nakówachi

## M

**Medida.** nuleráme

**Mercantil.** ra'láame a'lí ra'linéwame

**Ministerio público.** Ministerio público: si'néame mapu napabú ra'ichali, a'lí oselí, a'lí sébali namúti Mapu kitera karúame nokíiru; nocháa napabúa suwába namúti mapu 'náti karúa nokíiru.

## N

**Normar.** uchayá (bilé) nulalíwame

## O

**Oficio.** ojísio. échi nulalíwame ani jepuká nikúroma; nulalíwame kítera anirúame jú.

## P

**Precautorias.** ka'lá tibúluwame kite ké suwé regá ikiméa

**Prever.** ga'lá sayéeka, a'lá sayéeame

**Prorrogar.** ché pé 'á wi'límina rawé

**Providencia.** nulérame ga'lá ti-búluwame gíté ké suwéregá ikiméa

**Puramente.** pé 'échi bí

## R

**Reinsertar.** kú bitélima (pagótame)

**S**

**Sentencia.** rikíriwame

**Sentenciado.** rikírirame

**Sistema.** sitéma. napawíka nokiwáame suwába namúti kíte ga'lá káyénima, 'echi ra'íchali 'olí neráa "sistema" jú.

**Social.** sosiali. su'wába namuti, mapu napawíka nokiwá biléana póbolachi.

**Sustraer.** éeliwa

**T**

**Técnicas.** téenika. mapuregá nokiwáame, O'lí neráa "técnica" anilíame jú.

**Tipificar.** ga'lá machiná neráa aniwáame mapú karúame ju.

KOSTITUSIONI MAPU ONÁ UCHÚWI OSIRUA SÉBALI NULALÍWAMI MAPU NIRÚ JEMI KAWÍ MÉSIKO

CONSTITUCIÓN POLÍTICA DE LOS ESTADOS UNIDOS MEXICANOS

EN TARAHUMARA DEL NORTE

Se terminó de imprimir en los talleres de Imprenta SGAMS,

1ra cda. de San Andrés Tetepilco núm. 6, col. San Andrés Tetepilco,

Deleg. Iztapalapa, C.P. 09440, México D.F., en el mes  
de diciembre de 2012, con un tiro de 1 000 ejemplares.

En la edición se utilizó papel bond ahuesado de 90 g para  
los interiores y cartulina couché de 210 g para los  
forros; en la composición del texto se utilizó  
la familia Scala Regular.